

## Jesucristo Pia Pexeinya Diwesi Jume Tatsi Mateo Petinae Diwesi

*Meje yabara pomonae Jesucristo pia pamo susatopiwi tatsi  
(Lc 3.23-38)*

<sup>1</sup> Meje barapo diwese Jesucristo pia pamo susatopiwi tatsi yabara. Jesucristo pon Nacom itoroba itaboco wet-sica xua jiwi pecapanenebiyaenexatsi. Bapon Abraham pia pemomoxi susato jiwanapin tatsi. Barapon Abraham pon bayatha caena tupa, pon copiya naebopa po cae pin nacuaatha xua israelmonae pomonae judiomonaexae beya pinmonae tsoponae. Matautano Jesucristo David pia pemomoxi susato jiwanapin tatsi. Barapon David pon bayatha caena tupa, pon caena bayatha Israel nacuapiwi itorobiya pia pepa peewatsinchi.

<sup>2</sup> Abraham Isaac paxa tatsi. Bapon Isaac Jacob paxa tatsi. Bapon Jacob, Judá paxa tatsi yawa Judá peweicho jiwi, bapontha cae axaba. <sup>3</sup> Bapon Judá Fares iru Zara paxa tatsi. Tamar Fares pena tatsi iru Zara pena tatsi. Bapon Fares Esrom paxa tatsi. Bapon Esrom Aram paxa tatsi. <sup>4</sup> Bapon Aram Aminadab paxa tatsi. Bapon Aminadab Naasón paxa tatsi. Bapon Naasón Salmón paxa tatsi. <sup>5</sup> Bapon Salmón Booz paxa tatsi. Booz pena tatsi pewun Rahab. Bapon Booz Obed paxa tatsi. Obed pena tatsi pewun Rut. Bapon Obed Isaí paxa tatsi. <sup>6</sup> Bapon Isaí David paxa tatsi, po David caena bayatha Israel nacua-monae itorobiya pia pepa peewatsinchi. Matautano David pexanto tatsi pewun Salomón. Bapon Salomón pena tatsi pewun Betsabé, powa copiya bayatha Urías xeina.

<sup>7</sup> Bapon Salomón Roboam paxa tatsi. Bapon Roboam Abías paxa tatsi. Bapon Abías Asa paxa tatsi. <sup>8</sup> Bapon

Asa Josafat paxa tatsi. Bapon Josafat Joram paxa tatsi. Bapon Joram Uzías paxa tatsi. <sup>9</sup> Bapon Uzías Jotam paxa tatsi. Bapon Jotam Acaz paxa tatsi. Bapon Acaz Ezequías paxa tatsi. <sup>10</sup> Bapon Ezequías Manasés paxa tatsi. Bapon Manasés Amón paxa tatsi. Bapon Amón Josías paxa tatsi. <sup>11</sup> Bapon Josías Jeconías paxa tatsi, iru Jeconías peweicho jiwi bapontha cae axaba. Bapon Jeconías poxonae israelmonae teicaeya capoinchi Babilonia nacua beya, barapo jinaebotha Jeconías naexana epatotha.

<sup>12</sup> Bapoxonae pirapae Jeconías tanaexanatsi pexanto Babilonia nacuatha. Jeconías Salatiel paxa tatsi. Bapon Salatiel Zorobabel paxa tatsi. <sup>13</sup> Bapon Zorobabel Abiud paxa tatsi. Bapon Abiud Eliaquim paxa tatsi. Bapon Eliaquim Azor paxa tatsi. <sup>14</sup> Bapon Azor Sadoc paxa tatsi. Bapon Sadoc Aquim paxa tatsi. Bapon Aquim Eliud paxa tatsi. <sup>15</sup> Bapon Eliud Eleazar paxa tatsi. Bapon Eleazar Matán paxa tatsi. Bapon Matán Jacob paxa tatsi. <sup>16</sup> Bapon Jacob José paxa tatsi. Bapon José piowa tatsi pewun María. Barapowa María Jesús pena tatsi. Bapon Jesús icha wun wun dutatsi, po wun “Mesías”, jei, po wun xua jei: “Pon Nacom itoroba itaboco wetsica xua jiwi pecapanenebiyaenexa tsainchi”, jei.

<sup>17</sup> Abraham pia xainya weya tatsi trece poyobe pebiwi naexana xua Abraham muxunano daxota daxita catorce poyobe naexana, beya pu ducua poxonae David naexana. Bapon iru Salomón pia xainya weya tatsi trece poyobe pebiwi naexana xua Salomón muxunano daxota daxita catorce poyobe pebiwi naexana beya pu ducua poxonae Israel nacuamonae teicaeya capoinchi Babilonia nacua beya, beya pu ducua poxonae Jeconías naexana. Salatiel pia xainya weya tatsi trece poyobe pebiwi naexanapona xua Jeconías muxunano. Daxota daxita catorce poyobe naexana, beya pu ducua poxonae Mesías naexana.

*Meje yabara poxonae Jesucristo nowaeuncua pebin wuto barapo cae pin nacuathe*

*(Lc 2.1-7)*

<sup>18</sup> Poxonae Jesucristo naexana bara iche: María Jesucristo pena tatsi, poxonae bapowa muxu pepichi pecotsiwa pon pewun José, poxonae abũ cataunxuae jopa perũ nacoyabiyo, bapoxonae María pexuyo bũpana taecatsi. Barapo pexuyõ Nacom pia Pejumope tũnaxũ tatsi María tsiperũ weeca exanatsi. Barapo pexuyo pewun Jesús. <sup>19</sup> José, María pia pebin tatsi tsane, poxonae pichina pon pejuũtũ coyene xanepanaein. Daxota bapon José, María jopa beyabara paebichi xua catsa pexuyo pecapoponaexae xua bũpana taecatsi xua María aura peexanaenexa tsainchi jiwi peitũtha tatsi. Bapoxonae José namicha moyiya najũntũ cui coyene baraxuba xua jopa pepichiwa tsane, xua jiwi jopa cataunxuae pecui yabara yaputaenexa. <sup>20</sup> Poxonae came cataunxuae baxua yabara nanta xeina, José maituncuataba. Bapoxonae José amachinae tsita naitũtatsi matatsunpin po matatsunpin Nacom itoroba. Matatsunpin namchiya jeye: “José, David pia pemomoxi susato jiwana pin tatsim, jopa junuwinde xua nepichiwa tsane María xua jinseuri neexanaewa tsane. Tsipei barapo pexuyo, po pexuyo naexanaena, apara Nacom pia Pejumope tũnaxũ tatsi pia pexuyo tatsi. <sup>21</sup> Bapowa tanaexanaeinchi pexanto. Bapon wũn dutsiname, po wũn ‘Jesús’, jei. Barapo wũn, wũn dutsiname tsipei bapon pijimonaecapanepaena xua abe pia peexanae cuiru coyenein weya tatsi, xua daxota Nacom jopa petsitanexatsi xua barapomonaepexeinaewa penatsicuentisiwa”, jei matatsunpin.

<sup>22</sup> Daxita baraxua exana penacui yabara jume wetsinexa pocotsiwa bayatha Nacom pia peitorobi jume pepaebin caena bayatha yabara tsiwũnae muxu duta Nacom nexa,

xua jeye:

<sup>23</sup> “Matha taema, yabũyo pexuyo bũpana taecatsi  
powa jopa perũ nacoŷabiyo pebin.

Yawa tanaexanatsi pexanto, po pexuyo wũn  
dutatsi, po wũn ‘Emanuel’, jei”,

jei Nacom pia peitorobi jume pepaebin.

(Barapo wũn jei: “Nacom naca barũ popona”, jei.)

<sup>24</sup> Poxonae José nacosataxuba, bapon exana pocotsiwa  
matatsunpin itoroba po matatsunpin Nacom itoroba. José  
María pitatsi. <sup>25</sup> Bequein cae botha nabarũ poponabe  
daichitha jopa came imoxoyo naperũ cuicuinaeyobe beŷa  
poxonae pexanto tanaexanatsi. José pexuyo wũn duta, po  
wũn “Jesús”, jei.

## 2

*Meje yabara poxonae pomonae opitei pecayabara*  
wũnae yaputaewi barapomonae Jesús siwa poinchi xua  
petaenexatsi

<sup>1</sup> Jesús naexana Belén tomaratha, Judea nacuatha.  
Barapoxonaerũ Herodes pon Judea nacuapiwi pia  
peyanacua ewatsinchi popona barapo Judea nacuatha.  
Poxonae Jesús naexana pebiwi pata Jerusalén tomaratha.  
Barapomonae opitei pecayabara wũnae yaputaewi.  
Barapomonae pia tomara tajũ taenatsi ichaxota  
pocotsiwa xometo weecoina. <sup>2</sup> Barapomonae ichawa  
beŷa yayainyaba tsiniya, jeye:

—¿Exota naexana pexuyo, po pexuyo judiomonae  
itorobiya pia pepa peewatsinchi exanaeinchi poxonae  
pinyo tsane? Paxan payaputan xua bapon naexana xote  
tsipei bapon pia opiteito tatsi panaitomatsiya punaenapo-  
nan pata nacua werena, po nacuatha ichaxota pocotsiwa  
xometo weecoina. Papatan xua pata wũnae jainchiwa  
tsane barapo pexuyo, jei.

<sup>3</sup> Herodes, pon Judea nacuapiwi pia peyanacua ewatsinchi poxonaē bapon yabara jume tane xua ichun naexana pon jiwi itorobiya pia pepa peewatsinchi, bapoxonaē bapon bichocono unthuthu deideijeī Iruru Jerusalén tomarapiwino daxita bichocono unthuthu deideijeī pejume taexae baxua. <sup>4</sup> Nexata Herodes waba sacerdotemonae pia pentacaponae wi tatsi xua pia petanacaetutsinexa tsainchi pia botha. Matautano wabano pomonaē jiwi pecuidubiwi Moisés pia peitorobi coyenewa tatsi. Daxita barapomonaetha Herodes yainyaba, jeye:

—¿Exota naexanaena Mesías, pon bepa pinae Nacom itorobei? jei Herodes.

<sup>5</sup> Barapomonaē jume nota, jeye:

—Bapon naexanaena Belén tomaratha, po tomara Judea nacuatha eca. Bapon naexanaena barapo tomaratha, tsipei Nacom pia peitorobi jume pepaēbin caena bayatha tsiwunaeya yabara muxu dutsiya tina xua Mesías yabara, Nacom nexa. Nacom jeye:

<sup>6</sup> ‘Belén tomara bequein po tomariyo tsiqi tomariyo jiwana tomara xua Judea nacuatha, daichitha Judea nacia pentacaponae wi yabara nanta xeinaena xua Belén tomara peinya cui tomariyo tsane.

Baxua nanta xeinaena tsipei barapo tomariyotha naexanaena, pon jiwi pia Pecanamataxeinaeinchi tatsi. Xan Nacom bapon itorobin tamonaetha, pomonaē Israel nacuapiwixae, xua bapon barapo israelmonae itorobiya pia pepa Peewatsinchi tsainchi’, jei Nacom, xua Nacom tatinatsi pon Nacom peitorobi jume pepaēbin, jei sacerdotemonae iru pomonaē jiwi pecuidubiwi Moisés pia peitorobi coyenewa tatsi.

<sup>7</sup> Nexata Herodes namicha moyiya waba pomonae opitei pecayabara wūnae yaputaewi. Herodes yainyaba barapomonaetha: “¿Eta poxonae yatsicaewa barapo opiteito paca tsita naituta?” jei bapon. <sup>8</sup> Poxonae barapomonaе jume nota bapontha bapoxonae Herodes itoroba barapo pebiwi Belén tomara beya. Herodes jeye barapomonaetha:

—Paponare Belén tomara beya. Beta xanepanaya pajaire barapo pexuyo. Poxonae pataebiname barapo pexuyo, nexata pana netsipaebare, tsipei xan iru ponaein wūnae tajainchinexa tsaneru barapo pexuyo, jei Herodes.

<sup>9</sup> Poxonae Herodes najume weta, barapo pebiwi bara ponarucupa, pomonae opitei pecayabara wūnae yaputaewi. Bapoxonae po opiteito bayatha tane pia nacuatha, barapo opiteito jemeicha caewa naitutaba. Yawa barapomonaе matacapoinchi. Barapo opiteito ducuapona beya matapainya matatsun ducuatabica ichaxota barapo pexuyo boca. <sup>10</sup> Poxonae barapo pebiwi tane barapo opiteito, barapo pebiwi bichocono juntu coyene weiweina. <sup>11</sup> Barapomonaе bo jojoniya ichaxota tane barapo pexuyo xua pena baru ecatsi, barapowa María. Bapoxonae barapo pebiwi pentabocontha ena xua barapo pexuyo wūnae pejainchinexa tsainchi, tsipei barapoyo pon Pecanamataxeinaein peexanaexae tsainchi poxonae pinyo tsane. Bapoxonae barapomonaе piawan coibo isacapenta xua cajjinca. Barapo pexuyo catsibatsi xuan pocotsiwa pewun oro nain. Catsibatsino xua pocotsiwa pewun incienso xua pocotsiwa tuxusi tuxuei benata poxonae tauta exana. Matautano muxuna catsibatsi icha petuxueiwa pocotsiwa pewun mirra xua pocotsiwa anaincuito. <sup>12</sup> Bapoxonae pirapae barapo pebiwi maitumenaeya amachinae xua jopa bewa equeicha patsi tsane ichaxota Herodes eca. Daxota barapomonaе

pia nacua be-iyiya, icha namto iyiya.

*Meje yabara poxonaē Jesusbarū* panenebiya Egipto nacua beya

<sup>13</sup> Poxonaē barapo pebiwi ponarūcūpa bapoxonaē Nacom itoroba matatsunpin Josetha. Matatsunpin tsita naitūta poxonaē José amachinaē. Matatsunpin José baraichi, jeye: “Asiya uncuare. Pexuyo pire yawa coxiwano. Egipto nacua bebarū naetsiriwiyama. Ecare barapo nacuatha, beya abū poxonaē equeicha catsipaebinchi baxota. Tsipei Herodes pexuyo jeitsina pebexubinexa tsainchi pexuyo”, jeichichi José matatsunpin.

<sup>14</sup> Poxonaē cataunxuae merawi, José nacosataxuba. José pexuyo pita, yawano José pita yabūyo María xua pexuyo pena tatsi. Daxita barapoyobe warapa Egipto nacua beya poxonaē cataunxuae quirei tsuncuae. <sup>15</sup> Barapo nacuatha, Egipto nacuatha, barapoyobe ecabe beya poxonaē juinya Herodes tūpa. Baxua José cana exanatsi xua bayatha Nacom pia peitorobi jume pepaebin petsiwūnaē yabara paebixae Nacom nexa xua jeye: “Waban Taxanto Egipto nacua weya”, jei Nacom pon pia peitorobi jume pepaebin Nacom nexa pon jiwi Pecanamataxeinaeinchi.

*Meje yabara poxonaē Herodes itoroba, ichamonae itorobatsi xua pejutebinexatsi pexui*

<sup>16</sup> Poxonaē Herodes yaputane xua pomonaē opitei pecayabara wūnaē yaputaewi muxujainyabiya tsipaeba bapontha xua itara patapaeba, bapoxonaē Herodes anaya bichocono anaepana. Nexata bapon itoroba, ichamonae itorobatsi xua pejutebinexatsi daxita pexui pebiwi wūtixi, po pexui cataunxuae pencuetixi, po pencuetixi cataunxuae jopa yapu othopaeyo dos po weibe, irū po pexui xua bayatha yapu othopa dos po weibe. Barapon Herodes itoroba xua pejutebinexatsi barapo pexui pebiwi wūtixi

daxita poxi Belén tomara cuariya beya. Herodes baxua exana yaitama bayatha pomonae opitei pecayabara wuna yaputaewi yopita xua pinae tane pexuyo pia opiteito tatsi barapo dos po weibetha poxonae peputha taponae, opiteito peputha tatsi xua jinaebotha, poxonae Judea nacua beya pona. <sup>17</sup> Baxua Herodes cana cui wetsiya exanatsi, xua bayatha Jeremías pon Nacom pia peitorobi jume pepaebin petsiwanae yabara paebixae, xua jeye:

<sup>18</sup> “Jume tan xua wecoyei Ramá tomaratha,  
po tomara eca imoxoyo Belén tomaratha.  
Powa xua wecoyei, bapowa Raquel,  
powa bayatha tupa.

Bapowa Raquel pia pemomoxi susatopiwi siwa wecoyei, tsipei daxita tajutebatsi.  
Barapowa jopa naitawanae copatsiyo tsipei pexui bayatha werapa bequein ichamonae jume matawenta”, jei Jeremías.

<sup>19</sup> Herodes bapoxonae pirapae tupa. Bapoxonae matatsunpin pon Nacom itoroba, José tsita naitutatsi poxonae José amachinae Egipto nacuatha. Matatsunpin jeye Josetha: <sup>20</sup> “Natsixitabare. Pire barapo pexuyo yawa coxiwa María, pexuyo pena tatsi. Israel nacua beya caibe nawiya. Tsipei bayatha werapa pomonae ichichipa xua barapo pexuyo pebexubiwatsi”, jei matatsunpin.

<sup>21</sup> Bapoxonae José natsixitaba. José pita pexuyo yawa coxiwa. Israel nacua beya caibe nawiya. <sup>22</sup> José jume tane xua juinya pinae Arquelao naexana Judea nacuapiwi pia peyanacua ewatsin tatsi. Arquelao Herodes pexanto tatsi. Arquelao xuya peyanacua ewatsin naexana ichaxota bayatha coxiyan peyanacua ewatsin naexana bapon Herodes. Tsipei Arquelao eca Judea nacuatha daxota José junuwa xua peponaewa barapo nacuatha. Daxota José pona



Galilea nacua beya, tsipei poxonae amachinae matatsunpin itoroba xua bewa pinae ponaena barapo nacuatha. <sup>23</sup> Poxonae José patopa barapo nacuatha, bapoxonae popona po tomaratha, po tomara pewun Nazaret tomara. Baxua José cana cui wetsiya exanatsi, xua bayatha Nacom pia peitorobi jume pepaebiwi Jesús cayabara tsiwuna muxu dutsiya jeye: “Bapon wun dutinchi po wun jei: ‘Nazaret tomarapin’, jei”, jei barapo Nacom pia peitorobi jume pepaebiwi.

### 3

*Meje yabara poxonae Juan, pon Pebautisabin jiwi, cuiduba ira xuepana susato tsurucuae nacuatha*

*(Mr 1.1-8; Lc 3.1-9, 15-17; Jn 1.19-28)*

<sup>1</sup> Pirapae poxonae ainya wei yapucaewa, poxonae abu cataunxuae Jesús eca Nazaret tomaratha, bapoxonae Juan pon jiwi Pebautisabin patopa ira xuepana susato tsurucuae nacua beya xua Judea nacuatha. Bapon Juan Nacom Pejume Diwesi paeba ducuaenaebiya. <sup>2</sup> Juan namchi: “¡Icha juntu coyene paxeinare Nacomtha painya neauraxae xua abe paexaname! Tsipei Nacom paca waba painya ne-naexanaenexa piamonae tatsi jiwana pomonae Nacom itorobiya peewatsixae”, jei Juan.

<sup>3</sup> Barapo Juan अपरा bapon pon caena bayatha peyabara tinaexaetsi. Isaías pon Nacom pia peitorobi jume pepaebin, bapon caena bayatha yabara jume wunaeya tina, xua caena bayatha Juan yabara jume wunaeya tinatsi. Isaías jeye:

“Jume tan pon wawai ira xuepana susato tsurucuae nacuatha.

Bapon wawaya jeye: ‘Patsi najuntu cui coyene wunaere pon jiwi pia pepa

Pecanamataxeinaeinchi pia pepatopae wunaeya tsane’,

jei pon wawai”, jei Isaías petinae diwesitha.

<sup>4</sup> Juan jumaina duwein nabocoto, po duwein pewun camello. Coreinya bocoto maraina. Juan xane pocotsiwan yapupuna, pocotsiwan be sure, matautano bana daebano. <sup>5</sup> Jiwi pata Jerusalén tomara weya, iruru pata xua daxita tomaranpiwi xua Judea nacua weya, iruru pata po tomaranpiwi xua imoxoyo Jordán mene weya. Barapomonae pata Juan pejume taenexatsi. <sup>6</sup> Poxonae barapomonae nayopita Nacomtha xua bepa pinae Nacom tsita auratsi, xua abe peexanaexae, barapoxonae Juan bautisaba barapomonae Jordán mentha.

<sup>7</sup> Ichitha poxonae Juan tane xua nawita pata fariseomonae jiwana iruru xua saduceomonae jiwana pata ichaxota Juan bautisaba, Juan jeye barapomonaetha: “¡Paxam pomonae pemuxuitorobi jiwi pam! ¡Paxam be bara jomomonae pam, tsipei jomo ba cuitaya ducupa nawa! Bara paichim anoxuae, paichichipame Nacom pacuitaya ducupame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntu coyene xanepanaem Nacomtha. <sup>8-9</sup> Xaniwaicha pajinompare xain ichamonae paca cui tane, xua icha juntu coyene painya nexainaewa Nacomtha xua painya neauraxae xua abe paexaname. Tsipei bequein paxam pajam: ‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowuntsim Nacom. Daxota Nacom itacupatsi xua paca cui matawenta pia jopa paca nepaca capanenebiyaenexa tsane. Matautano barichino Nacom itacupatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi fatsi, pomonae pejume cowuntsiwixaetsi

Nacom. <sup>10</sup> Poxonae pebin naein ũba sipari ba canacui wũaeta xua pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca jũta ichiya paca cana exanaena. Nacom paca yabara nacui wũaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata exanaem. <sup>11</sup> Xan xaniwaicha paca bautisabatsi meratha painya neauraxae xua abe paexaname xua daxota icha jũntũ coyene painya nexeiñawa tsane Nacomtha. Paca bautisabatsi meratha, ichitha nama pon tsiwanaya patopan, apara bapon Mesías. Bapon paca bautisabina Nacom pia Pejumope tũnaxũtha tatsi poxonae Nacom paca najumope catsibina. Bapon paca jiwana cui copatsinchi xua atene tsane Cristo pejume cowũntsixaetsi xua ichamonae atene exanaena. Bapon bichocono peayapusũ itorobi coyenewa xeina beyacaincha xan. Bapon pon jiwĩ pia Pecanamataxeinaeinchi. Daxota bapon bichocono tsita pin ura xeinan xua tataxu mũ isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae wi poxonae barũ cui itura jina pia pentacaponae wi. <sup>12</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona trigo xu matabohta. Matapepe jehebapona petautsinexa isototha, ichaxota po isoto jopa cuinaya itacounayiyo. Bapon bara jũta cana ichi tsane jiwitha icha trigo xu cana ichiya ichi. Jiwi Nacom tsana nobina pomonae pejume cowũntsixaetsi pia nacuatha nexa. Ichamonae tsana nobinchi pomonae jopa pejume cowũntsiwichi, petautsinexa isototha ichaxota xua jopa itacounayiyo”, jei Juan.

*Meje yabara poxonaē Jesús bautisabatsi*  
(Mr 1.9-11; Lc 3.21-22)

<sup>13</sup> Nexata Jesús patopa ichaxota Juan uncua Jordán mentha xua Galilea nacuatha. Jesús patopa xua Juan pebautisabinexa tsane. <sup>14</sup> Copiya Juan juntucuru jume matawenta xua Jesús pebautisabiwatsi tsainchi tsipei anacuicaura. Juan jeye Jesustha:

—Xan apara pon xua tanantawenonaewa xua xam bewa jame tana nebautisabiwam tsane. Nama xan jopa bewa cabautisabi tsainchi, jei Juan.

<sup>15</sup> Ichitha Jesús jume nota:

—Anoxuae bara ‘je’ jande pocotsiwa xua xanepana, pocotsiwa ichichipan pocotsiwa xua xanepanaya exanatsi pocotsiwa xua Nacom naca itoroba, jei Jesús.

Bapoxonaē Juan jume jejei xua Jesús bautisabatsi.

<sup>16</sup> Nexata poxonaē Jesús bautisabatsi, Jesús nainya mene wejuina. Bapoxonaē nainya peitaboco nayausaranaxuba. Jesús tane xua Nacom pia Pejumope t̄anax̄ tatsi Jesús tapatopeicatsi, be topiboto yaruneica. <sup>17</sup> Bapoxonaē Jesús jume tane pocotsiwa peitaboco wetsipaebicatsi, jechichi: “Bapon apara Taxanto, pon bichocono antobein pon itapetan. Bapon nej̄ant̄u coyene weiweina exana”, jei Nacom.

## 4

*Meje yabara poxonaē Jesús j̄ant̄u coyene j̄uj̄utatsi caurimonae pia pentacaponaein tatsi xua Jesús abe coyeneya petaxanaenexa tsane*

(Mr 1.12-13; Lc 4.1-13)

<sup>1</sup> Nexata Nacom pia Pejumope t̄anax̄ tatsi Jesús mat-acayatsi ira xuepana susato tsurucuae nacua beya. Bax-otiya caurimonae pia pentacaponaein tatsi Jesús piraichi j̄ant̄u coyene j̄uj̄utatsi xua Jesús abe coyeneya petax-anaenexa tsane.

<sup>2</sup> Jesús jopa nabanaeyo baraxotiya cuarenta po mat-acabibetha matautano cuarenta po merawibetha. Poxonae barapo matacabin yapucaewaba bapoxonae Jesús bichocono jainpa. <sup>3</sup> Caurimonae pia pentacaponaein tatsi imoxoyo patopa Jesustha. Bapon Jesús piraichi jüntu coyene jujutatsi xua Jesús abe coyeneya petaexanaenexa tsane. Bapon Jesús baraichi:

—Icha xam yatsicaya Nacom Pexantom, netsita iture. Barapo iboton itorobare xain pan naexanapenta, jei caurimonae pia pentacaponaein tatsi.

<sup>4</sup> Ichitha Jesús jume nota:

—Nacom Pejume Diwesitha namchi: ‘Jopa metha bepa meisa jiwi betiya una jinompaetsipae pan. Bara iru yawano Nacom Pejume Diwesi jiwi betiya yajuntu cui coyeneya jantemiya jinompa’, jei Nacom Pejume Diwesitha, jei Jesús.

<sup>5</sup> Nexata caurimonae pia pentacaponaein tatsi Jesús matacapoinchi Jerusalén tomara beya. Baxotiya Jesús Nacom pin pia botha pentatupa beicha capoinchi.

<sup>6</sup> Caurimonae pia pentacaponaein tatsi Jesús baraichi, jeye:

—Icha bara xaniwaicha Nacom Pexanto tatsim, wenaxoreinque. Yaitama tsipei Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha, poxonae wenaxorecame’,

jei Nacom Pejume Diwesitha,  
jei caurimonae pia pentacaponaein tatsi.

<sup>7</sup> Jesús jume nota, jeye:

—Barichi Nacom Pejume Diwesitha namchi, jeye: ‘Jopa juntu coyene jujutsiya wucaeinde Nacom pon jinya

Necanamataxeinaein, xua necajume jejeiwa tsane xua necayawenaewa tsane poxonae jopa xapain exanaem', jei Nacom Pejume Diwesitha, jei Jesús.

<sup>8</sup> Equeicha caurimonae pia pentacaponaein tatsi Jesús matacapoinchi ichaxota po demxuwa bichocono atororo. Baraxotiya Jesús tsita itutatsi daxita nacuan xua barapo cae pin nacuathe. Matautano Jesús tsita itutatsi daxita nacuan pia peitupanae coyenewan. <sup>9</sup> Caurimonae pia pentacaponaein tatsi Jesús baraichi, jeye:

—Ichaunxuae nentabocototha uncuaename taitabaratha, xua matautano ichaunxuae newnae jaintsiname xua nenanta xeinaewaxae xua xan jinya tacacanamataxeinaeinchi. Bapoxonae barapo nacuan yawa muxuna nacuan pia peitupanae coyenewan, baxuan cacatsinchi xua jinya necanamataxeinaenexa barapo nacuan, jei caurimonae pia pentacaponaein tatsi.

<sup>10</sup> Nexata Jesús jume nota:

—Xam pon caurimonae pia pentacaponaein, bara nexu-biriware. Yaitama Nacom Pejume Diwesitha namchi, jeye: 'Meisa wunaenae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba', jei Nacom Pejume Diwesitha, jei Jesús.

<sup>11</sup> Bapoxonae caurimonae pia pentacaponaein tatsi Jesús pia xainya weya tatsi napitaba. Matatsunpiwi pata Jesththa xua Jesús pecui matateicaenexa tsainchi, matautano xua peapatsinexa tsainchi.

*Meje yabara poxonae Jesús tamropata pitaba pia penacuichiwa Galilea nacuathe*

*(Mr 1.14-15; Lc 4.14-15)*

<sup>12</sup> Poxonae Jesús jume tane xua Juan jiwi pecubi botha eca, bapoxonae Jesús pona Galilea nacua beya. <sup>13</sup> Ichitha Jesús jopa ecaeyo Nazaret tomaratha, jame saya pona Capernaum tomara beya xua baxotiya pepoponaenexa.

Barapo tomara eca, Galilea pucua itapatha ichaxota ainya nacuabe nacaquita ecabe po nacuiyo pewun Zabulón nacuiyo, yawa po nacuiyo iru pewun Neftalí nacuiyo.

<sup>14</sup> Pocotsiwa Jesús exana poxona Capernaum tomaratha popona, baxua Jesús yabara nacui wetatsi xua caena bayatha Nacom pia peitorobi jume pepaebin, pon Isaías, pecayabara cui wunae tsiwunaeya tinaexae poxonae jeye:

<sup>15</sup> “Po ainya nacuabe pewun Zabulón nacuiyo matautano Neftalí nacuiyo, barapo nacuabe ecabe ichaxota po namtotha pucua imoxoyo caquita ducuiya.

Barapo nacuabe ecabe ichaxota po pin nacua, pewun Galilea nacua.

Barapo Galilea nacua icha muxunenetha eca xua Jordán mentha.

Barapo Galilea nacua weya jinompa pomona jopa judiomona naexanaeyo.

<sup>16</sup> Barapomona caena bayatha jopa yaputaeyo Nacom, matautano caena bayatha jopa nayabara yaputaeyo xua muxu bara nama pewerapaeba abe peexanaexae.

Daxita barapomona be pocotsi jiwimona poxona pona requireiwatha xua poxona matautano jopa xeinaeyo xua penatsiwana itiyobiwa.

Daichitha daxita barapomona nama jume cowuntsina, xua jume cowuntsinchi pon Nacom itoroba.

Bapon barapomona juntu cui coyene babatsiya xanapanaya jinompaeya exanaeinchi ichi be jiwi ichi xua poxona pin peicoichatha jinompa”, jei Isaías, pon Nacom pia peitorobi jume pepaebin.

<sup>17</sup> Bapoxona Capernaum tomaratha Jesús tamropata pitaba xua jiwi cuidubatsi. Jesús namchi, jeye: “Icha juntu coyene paxeinare Nacomtha, painya neauraxae xua

abe paexaname. Tsipei Nacom paca waba painya ne-naexanaenexa piamonae tatsi pomonae Nacom itorobiya peewatsixae”, jei Jesús.

*Meje yabara poxonae Jesús waba cuatro poyobe pebiwi, pomonae duwei peyamonaeawi*

*(Mr 1.16-20; Lc 5.1-11)*

<sup>18</sup> Jesús pona Galilea pucua itapatha. Jesús tane ponbe ainya caepipeweichobe. Ichun pewun Simón pon icha wunno Pedro. Ichun pewun Andrés. Baponbe duwei peyamonaeinbe. Baponbe mentha yamonauyabe duwei pocotsiwatha xua peyamonaeawa. <sup>19</sup> Nexata Jesús baraibe baponbe, jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowuntsiwa tsane Nacom icha bayatha paichimbe poxonae payamonamebe duwei nawita, jei Jesús.

<sup>20</sup> Nainya caena baraponbe peyamonaeawan xubotabe. Napuna ponabe Jesththa.

<sup>21</sup> Bapoxonae pirapae Jesús tane ichunbe, ponbe ainya caepipeweichobe. Ichun pewun Santiago. Ichun pewun Juan. Baponbe Zebedeo pexantobe tatsi. Baponbe jeratha paxa baru ecabe. Baponbe peyamonaeawan wunaetauyabe. Jesús waba, baponbe wabatsibe. <sup>22</sup> Caena nainya jera xubotabe matautano paxa cuenta ponabe. Baponbe Jesús puna poinchibe.

*Meje yabara poxonae Jesús pin bicheitomonaes cuiduba*

*(Lc 6.17-19)*

<sup>23</sup> Jesús popona ducuaeta daxita Galilea nacua beya. Bapon cuiduba ducuaeta daxita judiomonaes pia penacuetutsi bontha tatsi. Jesús paeba ducuaeta Nacom pia pexeinya jume diwesi tatsi, po diwesi yabara



xua Nacom waba jiwi, petanaexanaenexatsi piamonae pomonae Nacom jantũ coyene itorobiya ewata. Matautano Jesús axaibi exana jiwi xua daxita carepaya xoxi atene barapomonae yawa xua faefaena peatenexae. <sup>24</sup> Pin bicheitomonae jiwi jume tane xua juinya Jesús exana daxita carepaya Siria nacuatha. Barapomonae pomonae pejume taexae xua Jesús exana, barapomonae capona daxita pomonae domaebatsi, yawa pomonae peatenexae, matautano pomonae caurimonae xeina, matautano pomonae amameibatsi, matautano pomonae mũbatsi. Jesús axaibi exana daxita barapomonae. <sup>25</sup> Pin bicheitomonae jiwi Jesús puna poinchi pomonae Galilea nacua weya pona. Irũrũ Jesús puna poinchi pomonae Decápolis nacua tomaran weya pona, irũrũ pomonae Jerusalén tomara weya pona, irũrũ pomonae Judea nacua weya pona. Irũrũ Jesús puna poinchi pomonae jinompa ichaxota po nacua eca imoxoyo Jordán mentha xua icha muxunenetha xua tajũthiya.

## 5

### *Meje yabara poxonae Jesús cuiduba jiwi demxuwatheicha*

<sup>1</sup> Poxonae Jesús tane barapo pin bicheitomonae, bapoxonae Jesús pona demxuwatheicha. Matautano Jesús baxoteicha eca. Bapoxonae Jesús pijimonae matawacaicha nacaetutarũcupatsi pomonae pia pepuna ponaewichi. <sup>2</sup> Jesús tamropata pitaba xua diwesi cuiduba barapo pin bicheitomonae.

*Meje poxonae Jesús yabara cuiduba pomonae pejantũ coyene weiweinae jiwi*  
(Lc 6.20-23)

<sup>3</sup> Jesús barai barapo pin bicheitomonae pomonae piji-monaexae tatsi, jeye: “Maisa bichocono jüntü coyene weiweina pomonae yaputane xua Nacom pecanantawenon-aewatsi xua xanepanaya pejinompaewa tsane. Tsipei barapomonae naexanaena Nacom piamonae pomonae Nacom jüntü coyene itorobiya ewata.

<sup>4</sup> “Maisa bichocono jüntü coyene weiweina pomonae bequein anthüthürewewe xua siwa wecoyei petaexae xua ichamonae abe cana exana jiwitha. Daichitha barapomonae Nacom cui matateicaena, barapomonae cui matateicaeinchi xua anthüthürewewe, xua ichamonae siwa wecoyeichi.

<sup>5</sup> “Maisa bichocono jüntü coyene weiweina pomonae Nacom bichocono pebarü cui itura jinaewatsi xua jopa Nacom yabara ajüntücoyenetsacatsi. Barapomonae nama patsina pena iratha po ira Nacom bayatha yabara paeba.

<sup>6</sup> “Maisa bichocono jüntü coyene weiweina pomonae ichichipa nawita xua exaneiba xua Nacom ichichipa, pex-einaenexa tsane pejüntü coyene xanepanaewa Nacomtha xua Nacom jopa petsitanexatsi xua barapomonae pex-einaewa penatsicuentisiwa xua abe peexanaexae bapontha. Barapomonae yawenatsi, Nacom yawena xua barapomonae pexeinaenexa tsane barapo coyene.

<sup>7</sup> “Maisa bichocono jüntü coyene weiweina pomonae nantanuweya pecayabara cui cananta xeinaewi xua ichamonae peyawenaenexatsi. Barapomonae xuya Nacom nantanuweya cayabara cui nanta xeinaena xua peyawenaenexa tsane.

<sup>8</sup> “Maisa bichocono jüntü coyene weiweina pomonae pejüntü xeicae jiwi xua pomonae jopa pecayabara nanta xeinaexae abe peexanae cuiru coyene. Barapomonae Nacom necotsinchi.

<sup>9</sup> “Maisa bichocono jũntũ coyene weiweina pomonae jũntema pejinompaexae xua peyawenaexae xua irũ ichamonae jũntema jinompa peexanaexaetsi pomonae copiya abe nata exaneiba. Barapomonae pomonae jũntema pejinompaexae Nacom unuta ‘Tapexui’, jei Nacom.

<sup>10</sup> “Maisa bichocono jũntũ coyene weiweina pomonae bequein bara aperutane exainchi matautano bequein bara anthũthũtane exainchi, xua amsiya xaniwaicha peexanaexae pocotsiwa Nacom itoroba. Barapomonae nama Nacom pijimonae tatsi naexanaena pomonae Nacom jũntũ coyene itorobiya ewata.

<sup>11</sup> “Maisa bichocono pajũntũ coyene weiweiname poxonae bequein bara ichamonae abeya paca yabara paeba, poxonae bequeinno abe pacata exana, matautano poxonae bequeinno canaerabiya paca yabara paeba tapaneantobemxaem. <sup>12</sup> Pajũntũ coyene weiweinare. Matautano jũntema painompare tsipei Nacom paca catsina pia pexeinya peitũpanaewan pocotsiwan Nacom paca jũntana jeba pia nacuatheicha. Icha ichamonae abe pacata exana payabara nanta xeinare, matha caena barichi poxonae ichamonae abe exana pomonaetha pomonae Nacom pia peitorobi jume pepaebiwi. Barapomonae caena bayatha jinompa poxonae paxam cataunxuae jopa pajinompaem”, jei Jesús.

*Meje yabara poxonae Jesús diwesi paeba xua sare yabara yawa xua pecoicha yabarano*

*(Mr 9.50; Lc 14.34-35)*

<sup>13</sup> Equeicha Jesús barai barapo pin bicheitomonae, pomonae pijimonaexae tatsi jeye: “Sare beno bara beno wũnae. Ichitha icha barapo sare beno jopa abenataeyo bapoxonae jopa peitacũpaewatsi xua equeicha peabenataewa. Bapoxonae jiwi barapo sare beno xuba iratha. Mataũta beno taxunaunaba iratha. Paxam

pomonaē tamonaē pam be bara jūtiya ichiya pam, icha sare beno cana ichichi. Paxam payawende jiwi pomonaē jinompa barapo cae pin nacuathe xua daxita jiwi jopa abe peexanaewa tsane. Ichitha icha barapomonaē jopa xapain payawenaem tsane, Nacom bara paca bebai tsane. Tsipei jopa wūnaē pam, Nacom bara paca bebai tsane icha jiwi ichi poxonaē bebai sare beno matauta xua beno taxunaunaba, tsipei jopa abenataeyo.

<sup>14</sup> “Icha pecoicha ichi poxonaē pentha xua poxonaē baxota jiwi yawenatsi, paxam bara jūta ichiya paichim poxonaē beta painompame. Barapocotsi coyenewatha jiwi payawename xua beta jinompa. Po tomara ba demxuwatha eca, barapo tomara ba jiwi tajū tane. Bara paca yabara jūta coyene ichi, jiwi paca tane xua poxonaē beta painya nejinompaewa. <sup>15</sup> Jiton dapon ba aibi xua pon pecoicha coicha exana xua pecoicha matacatetsinexa corototha. Jame, asiya coicha exanatsi xua pecoicha taenexa pomonaē bomuxūtha ena. <sup>16</sup> Bara paca yabara jūta coyene ichi xua jiwi peitabaratha tatsi. Beta painompare xua jiwi painya nepaca cataenexa xua xanepanaya paexaname painya neantobemxae Nacom. Bapoxonaē barapo jiwi Nacom wūnaē jainchinchī, pon painya Axa, pon itabocotha eca”, jei Jesús.

*Meje yabara poxonaē Jesús jiwi yabara cuidubatsi Moisés pia peitorobi diwesi jume*

<sup>17</sup> Equeicha Jesús barai barapo pin bicheitomonaē, pomonaē pijimonaexae tatsi, jeye: “Jopa pananta xeinaeinde xua xan patopeican xua apara Moisés pia peitorobi diwesi jume tacana exanaewa tsane xua jiwi jopa equeicha pecanantawenonaewa tsane barapo Moisés pia peitorobi diwesi jume xuano irū bara cana ichin tsane pomonaē Nacom pia peitorobi jume pepaebiwi pia pecuidubiwan tatsi. Jame apara patopeican tanayabara

jume cui yabara wetsinexan tsane pocotsiwa caena bayatha neyabara tsiwuna paeba po diwesintha Moisés pia peitorobi coyenewa tatsi, irano Nacom pia peitorobi jume pepaebiwi pia penacuidubiwan jumeintha. <sup>18</sup> Bara xaniyeya paca tsipaebatsi poxona cataunxuae barapo itaboco ducue, matautano poxona cataunxuae barapo ira ducue, Moisés pia peitorobi diwesi jopa weraweracae tsane. Matautano jopa cae itanetiyo aichurucuae tsane beya poxona wetsina pocotsiwa bayatha Nacom tsiwuna yabara paeba xua wetapaeba. <sup>19</sup> Pon yabara nanta xeina pecuidubinexa ichamonaetha xua tsita jume ita xexenatsi Nacom pia peitorobi coyenewa bequein saya po peitorobi coyenewiyo peya itorobi coyenewiyo, bapon xuya, Nacom pia nacuatheicha cana juntu cui ita xexenecaeinchi. Ichitha nama pomonae cuiduba ichamonaetha Nacom pia peitorobi coyenewan, matautano xua exana pocotsiwa Nacom itoroba, barapomonae peainya cui jiwi tsane Nacom pia peitorobi nacuatheicha tatsi. <sup>20</sup> Paca tsipaebatsi jame bewa juntu coyene xanepanaya paexaneibiname ichamonaetha be pocotsi coyeneya xua Nacom paca itoroba, beyacaincha poxona exana pomonae pecuidubiwi Moisés pia peitorobi coyenewa tatsi, matautano xua poxona beyacaincha jinompa fariseomonae. Icha jopa yatsicaewa beta juntu coyene xanepanaya paexanaem tsane beyacaincha xua poxona barapomonae itara mexeya wunaeya exana, jopa papatsim tsane Nacom pia peitorobi nacua beicha tatsi”, jei Jesús.

*Meje yabara poxona Jesús yabara cuiduba xua peanaepanae cui coyene*

*(Lc 12.57-59)*

<sup>21</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume

taneme pocotsiwa Moisés namchi painya amo susato jiwitha, jeye: ‘Jopa ichun anaya bexubinde. Tsipei pon xua ichun bexotsi, ichamonae yabara paebina xua bapon natsicuenta xua abe peexanaexae’, jei. <sup>22</sup> Ichitha nama seicaya paca tsipaebatsi xua pon caseba ichuntha ichamonae yabara paebina xua bapon natsicuenta xua abe peexanaexae. Iruru pon biatane ichuntha ichamonae yabara paebina xua bapon natsicuenta xua abe peexanaexae. Pomonae pecanamata caitorobi bicheito bapon yabara paebinchi xua bapon natsicuenta tsipei bapon bichocono unthuthu anaepana. Matautano iruru pon namchi xua ichun jeichichi: ‘Xam nabenecame’, jei pon, bapon xubinchi po nacua beya ichaxota isoto bapana jopa itacounayiyo.

<sup>23-24</sup> “Equeicha paca tsipaebatsi. Ichacuitha ichun duwein becapona ichaxota xua be pexaethopaewa xua tuxusi exana Nacom nexa poxonae tauta. Poxonae cataunxuae jopa exanaeyo baxua, matha copiya tsiwanaya yabara nanta xeinaena pocotsiwa icha metha bayatha abe exana ichuntha. Matha be ichi tsane meje xuaje: Bu abu cataunxuae bota pocotsiwa pia pecatuxusi exanaewanexa xua Nacom nexa. Matha copiya bewa ponaena ichun beya xua pia penaita coxone exanaewa tsanebe. Bapoxonae bapon caibeya bewa ponaena xua duwein petuxusi exanaewa tsane Nacom nexa poxonae tauta.

<sup>25</sup> “Icha ichamonae be paca itoroba paca necacaponanexa pontha pon jiwu peyabara paebin penatsicuentsiwa, nexata patsipaebare barapomonae, poxonae cataunxuae namtotha paca baru pona xua painya nenaita coxone exanaewa tsanebe. Xain bapoxonae barapomonae jopa paca caponaebe tsane pontha pon jiwu peyabara paebin penatsicuentsiwa.

Tsipei icha barapomonae bara beya paca caponaetsipa, bapoxonae pon jiwi peyabara paebin penatsicuentsiwa equeicha dabeya policiamonae beya paca itorobichipa. Bapoxonae nama policiamonae jiwi pecubi bo beya paca itorobichipa. <sup>26</sup> Bara xaniyeya paca tsipaebatsi. Paxam jopa paca pu copabi tsane jiwi pecubi bo weya, beya abũ poxonae pana pu matomacaename daxita paratixi cuntha po paratixi xua paxeiname”, jei Jesús.

*Meje yabara poxonae Jesús yabara cuiduba xua jiton pita, powa ichun piowa tatsi, powa bequein piseuri xeina taetha*

<sup>27</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Paxam pajume taneme xua Moisés pia peitorobi coyenewan xua jeye caena bayatha: ‘Jopa ichowa pichinde powa ichun piowa tatsi, powa piseuri xeina taetham’, jei Moisés. <sup>28</sup> Ichitha nama xan paca tsipaebatsi. Icha pebin tane petsiriwa, yawa nanta xeinaeya jeye: ‘Barapowa ichichipan taisa maituncuaewa tsane, bequein bapowa jopa taseuriyo’, jei, bapoxonae barapara abe exana Nacomtha, icha be pocotsi coyene ichi, poxonae pita yabũyotha powa jopa bequein piseuriyo tatsi.

<sup>29</sup> “Bara xaniyeya paca tsipaebatsi. Icha po itamaiqueito painya necoxa werena ducua icha barapo itamaiqueito paca exana xua abe painya neexanaewa tsane panaitamaiquei jucua, barapo itamaiqueiton yawa taju beya pabebande. Metha wũnae xua painya nebebeiwa tsane cae itamaiqueitoxi xua Nacom pia nacua beicha cae itamaiqueitoxi painya neyawa patsinexa. Baxua jame wũnae yatsicaewa, beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounayiyo. <sup>30</sup> Barichi icha painya necobe, po cobe painya necoxa weya, icha barapo cobe paca exana xua abe painya neexanaewa tsane panacobe

ucubobare, yawa tajũ beya pabebande. Metha wũnae xua cae cobexi painya nebebeiwa tsane, xua cae cobexi painya neyawa patsinexa Nacom pia nacua beicha. Baxua jame wũnae beyacaincha xua poxonae painya pepon ompin paca bebai tsane ichaxota po nacuatha isoto bapana jopa itacounayiyo”, jei Jesús.

*Meje yabara poxonae Jesús yabara cuiduba xua jiwi piseurixi pepunapenteibiyainwa*

*(Mt 19.9; Mr 10.11-12; Lc 16.18)*

<sup>31</sup> Equeicha Jesús barai barapo pin bicheitomonaе, pomonaе pijimonaexae tatsi jeye: “Caena bayatha Moisés pia peitorobi jume diwesitha namchiya jeye: ‘Pon punaxuba piowa peachaxaibixae xua pocotsiwa bapowa exana, bapon barabũ piowa catsina papera, po paperatha tina xua pexubiwa tsane piseuri’, jei barapo Moisés pia peitorobi coyenetha. <sup>32</sup> Ichitha nama seicaya icha coyeneya paca tsipaebatsi. Icha pebin piowa punaxuba xua saya peachaxaibixae poxonaе bequein bapowa jopa nasi cui coyene exanaeyo bapoxonaе Nacom tsita abetsi xua bapon cana exana piseuritha. Tsipei bapon cana exana piowa xua piseuri tatsi nasi cui matacaeta xua weiweina pebiwitha. Barichi pon pita petsiriwa, powa piseuri pepunaxubixae, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae ichũn piowa tatsi bequein punaxuba”, jei Jesús.

*Meje yabara poxonae Jesús yabara cuiduba xua jiwi xainyeya penacui wũnae tsiwũnaeya yabara paebiwa xua peexanaewa pocotsiwa exanapaeba*

<sup>33</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Bayatha pajume taneme xua painya amo susato jiwi tsipaebatsi, xua



Moisés tsipaeba. Moisés jeye: ‘Paxam jopa bewa naerabiya pana cui w̄nae tsiw̄naeya yabara paebim tsane xua painya neexanaewa pocotsiwa paexanapaebame xua Nacom peitabaratha tatsi. Ichitha jame bewa bara xainyeya paexaneibiname pocotsiwa papaebame xua Nacom peitabaratha tatsi’, jei Moisés pijimonaetha. <sup>34</sup> Ichitha xan seicaya icha coyeneya paca tsipaebatsi. Poxonae jiwi peitabaratha tatsi pana nacui w̄nae tsiw̄naeya xainyeya yabara paebiname pocotsiwa xua paexanapaebame bara moya baxua paexande, xua jiwi pia painya nepaca cajume cow̄ntsinea. Jopa yawa muxuna icha jumein papaebinde. Jopa pajande ich̄ntha: ‘Bara xaniyan xua exanaein. Nacui w̄nae tsiw̄naeya xaniyeya yabara paeban Nacom peitabaratha xua exanaein’, jopa pajande. Matautano jopa pajande: ‘Bara xaniyan. Baraxua paeban po w̄ntha xua Nacom pia nacua w̄ntheicha tatsi’, jopa pajande baxua, tsipei Nacom bara xoteicha eca pia pexeinya equeibithopeibiwa tatsi ichaxota bapon ewatsiya itorobeibeca jiwi. <sup>35</sup> Matautano barapocotsi coyenewa jopa bewa pana cui w̄nae tsiw̄naeya yabara paebim ich̄ntha xua ira yabara. Tsipei barapo ira apara Nacom pia ira. Barapo iratha nataxu w̄yuteca. Barichi matautano barapocotsi coyenewa jopa bewa pana cui w̄nae tsiw̄naeya yabara paebim ich̄ntha xua Jerusalén tomara yabara, tsipei barapo tomara, po tomaratha ichaxota Nacom popona pon jiwi itorobiya pia pepa Peewatsinchi. <sup>36</sup> Matautano barapocotsi coyene jopa bewa pana nacui w̄nae tsiw̄naeya yabara paebim ich̄ntha xua painya nentasipa yabara. Saya meisa Nacom paca yabara matasipa yaputane. Pomonae pam xua pewowi pam xua pantana tsaebiam jopa paca itac̄paeyo xua equeicha pantana inyapaname. Matautano pomonae pam pomonae amomonae pam xua pantana inyapaname jopa

itacupaetsi xua equeicha pantana tsaebiam. Matautano jopa baxua daichiyo xua caentanatoxitha. Saya meisa Nacom itacupaetsi xua cana exana baxua. <sup>37</sup> Saya meisa barapo jumethabe patsipaebare ichuntha ichaxota po jumetha jei 'Je, bara exanaein', jei, matautano ichaxota po jumetha jei 'Jume jopa exanaein tsane', jei. Tsipei poxonae pamuxuna paebame poxonae pana tsiwunae yabara paebame ichamonaetha Nacom pia wuntha tatsi xua painya neexanaewa pocotsiwa paexanapaebame baraxua apara caurimonae pia pentacaponaein tatsi paca tsimuxu duba xua painya nepaebiwa baxua", jei Jesús.

*Meje yabara poxonae Jesús yabara cuiduba xua penayantomocae coyene*

*(Lc 6.29-30)*

<sup>38</sup> Equeicha Jesús barai barapo pin bicheitomonae, pomonae pijimonaexae tatsi, jeye: "Paxam pajume taneme xua bayatha Moisés paeba xua jeye: 'Pon itamaiquei esanopa ichun peitamaiqueito, bapon xuya bewa itamaiquei esanopaeinchi. Matautano pon xua wano teranopa, xua ichun wano teranopatsi, bapon xuya wano teranopaeinchi', jei. <sup>39</sup> Ichitha nama icha coyeneya paca tsipaebatsi: Jopa xuya pebin pacaitacueinchinde poxonae paca caitacueinta, pon peaitabein. Matautano icha ichun paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. <sup>40</sup> Icha ichun paca yabara yopichiya paeba pontha pon jiwi peyabara paebin xua penatsicuentiwa xua painya nentoma amanayabixae bapon, bapoxonae bara pacare xua paca itoroba. Icha painya camisa pacata pita bara yawa muxuna pacare camisa po camisa peamutiya camisa, po camisa xua athawe peruyaewa. <sup>41</sup> Icha soldadomonae paca itoroba xua jeye: 'Painta caponde pocotsiwa arewe xua saya cae kilómetro

beya', jei, bara moya pacaponde pocotsiwa arewe xua equeicha icha cae kilómetrono pantaropatabare. <sup>42</sup> Daxita coyenexi pocotsiwa ichamonae paca wūca, moya bara pacaichabeibare. Pon paca nacowaeta painyawa moya bara patsicobe copabare. Jopa paasiwinde painyawan", jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonae pia peaitafaetabi jiwichi*

*(Lc 6.27-28, 32-36)*

<sup>43</sup> Equeicha Jesús barai barapo pin bicheitomonae, pomonae pijimonaexae tatsi, jeye: "Matautano pajume taneme xua caena bayatha Moisés namchi, xua jeye: 'Paantobeinde pomonae painya jiwi. Matautano pacasabare pomonae painya nepaca caaitafaetabi jiwi', jei xua Moisés paeba. <sup>44</sup> Ichitha icha coyeneya paca tsipae-batsi: Paantobeinde pomonae bequein painya nepaca caaitafaetabi jiwi. Matautano Nacomtha patawūcare pomonae bequein abe pacata exana. <sup>45</sup> Icha paexana-name daxita barapo coyenexi bapoxonae yatsicaewa Nacom piamonae tatsi pam tsane. Bara paichim tsane icha be painya Axa ichi pon Nacom, pon peitabocotha peecaexae xua daxita jiwi antobetsi. Nacom xometo pentha taexana daxita jiwi pomonae pejuntū coyene xanepanae jiwi nexa iruru pomonae peajuntūcoyenebe jiwi nexa. Matautano Nacom ema taitorobicano daxita jiwi pomonae xaniwaicha pejuntū coyene xeicae jiwi nexa iruru pomonae peajuntūcoyenebe jiwi nexano. <sup>46</sup> Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei iruru barapo coyene exana pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa, bequein jiwi yabara nanta xeina xua bapomonae peajun-

tucoyenebewi. Barapomonae antobe pomonae xua pia peantobewixaetsi. <sup>47</sup> Matautano icha saya meisa painyamonae pajacobame pomonae iru pejume cowuntsiwi poxonae paca siwa pona, xuano xua jopa pajacobim ichamonae, pomonae jopa pejume cowuntsiwi, barapo coyene jopa xanepanaeyo. Tsipei pomonae Nacom jopa peyaputae jiwi, barapomonae iru ba jacoba piamonae. Ichitha nama bewa toxinchiya pananta xeinaem beyacaincha barapomonae poxonae nanta xeina. <sup>48</sup> Daxota paxam bewa bichocono xaniwaichiya beta painompaem. Matautano xua caewiyo jopa bewa paexanaem tsane xua peabe coyenewa. Barapocotsi juta coyeneya paichim tsane icha painya Axa ichi pon Nacom, pon peitabocotha peecaexae xua bichocono xaniwaichiya beta popona. Matautano bapon caewiyo jopa exanaeyo peabe coyenewa”, jei Jesús.

## 6

*Meje yabara poxonae Jesús jiwi yabara cuidubatsi xua jiwi xanepanaya peexanaewan*

<sup>1</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Poxonae paxam paexaname pocotsiwan xua ichamonae tsita xanepanatsi xua Nacom paca itoroba, bapocotsiwan paexande xua Nacom painya nepaca cacuitaenexa. Saya meisa jopa paexanaeinde xua jiwi u painya nepaca cacuitaenexa xanepanaeya painya nepaca cayabara paebinexa. Icha bapocotsi coyeneya paexanaetsipame nexata painya Axa Nacom pon itabocotha peecaexae jopa paca catsitsipae pocotsiwa paca yabara cui coyene matomacaewa tsipei jopa paexanaetsipaem Nacom nexa.

<sup>2</sup> “Daxota poxonae peacopeibiwi xoxi pacatsibeibame jopa ichamonae patsipaebinde xua baxua painya neexanaexae. Jopa barapocotsi coyeneya bara paichinde icha

be pomonae pemuxitorobiwi ichi, poxonae itara mexeya pomonae xanepanaya pepaebiwi. Tsipei barapocotsimonae saya ichawa beya paeba xua pinae yawena nawita peacopeibi jiwitha. Barapomonae matha jiwi wabeibatsi xua barapomonae pejume taenexa tsainchi, bapoxonae judiomonae pia penacaetutsi botha yawa namtontha baxua yabara paeba nawita xua pinae yawena nawita pomonaetha pomonae peacopeibi jiwi. Barapomonae baxua exana pia xua jiwi beta yabara nanta xeinaetsi, pia xua jeichi jiwi: Maisa barapomonae betiya exana, xua pejeinexa jiwi. Ichitha xaniwaicha paca tsipaebatsi, barapomonae xeina pia pecui yabara matomacaewatsi poxonae jiwi baxua caunuta tsipei jopa moicha exanaeyo Nacom nexa. <sup>3-4</sup> Ichitha poxonae paxam payawename peacopeibiwi namicha moicha pacare barapomonaetha xua painya jiwimonae jopa paca necacui taenexa. Matautano poxonae Nacom painya Axa paca tane poxonae namicha moicha paexaname baxua bapoxonae bapon Nacom paca catsina pocotsiwa pia pecui yabara matomacaewa”, jei Jesús.

*Meje yabara poxonae Jesús jiwi yabara cuidubatsi po coyene xua Nacom pewucaewatsi*

*(Lc 11.2-4)*

<sup>5</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Poxonae Nacom pawucame, jopa barapocotsi coyeneya paexanaeinde icha be pomonae pemuxitorobiwi ichi, pomonae itara mexeya beta pepaebiwi. Barapomonae saya ichichipa xua jiwi pecui taenexa poxonae barapomonae Nacom wucatsi. Barapomonae ichichipa umena pewucaenexa Nacomtha judiomonae pia penacaetutsi bontha tatsi xua matautano barichino namtontha. Barapomonae baxua exana xua pecui taenexatsi xua ichamonae pecui taenexa.

Bara xaniyei paca tsipaebatsi. Barapomonaе barompaya xeina pia pecui yabara matomatsiwatsi poxonaе jiwi yabara paeba xua barapomonaе pinae bara xanepanaeya exana. Nama bapoxonaе Nacom jopa catsiyo pia pe-matomatsiwa barapomonaetha tsipei barapomonaе jopa moicha exanaeyo Nacom nexa. <sup>6</sup> Ichitha poxonaе Nacom pawꝛcame, barompaya painya tutu beya paponde yawa bomꝛꝛ tutu pacoibo xatababare. Bapoxonaе painya Axa Nacom baraxotiya patsipaebare. Painya Axa paca yanta compra yawa daxita paca cui tane pocotsiwa namicha paexaname. Bapoxonaе bapon Nacom paca catsina pocotsiwa pia paca yabara cui matomacaewa, xua beta painya neexanaexae poxonaе Nacom patsipaebame.

<sup>7</sup> “Poxonaе Nacom patsipaebame, jopa equeicha matowa patsipaebinde po jumetha xua po jume jopa paca yawenaeyo. Jopa bara paichinde icha be pocotsimonaе ichi pomonaе jopa peyaputaewi Nacom. Barapomonaе nanta xeina xua bara Nacom jume tane pocotsiwa barapomonaе tsipaeba xua matowa pepaebixae. <sup>8</sup> Nexata jopa barapocotsi coyeneya bara paichinde icha be poxonaе barapomonaе icha ichi. Tsipei painya Axa Nacom bara yaputane pocotsiwa painya nenantawenonaewam, xua beya poxonaе pawꝛcame Nacom. <sup>9</sup> Daxota Nacom patsipaebare, paichinde:

‘Pata Taxam, xam ponxaem peitabocotha athabeicha neecaein.

Barabꝛ daxita jiwi cabarꝛ cui itura jina nejuntꝛ coyene xanepanaeinxae.

<sup>10</sup> Barabꝛ jopaena matacabi, po matacabitha poxonaе xam jiwi itorobiya ewatsiname barapo cae pin nacuathe.

Barabꝛ jiwi exanaena pocotsiwa jinya neichichipae coyenewa xua barapo

cae pin nacuathe tsique.

BarabꞫ jiwꞫ exanaena icha peitabocotha ichi xua  
exana pocotsiwa jinya neichichipae coyenewa.

<sup>11</sup> Daxita matakabin pexaewa pana catsibeibare xua  
po pexaewa daxita matakabin pata  
canantawenonaewa tsaibi tsane.

<sup>12</sup> Pana neyabara cui cana jüntemainare xua abe  
pata catsita exanaewatsi.

Bapoxonae pana neyabara cui cana exaname xua  
jopa equeicha pata catsita natsicuentisiwatsi  
xua abe pata catsita exanaexaetsi.

Baraxua painta exande icha paichin ichamonaetha.

Tsipei paxan copiya payabara cui cana exanan  
xua ichamonae jopa pana netsita natsicuentisiyo  
xua abe pata tanetsita exanaexae.

<sup>13</sup> Jopa pana copatsinde xua abe pata exanaewa  
tsane poxonae jiwꞫ pana nejüntꞫ coyene jüjüta,  
xua abe pata exanaewa tsane.

Ichitha pana necapanenebiya exande barapo abe  
peexanae coyene weya', pajande poxonae  
Nacomtha patsipaebame", jei Jesús.

<sup>14</sup> Equeicha Jesús barai barapo pin bicheitomonaе,  
pomonaе pijimonaexae tatsi, jeye: "Tsipei icha paxam  
pacui yabara jüntemainame pocotsiwa ichamonaе pacata  
abe exana, nexata xuya painya Axa Nacom pon peitabo-  
cotha peecaexae, xuya paca cui yabara jüntemainana  
pocotsiwa abe paexaname. <sup>15</sup> Ichitha icha paxam jopa  
pacui yabara jüntemainam pocotsiwa ichamonaе abe  
pacata exana, nexata xuya painya Axa Nacom jopa paca  
cui yabara jüntemainae tsane pocotsiwa abe paexaname",  
jei Jesús barapo pin bicheitonaetha pomonaе pijimon-  
aexae tatsi.

*Meje yabara poxonae Jesús yabara cuiduba po coyene peyabara nainbotsi cui coyenewa*

<sup>16</sup> Equeicha Jesús barai barapo pin bicheitomonae pomonae pijimonaexae tatsi, jeye: “Poxonae paxam payabara nainbotame xua Nacom beta painya neww-caenexa tsane, jopa bara juta ichiya coyeneya paex-anaeinde icha be pomonae ichi pomonae itara mexeya betiya peexanaewi daichitha abe exana. Barapomonae piyain itabara aenaenaca xua poxonae bequein peyabara nainbotsiwatha Nacom. Barapomonae jopa nanta ca-chetsiyo yawa jopa naitabara quiatsiyo. Barapomonae ichipa xua ichamonae yaputane xua barapomonae cou bara nainbota. Bara xainyeya paca tsipaebatsi xua barapomonae bayatha xeina barompaya pia peyabara cui matomacaewatsi xua poxonae jiwi yabara wuna jainta xua barapomonae cou bara nainbota. <sup>17</sup> Ichitha paxam poxonae payabara nainbotame, xua Nacom betiya painya neww-caenexa tsane, pana naitabara iquicare yawa beta pananta caichere. <sup>18</sup> Bapoxonae jiwi jopa paca cui yaputae tsane xua paxam bara cou payabara nainbotame. Namicha painya netsita exanaexae Nacom barapo coyene. Meisa saya painya Axa Nacom paca cui yaputane, tsipei daxita yaputane pocotsiwa namicha paex-aname. Bapon paca catsina pocotsiwa pia paca yabara cui matomacaewa”, jei Jesús.

*Meje yabara poxonae Jesús yabara cuiduba xua pocotsiwa Nacom jiwi pejuntana jebiwatsi pia nacuatheicha  
(Lc 12.33-34)*

<sup>19</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Barapo cae pin nacuathe copei jopa pacaetubinde xua painya nex-einaewa tsane nawita barapo cae pin nacuathe. Tsipei



bocobocowaton abe exanaena poxonaе xane pocotsiwan xua paxeiname. Ichacuiṭha abe exanaena poxonaе painyawan axumainbatsi. Ichacuiṭha painyawan pocotsiwa paxeiname baxuan pomonaе pecaibiwi paca caibina. <sup>20</sup> Ichitha jame paexande barapo peḡuntũ coyene xanepanaewa po peḡuntũ coyene xanepanaewa Nacom ichichipa. Bapoxonaе Nacom paca catsibina pocotsiwa painya nepaca ḡuntana jebiwa pia nacuatheicha. Baraxoteicha bapocotsiwa bocobocowaton jopa xaeyo. Yawa jopa axumainbichi. Mataṭtano pomonaе pecaibiwi jopa paca caibiyo baxuan xuan Nacom paca necayabara cui matomacaewan. <sup>21</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús pijimonaetha.

*Meje yabara poxonaе Jesús yabara cuiduba jiwi po coyene xanepanaeya peexanaewa peḡuntũ coyene wetsina  
(Lc 11.34-36)*

<sup>22</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itamaiqueiton paca yawena xua beta painya netaewa tsane. Icha painya itamaiqueiton wũnae, bara beta pataneme. <sup>23</sup> Ichitha icha painya itamaiqueiton abe, jopa beta pataetsipaem. Barichirũ painya ḡuntũ coyenewan xua painya nenanta xeinaewan. Icha painya ḡuntũ coyenewan xanepanaetsipa bara beta Nacom payabara najuntũ coyene xeinaetsipame. Ichitha icha painya ḡuntũ coyenewan jopa xanepanaetsipae jopa beta Nacom payabara najuntũ coyene xeinaetsipaem. Painya ḡuntũ coyenewan paca cana exanaetsipa xua bichocono abe paexanaetsipame”, jei Jesús.

*Meje yabara poxonae Jesús yabara cuiduba jiwi, xua pon nantaũta ainya pia pecanamataxeinaeinchibe tatsi (Lc 16.13)*

<sup>24</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonaе itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaeya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom jopa itacupaetsi xua bichocono peantobewa paratixi poxonaе yawa bichocono antobetsi Nacom”, jei Jesús barapo pin bicheitomonaetha, pomonaе pijimonaexae tatsi.

*Meje yabara poxonae Jesús yabara cuiduba po coyene xua Nacom eena pijimonaе (Lc 12.22-31)*

<sup>25</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Paca tsipaebatsi, jopa bichocono payabara najũntũ coyene exabinde pexaewa xua painya neuna jinompaewa tsane yawano xua painya neapaewanno tsane. Barichi jopa bichocono payabara najũntũ coyene exabinde papabũrũ xua painya pepon nexa. Po coyene xua asũ pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui irũ, beyacaincha papabũrũ xua pepon nexa. <sup>26</sup> Pataema peyapupunaewi. Barapoxi jopa ũbiyo pabitha. Yawa xua penawetsiwa jopa notsiyo. Yawa jopa xeinaeyo bomũxũn xua pejebinexa pexaewan. Ichitha Nacom apata peyapupunaewi pexaewa. ¡Paxam nama bichocono Nacom patsita ainya cuim, beyacaincha

peyapupunaewi xua Nacom tsita ainya cuichi, po Nacom painya Axa pon itabocotha eca! <sup>27</sup> Dapon aibi pon paxam jiwana pon itacupatsi xua xeinaena icha matakabi xua po matakabitha pepoponaewa tsane poxonae tupaena. Bequein bapon bichocono nayabara najuntũ exaba baxua, ichitha jopa itacupaetsi xua xeinaena caentacabi eque-icha.

<sup>28</sup> “Paxam bichocono payabara najuntũ exabame papabũ. Jame pacayabara nanta xeinare pentonon, po pentonon wexotha xuwa, xua matono itũpana. Pentonon jopa nacuichiyo yawa jopa natsiexanaeyo papabũ penama xatabinexa. <sup>29</sup> Ichitha paca tsipaebatsi xua pentonon matono itũpana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonae itorobiya pia pepa peewatsinchi pon bayatha tũpa. <sup>30</sup> Pentonon po matonon wexotha anoxuae xuwa, Nacom cana exana xua matono itũpana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wũnae bara bequein saya pentonon. Barichi Nacom itacupatsi xua beta paca neca-enaewa xua beta painya nejinompaenexa. Mataũtano Nacom paca catsina paparuwan. ¡Maisa pebiwi pam tsobena, be conotha pajume cowũtame Nacom! <sup>31</sup> Jopa paũnthũthũ deideijeya jinompaeinde xua ichawa painya neyabara nanta xeinaexae. Jopa pajan tsaibinde: ‘¿Eta xua xaeinchi jane? ¿Eta xua apaeinchi jane? ¿Eta xua nama xatabinchi jane?’ jopa pajan tsaibinde. <sup>32</sup> Tsipei barapo cae pin nacuathe jiwi saya ¼ baxua pecayabara najuntũ coyene exabi pocotsiwa nantawenona. Ichitha nama paxam painya Axa Nacom panantautame. Barapon Nacom pon peitabocopin, pon yaputane daxita pocot-

siwa xua xoxi panantawenoname. <sup>33</sup> Saya meisa jame bichocono copiya payabara nanta xeinare xua painya nexanaewa xua pocotsiwa Nacom ichichipa pon jiwí itorobiya pia pepa peewatsinchi. Matautano jame bichocono payabara nanta xeinare painya nexenaenexa pejuntũ coyene xanepanaewa Nacomtha. Icha paexanaename barapo coyenewan nexata bapoxonae Nacom paca cat-sibina xua daxita pocotsiwa panantawenoname. <sup>34</sup> Jopa payabara muxuna najuntũ exabinde anoxuae pocotsiwa baya tsane pocotsiwa painya neexanaewa tsane, tsipei barapo matabi nama xeina pocotsiwa bichocono pacata ayapube. Daxita matabi tsopeibi pocotsiwa xua pacata ayapube xua pocotsiwa painya neexanaewan”, jei Jesús.

## 7

*Meje yabara poxonae Jesús cuiduba xua jiwí jopa bewa yabara paebi xua ichamonae penatsicuentisiwa  
(Lc 6.37-38, 41-42)*

<sup>1</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya nenatsicuentisiwa xua abe painya nexanaexae. <sup>2</sup> Nacom pia coya paca yabara paebina xua painya nenatsicuentisiwa xua abe painya neexanaewa icha po coyeneya paichim poxonae ichamonae payabara paebame xua penatsicuentisiwa xua abe peexanaexae. Icha daunweya payabara paebina xua penatsicuentisiwa ichamonae xua abe peexanaexae, Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús. <sup>3</sup> Equeicha Jesús paeba caeintha pomonae pijimonae jiwana pecayabara

juta pepaebi diwesiyo jeye: “Xam ba jinya jiton itata taneme poxonae itata jopiyatsi naepɔtiyo, ichitha jopa taem xua iruru xam nama pin naepɔto neitamaiqueitha ducua. Barapocotsi juta coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua iruru xam baraichim nama bichocono abe exaname. <sup>4</sup> Icha jopa taem pin naepɔto xua neitamaiqueitha ducua jopa caitacɔpaeyo xua nejeiwa jinya jitontha: ‘Tajiton, cata jutinchi naepɔtiyo xua ducua neitamaiqueitha’, xua nejeiwa. <sup>5</sup> Xam nepaebim xua ichun exana xua baxua neexanaewatha iru. Xam copiya nata jure barapo pin naepɔto xua neitamaiqueitha ducua. Bapoxonae beta taename nejutsinexa tsane naepɔtiyo xua jinya jiton peitamaiqueitha tarucuatsi.

<sup>6</sup> “Jopa patsipaebinde Nacom Pejume Diwesi pomonae anaya paca aeba, xuano anaya aeba Nacom Pejume Diwesi pomonae jopa pejume cowantsiwi Nacom. Tsipei barapomonae peajuntucoyenebe jiwi bichocono. Barapomonae bara abe exana be barapocotsi juta coyeneya ichiya exana icha be auri ichi xua poxonae anaepanaya nawano webaba pocotsiwa pacatame. Matautano barapomonae bara abe exana be barapocotsi juta coyeneya ichiya exana icha be marrano ichi, xua poxonae petaxutha taxunaunaba xua irainyaba po pexaewa paapatame”, jei Jesús.

*Meje yabara poxonae Jesús yabara paeba xua jiwi bewa matowa wɔqueibi Nacomtha*

*(Lc 11.9-13; 6.31)*

<sup>7</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Matowa Nacom rawɔcare, bapoxonae paca catsibina pocotsiwa xua rawɔcame. Baraxua matowa paexande icha paichim

poxonae matowa pajeiteibame beya poxonae pataebame yawa icha paichim poxonae matowa pawawam bomuxutha beya poxonae ichun paca jume nota. <sup>8</sup> Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxu pecoibototha matowa wawai, bara tacoibo sarana xorenatsi, matauta jume notatsino.

<sup>9</sup> “Paxam pomonae pexui paxeiname paca muxuwetatsi. Poxonae painya pexui paca wuca pan, ¿pacatsipame iboto? ¡Jume! <sup>10</sup> Ichacuitha tsipae, poxonae painya pexui paca wuca duwei, ¿pacatsipame jomo wito? ¡Jume! Jopa baxua paraichim tsane. <sup>11</sup> Bara bequein peajuntucoyenebe jiwi pam, ichitha paxam payaputaneme xua xanepanaeya painya pexui pacatsibeibame. Ichitha nama Nacom painya Axa pon itabocotha pecaein bichocono jopa juniya paca catsiyo pejuntu coyene xanepanaewan poxonae pawucame beyacaincha poxonae painya pexui pacatsibeibame poxonae paca wuqueiba.

<sup>12</sup> “Paexande ichamonaetha xua po coyene painya ne-ichichipaewa xua barapomonae beta painya nepacata exanaewa tsane. Tsipei barapo coyenewa bayatha Moisés pia peitorobi coyenewatha paca itoroba, matautano Nacom pia peitorobi jume pepaebiwi bayatha paca cui itoroba”, jei Jesús.

*Meje yabara poxonae Jesús yabara cuiduba po boupayo tsica boupayo dena*

*(Lc 13.24)*

<sup>13-14</sup> Nexata equeicha Jesús barai barapo pin bicheitomonae, pomonae pijimonaexae tatsi, jeye: “Poxonae jiwi pona tomara beya, pomonae itapeta pin namto iya pona, barapo jiwi pinmonae, tsipei barapo tomara namto boupa iya xua jopa ayapubeyo. Pomonae nama itapeta, po namto tsica namtiyo iya pona, barapo jiwi

tsiquimonaeyo tsipei barapo tsica boupayo ayapube iya. Barichi poxonaе jiwi patsina Nacom pia nacua beicha saya tsiquimonaeyo patsina tsipei ichamonaе jopa tsita jũntũ cui coyene xanepanaetsi xua xanepanaeya pejinompaewa Nacomtha. Daxota pomonaе Satanás pia nacua beya patsina pinmonaе tsane tsipei jopa taayapubetsi xua barapo Satanás pia jũntũ coyeneyatha tatsi jinompa. Nama itapeta paçananta xeinaeya jinompare Nacom pia jũntũ coyenewa tatsi xua icha jiwi ichi poxonaе seicaya irũrũ barompaya pona tomara tsica namtiyo boupayo iya”, jei Jesús.

*Meje yabara poxonaе Jesús yabara cuiduba xua jiwi ya-putane nae, penacoichixae*

*(Lc 6.43-44)*

<sup>15</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Dota pam, dota pomonaе penaerabiwi, pomonaе xua jeye: ‘Paxan pa-paeban Nacom nexa’, jei. Barapomonaе painya xainya beya pata itara mexeya jopa jũntũ coyene anaepanaeyo icha be ichi pomonaе xua Nacom pejume jejei jiwichi xua peexanaewa pocotsiwa Nacom itoroba xua mataũtano icha be ovejamonaе ichi xua pia cui coyene xeina xua jopa anaepanaeyo. Daichitha barapomonaе bichocono antũcuicoyeneyapube xua anaepana, icha be neũthũ ichi poxonaе bichocono anaepana. <sup>16</sup> Ichitha paxam pacayabara ita coxonaе barapomonaе poxonaе pataneme pocotsiwa barapomonaе exana, icha be jiwi ichi xua poxonaе yaputane nae, po nae penacoichixae. Mataũtano jiwi jopa yaputaeyo xua bapana jiwi jopa teracae uva cuei po naetha sojei, tsipei apara uva cuei xuwa unbototha po unbo jopa e dubenaeyo. Mataũtano jiwi jopa bapana teracae higo thei naexitha, tsipei apara higo thei xuwa higo naetha. <sup>17</sup> Tsipei daxita naein, po naein

pexeinya naein bara nacoita po pethei pexeinya thei. Matautano daxita naein, po naein camatsa naein bara nacoita po pethei camatsa thei. <sup>18</sup> Po nae pexeinya nae jopa bapana nacoichi po pethei camatsa thei. Barichi po nae camatsa nae jopa bapana nacoichi po pethei pexeinya thei. <sup>19</sup> Daxita naein, po naein jopa nacoichiyo po pethei pexeinya thei, jiwi barapo naein uncata. Bapoxonae jiwi barapo naein tauta isototha. <sup>20</sup> Icha naein cana ichichi xua poxonae jopa penacoichiyoxaera, bara cana ichi tsainchi jiwi xua poxoru xanepanaeya jopa peexanaexaera tsane. Icha ichi xua payaputaneme naein poxonae pia pethei pataneme, barichi jiwi pantu cui coyene yaputaneme poxonae pataneme pocotsiwa barapomonae exana”, jei Jesús.

*Meje yabara poxonae Jesús pinae paeba xua pinae daxita jiwi jopa patsi tsane Nacom pia peitorobi nacua beicha  
(Lc 13.25-27)*

<sup>21</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Pinmonae jiwi neyabara caunutsiya jei tsane: ‘Tanecanamataxeinaem’, jei tsane. Daichitha barapomonae jiwana tsicamonaeyo patsina Nacom pia peitorobi nacua beicha. Saya meisa patsina pomonae exana xua pocotsiwa Taxa ichichipa. Barapomonae patsina ichaxota Taxa po nacuatheicha ewatsiya itorobeibeca. <sup>22</sup> Poxonae barapo matacabi jopaena, po matacabitha poxonae Nacom yabara pae-bina xua jiwi penatsicuentsiwa pinmonae jiwi pijunuwi neyabara caunutsiya jei tsane: ‘Pata Tanecanamataxeinaem, paxan pacueicueijan nejume diwesi xam nexa. Matautano cauri paitawetan newuntha. Matautano jinya newuntha papaeban poxonae pexeinya petsita itutsi coyenewa paexanan’, nejei tsane. <sup>23</sup> Daichitha barapomonae jume notsin. Jan tsane: ‘Bu canta bapana jopa



paca yaitaetsi. ¡Taxainya weya pana natsixibarucupare pomonae abe painya neexanae jiwi pamxaem! jan tsane”, jei Jesús.

*Meje yabara poxonae Jesús ainya bomuxube yabara paeba (Mr 1.22; Lc 6.47-49)*

<sup>24</sup> Equeicha Jesús barai barapo pin bicheitomonaе, pomonae pijimonaexae tatsi, jeye: “Pon nejume naitomata pocotsiwa paeban matautano exanano pocotsiwa ichichipan barapon beta popona Nacom nexa. Bara barapon barapocotsi juta coyeneya nacana exana icha be pocotsin peyaputaеin ichi, pon bo acabanota peira matatsucaewatha xua ichaxota ira daunwei. Meje jeye: Copiya muthun tajn exanareca pecuaranobinexa bomuxu naeton. <sup>25</sup> Poxonae ema duneica yawa mene matacaewaxuba yawa joibo bomuxu daunweya capubabanota, barapo bomuxu jopa joparenaeyo, poxoru naeton tajn umenareca xuano poxoru barapo bomuxu peira matatsucaewatha uncua ichaxota ira daunwei. <sup>26</sup> Ichitha nama pon nejume taetha xuano jopa exanaeyo pocotsiwa ichichipan jopa beta poponaeyo Nacom nexa. Bara barapon barapocotsi juta coyeneya nacana exana icha be pocotsin amameibatsi ichi. Bapon be meje: Bapon be pocotsin bo acabanota ichaxota ira matafatsana xuano naeton jopa tajn umenarecaeyo poxoru taetowa. Baraxota mene pateiba poxonae awubo tsaibi. <sup>27</sup> Poxonae ema duneica, yawa mene matacaewaxuba, yawa pin joibo capubabanota barapo bo, bapoxonae barapo bomuxu joparena poxoru naeton jopa tajn umenarecaeyo xuano poxoru bomuxu uncua ichaxota ira matafatsana. ¡Maisa bomuxu bichocono abe!” jei Jesús barapo pin bicheitomonaetha, pomonae pijimonaexae tatsi.

<sup>28</sup> Poxonae Jesús barapo diwesin najume weta, pomonae Jesús jume tainchi, barapomonae yabara

najuntũ coyene cabenaeca xua Jesús pia pecuidubiwan tatsi. <sup>29</sup> Tsipei Jesús ba cuiduba be peyaputaein pia peayapusũ itorobi coyeneya tatsi. Jesús jopa cuidubiyo be judiomonae pia pecuidubiwi pia picoyeneya tatsi.

## 8

*Meje yabara poxonae Jesús axaibi exana pon peperũ sawinchi*

*(Mr 1.40-45; Lc 5.12-16)*

<sup>1</sup> Poxonae Jesús peitapatororo wejuinca, pin bicheitomonae Jesús puna poinchi. <sup>2</sup> Jesús imoxoyo caquita poinchi pebin, pon peperũ sawinchi. Bapon pentabocototha uncua Jesús peitabaratha tatsi xua Jesús pebarũ cui itura jinaexaetsi. Bapon namchi Jesús beya, jeye:

—Pon Necanamataxeinaem jiwi, icha bara ichichipame bara caitacũpa xua axaibi tana neexanaewam, tsipei jinya neayapusũ itorobi coyenewa nexeiinaem, jei bapon.

<sup>3</sup> Nexata Jesús nacobe yota yawa mata jayaba barapo pebin. Jesús barai, jeye:

—Bara ichichipan. ¡Bara axaibinde! ¡Bara caaperũxaibi exanatsi! jei Jesús.

Bapoxonae bapon nainya taaichurucuaetsi xua peperũ sawiwatsi. <sup>4</sup> Nexata Jesús barai peperũ sawinchi:

—Taema, jopa yabara tsipaebinde ichamonaetha xua neaxaibiwam. Saya jame meisa ponde sacerdotemonæpintha xua nenaitutsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita ita peinya xeinatsi xua xam bara jumem yawa xua perũ wũnaem, jei Jesús.

*Meje yabara poxonae Jesús axaibi exana pon soldadomona  
romanomona pia pentacaponaein tatsi tanacuitatsi*

*(Lc 7.1-10)*

<sup>5</sup> Poxonae Jesús joniya Capernaum tomaratha, bapoxonae pebin Jesús imoxoyo caquita poinchi. Bapon romanomona soldadomona pia pentacaponaein tatsi. Bapon nantauta pon tanacuiteibatsi pia botha. <sup>6</sup> Barapo pentacaponaein Jesús jume daunweya baraichi, jeye:

—Tanecanamataxeinaem, pon inta nacuiteiba camatha boca tabohta. Bapon mubatsi yawa bichocono atene, jei barapo pentacaponaein.

<sup>7</sup> Jesús namchi:

—Bara beya tha ponaetsi taaxaibi exanaenexa bapon, jei Jesús.

<sup>8</sup> Barapo soldadomona pia pentacaponaein tatsi jume nota:

—Tanecanamataxeinaem, xan saya tacui pawin. Auran xua xam nepatopaewa tsane tabohta tsipei xam ainya cuim. Icha saya paebiname xua bapon pia peatenewatha tatsi, bapoxonae bara axaibi tsane pon inta nacuiteiba. <sup>9</sup> Xan barichi xeinan tanecanamataxeinaein pon neitoroba. Barichirũ xeinan soldadomona pomonae itorobeiban. Poxonae ichũn itoroban: ‘ponde’, jan, bara bapon pona. Poxonae ichũn waban: ‘antha’, jan, bara bapon patopa. Pon inta nacuita itoroban: ‘inta exande’, jan. Bara inta exana, jei barapon pon pentacaponaein.

<sup>10</sup> Poxonae Jesús baxua jume taeba, jume cui yabara cananthũthũ nanta xeinanaya cabenaeca, beta pepaebixae romanomona soldadomona pia pentacaponaein tatsi. Jesús necotaba pomonae puna poinchi, barai, jeye:

—Xaniyeya paca tsipaebatsi, Israel nacuatha irũ dapocotsin jopa caxinaeinyo pocotsin icha pon iche pon tana necui yabara jume cowũntsin xua bara

neitacupa xua axaibi taexanaewa jiwi. <sup>11</sup> Paca tsipaebatsi, pinmonae patsina Nacom pia peitorobi nacuatha penabanaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Daxita carepaya barapomona Abraham baru equiyaena, iru Isaac baru equiyaena iru Jacob baru equiyaena. Daxita carepaya barapo nacuanmonaepiwi baru nabanaeinchi peitaboco beicha. Abraham, baru nabanaena barapomona ichaxoteicha Nacom itorobiya ewateiba jiwi. <sup>12</sup> Ichamonae nanta xeina xua bepa pinae patsina Nacom pia peitorobi nacua beicha tatsi, bara bequein jopa xanepanaeya peexanaewi. Daxota barapomonaebai tsainchi ichawatha waxainya weya ichaxota pequireiwatha. Baraxota barapomonaebichocono wecoyei tsane yawa nantanuweya nantu jayabina, jei Jesús.

<sup>13</sup> Nexata Jesús barai pentacaponaein, jeye:

—Ponde jinya bo beya. Bara cata exanatsi tanecui yabara jume cowantsimxae xua bara taneitacupaewa xua tacata exanaewatsi, jei Jesús.

Bapoxonae barapo pentacaponaein pia petanacuichin tatsi bara caena taaxaibi exanatsi.

*Meje yabara poxonae Jesús axaibi exana Pedro pamiyo tatsi (Mr 1.29-31; Lc 4.38-39)*

<sup>14</sup> Jesús joniya Simón Pedro pia botha tatsi. Baraxota Jesús tane Pedro pamiyo tatsi xua camatha boca yawa xua domaebatsi. <sup>15</sup> Jesús cobe pita, barapowa cobe pi-tatsi. Domae taaichurucuaetsi bapowa. Nainya barapowa nanta cotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonaē (Mr 1.32-34; Lc 4.40-41)*

<sup>16</sup> Poxonae tabopiya tsanaicha, ichamonae pomonae cauri xeina barapomonae Jesús becarendenatsi. Jesús pia jumetha itaweta caurimonae. Barichi Jesús axaibi exana daxita pomonae peatenewi. <sup>17</sup> Poxonae Jesús barapo coyenein exana, bara nayabara jume cui weta exana caena bayatha Isaías peyabara cui tsiwunaeya paebixae. Bapon Isaías Nacom peitorobi jume pepaebin. Bapon jeye Cristo yabara: “Bapon naca wenota wajuntũ coyene bojeiwa. Matautano bapon naca wenota waatene coyenewan”, jei Isaías pejume diwesitha.

*Meje yabara poxonae Jesús yabara paeba pomonae ichichipa xua pepuna ponaewatsi (Lc 9.57-62)*

<sup>18</sup> Poxonae Jesús tane xua pin bicheitomonaē nacaetuta bapontha, bapoxonae bapon pijimonae itoroba xua icha muxunene beya peponaenexa tsane xua pucua epatauta iya. <sup>19</sup> Poxonae cataunxuae Jesusbarũ jopa torobabiyayo xua icha muxunene beya nexa, bapoxonae Jesús imoxoyo caquita uncuatabũtsi pon jiwi pecuidubin Moisés pia peitorobi coyene. Jesús baraichi:

—Pon jiwi Necuidubim, capuna ponaeinchi daxita jũ-paeyantha xua ichaxotan neponaewa tsane, jei.

<sup>20</sup> Jesús jume nota:

—Namomonae ba pia mũthũn xeina ichaxota pemaitathopeibiwa. Irũ peyapupunaewi ba coton xeina, ichaxota peyamaitathopeibiwa. Ichitha nama xan ponxaein Nacom Tananeitapetsin nama jopa daichinyo. Nama jopa xeinaeinyo bo xua tabo xua xota nafinacaecan, jei Jesús.

<sup>21</sup> Bapoxonae ichũn pon irũ Jesús pijimonae jiwana bapon Jesththa namchi, jeye:

—Tanecanamataxeinaem, bara nepu copare tha taxa matha muthatha xubichi copiya xua bapoxonae tacapuna ponaewatsi tsainchi, jei.

<sup>22</sup> Jesús jume nota:

—Maisa jame nepuna ponde. Bara copare xua petupaewi bara muthacaeinchi, pomonae be pewerapaewi, jopa be tana nejume cowuntsiwixae, barapomonae muthacaena, jei Jesús.

*Meje yabara poxonae Jesús xainya ducuanaya exana joibo yawa maratsacano xainya mene ducuanaya exanano*

*(Mr 4.35-41; Lc 8.22-25)*

<sup>23</sup> Nexata Jesús jeratha nontabiya. Jesús pijimonae baru pona jeratha. <sup>24</sup> Bapoxonae jemeicha pin joibo naetaba mentha. Maratsacan jeratha mene othopa muxu pibunarecae. Daichitha Jesús maituncua. <sup>25</sup> Bapoxonae Jesús pijimonae yaubaxotsi, jeichichi Jesús:

—¡Pata Necanamataxeinaem, pana capanepare! ¡Yanabunarecatsi! jei Jesús pijimonae tatsi.

<sup>26</sup> Jesús jume nota:

—¿Eta pocotsiwa metha bichocono pajunuwame? ¿Cataunxuae jopa pana neyabara jume cowuntsim xua bara tana neitacupaewa xua tapaca yawenaewatsi? jei Jesús.

Nexata Jesús asiya uncua. Bapoxonae Jesús itawetaxuba joibo, maratsacano. Daxita caewanaya joibo yawa maratsacano. <sup>27</sup> Bapoxonae barapo pebiwi yabara najuntu coyene cabenaecarucupa xua pocotsiwa Jesús peexanaexae. Barapomonae najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonae.

*Meje yabara poxonae pebinbe ponbe caurimonae pex-einaeinbe, ponbe Gadara nacuapinbe*

*(Mr 5.1-20; Lc 8.26-39)*

<sup>28</sup> Poxonae Jesús patopa pucua icha muxunene beya xua po nacuatha Gadara nacua, bapoxonae pebinbe Jesús imoxoyo caquita uncuatabutsibe. Baponbe ibo wountha poponeibabe. Caena bayatha baponbe xeinabe caurimonae. Barapo caurimonae baponbe anaepana cana exanatsibe daxota daxita jiwí junuwa xua peponaewa barapo namtotha ichaxota baponbe poponabe.

<sup>29</sup> Bapoxonae jemeicha caurimonae baponbe wawai exanatsibe, jeibe:

—Nacom Pexantom tatsim, ¿eta pocotsiwa metha patopame pata xantha? ¿Patopame jinya painya neperaxa exanaetsibe pewunaeya xua po matabitha xua poxonae Nacom atene pana exanaena xua abe pata exanaexae? jei baponbe xua caurimonae wawaya exana.

<sup>30</sup> Tsiwiyo tajayo beya pin marrano duweimonae xay-ompa. <sup>31</sup> Caurimonae Jesús jeichi:

—Icha pana itawetame, moya pana nepu copabare marrano duweimonaetha, jei caurimonae.

<sup>32</sup> Nexata Jesús jume nota caurimonaetha, jeye:

—Moya pataema, jei.

Nexata caurimonae pebinbe wepu ponatsibe, yawa marrano duweimonaetha pata. Barapo marrano duweimonae ducupa, pin pitapatororo othopareca. Pucuatha bunothopa. Caurimonae cabunothopatsi.

<sup>33</sup> Pomonae yapu eena barapo marrano duweimonae, junuwiya cuinaenouta peyabara paebinexa tomarapiwitha. Barapomonae yabara paeba daxita pocotsiwa Jesús cana exana marrano duweimonaetha yawano pocotsiwa Jesús cana exana ponbetha ponbe xua cauri pexeinaeinbe.

<sup>34</sup> Bapoxonae daxita tomarapiwi pona ichaxota Jesús

eca. Poxonae Jesús tainchi, barapomonae Jesús jeichichi: “Maisa bewa warapaename Gadara nacua weya, po nacua pata nacua weya”, jei daxita barapomonae.

## 9

*Meje yabara poxonae Jesús axaibi exana pon pecuenobinchi  
(Mr 2.1-12; Lc 5.17-26)*

<sup>1</sup> Nexata Jesús jeratha nontabiya. Jeratha pona icha muxunene beya xua pucua epatauta iya. Jesús pia tomara beya patopa, barapo tomara icha muxunenetha eca. <sup>2</sup> Baraxota pebiwi pata. Barapo pebiwi Jesús tacarendenatsi pon pecuenobinchi. Xua xota pocotsiwatha pemaiteibiwa, barapomonae barapocotsiwatha pecuenobinchi carendenatsi. Poxonae Jesús tane xua barapomonae yabara jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonae Jesús barai pecuenobinchi:

—Tajiton, najuntũ coyene tsacatabare. Cacui yabara juntemainaya juntũ puxana exanatsiba jinya abe neexanae cuiru coyenein, jei Jesús.

<sup>3</sup> Bapoxonae pomonae jiwi pecuidubiwi Moisés pia peitorobi coyenewa tatsi, barapomonae daxita carepaya pia coutha nanta xeina. Najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara juntemainaya juntũ puxana exanatsi abe pia peexanae cuiru coyenein tatsi”, najei barapomonae.

<sup>4</sup> Daichitha Jesús yaputane xua barapomonae pijuntũ coyeneintha natsipaeba. Jesús barai barapomonae, jeye:

—¿Eta xua metha baxua abeya pana neyabara cananta xename? <sup>5</sup> ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata juntemainatsi’, jan tsane? Ichacuitha ¿metha jan



tsane: ‘Nontaponare, yawa bara ponare’, jan tsane?  
<sup>6</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui juntemainaya juntu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi nontaponde. Jinya nemaituncuaewa pire. Jinya bo be-iyande, jei Jesús.

<sup>7</sup> Bapoxonae pon pecuenobinchi caena nainya nontapona barapomonae peitutha tatsi, yawa pita xua pe-maituncuaewa. Bapoxonae pia bo be-iya. <sup>8</sup> Poxonae jiwi tane baxua, barapomonae yabara najuntu coyene cabenaeca yawa Nacom wuna jaintatsi. Barapomonae nabarai:

—Anoxuae waxainchi tainchi pocotsiwa pewunaewa pocotsiwa jopa yaputaetsi, yawa wuna jaintatsi xua Nacom barapo jitontha pecatsixae pia peayapusu itorobi coyenewa, jei barapomonae.

*Meje yabara poxonae Mateo wabatsi, Jesús waba  
 (Mr 2.13-17; Lc 5.27-32)*

<sup>9</sup> Jesús bara weya pontaba ichaxota axaibi exana pon pecuenobinchi. Bapoxonae Jesús tane pebin pon pewun Mateo. Bapon eca ichaxota bapon paratixi matoma noteibeca po paratixi jiwi bewa catsibina pon romanomonae itorobiya pia pepa peewatsinchi nexa. Jesús Mateo baraichi:

—Nepuna ponde, jei Jesús.

Bapoxonae Mateo caena nainya nontapona yawa napuna pona Jesustha.

<sup>10</sup> Pirapaeyo Jesús baru ecatsi, Mateo baru eca pia botha pexaethopeibiwatha xua Jesús pebaru xaenexatsi. Barichi

Jesús baru eca pinmonae barapo pexaethopeibiwatha pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Iruru Jesús baru eca ichamonae pomonae abe peexanae cuiru coyenein peexanaewi. Daxita barapomonae Jesús baru eca pexaethopeibiwatha yawa Jesús pijimonae baru ecano penabanaenexa. <sup>11</sup> Ichitha poxonae fariseomonae tane xua Jesús dacotsiwa baru eca, barapomonae namchi. Jesús pijimonae tatsi baraichi:

—Maisa Jesús abe exana poxoru baru xayeca pomonae paratixi pentoma noteibiwi. Matautano, baru xayeca pomonae abe peexanae cuiru coyene peexanaewi, jechichi Jesús pijimonae tatsi barapo fariseomonae.

<sup>12</sup> Poxonae Jesús baxua jume tane, bapon Jesús namchi barapomonaetha:

—Pomonae ba xaniwaicha jinompa xua jopa ateneyo barapomonae ba jopa canantawenonaeyo pon jiwi peyawubin. Saya jame meisa pomonae ba atene barapomonae jame canantawenona pon jiwi peyawubin. Bara juta coyene ichi barapomonae pomonae nebaru xane. Barapomonae nenantawenona xua tayabara cui juntemainaenexa abe pia peexanae cuiru coyenein tatsi. <sup>13</sup> Panacuidubaponde xua Nacom Pejume Diwesi paeba. Meje xua Nacom namchi, jeye: ‘Ichichipan xua jiwi nantanuweya peyabara nanta xeinaewa ichamonaetha xua peyawenaewa tsane. Baxua jame ichichipan beyacaincha xua ichichipan po cui coyene xua jiwi duwei petautsiwa xua tuxusi exana xan nexa’, jei Nacom. Barichinno xan patopan apara tha jopa tawabinexa tsane pomonae pejuntu coyene xanepanaewi. Apara jame patopan tha meisa tawabinexa tsane pomonae peajuntucoyenebe jiwi, xua barapomonae icha juntu

coyene pexeinaenexa tsane peauraxae xua abe exana, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mr 2.18-22; Lc 5.33-39)*

<sup>14</sup>Nexata Juan pon jiwi Pebautisabin, bapon pia pepuna jinompaewichi barapomonaе pata Jesús pia xantha tatsi. Barapomonaе Jesús yainyabatsi, jeye:

—Apara paxan iru fariseomonaeru jopa juniya Nacom payabara nainboteibinyo poxonaе Nacom pawuqueiban. ¿Eta xua metha jinyamonae daxua jopa cou daichiyo, saya cou u penabaneibi? jei barapomonaе pomonaе Juan pia pepuna jinompaewichi tatsi.

<sup>15</sup>Jesús jume nota barapomonaе:

—Jiwi ba jopa bewa wecoyeya yabara nainbotsi poxonaе ichamonae pexaewa tsinacaetuta penabanaenexa xua poxonaе pebin pecotsiwa pita. Poxonaе cataunxuae awiya bapon eca pexaewa penabanaewatha, bapoxonaе jiwi ba peburuя nabane, jopa bewa yabara nainbotsi tsane. Ichitha icha pon aena piowa pita, caena nainya waetabatsi, ichamonae waetaba xua bapon tajū pecapon-aenexatsi, bapoxonaе jame jiwi ba bewa wecoyeya yabara nainbotsi xua equeicha bapon caewa pepatopaewa tsane.

<sup>16</sup>“Jiwi ba jopa exanaeyo xua pena paparuwa tsiwiyo jiwana caxinaxubeta po paparuwa cataunxuae jopa matanaxubiyo, xua barapo paparuwa pewan botsinexa peru dorouto. Icha baxua exanaetsipa xua pena paparuwatha wan bota peru doroutotha, bapoxonaе barapo dorouto abe tsipae. Tsipei poxonaе barapo dorouto matanaxuba barapo pena paparuwa natsaquetabiya. Poxonaе barapo pena paparuwa natsaquetabiya equeicha wan tsitsipanarena barapo dorouto. Bapoxonaе equeicha nama bichocono pin wan tsanaya beyacaincha xua

poxonae copiya. <sup>17</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba yawa barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo, yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

*Meje yabara xua poxonae Jairo pexantiyo taaxaibi exanatsi, yawa yabara xua bapoxonae icha yabũyo irũ axaibi exanatsi poxonae Jesús pia paparuwa tajayabatsirũ*

*(Mr 5.21-43; Lc 8.40-56)*

<sup>18</sup> Poxonae cataunxuae Jesús cueicueijeji barapomon-aetha, bapoxonae pebin patopa. Bapon judiomonae pia penacaetutsi bo pia pecanamataxeinaein tatsi. Bapon pewũn Jairo. Jesús petaxutha irabe tatayecarecatsi. Bapon baxua exana tsipei Jesús pon ainya cui peexanaeinchi. Bapon namchi Jesustha:

—Taxantiyo anoxuaetha inta tũpa. Icha xam pon-aename yawa necobetha mata jayabiname, bapoxonae barapowa equeicha asũ tsane xua equeicha nacosatsina, jei Jairo.

<sup>19</sup> Jesús bapoxonae nontapona. Jairo puna poinchi. Irũ Jesús pijimonae puna poinchi. <sup>20</sup> Poxonae Jesús iya irũ yabũyo Jesús imoxoyo caquita poinchi. Barapowa caena bayatha be yadoce po weiyobe jopa xua pentabũ janatha boca xua be nantawane. Barapowa Jesús pia paparuwa xainyowa tajayabapoinyatsi. Bapowa paparuwa tajayaba xua peopirawa xua Jesús pia penamaxatatsiwa tatsi. <sup>21-22</sup> Baxua exana tsipei bapowa nanta xeina, jeye:

“Icha pia paparuwa tajayabin bapoxonae axaibin tsane”,  
jei bapowa.

Poxonae bapowa Jesús tajayabatsi pia paparuwa,  
bapoxonae caena jüntübü jana naruntaba.

Nexata Jesús napatomeicha necota, yawa yabüyo  
tainchi. Jesús namchi bapowatha:

—Yabüyo, najüntemiya xore. Caaxaibi exanatsi jinya  
tana neyabara jume cowuntsixaem xua bara tana neitacu-  
paewa xua tacaaxaibi exanaewatsi, jei Jesús.

<sup>23</sup> Jesús equeicha pona. Poxonae Jesús patopa pecana-  
mataxeinaein pia bo tatsitha, bapoxonae Jesús tane xua  
pebiwi oba tsipei yabüyo bayatha tupa. Barapo pebiwi  
pomona pecapu obiwi pewerapeibiwi. Matautano Jesús  
tane pomona pesiwa namtsebiya wecoyei jiwi. <sup>24</sup> Jesús  
namchi jiwitha:

—Tutu weya paponde. Yabüyo apara jopa tupaeyo,  
maituncua apara, jei Jesús.

Poxonae Jesús baxua paeba, jiwi Jesús jume cui  
caponatsi. <sup>25</sup> Ichitha Jesús itoroba xua barapomona  
tutu wejojoniya pesato beya. Bapoxonae Jesús bo tutu  
joniya. Jesús cobe pita, yabüyo cobe pitatsi yawano asiya  
cuaranotatsino penacosatsixae. <sup>26</sup> Xua Jesús yabüyo ax-  
aibi exanatsi, barapo diwesi daxita jiwi jume taetaepona  
pomona barapo nacuatha jinompa.

*Meje yabara poxonae Jesús axaibi exana ponbe nantiyabe  
itata nacutabe*

<sup>27</sup> Poxonae Jesús bara weya pona ichaxota yabüyo  
caewa asu exanatsi, pebinbe Jesús puna poinchi. Baponbe  
peitata nacutsinbe. Baponbe wawaya jeibe:

—Xam Jesús, David pia pemomoxi susatopin jiwanam  
ponxaem Nacom necaitapetsin pana neyabara najüntü  
coyene xeinarebe xua pata tana neyawenaenexamebe,  
jeibe baponbe ponbe peitata nacutsinbe.

<sup>28</sup> Poxonae Jesús bomuxu bejoniya, ponbe peitata nacutsinbe Jesús imoxoyo caquita poinchibe. Jesús yainyaba baponbetha:

—¿Bara pana neyabara jume cowuntamebe xua bara tana neitacupaewa xua axaibi tapaca caexanaewatsibe? jei.

Jume notabe:

—Aja, pata Tanecanamataxeinaem, bara paca cui yabara jume cui cowuntatsibe, jeibe.

<sup>29</sup> Bapoxonae Jesús itamaiquei jayababe baponbe. Jesús namchi baponbetha, jeye:

—Icha pana necui yabara jume cowuntamebe xua bara tana neitacupaewa xua axaibi tapaca exanaewatsibe bara baxua pacata exanaeinchibe xua axaibi paca exanaeinchibe, jei Jesús.

<sup>30</sup> Bapoxonae caena nainya aitamaiqueixaibibe. Jesús jume daunweya baraibe baponbe, jeye:

—Jopa pana necui yopichindebe ichamonaetha xua pacata exainchibe baxua, jei Jesús baponbetha.

<sup>31</sup> Daichitha poxonae Jesús weya ponabe, pejume taewathabe xua Jesús paeba, tsipaebabe ichamonaetha pomonae barapo nacuatha jinompa, daxita pocotsiwa xua Jesús cana exana baponbetha.

*Meje yabara poxonae Jesús axaibi exana pon pemuxusipanaein*

<sup>32</sup> Poxonae Jesús bo wejoniya iruru ponbe aitamaiqueixaibi exanatsibe, bapoxonae ichamonae Jesththa pata. Barapomonae capona pebin, pon muxusipana, matautano jopa paebiyo, tsipei cauri xaina.

<sup>33</sup> Bapoxonae Jesús itaweta cauri xua barapo pebin muxusipana exainchi. Caena nainya bapon cueicueijeji. Nexata pomonae xua tane xua Jesús exana, barapomonae

yabara najuntũ coyene benaeca. Barapomonae namchi, jeye:

—Jopa bapana taetsi Israel nacuatha icha be ichi pocot-siwa Jesús exana, jei barapomonae.

<sup>34</sup> Ichitha poxonae fariseomonae jume tane baxua, barapomonae namchi Jesús yabara, jeye:

—Barapon caurimonae itawetatsi tsipei xeina caurimonae pia pentacaponaein tatsi pia peayapusũ itorobi coyene tatsi, jei fariseomonae.

*Meje yabara poxonae Jesús nantanuweya yabara cui nanta xeina jiwi xua peyawenaewa tsane*

<sup>35</sup> Jesús pona daxita pin tomarantha yawa po tomaraxi tsiqui tomaraxitha. Bapon cuiduba ducuaeta judiomonae pia penacaetutsi bontha tatsi. Matautano bapon paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaex-anaenexatsi piamonae pomonae Nacom juntũ coyene itorobiya ewata. Matauta bapon jiwi axaibi exana ducuaeta pomonae xua atene yawa xua cuenecuenona.

<sup>36</sup> Poxonae Jesús jiwi tainchi, Jesús yabara nanta xeina barapomonae xua peyawenaewa tsane. Tsipei barapomonae natsepa matautano jopa itacupaetsi xua pia coutha penayawenaewa. Barapomonae bara be jũta coyeneya ichi, icha be ovejamonae ichi xua poxonae iratha bobena tsipei natsepa matautano tsipei dapon aibi, pon pe-eenaen ovejamonae xua peyawenaenexa.

<sup>37</sup> Nexata Jesús namchi pijimonaetha:

—Bara xainyeya paca tsipaebatsi. Pabitha ba pocot-siwa peũbiwan naweta nawita, daichitha ba penacuichiwi pomonae jota pinmonae aibi. Bara jũta ichi barapo cae pin nacuathe. Jiwi pinmonae jinompa pomonae nantawenona xua pejume taewa tsane Nacom pia pexeinya jume diwesi tatsi. Daichitha pomonae Nacom

Pejume Diwesi cueicueijeji tsurubenanaebiya ichamon-aetha, barapomonaе pinmonaе aibi, saya tsiquimonaeyo. <sup>38</sup> Daxota Nacom pawncare xua pecaitorobinexa tsane ichamonaе xua petacamuxu tsipaebinexa tsainchi pia pejume diwesi pomonaetha pomonaе barapo cae pin nacuathe pejinompaewi, jei Jesús.

## 10

*Meje yabara poxonaе Jesús itapetsiya waba pia peitorobiwi tatsi xua doce poyobe*

*(Mr 3.13-19; Lc 6.12-16)*

<sup>1</sup> Nexata Jesús pijimonaе waba. Barapomonaе jiwana itapetatsi doce poyobe, pomonaе baraichi: “Jesús pia peitorobi jiwu tatsi”, jeichichi. Jesús barapomonaе cata pia peayapusu itorobi coyenewa xua cauri ichamonaе petaitawetsinexatsi pomonaе xua cauri xeina. Matautano Jesús cata pia peayapusu itorobi coyenewa xua pijimonaе tatsi axaibi peexanaenexa pomonaе xua atene, xuano xua cuenecuenona.

<sup>2</sup> Barapomonaе pomonaе doce poyobe pomonaе peitorobiwichi, ichun pewun Simón, pon icha wunno “Pedro” baraichi. Iru ichun pewun Andrés, pon Simón peweicho tatsi. Iru ichun pewun Santiago. Iru ichun pewun Juan, pon Santiago peweicho tatsi. Baponbe Zebedeo pexantobe tatsi. <sup>3-4</sup> Iru ichun pewun Felipe, iru ichun pewun Bartolomé, iru ichun pewun Tomás, iru ichun pewun Mateo. Barapon Mateo pon paratixi pentoma noteibin po paratixi jiwu bewa catsibina pon romanomonaе itorobiya pia pepa peewatsinchi nexa. Iru ichun pewun Santiago, pon Alfeo pexanto tatsi. Iru ichun pewun Tadeo. Iru ichun pewun Simón, pon celotemonaepin. Iru ichun pewun Judas



Iscariote, pon Jesús caenaetaxubatsi ichamonaetha xua pebexubinexatsi.

*Meje yabara poxonae Jesús itoroba pijimonae xua barapomonae peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonae tatsi*  
(Mr 6.7-13; Lc 9.1-6)

<sup>5</sup> Barapo doce poyobe Jesús itoroba, Jesús jeye:

—Jopa paponaeinde po nacua ichaxota jinompa pomonae jopa judiomonae naexanaeyo. Jopa paponaeinde po tomaran ena Samaria nacuatha. <sup>6</sup> Meisa saya paponde pomonae Israel nacuamonaepiwitha. Barapomonae payawende tsipei barapomonae Nacom tajũ wepu jinompatsi xua pipato jinompa. Icha be pocotsi jũta coyeneya ichi oveja, barapo ovejamonae napuxana poxoru wepu pona tajũ beya, xua pon pe-eeinaein barapo ovejamonae bapon tajũ wepu poinchi icha xua poxonae napuxana. <sup>7</sup> Poxonae papaeba dubenanaebiyame, papaebare barapomonaetha po coyene xua anoxuae Nacom waba jiwi xua petanaexanaenexatsi piamonae pomonae itorobiya peewatsixae. <sup>8</sup> Matautano Nacom pia peayapusũ itorobi coyenewatha po coyenewe meje baxua paexande: Axaibi paexande pomonae peatenewi; equeicha asũ paexande pomonae werapeibina; axaibi paexande pomonae xua peperũ sawichimona; matautano caurimona pata taitawere pomonae caurimona pexeinaewi. Nacom amanaya paca cata barapo pia peayapusũ itorobi coyene, daxota poxonae jiwi payawename Nacom pia peayapusũwatha, jopa jiwi paratixi pawũcaeinde.

<sup>9</sup> “Jopa pacaponaeinde paratixi xua poxonae painya newarapaenexa. <sup>10</sup> Jopa pacaponaeinde cote xua painya nejeyaenexa paparuwan poxonae pawarapame. Saya

cae camisa panama xatabare, jopa icha camisa pacaponaeinde. Matauta jopa pacaponaeinde ichawan xua painya nenataxu xatabiwan, yawa icha iwaton jopa pacaponaeinde. Painya xoba paauram xua poxonae jiwi paca catsibeibina tsipei baraxua pocotsiwa paca cata apara bara painya matoma painya netanacuichixaemxae Nacom.

<sup>11</sup> “Poxonae papanenebiyam pin tomaratha, ichacuiitha tsiqui tomariyotha, pajeire pon jiwi barũ cui itura jina xuanõ xua paca tsiwaba pia botha tatsi pia paca apatsinexa tsane. Bapon pia botha tatsi painya nepu enaeinde beya tsane poxonae barapo tomara weya pawarapae-name. <sup>12</sup> Poxonae bomũxũtha pajojoniyame, barapo bopiwi pajacobare, pajande: ‘Barabũ Nacom jũntema jinõmpa paca cana exanaena’, pajande. <sup>13</sup> Icha baxota jinõmpa pomonae pomonaetha jiwi barũ cui itura jina, bara baxua Nacom barapomonae taexanaeinchi pocotsiwa papaebame. Ichitha icha baxota jinõmpa pomonae pomonaetha jopa jiwi barũ cui itura jinaeyo, baxua Nacom jopa taexanae tsane pocotsiwa papaebame barapomonaetha. Equeicha caewa pacata parenaena xua pocotsiwa papaebame. <sup>14</sup> Ichitha icha icha tomarapiwi jopa paca matenta weyataeya wabiyo yawano icha jopa xapain paca jume naitaewatsiyo, nexata bapoxonae panatsixibare. Namto beya paponde xua bomũxũ weya xua ichacuiitha icha tomara weya. Po tsorobo painya taxutha dubena pana nataxu wenũnũbabare barapo tomaratha. Poxonae baxua paexaname patsita itapeinya xeinaename, apara xua barapomonae abe exana painya xainya berena xua poxonae barapomonae paca jume itaweta. <sup>15</sup> Bara xainyeya paca tsipaebatsi matacabi patopaena, po matacabitha Nacom yabara paebina jiwi petsita natsicuentsexiaetsi xua abe petsita exanaexaetsi. Barapo matacabitha jopa jurniya bichocono atene tsane pomonae paca jume itaweta.

Caena bayatha Sodoma tomarapiwi iru Gomorra tomara-  
piwi bichocono abe exana. Daxota Nacom atene exanaena  
barapo tomaramonaebe. Bara bequein Sodoma tomara-  
piwi atene matauta iru Gomorra tomarapiwi bequein  
atene tsipei bichocono abe exana barapomona. Ichitha  
nama pomona barapo tomaratha jinompa, pomona  
paca jume itaweta, jopa juniya peraxa jubebi tsainchi,  
beyacaincha poxona Sodoma tomarapiwi yawa Gomorra  
tomarapiwi peraxa jubebatsi”, jei Jesús.

*Meje yabara poxona Jesús yabara paeba xua ichamona  
abe exanaena Jesús pijimonaetha tatsi*

<sup>16</sup> Equeicha Jesús jeye: “Paponde ichaxota paca itoro-  
batsi. Paca caitorobatsi pia xainya beya pomona jopa  
pejume cowantsiwi, pomona itacupatsi xua abe painya  
nepaca exanaewa, icha ovejan ichi xua poxona pona  
ichaxota neuthu jinompa xua itacupatsi xua abe peex-  
anaewatsi. Paxam pananthuthu cui wunaetsiya tsaquiya  
jinompare, tsipei ichamona beya paca pepeichipa. Baxua  
bara paichinde icha jomo ichi xua peita coxonaein pox-  
ona waxouto cuitaya naetsiriwatsi. Paxam bara jutiya  
jopa paichim tsane jopa ichamonaetha abe paexanaeinde,  
icha topiboto ichi xua anaepana jopa nanta xeinecaeyo  
xua juntema yapoponeca. <sup>17</sup> Paxam dota pam, dota  
pomona peajuntucoyenebe jiwi. Barapomona paca te-  
icaena pepaca caponaenexa tsane pomonaetha pomona  
tomaran pentacaponae. Bapoxona barapomona  
paca cuainchina judiomona pia penacaetutsi bontha  
tatsi. <sup>18</sup> Matauta barapomona paca caponaena pomona  
peyanacua ewatsi jiwi peitabaratha tatsi. Matauta paca  
caponaena pomona jiwi itorobiya pia pepa peewat-  
siwichi pia peitabaratha tatsi. Baxua paca cana ex-  
anaena painya tana nejume cowantsixaemxae. Daichitha

barapo pentacaponae wi peitabaratha tatsi paca itacupaena xua pata neyabara paebiwān pocotsiwa bayatha tapacata exanaewatsi paxam. Matautano paca itacupaena xua pata neyabara paebiwān pomonae jopa judiomonae naexanaeyo peitabaratha tatsi. <sup>19</sup> Ichitha poxonaē paca caponaena pentacaponae wi beya, jopa payabara najuntū coyene exabinde pocotsiwa xua painya nejume notsiwa tsane barapomonaetha. Nama Nacom paca tsijume dubina po jume xua painya necaunutsiwam tsane. <sup>20</sup> Tsipei beta jopa papaebimchipae painya coutha, ichitha Nacom pia Pejumope tūnaxū tatsi paca tsimumu cueicueijeī tsane. Bapon paca catsina po jumetha xua patsipaebiname.

<sup>21</sup> “Jiwi caenaetsina barompaya peweicho jiwi ichamonaetha xua ichamonaē pejutebinexa tsane. Iru coxiyeiwi ichamonaetha caenaetsina pia pexui xua ichamonaē pejutebinexa tsane. Iru pexui paxeiwi caenaetsina ichamonaetha xua ichamonaē pejutebinexa tsainchi. <sup>22</sup> Daxita nacuanpiwi paca casebina painya tana nejume cowūntsixaemxae. Ichitha icha awiya paantūyapūsūya nejume cowūntsiya jinompaename xua beya payacuiya werapaeya othopaename, poxonaē bequein abe pacata exana ichamonaē Nacom napaeba paca cana exanaena. <sup>23</sup> Icha cae tomarapiwi paca abe exanaena, parūcupare icha tomara beya. Bara xainyeya paca tsipaebatsi xua xan ponxaein Nacom Tananeitapetsin, equeicha patopeicaein beya abū poxonaē cataunxuae jopa panacui wetsim tsane xua paponame daxita israelmonae pia nacua tomarantha tatsi, xua papaeba dubenanaebiyame Nacom Pejume Diwesi.

<sup>24</sup> “Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaēin. Matauta pon ba petanacuichin jopa ainya cuiyo, jopa be bapocotsinyo pon xua peitorobixaetsi pon pia

pecanamataxeinaeinchi tatsi. <sup>25</sup> Pon ba penacidubin bewa nanta xeinae, bewa najei: ‘Maisa ichamonae inta abe exanatsi pon tana necuidubin. Metha bara neichi tsane’, bewa najei. Iru pon ba tanacuita pia pecanamataxeinaeinchi bewa najei: ‘Maisa ichamonae inta abe exanatsi pon tanecanamataxeinaein. Metha bara neichi tsane’, bewa najei. Icha pocotsi coyeneya baponbe ichi poxonae baxua nayabara nanta xeinabe, bara pocotsi coyeneya paca cana ichiya exana jiwi icha poxonae neyabara ichiya namchi. Tsipei jiwi abe neyabara paeba xua jeye: ‘Maisa bapon Beelzebú tsecae pon caurimonae pia pentacaponaein tatsi’, jei. Matauta paca yabara jei tsane: ‘Maisa barapomonae Beelzebú pijimonae tatsi po Beelzebú caurimonae pia pentacaponaein tatsi’, paca yabara jei tsane”, jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina*

*(Lc 12.2-7)*

<sup>26</sup> Equeicha Jesús jeye: “Jopa jiwi pacunuwinde xua tapana neyabara paebiwam. Tsipei daxita diwesin, xua po diwesin bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua. <sup>27</sup> Tsipei daxita baxua xua nameicha paca tsipaebatsi, baxua xuya patsipaebare jiwi. Po diwesi xua merawi paca tsipaebatsi, barapo diwesi xuya ichamonae mataqueitha patsipaebare. Po diwesi xua paxapaxeya paca tsipaebatsi, barapo diwesi xuya panatha pana nejume canawabiya wawande. <sup>28</sup> Tamonae pam, paca tsipaebatsi, jopa pacunuwinde pomonae itacupatsi xua paca jutebina xua saya meisa painya pepontha. Ichitha barapomonae jopa itacupaetsi xua equeicha paca jumopein tñaxu jutebina. Jame

paca tsipaebatsi pon jame bewa pajume cuitaya cunuwim bapon apara jame Nacom. Tsipei barapon Nacom itacupatsi xua paca bebai pin isototha po pin isototha jopa bapana itacounayiyo xua weraweraca painya nepaca exanaenexa painya pepon yawa painya nejumope tñaxun.

<sup>29</sup> “Jiwi ba caenaeta sito dos poyobe, saya cae paratियोtha nantomata. Bequein barapo sitobe caenaeta jiwi xua jopa matoma nautsiyo, poxoru saya sito, ichitha painya Axa Nacom yaputane yawa copata poxonae barapo sitobe jiwana iratha yajopeica xua yatupa. <sup>30</sup> Nacom daxita carepaya jopa juniya paca yabara yaputaeyo, daxota paca matana yaputane xua pontanatiyobe painya nexeinaewa. <sup>31</sup> Jopa pajunuwinde tsipei paxam bichocono Nacom patsita ainya cuim, beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomonae peyabara paebiwichi ichamonae peitabaratha tatsi*

*(Lc 12.8-9)*

<sup>32</sup> Equeicha Jesús namchi: “Yabara paca tsipaebatsi pomonae xua nayopita ichamonaetha pomonae xua najei: ‘Apara paxan Jesús pijimonae tatsi pan’, najei. Barichi xan xuya jan tsane Nacomtha: ‘Barapomonae apara tana nejume cowantsiwi’, jan tsane xuya barapo Nacom peitabaratha pon Taxa, pon peitabocotha peecaexae. <sup>33</sup> Ichitha pomonae xua neyabara jei ichamonaetha: ‘Jopa bapon yaitaeinyo’, jei, xan xuya barapomonae yabara jan tsane: ‘Apara barapomonae jopa yaitaeinyo’, jan tsane xuya Taxa beicha, pon peitabocotha peecaexae”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamonae jopa pejume cowantsixaetsiru*

*(Lc 12.51-53; 14.26-27)*

<sup>34</sup> Equeicha Jesús namchi: “Jopa pananta xeinaeinde xua patopeican saya meisa xua jiwi jüntema jinompa tacana exanaewa tsane. Jopa baxua tsipatopaeinyo. Apará jame tsipatopeican taexanaenexa po coyene jiwi naba exanatsi xua daxota ainya bicheiton penaexanaenexa. Pomonae jopa nejume cowuntsiyo ita aenae-aenei pomonaetha pomonae tana nejume cowuntsiwi. <sup>35</sup> Coxiyan pexanto ita aenae-aenei tsainchi. Irã coxiwa pexantiyo ita aenae-aenei tsainchi. Irã ichowayo pecopeinyo ita aenae-aenei tsainchi. <sup>36</sup> Daxota pebin barompaya piamonae penaaifaetabi jiwi nacana exanatsi.

<sup>37</sup> “Pon antobe paxa yawa pena beyacaincha xua neantobe bapon jopa naexanae tsane pon tajiwimonae jiwanapin. Pon antobe pexanto beyacaincha xua neantobe, bapon jopa naexanae tsane pon tajiwimonae jiwanapin. Yawa pon antobe pexantiyo beyacaincha xua neantobe bapon jopa naexanae tsane pon tajiwimonae jiwanapin. <sup>38</sup> Matautano pon jopa awiya exana ducuaenaebiyayo pocotsiwa itoroban, tsipei jopa be peraxa exanaetsi icha be xua poxonae neichi nexata bapon jopa tajiwimonaeinyo. <sup>39</sup> Pon naantobeya nata exana pocotsiwa bapon ichichipa bapon jopa xeinaeyo peajuntuyaruswa, po peajuntuyaruswa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan taneantobexae bapon xeinaena peajuntuyaruswa, po peajuntuyaruswa ataya tsiteca xua Nacom pia nacua beicha”, jei Jesús.

*Meje yabara poxonae Jesús yabara paeba xua pocotsiwan  
peyabara cui matomatsiwa  
(Mr 9.41)*

<sup>40</sup> Equeicha Jesús namchi: “Pon xua paca matenta weyatane pia tana neyabara jume taenexa tsane pocotsiwa

papaebiname, barapara bapon yawa neweyataneru. Barapon pon xua neweyatane, barapara matautano weyataenaru xua weyatainchi pon xua tana neitorobixae, bapon Nacom. <sup>41</sup> Pon cueicuejei Nacom pia peitorobi jume diwesi, Nacom bapontha catsina pia peyabara cui matomatsiwa tsipei barapon pon barapo peitorobi jume pepaebin Nacom tanacuitatsi. Po peyabara cui matomatsiwa catatsi pon Nacom peitorobi jume pepaebin Nacom barichi tsane jupa catsina pontha pon matenta weyatane, xua matenta weyatainchi pon Nacom pia peitorobi jume pepaebin. Matauta iru pon xua pejuntu coyene xeicaein bapontha Nacom catsina peyabara cui matomatsiwa tsipei bapon xanepanaya popona Nacom nexa. Nacom barichi tsane jupa catsina pontha pon matenta weyatane xua matenta weyatainchi pon pejuntu coyene xeicaein. <sup>42</sup> Pon xua apatsina tajiwimonae jiwana pintha bequein jopa matowa apatsiyo mera xua bequein cae corotiyo xua ameneque, daichitha Nacom bapontha catsina pia peyabara cui matomatsiwa tsipei bapon tajiwimonae jiwana pin yawenatsi”, jei Jesús.

## 11

*Meje yabara poxonae Juan pon jiwi Pebautisabin itoroba pijimonae Jesús beya, peyainyabinexa tsainchi Jesús*

*(Lc 7.18-35)*

<sup>1</sup> Jesús najume weta xua pijimonae muxuwetsiya cuiduba, po jiwimonae tatsi xua doce poyobe tatsi. Bapoxonae Jesús bara weya natsixitaba xua tomarantha peponaenexa po tomaran ena barapo nacuatha xua jiwitha pecuidubinexa Nacom pia pexeinya jume diwesi tatsi.

<sup>2</sup> Juan pon jiwi Pebautisabin, bapon jiwi pecubi botha etatsi. Poxonae cataunxuae jiwi pecubi botha eca, bapon jume tane xua juinya Cristo exana. Bapoxonae Juan



itorobabe Jesús beya ponbe pia pepuna jinompaewichi jiwana be tatsibe xua petayainyabinexatsibe Jesús beya. <sup>3</sup>Barapomonae Jesús yainyabatsi xua Juan najume caruta, xua jei:

—¿Metha bara xaniwaicha xam baponda, pon bewa patopaena pon Mesías? ¿Ichacuitha metha bara ichun pawnae ewatan jampa? jei baraponbe xua Juan najume caruta.

<sup>4</sup> Jesus jume nota baraponbe, jeye: “Papondebe, matauta Juan patsipaebarebe xuaunxuae pocotsiwa pana necui tanemebe, matautano xuaunxuae pocotsiwa pana nejume tanemebeno. <sup>5</sup> Matautano patsipaebarebe xua pomonae peitata nacutsi jiwi equeicha tane, matauta xua pomonae pejayujayujeiwi beta pona equeicha, matautano xua pomonae peperu sawichimonae equeicha peru wuna, matauta pomonae xua pemuxusipanaewi equeicha muxu nasaba, matauta pomonae xua pewerapaewi equeicha asu tsane. Matauta pomonae xua peacopeibi jiwi jume tane Nacom pia pexeinya pecapanenebiyae diwesi jume. <sup>6</sup> Patsipaebarebe Juan xua xan janje: ‘Juntu coyene weiweinaena pon jopa ainya unthuthunyo, pon xaniwaicha neyabara jume cowunta’, xua jan”, jei Jesús.

<sup>7</sup> Poxonae Juan pia penacana jume caitorobinbe tatsi ponatababe, bapoxonae Jesús tamropata pitaba xua yabara paeba jiwitha xua Juan yabara paebatsi, jeye: “Ira xuepana susato tsurucuae nacuatha paponame. Poxonae bara beya poponame, leta xua painyatsi, painya jume taetsi pebin pon ainya unthuthuto cui xeina icha be naepanaewa ichi xua saya joibo ba jubabiya caya tsaibi? Jume apara. <sup>8</sup> Bara paichim. Paponame letapainya nejumetaenexa pebin pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae ba jinompa pex-

einya bontha pomonae jiwi itorobiya pia pepa peewat-siwixaetsi. <sup>9</sup> Jume. Jopa baxua patsiponaem xua jopa painya jume taenexa pebin pon ainya unthuthuto cui xeina, matautano xua jopa painya jume taenexa pebin pon peitupanae paparuwa nama xatata. Apra jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichun pon Nacom peitorobi jume pepaebin. <sup>10</sup> Juan bapon apra, pon yabara paebatsi Nacom Pejume Diwesitha poxonae Nacom netsipaeba, nejei:

‘Catsiwanae itorobinchi copiya pon tana nacajume carutsin.

Barapon juntu cui wunaetsina jiwi xua daxita jiwi najuntu cui wunaetsina xam nexa, xua necantenta weyataeya wabinexa poxonae patopaename’, nejei Nacom Pejume Diwesitha.

<sup>11</sup> Bara xaniyeya paca tsipaebatsi xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueije po coyene xua Nacom itorobina jiwi. Ichitha po diwesi xua tamonae anoxuae paeba barapo diwesi bichocono ainya cui diwesi beyacaincha xua Juan cueicueije, bequein jiwi nanta xeina xua tamonae jopa ainya cui jiwi.

<sup>12</sup> “Juan pon jiwi Pebautisabin, poxonae bapon tamropata pitaba xua cueicueije Nacom Pejume Diwesi xua beya anoxuae pin bicheitomonae nejume cowunta pia penaexanaenexa Nacom piamonae tatsi. Barapomonae pichichi xua penaexanaewa Nacom piamonae tatsi pomonae Nacom itorobiya peewatsixae bequein

ichamonaē ayapube taexana barapomonaetha. <sup>13</sup> Daxita po petinaē diwesin Nacom peitorobi jume pepaebiwi tina iruru Moisés pia peitorobi coyenewa tatsi barapo naxobe peitorobi coyenewathabe yabara tsiwūnaē muxu dutsiya paeba. Barapo peitorobi coyenewabe yabara paeba xua bexa tsane jopaena matacabi po mataqueitha xua Nacom jūntū coyene itorobiya canamataxeinaena jiwi. Mata-painya Juan patopa. Bapoxonaē irū Nacom tamropata pitaba xua exana pocotsiwa bayatha yabara tsiwūnaē muxu duta. <sup>14</sup> Icha paxam xaniwaicha paichichipame xua payabara jume cowūntame xua pocotsiwa barapomonaē bayatha yabara paeba, bapoxonaē bara pane-jume cowūntsiname xua paeban, xua jan: ‘Apara Juan bapon Elías pon caena bayatha tūpa. Barapon apara pon Nacom peitorobi jume pepaebin, pon bayatha Nacom yabara paeba xua bepa pinaē equeicha patopaena’, jan. <sup>15</sup> Icha pamuxu dubename moya pana nejume naitaware pocotsiwa tapaca tsipaebiwatsi.

<sup>16</sup> “¿Eta pocotsimonaē cui jūpatsi barapomonaē pomonaē xote jinompe pomonaē Nacom jume itawetatsi? ¿Etabe jūta ichi barapomonaē? Barapomonaē be pexui, pocotsixi panatha nabarū jinompa. Nabarū wawai tsurubenanaebiya. <sup>17</sup> Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxonaē ichūn tatūpatsi ichitha jopa pana itanuwe jume notsim xua painya newecoyeinexarū’, jei barapoxi. <sup>18</sup> Juan patopa pon jiwi Pebautisabin. Bapon jopa xaeyo pan, yawa jopa apaeyo vino mera. Ichitha paxam pajam: ‘Apara Juan xeina cauri’, pajam. <sup>19</sup> Bapoxonaē xan ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame pajam: ‘Bapon maisa jopa juniya nabanaeyo, yawa jopa juniya

apaeyo. Peatsacaewi abe peexanae jiwi pia jiton tatsi, iru pomonae paratixi pentoma noteibiwi, barapomonae pia jiton tatsi', pana neyabara jam. Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana, baxua Nacom tsita pexainyei coyenetsi", jei Jesús.

*Meje yabara poxonae Jesús yabara paeba po tomaranpiwi jopa pejume cowuntsiwichi*  
(Lc 10.13-15)

<sup>20</sup> Nexata Jesús tamropata pitaba xua biatane ainya tomaranpiwi, ichaxota bayatha copiya matha matowa exana pia petsita itutsi coyenewan. Bequein Jesús baxua matowa exana, ichitha barapomonae jopa icha juntu coyene xeinaeyo xua peuraxae xua abe exana. <sup>21</sup> Daxota barapo tomaranpiwi beya, jeye: "¡Pai jaibo, Corazín tomarapiwi tsobenae! ¡Iru Betsaida tomarapiwi tsobenae! Po tsita itutsi coyenewan exanan Corazín tomaratha iru Betsaida tomarathano, ichun jopa bapana exanaeyo barapo tsita itutsi coyenewan Tiro tomaratha yawa Sidón tomaratha. Icha barapo tsita itutsi coyenewan exanaetsipa Tiro tomaratha Sidón tomarathano, barapo tomarabepiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaewa tsainchi xua icha juntu coyenein Nacom petsita xeinaewatsi peuraxae abe peexanaexae bapontha. <sup>22</sup> Paxam pomonae Corazín tomarapiwi pam iru Betsaida tomarapiwi pam, bara xaniyeya paca tsipaebatsi. Poxonae barapo matabi patopeicaena po mataqueitha Nacom yabara paebina daxita

jiwi petsita natsicuentsexiaetsi abe petsita exanaexaetsi, Tiro tomarapiwi iru Sidón tomarapiwi daxita barapo tomarabepiwi bichocono peraxa jubebinchi. Ichitha nama paxam pomonae Corazín tomarapiwi pam, iruru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidón tomarapiwi. <sup>23</sup> ¡Incane iru Capernaum tomarapiwi pamdu! ¿Bara pana nanta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca. Po petsita itutsi coyenewan painya tomaratha exanan icha bayatha barapo petsita itutsi coyenewan exanaetsipa Sodoma tomaratha, bara cataunxuae barapo tomara ecaetsipa, xua beya anoxuae tsipae. Tsipei barapomonae metha bayatha xeinaetsipa icha juntu coyene xua peauraxae xua abe exana Nacomtha. Metha bapoxonae Nacom jopa jutebichipae barapo tomarapiwi. <sup>24</sup> Ichitha paca tsipaebatsi paxam Capernaum tomarapiwi pam, matacabi patopeicaena po mataqueitha Nacom yabara paebina daxita jiwi petsita natsicuentsexiaetsi abe petsita exanaexaetsi. Barapo mataqueitha bichocono paca peraxa jubebina, beyacaincha xua Sodoma tomarapiwi peraxa jubebinchi bichocono”, jei Jesús.

*Meje yabara poxonae Jesús waba jiwi: “Anetha xan berena tapaca yawenaewa tsainchi”, jei*

*(Lc 10.21-22)*

<sup>25</sup> Bara caena bapoxonae Jesús juntu coyene weiweina exanatsi Nacom pia Pejumope tunaxu tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wuna cajaintatsi tsipei jopa tsita itubim pocotsiwa pexainyei coyenewa xan yabara pomonaetha pomonae bichocono penacuidubiwi pomonae be pinyon penatsicotaewi tsipei nanta xeina xua bichocono

## SAN MATEO 11:2670SAN MATEO 11:30

peyaputaewi daxita. Jame tsita itutame barapo pex-  
ainyei coyenewa xua xan yabara pomonaetha pomonae  
jopa bichocono penacuidubiwi, pomonae be pexui pe-  
natsicotaewi tsipei jopa nanta xeinaeyo xua bichocono  
peyaputae jiwi daxita. <sup>26</sup> Axa, baxua exaname necatsita  
xanepanaexae baxua”, jei Jesús Paxatha.

<sup>27</sup> Equeicha Jesús namchi pijimonaetha, jeye: “Taxa  
daxita necata xua pia peitorobi coyenewa tatsi, matau-  
tano xua pia peyaputae coyenewa tatsi. Dapon aibi  
pon xaniwaicha nejüntu cui coyene yaputane. Jame  
saya meisa Taxa Nacom, nejüntu cui coyene yaputane.  
Dapon aibi pon Taxa jüntu cui coyene yaputainchi. Saya  
jame meisa Taxaxae jüntu cui coyene yaputan. Matau-  
tano barichi Taxa meisa jüntu coyene yaputainchi pon  
saya bara copatan xua bara Taxa pejüntu cui coyene  
yaputaewa tsainchi. <sup>28</sup> Anetha xan berena daxita paxam  
xua tapaca yawenaewa tsainchi. Daxita paxam xua  
pocotsiwa paca jüntu coyene natsepa exana painya abe  
neexanae cuiru coyene baxua paca jüntu cui coyene cana-  
puxanaeya yabara jüntemainaeinchi xua painya nenafifi-  
nacaewatsinexa. Equeicha pena jüntu coyene paca cana  
exanaeinchi, xua painya nejüntu coyene weiweinaeya ji-  
nompawea tsane. <sup>29</sup> Pana necui coyene xeinare tacuidubi  
coyene painya nenacuidubinexam tsane yawa painya  
neyawenaenexa tsane xua painya necuidubiwa tsane  
ichamona. Baxuan paexande tsipei xan jopa bapana  
jüntu cui coyene anaepanaeya tacuidubin jiwi. Matauta  
bapana jopa tajüntu cui coyene atsacaein. Matautano  
jopa pajüntu coyene deideijeya jinompaem tsane. Saya  
jame xanepanaeya painompaename tsipei paexanaename  
tacuidubi cui coyenein. <sup>30</sup> Barapo tacuidubi cui coye-  
newan jopa ayapubeyo painya jüntu cui coyenetha.  
Bara paca itacupa xua painya neexanaewa tsane barapo

tacuidubi cui coyenewan”, jei Jesús.

## 12

*Meje yabara poxonaē Jesús pijimonaē tatsi yaboto nota trigo xu judiomonaē barompaya pia pentaquei seicaē mataqueitha tatsi*

*(Mr 2.23-28; Lc 6.1-5)*

<sup>1</sup> Caentacabi poxonaē judiomonaē barompaya pia pentaquei seicaē matacabitha tatsi barapo mataqueitha Jesús irū pijimonaē tatsino pabi iyiya. Jesús pijimonaē tatsi jainpa. Barapomonaē tamropata notarūcūpa xua yaboto xunumenapona trigo xu, bapoxonaē pecobetha xu mata pepeta yawa xu xane. <sup>2</sup> Poxonaē fariseomonaē cui tane xua Jesús pijimonaē tatsi exana, bapoxonaē barapomonaē Jesús tsipaebatsi, jeye:

—Jamaisa jinya jiwimonaē nacuita barapo matacabithe poxonaē yaboto nota trigo xu. Aparā jiwī jopa yabara copatichi xua penacuichiwa po mataqueithe xua judiomonaē barompaya pia pentaquei seicaē matacabi tatsi, jei fariseomonaē. <sup>3</sup> Jesús jume nota, jeye:

—Barapo tajiwimonaē jopa aparā abe exanaeyo. Jopa payabara yorobim pocotsiwa bayatha David exana poxonaē jainpa, poxonaē irū pijimonaē tajainpatsirū. Bapon David, pon caena bayatha israelmonaē itorobiya pia pepa Peewatsinchi. <sup>4</sup> Bapon David irū pijimonaē tatsi barapomonaē Nacom pin pia botha tatsi jojoniya. David xane pan, po pan ichamonaē cana exana xua Nacomtha pecatsiwatsi. Irū barapo pan David pijimonaē cata xua pexaenexarū. Barapomonaē xane bequein bara Nacom pia peitorobi coyenewatha copata xua saya meisa sacerdotemonaē itacūpatsi xua pexaewa tsane barapo pan. <sup>5</sup> Matautano bequein payabara yorobame Moisés

pia peitorobi coyenewatha ichaxota jei: ‘Sacerdotemon-ae-piwi nacuita judiomonae barompaya pia pentaquei seicae matabitha tatsi poxonae Nacom pin pia botha tatsi duwei tauta xua petuxusi exanaenexa Nacom nexa’, jei. Apará barapo coyene jopa peabe coyenewiyo. Jiwi bara copata. Jopa cui matawentsiyo bequein bara barapo judiomonae barompaya pia pentaquei seicae matabitha tatsi exana taetha. <sup>6</sup> Ichitha paca tsipaebatsi xua nama taayapusu itorobi coyenewa ainya cui beyacaincha Moisés pia peitorobi coyenewan tatsi, xuano beyacaincha barapo coyene po coyene poxonae Nacom pin pia botha exana. <sup>7</sup> Paxam jopa xanepanaeya payaputaem xua Nacom jei pejume diwesitha: ‘Ichichipan xua painya nexenaewa tsane nantanuweya peyabara nanta xinae unthato xua ichamonae painya neyawenaewa tsane. Baxua jame bichocono ichichipan beyacaincha xua duwei petautsiwa xua petuxusi exanaewa xan nexa’, jei Nacom Pejume Diwesitha. Icha bayatha payaputaetsipame pocotsiwa Nacom Pejume Diwesitha paeba, bapoxonae barapo tamonae jopa abe payabara paebimchipae pomonae bequein bara jopa abe exanaeyo. <sup>8</sup> Xan ponxaein Nacom Tananeitapetsixae taitorobi coyene xeinan xua jiwi tacoya taitorobiwa pentaquei seicae matabitha, jei Jesús, fariseomonaetha.

*Meje yabara poxonae Jesús cobe wuna exana pon pecobe mubinchi*

*(Mr 3.1-6; Lc 6.6-11)*

<sup>9</sup> Poxonae Jesús najume weta xua fariseomona tsipaebatsi, bapoxonae Jesús bara weya natsixitabiya ponataba trigo pabi weya. Bapoxonae pona judiomonae pia penacuetusi bo tatsi beya, bapoxonaeno joniya barapo botha. <sup>10</sup> Barapo botha pebin eca pon pecobe mubinchi. Baxotarú fariseomona ena. Barapo fariseomona ichipa piraichi Jesús yainyabatsi xua icha Jesús jume notsina icha



jumetha xua bapoxonae Jesús pecui yabara paebinxatsi jiwitha xua Jesús abe exana. Barapo fariseomonae Jesús jeichichi:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae mataqueitha jampa? jei.

<sup>11</sup> Jesús jume nota, jeye:

—¿Jintam metha pon paxam jiwana, pon xeina cae oveja, xua poxonae jopa jutsipae icha barapo oveja mũthũtha tajoparecatsi? Apra bara awiya jutsipa pia ovejaxae bara bequein pentaquei seicae matabi taetha.

<sup>12</sup> Nama apra bichocono jiwi yabara Nacom tsita ainya cuichi beyacaincha xua oveja yabara Nacom tsita ainya cuichi. Daxota Nacom copata xua bara jiwi pexanepanae coyene exaneibina, bara bequein xua poxonae pentaquei seicae matabintha taetha, jei Jesús fariseomonaetha.

<sup>13</sup> Nexata Jesús barai pontha pon pecobe mũbinchi jeye:

—Nacobe doire, jei.

Poxonae bapon nacobe doita, bapoxonae nainya cobe wũnae tsanaya icha icha cobe ichi. <sup>14</sup> Bapoxonae fariseomonae Jesús weya ponarũcũpa xua Jesús pecui yabara paebinxatsi xua po cui coyenewatha Jesús pebexubiwa tsainchi.

*Meje yabara xua Jesús peyabara tsiwũnae cui paebiwatsi*

<sup>15</sup> Poxonae Jesús yaputane xua yabara cui paebatsi xua abe exana matautano xua bexubapaebatsi, bapoxonae Jesús bara weya ponataba. Matautano Jesús pinmonaeno puna poinchi. Jesús axaibi exana ducuanae-biya daxita pomonae peatenewi. <sup>16</sup> Matauta Jesús barapomonaetha itoroba, jei: “Jopa baxua ichamonaetha pana necui yopichinde xua jiwi axaibi taexanaewa”, jei Jesús.

<sup>17</sup> Jesús itoroba pomonae xua axaibi peexanaexae xua jopa

peyabara cueicueijeinexa tsainchi ichamonaetha. Baxua exana xua penayabara jume cui wetsinexa xua Isaías pejume diwesitha bayatha yabara tsiwunaeya tina Nacom nexa pon Nacom peitorobi jume pepaebin. Nacom jeye, Jesús yabara:

<sup>18</sup> “Bapon apara pon inta nacuita, pon itapetan, pon bichocono antobein yawa xua nejuntũ coyene weiweina exana pon.

Taitorobicaein tajumope tũnaxũ xua bapon peyantsiwa tsainchi.

Bapon daxita nacuanpiwitha capona exanaena tapexeinya jume diwesi pomonaetha pomonae jopa judiomonae naexanaeyo.

Barapon barapo pexeinya jume diwesi caponaena, xua pejume cowũtsinexa tsane pomonae poxonae jume taibina barapo pexeinya jume diwesi xua bapoxonae barapomonae tayabara jũntemainenexa abe pia peexanae cuiru coyenein tatsi.

<sup>19</sup> Mataũta bapon jopa jume matsontsonobeibi tsane. Bapon jopa namtsebiya wawai tsaibi tsane namtotha xua jiwi bapon pejume taenexa tsaibi tsainchi, xua bapon pejume naitaewatsinexa tsaibi tsainchi.

<sup>20</sup> Pomonae jopa peajũntũcoyenesũwi xua tana nejume cowũntsiwa, bapon jopa bebai tsaibi tsane.

Barapomonae capanenebiya tsainchi. Mataũtano pijimonae tatsi poxonae jũntũ coyene faefaenena, jopa anaya jutebi tsane.

Bara bapon yawenaena barapomonae.

Bapon baxua exanaena xua pijimonae yayawenaponaena beya tsane xua cui amanayabina pia peaitafaetabi jiwichi.

<sup>21</sup> Mataũta daxita nacuanpiwi jiwanamonae pomonae jopa judiomonae naexanaeyo barapomonae

bapon wunaewatatsi xua bara bapon barapomonaewapapanenebiwa tsainchi Nacom beicha”, jei Nacom Jesús yabara Isaías pejume diwesitha.

*Meje yabara poxonaew Jesús baraichi xua pinaew xeina Beelzebú pia peayapusu itorobi coyenewa tatsi (Mr 3.20-30; Lc 11.14-23; 12.10)*

<sup>22</sup> Bapoxonaew jiwi Jesús tacapatutsi pebin pon muxusipana exainchi cauri, matautano xua itata nacuta exainchino. Bapon Jesús axaibi exana. Bapoxonaew pebin muxu nasaba, beta necota, matautano paebano. <sup>23</sup> Daxita pomonaew cui tane baxua, pocotsiwa Jesús exana, daxita barapomonaew yabara najuntu coyene benaecaeya najei: “Jina, ¿bapon apara David pia pemomoxi susato jiwi jiwanapin tatsi jampa, pon Nacom yabara wunaew tsiwunaeya paeba xua pinaew patopeicaena jampa?” jei.

<sup>24</sup> Poxonaew baxua fariseomonaew jume tane, jeye: “Bapon caurimonaew itawetatsi apara pexeinaexaew Beelzebú pia peayapusu itorobi coyenewa tatsi pon caurimonaew pia pe ntaconaewin tatsi”, jei fariseomonaew.

<sup>25</sup> Jesús yaputane xua fariseomonaew nanta xeina poxonaew natsipaeba baxua, daxota jei fariseomonaetha: “Icha caew nacuapiwi nawepu tsatabe matauta nababe, bapoxonaew jopa xaexaenaecaeyo. Matauta iruru icha caew tomarapiwi nababe, bapoxonaew jopa xapain jinompaeyo barapo tomarapiwi. Matauta iruru icha caew bo matabuxuyomonaewe nababe, yawa nawepu tsatajopabe bapoxonaew jopa xaexaenaecaeyo. <sup>26</sup> Barichi icha Satanás pijimonaew tatsi nawepu tsatajopabe, matautano nababe, bapoxonaew jopa xaexaenaecaeyo. Satanás jopa itacupaetsi xua itoroba pijimonaew, tsipei amsiya exana.

<sup>27</sup> Paxam pana neyabara jam: ‘Apara bapon itaweta cauri tsipei bapon xeina Beelzebú pia peayapusu itorobi

coyenewa tatsi, pon Beelzebú caurimonae pia penta-  
caponaein tatsi', pana neyabara jam. Icha baxua bara  
xainyei, ¿nexata eta po peayapusú itorobi coyeneya tatsi  
painyamonaē itaweta cauri? ¿Iruru barapomonaē itaweta  
cauri Beelzebú pia peayapusú itorobi coyenewatha tatsi?  
Daxota painyamonaē paca yaputane xua apara paxam  
panaerabame. <sup>28</sup> Ichitha nama xan cauri itawetan Na-  
com pia pejumope tūnaxū tatsi pia peayapusú itorobi  
coyenewatha tatsi, xua barapo pejumope tūnaxū tana  
necatsixae pia peayapusú itorobi coyenewa. Baxua apara  
paca tsipaebatsi painya neyaputaenexa xua painya xan-  
tha patopan ponxaein Nacom Tananeitapetsin.

<sup>29</sup> “Dapon aibi pon itacūpatsi xua botha joniya po  
botha pon bichocono maxū daunwei pia bo tatsi xua  
daxita penotsiwa tsane pocotsiwa bapon xeina pon maxū  
daunwei, icha jopa copiya matha maxū cūtanotsiyo. Bara-  
pocotsi jūta coyeneya ichin. Xan cui amanayaban Satanás  
daxota neitacūpa xua torotsiya itawetan bapon pijimonaē  
tatsi pomonaē caurimonae.

<sup>30</sup> “Pomonaē jopa neyawenaeyo, barapomonaē apara  
inta abe exana. Barapomonaē exana xua ichamonaē jopa  
tana nejume cowūntsiwa tsane. Barapomonaē jopa yawe-  
naeyo xua ichamonaē nenacaetutsina tajiwimonaexae  
tsane.

<sup>31</sup> “Daxota paca tsipaebatsi xua pocotsiwa jiwi abe  
peexanaē cui ru coyenein exana matautano pocotsiwa  
xua jiwi abe paeba, barapo coyene Nacom itacūpatsi  
xua yabara jūntemainaena daxita barapo coyenein. Pon  
abe yabara paeba Nacom pia Pejumope tūnaxū tatsi  
Nacom bapana jopa yabara jūntemainaē tsane xua  
bapon paeba. <sup>32</sup> Matautano xan ponxaein Nacom  
Tananeitapetsin pon abe neyabara paeba Nacom itacū-  
patsi xua bapon peyabara jūntemainaewatsi pocotsiwa  
bapon abe neyabara paeba. Ichitha pon nama bichocono

abe yabara paeba Nacom pia Pejumope t̃nax̃ tatsi, Nacom jopa bapana yabara j̃ntemaina tsane bapon, anoxuae matautano xua bexa tsane”, jei Jesús.

*Meje yabara poxonae Jesús yabara cuiduba xua pinae jiwi yaputane nae penacoichixae*

*(Lc 6.43-45)*

<sup>33</sup> Equeicha Jesús jeye: “Icha nae po nae pexeinya nae bara nacoita po pethei pexeinya thei. Icha nae po nae peabe nae bara nacoita po pethei camatsa thei. Jiwi ba nae yaputane tsipei po nae penacoichixae. <sup>34</sup> ¡Paxam pomonaе bichocono abe peexanaewi pam! Icha jomomonaе ichi xua abe exana jiwitha bara paichim, abe paexaname jiwitha. Paxam jopa paca itac̃paeyo xua xanepanaeya painya nepaebiwa, tsipei pocotsiwa painya coibototha papaebame barapara baxua painya j̃nt̃u coyenetha pacayabara nanta xeiname. <sup>35</sup> Pon ba pej̃nt̃u coyene xanepanaein bapon ba xua xanepana paeba, tsipei ba pej̃nt̃u coyene xeicaein. Pon ba peaj̃nt̃ucoyenebein bapon ba xua abe paeba tsipei ba peaj̃nt̃ucoyenebein. <sup>36</sup> Ichitha paca tsipaebatsi xua matacabi patopeicaena po mataqueitha Nacom yabara paebina daxita jiwi penatsicuent̃siwa abe peexanaexae bapontha. Barapo matacabitha daxita jiwi bewa atene tsane pepaebixae po jumein jopa xanepanaeyo. <sup>37</sup> Poxonaе Nacom yabara paebina daxita jiwi penatsicuent̃siwa abe peexanaexae bapontha, Nacom tsanaya tsabina pia pepaebixae jumeintha tsane. Pomonaе paxam xanepanaya papaebame ichamonaetha poxonaе cataunxuae pajinom-pame po irathe, Nacom xuya paca yabara jei tsane: ‘Barapomonaе bara jopa abe exanaeyo’, paca yabara jei tsane. Paxam pomonaе bayatha abe papaebame poxonaе cataunxuae pajinom-pame po irathe Nacom xuya paca

yabara jei tsane: ‘Maisa barapomonaē abe pepaēbiwi’, paca yabara jei tsane”, jei Jesús.

*Meje yabara poxonaē pomonaē peajuntucoyenebe* jiwi Jesús cui itorobatsi xua peexanaewa tsane pexeinya pet-sita itutsi coyenewa

(Mr 8.12; Lc 11.29-32)

<sup>38</sup> Nexata fariseomonaē jiwana monaē iruru pomonaē jiwi pecuidubiwi Moisés pia peitorobi coyene tatsi jiwana monaē, daxita barapomonaē Jesús cui itorobatsi, jeichichi:

—Pon jiwi Pecuidubim, paichichipan xua pata taewa tsane xua tapana netsita itutsiwam tsane cae jinya pexeinya netsita itutsi coyenewa pocotsiwa Nacom cacatsina pia peayapusu itorobi coyenewatha. Bapoxonaē paca jume cowantsinchi, jei.

<sup>39</sup> Daxita barapomonaētha Jesús barai, jeye:

—Pomonaē peajuntucoyenebe jiwi iruru pomonaē jopa tana nejume cowantsi jiwi barapomonaē necui itoroba xua taexanaewa cae coyenewa tapexeinya tsita itutsi coyenewa. Ichitha jopa tsita itutsin tsane icha tapexeinya tsita itutsi coyenewa. Saya meisa exanaein icha bayatha juta coyene cana ichichi Jonás pon Nacom peitorobi jume pepaēbin, pon caena bayatha tupa. <sup>40</sup> Nacom Jonás itorobatsi Nínive tomarapiwi beya petsipaēbinexa Nacom Pejume Diwesi barapomonaētha. Jonás jopa baxua peexanaēxae daxota Nacom exana xua Jonás quanaxorecatsi duwein pon pinyo. Bapon barapo pin duwein tsijuntutha eca acoibi po matacabiyoēbe, matautano acoibi po merawiyobe, beya poxonaē equeicha yacabaxotsi xua asu pona. Barichi tsane xan ponxaein Nacom Tananeitapetsin tupaēin. Bapoxonaē muthutha nebotsina acoibi po matacabiyoēbe nexa tsane, matautano acoibi po merawiyobe

nexa tsane, beya poxonaē equeicha Nacom asu juina nexanaena. <sup>41</sup> Matabi patopeicaena po matabitha Nacom yabara paebina daxita jiwī peperaxa exanaenexatsi penatsicuentsexae abe peexanaexae. Barapo mataqueitha Nínive tomarapiwi pomonaē caena bayatha jinompa barapomonaē abeya paca yabara paebina poxonaē ume-naena Nacom peitabaratha. Baxua exanaena tsipei barapo Nínive tomarapiwi icha juntu coyene xeina Nacomtha peuraxae xua abe exana caena bayatha poxonaē Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha juntu coyene paxeinaem. Nama apara xote uncuanje ponxaein taexanaein po coyenewa pepa peainya cui coyenewa xua tacaponaewa Nacom Pejume Diwesi daxita jiwitha. Bara pocotsi coyenewa toxechiya ainya cui coyenewa beyacaincha Jonás po cui coyene exana poxonaē Nacom Pejume Diwesi capona Nínive tomarapiwitha. <sup>42</sup> Matauta barapo matabitha tsane pet-siriwa, powa caena bayatha tupa, bapowa asiya uncuaena Nacom peitabaratha tatsi. Barapowa pia nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueije tsane pomonaē xua anoxuae jinompa poxonaē uncuaena Nacom peitabaratha tatsi. Jei tsane bapowa: ‘Maisa pomonaē xua jinompa poxonaē Mesías popona po irathe deque, barapomonaē abe bichocono peexanaewi, tsipei ajuntucoyenefaetabiya jume tane pocotsiwa Mesías cuiduba bequein Mesías bichocono peyaputaen’, jei tsane barapowa. Barapowa baxua paebina tsipei bapowa bayatha taju werena pona, pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaen Nacom

yabara. Daxota bapowa ichichipa xua pecuidubiwatsi xua Salomón pecuidubinexa Nacom yabara. Nama apara xote uncuanje ponxaein taexanaein pocotsiwa pepa peainya cui coyenewa xua tacuidubin Nacom yabara daxita jiwitha. Barapocotsi coyenewa toxeinchiya ainya cui coyenewa beyacaincha Salomón po cui coyene exana poxonae cuiduba Nacom yabara barapo petsiriwatha, jei Jesús.

*Meje yabara poxonae Jesús yabara paeba cauri xua caewa nauyata pebintha*

*(Lc 11.24-26)*

<sup>43-44</sup> Equeicha Jesús jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. Poxonae caibeya pona cauri caxina, pebin caxinatsi xua xanepanaeya popona.<sup>45</sup> Nexata equeicha cauri pona pebin weya. Pirapaeyo bapon baru patopa siete poyobe cauri pomonae bichocono abe beyacaincha bapon pon copiya. Daxita barapo caurimonae pebin puna jinompatsi. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein. Barichi tsane caurimonae abe cana exanaena pomonaetha pomonae anoxuae jinompa, pomonaetha pomonae peajuntucoyenebe jiwi, icha barapo caurimonae ichi poxonae pebin abe cana exainchi”, jei Jesús.

*Meje yabara xua Jesús pena tatsi iruru peyapin jiwi tatsino*

*(Mr 3.31-35; Lc 8.19-21)*

<sup>46</sup> Jesús cataunxuae cueicueijei tsuncuae poxonae beya iru pena tatsi peyapin jiwi tatsino pata. Daxita barapomonaeyobe pesato beya umena bequein ichichipa Jesús



baru cueicueijeichi canta pin bicheito. <sup>47</sup> Ichun Jesús baraichi, jeye:

—Ena, iruru neyapin jiwino pesato beya umena. Bepara bequein cataei, necatsipaebinexa tsane, jei bapon.

<sup>48</sup> Ichitha Jesús jopa bara jume jejeyo, saya jame yainyaba bapontha, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús bapontha.

Baxua Jesús caunuta pia pecuidubinexa xua peyabara caunutsinexa pomonae pia pepuna jinompaewichi.

<sup>49</sup> Nexata Jesús pijimonae cowai yawa jei jiwitha:

—Pomonae xua cowan apara barapomonae be taena tsicotan matautano iru be tayapin jiwi tsicotanno.

<sup>50</sup> Pomonae xua exana pocotsiwa Taxa Nacom itoroba, pon peitabocotha pecaeinxae, barapomonae be tayapin jiwi tsicotan, matautano iru be tayapixi tsicotanno, matautano iru be taena tsicotanno, jei Jesús.

## 13

*Meje yabara poxonae Jesús cuiduba jiwi pecayabara juta pepaebi diwesiyo xua pon peubin yabara*

*(Mr 4.1-9; Lc 8.4-8)*

<sup>1</sup> Barapo mataqueitha caena Jesús bo weya pona, bapoxonae pucua itapatha ecopa. <sup>2</sup> Tsipei pin bicheito nacaetuta Jesustha daxota Jesús jeratha nontabiya yawa tsiwiyo nayana toroya bapoxonae ecoundeca. Daxita barapo pin bicheito taetabo mene itapatha umena. <sup>3</sup> Jesús barapo pin bicheito cuiduba pecayabara juta pepaebi diwesintha.

Cae diwesiyotha Jesús namchi, jeye: “Pebin pon peubin pontaba pia ubichi pabitha. <sup>4</sup> Poxonae pon peubin ubauya, icha xu namtotha xu othopeica. Peyapupunaewi yapata yawa xu xane. <sup>5</sup> Icha xu, xu othopeica ibowantha ichaxota

ira itafafana. Barapoxonae barapo xu caena nainya xu xuwa tsipei jopa tajɔ xu xuwarecaeyo. <sup>6</sup> Ichitha poxonae xometo atsa tsina bapoxonae yaboto tsaquiwa yawa tɔpa tsipei jopa tajɔ tabɔ opina xuwarecaeyo. <sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. <sup>8</sup> Icha xu, xu othopeica ichaxota ira wɔnae. Poxonae barapo xu, xu xuwa, xu nawɔnaeta. Icha xun, xu nanacoitapona cien po xu matabɔxɔyobe tsiniya. Icha xun, xu nanacoitapona sesenta po xu matabɔxɔyobe tsiniya. Icha xun, xu nanacoitapona treinta po xu matabɔxɔyobe tsiniya. <sup>9</sup> Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara jɔta pepaebi diwesiyo yabara jane, jei*  
(Mr 4.10-12; Lc 8.9-10)

<sup>10</sup> Nexata Jesús pijimonae imoxoyo caquita umenarɔcɔpatsi yawa yainyabatsi, jeichichi:

—¿Eta xua metha jiwitha paebame pecayabara jɔta pepaebi diwesin? jei Jesús pijimonae tatsi.

<sup>11</sup> Jesús jume nota barapomonaetha, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawɔn xeinaewa. Barapo moya peyawɔn xeinaewa xua jiwi jopa peyaputaewa apra xua Nacom paca cana exana xua painya nepaca itacɔpaewa xua painya nenaexanaewa Nacom piamonae tatsi pam, pomonae pamxaem Nacom itorobiya paca ewata. Ichitha jame ichamonae pomonae jopa nejume cowɔntsiyo jopa daichichi. Nacom jopa copatsiyo xua barapomonae peyabara yaputaewa baxua. Daxota barapomonae cuiduban pecayabara jɔta pepaebi diwesintha xua Nacom peyabara yaputaenexatsi. <sup>12</sup> Pon ba be conotha Nacom yabara yaputainchi, Nacom bapontha

cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowuntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowuntsiwa tsainchi. <sup>13</sup> Daxota jiwitha paeban pecayabara juta pepaebi diwesintha. Baxua paeban barapomonaetha xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. <sup>14</sup> Barapomonaе baxua exana bayatha petsiwanae cui yabara paebixaetsi, xua bayatha Isaías pon Nacom peitorobi jume pepaebin, petsiwanae cui yabara paebixae pejume diwesitha pocotsiwa barapomonaе poxonaе baxua exanaena. Isaías Mesías nexa jeye barapomonaetha:

‘Xaniwaicha pana nejume taename ichitha jopa bepayaaputaem tsane xua jopa painya tana nejume cowuntsinexam tsane.

Pana necui taename ichitha xaniwaicha jopa bepayaaputaem tsane xua painya tana necui yabara jume cowuntsinexam tsane.

<sup>15</sup> Paxam bichocono paainya unthutom, xua jopa painya tana neyaputaexae jiwim. Matautano jopa xanepanaeya pajume taem tsane, be pomonaе penamuxujematsi jiwi pam tsane. Panaichaquetsiname icha be pomonaе peitata nacutsi jiwi pam tsane.

Baxua paexanaename tsipei jopa bepainya tana nejume taewam tsane, xua jopa painya tana nejume cowuntsinexa tsane.

Yawano matauta, baxua paexanaename tsipei jopa bepainya tana necui taewam tsane xua

jopa painya tana nejume cowuntsinexam tsane. Matauta baxua paexanaename tsipei jopa bepainya tana neyaputaewam tsane painya itamaiqueitontha. Matautano jopa painya neauraxae xua abe paexaname daxota jopa paca juntu coyene xanepana exanaetsi', jei Isaías barapomonaetha xua Mesías nexa", jei Jesús.

<sup>16</sup> Nexata Jesús pijimonaetha jeye: "Paxam pajuntu coyene weiweiname tsipei poxonae pana necui taneme pocotsiwa exanan bapoxonae pana necui yaputaneme. Matautano pajuntu coyene weiweiname tsipei poxonae pana nejume taneme pocotsiwa paeban bapoxonae pana nejume cowuntame. <sup>17</sup> Xaniwaicha paca tsipaebatsi pin bicheitomonae, pomonae Nacom peitorobi jume pepae-biwi, matautano iruru pomonae pejuntu coyene xecae jiwi, pomonae caena bayatha jinompa barapomonaewunaewata xua tapatopeicaewa. Daxita barapomonae bequein bichocono betaena pocotsiwa pana necui taneme, daichitha jopa baxua taeyo. Matautano bequein bejume taena pocotsiwa pana nejume taneme daichitha baxuan jopa nejume taeyo", jei Jesús.

*Meje yabara poxonae Jesús pijimonae muxu yaputane exana po diwesi xua pecayabara jata pepaebi diwesiyo pon peubin yabara*

*(Mr 4.13-20; Lc 8.11-15)*

<sup>18</sup> Equeicha Jesús jeye: "Pajume taema xua paca tsipaebatsi pecayabara jata pepaebi diwesiyo xua pon peubin yabara: <sup>19</sup> Pomonae bequein jume tane po pecuidubi coyenewa xua Nacom tamropata pitaba xua ewatsiya itoroba jiwi, barapomonae daichitha jopa yaputaeyo barapo coyenewa. Daxota barapomonae jopa xanepanaya exanaeyo icha be pocotsi jata coyeneya ichi xua pexuton xua po xuton namto othopeica. Bara jata coyeneya cana ichichi

pomonae jopa yaputaeyo tacuidubiwa. Caurimonae  
 pia pentacaponaein tatsi barapomonae omeicha bara  
 jũntũ coyene weichichi tacuidubi coyenewa daxota bara-  
 pomonae jopa nejume cowũntsiyo. <sup>20-21</sup> Po xuton xua xu  
 othopa ibowantha, barapo xuton yabara caunuta po jiwĩ  
 xanepanaya jume tane Nacom Pejume Diwesi xuano jũntũ  
 coyene weiweinaya Nacom jume cowũntatsi. Ichitha bara  
 caeto jume cowũnta poxoru barapomonae antufaetabiya  
 jume jeba Nacom pejume diwesi pejũntũ coyeneintha.  
 Poxonae yaitama barapomonae bichocono peatenexae,  
 mataũtano poxonae barapomonae yaitama abe petax-  
 anaexaetsi ichamonae xua pejume cowũntsixae Nacom,  
 bapoxonae caurimonae abe exana barapomonaetha xua  
 barapomonae jũntũ coyene wejũntemaina exanatsi xua  
 Nacom pecayabara jũntemainaeawatsi. <sup>22</sup> Po xuton xua xu  
 othopa pesoiwantha, barapo xuton caunuta xua pomonae  
 Nacom Pejume Diwesi jume tane ichitha saya barompaya  
 pia jũntũ coyenetha jinompa. Mataũtano saya Ʃ copei  
 cayabara nanta xeina. Mataũtano saya exana pocotsiwa  
 jũntũ coyene weiweina cana exainchi. Po coyene pebiwi  
 exana baxuan barapocotsi jũta coyene exana icha ichi xua  
 po xuton be pesoiwantha xu othopiya. Barapo xuton  
 jopa thei dubenaeyo. Barapocotsi jũta coyeneya ichi  
 barapo jiwĩ. Jopa xanepanaya Nacom tsita jinompaetsi.  
<sup>23</sup> Po xuton xua xu othopeica peira wũnaewatha, bara  
 nacoita. Barapo xuton yabara caunuta pomonae jume  
 tane Nacom Pejume Diwesi, mataũtano jume cowũntano  
 poxoru jũntũ coyene xanepanaeya jume tane. Mataũ-  
 tano beta exana dubenanaebiya beya matapainya jiwĩ  
 cui tane xua barapomonae bara jũntũ coyene xanepana  
 Nacom peitabaratha tatsi. Bapoxonae ichamonae bara-  
 pomonae jiwana beta yawena ichamonaetha icha barapo  
 xuto ichi xua cien po xu matabũxũyobe tsiniya tso-

ponae. Matautano ichamonae barapomonae jiwana beta yawena ichamonaetha icha barapo xuto ichi xua sesenta po xu matabuxuyobe tsiniya tsoponae xua jume cowanta. Matautano ichamonae barapomonae jiwana beta yawena ichamonaetha icha barapo xuto ichi xua treinta po xu matabuxuyobe tsiniya tsoponae”, jei Jesús.

*Meje yabara poxonae Jesús cuiduba pecayabara juto* pepaebi diwesiyo xua trigo xu yabara xua iru baxoyo xuwina ayabo xu

<sup>24</sup> Bapoxonae Jesús equeicha cuiduba jiwi icha pecayabara juta pepaebi diwesiyo, jeye: “Yabara paca tsipaebatsi po coyene xua Nacom exanaena pon jiwi ewatsiya peitorobixaetsi. Bapon yabara paebina daxita jiwi penatsicuentisixae abe peexanaexae. Barapo coyenewa jupa, icha be pocotsi coyeneya juta ichi poxonae pebin ba ubarona pabitha peubi xuton po peubi xuton pexeinya xuton. <sup>25</sup> Ichitha poxonae cataunxuae jiwi maitumena, bapoxonae pon pabi pexeinaein pia peaitafaetabi jitontsi tapatopatsi pia pabitha tatsi. Bapoxonae bapon ayabo xu taubarecatsi ichaxoyo ubareca po pexu pexeinya xu. Poxonae nacobe weta xua uba ayabo xu, bapoxonae napitabiya ponataba. <sup>26</sup> Poxonae trigo xu yaothopa bapoxonae iru ayabo xuwina. <sup>27</sup> Bapoxonae pon pabi pexeinaein baraichi pomonae pia petanacuichixaetsi: ‘Pata Tanecanamataxeinaem, icha bara metha ubame po xu pexeinya xu, ¿nexata eta werena metha ayabo pona xua xuwa?’ jei. <sup>28</sup> Pon pabi pexeinaein jume nota pomonae pia petanacuichiwiixaetsi jeye: ‘Apara baxua inta exana pon tana neaitafaetabi jiton’, jei. Bapoxonae bapon baraichi pomonae pia petanacuichiwichi, jeye: ‘¿Ichichipame xua pata ponaewa tsane bara beya pata

xunaenexa barapo ayabo?’ jei. <sup>29</sup> Ichitha bapon jume nota jeye: ‘Bara tsane itompaena tsipei icha barapo ayabo paxunaetsipame payawa xunaetsipame trigo xu. <sup>30</sup> Bara saya yawa umenaena barapo ayabo beya abu poxonae yawa nawetsina trigo xu. Tha nexata bapoxonae itorobichi penacuichiwi xua copiya pexunaenexa barapo ayabo xua pepa cunton peexanaenexa, xua petautsinexa tsane, xua bapoxonae trigo xu pejebinexa tabotha xua trigo xu matabotha’, jei pon pabi pexeinaein”, jei Jesús.

*Meje yabara poxonae Jesús cuiduba pecayabara juta*  
pepaebi diwesiyo po peubi xutiyo pewan mostaza xutiyo  
(Mr 4.30-32; Lc 13.18-19)

<sup>31-32</sup> Equeicha Jesús jiwi cuiduba icha pecayabara juta pepaebi diwesiyo, jeye: “Nacom waba jiwi xua petanaex-anaenexatsi pijimonae tatsi, pomonae itorobiya peewatsixae beya pinmonae tsoponae xua pomonae jume cowuntapona Nacom. Barapo coyene jupa icha be poxonae pebin ichi poxonae ubanota pabitha po peubi xuto tsica xutiyo. Barapo xuto xuwa beya pin nae tsoponae. Barapo nae pepinnaexae daxota siri pemaxranantha coton exana”, jei Jesús.

*Meje yabara poxonae Jesús cuiduba pecayabara juta*  
pepaebi diwesiyo xua levadura yabara xua pan cotowa exana  
(Lc 13.20-21)

<sup>33</sup> Jesús equeicha cuiduba jiwi icha pecayabara juta pepaebi diwesiyo, jeye: “Poxonae Nacom waba jiwi petanaexanaenexatsi pijimonae tatsi pomonae itorobiya peewatsixae barapomonae pin bicheitomonae naenaex-anapona. Barapo coyene bara juta ichi, icha levadura

matawɛn ichi pocotsiwa cotowa exana poxonaē pan exana. Petsiriwa tres po tsoropabe trigo xu beno muxuna cauyentaba levadura matawɛn pocotsiwa xua cotowa exana pan. Bapoxonaē pentubɛ naexananaya cocotowapona tsipei levadura matawɛn muxunaxuba”, jei Jesús.

*Meje yabara poxonaē Jesús cuiduba jiwi pecayabara jɛta*  
pepaebi diwesixitha

*(Mr 4.33-34)*

<sup>34</sup> Jesús cuiduba jiwi daxita barapo coyenein xua xuan saya ɛ pecayabara jɛta pepaebi diwesixitha. Jesús jopa cuidubeibiyo poxonaē jopa paebeibiyo pecayabara jɛta pepaebi diwesixitha. <sup>35</sup> Bara barapo coyeneintha Jesús cueicueijei xua penayabara jume wetsinexa xua bayatha pon Nacom peitorobi jume pepaebin pecui yabara wɛnae tsiwɛnaeya paebixae, xua jeye:

“Jiwitha tsipaebin pecayabara jɛta pepaebi diwesintha.

Matautano muxuna yabara tsipaebin pocotsiwa moya yawɛn xeina xua jiwi jopa peyaputaewa, po coyene caena bayatha moya yawɛn xeina xua poxonaē aena Nacom forota po cae pin nacuathe xua pocotsiwa beya anoxuae tsoxonaē”,  
jei bapon xua saya Jesús tapaebatsi.

*Meje yabara poxonaē Jesús pijimonaē yaputane exana po*  
*pecayabara jɛta* pepaebi diwesiyo xua ayabo yabara

<sup>36</sup> Nexata Jesús napeyaba pin bicheito jiwimonaē. Bapoxonaē botha joniya. Iru baxota Jesús pijimonaē tatsi barapo botha najojoniyarɛ. Jesús pijimonaē baraichi, jeye:

—Yabara pana neyaputane exande po diwesiyo xua ayabo po ayabo xuwa trigo pabitha, jei.



<sup>37</sup> Nexata Jesús namchi, jeye: “Pon ɔba po xuton pexeinya xuton, trigo xuton jan, bapon apara bara xan ponxaein Nacom Tananeitapetsin. <sup>38</sup> Matautano po pabitha ichaxota ɔba jan, apara jiwi pia juntu coyenein yabara caunutan. Pocotsi xuton xua yabara caunutan xua pexeinya xuton jan, apara yabara caunutan pocotsi jiwimonae xua patsina Nacom pia peitorobi nacua beicha tatsi. Po xuto peabe xuton, po xuton ayabo xu jan, apara yabara caunutan pocotsi jiwimonae caurimonae pia pentacaponaein tatsi pijimonae tatsi. <sup>39</sup> Pon ɔba po xuton abe xua ayabo xu jan, apara bapon caurimonae pia pentacaponaein tatsi yabara caunutan. Xua bayatha xu naweta jan, apara yabara caunutan, po mataqueitha xua Nacom daxita nacui wetsina. Matautano barapo matabitha Nacom yabara paebina jiwi penatsicuentsiwa abe peexanaexae bapontha. Pomonae xua trigo xu, xu siraca jan, apara yabara caunutan matatsunpiwimonae. <sup>40</sup> Copiya matha xuexuetapona ayabo petautsinexa isototha. Jiwi bara jutiya ichainchi po matabitha tsane Nacom daxita yabara paebina jiwi penatsicuentsiwa abe peexanaexae bapontha. Matautano barapo cae pin nacue weraweracaena. <sup>41</sup> Xan ponxaein Nacom Tananeitapetsin itorobin tamatatsunpiwi xua jiwi penotsinexa tsainchi pomonae abe peexanaewi, pomonae xua cana exana ichamonaetha xua ichamonae xuya iru abe peexanaenexaru. Barapo matatsunpiwi wenotsina pomonae abe peexanaewi pomonae tajiwimonae baru jinompatsi. Barapo abe peexanaewi jopa tamonaeyo pomonae itorobiya taewatsixae. <sup>42</sup> Daxita barapo jiwi pomonae abe peexanaewixae bebai tsainchi, matatsunpiwi bebai tsane ichaxota isoto jopa itacounayiyo ataya. Baxota daxita jiwi wecoyei tsane matauta baxota nantanuweya nantu jayabina, poxoru bichocono atene tsane.

<sup>43</sup> Bapoxonae pomonae exana pocotsiwa Nacom ichichipa barapomonae bichocono pexeinya coicha xeinaena po nacuatha ichaxota Nacom itorobiya ewata piamonae pon barapomonae pia paxaxae tatsi. Po pexeinya coicha xua barapomonae xeinaena, bichocono itupana icha be xometo ichi xua poxonae pentha. Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús pecayabara juta* pepaebi diwesiyo paeba xua po peitupanaewa pocotsiwa bichocono ainya matoma xua ira buxupanatha boca panatha

<sup>44</sup> Equeicha Jesús namchi, jeye: “Yabara paca tsipaebatsi po coyene xua Nacom exana, pomonaetha pomonae pejuntu coyene canamataxeinaexae pon jiwi itorobiya pia pepa peewatsinchi. Barapo coyene bara juta ichi, icha be pocotsiwa peitupanaewa ichi pocotsiwa ainya matoma xua ira buxupanatha boca pabitha. Poxonae pebin barapo peitupanaewa jemeicha ira buxupanatha namicha taebota, bichocono tsorobotha matatsaebota, bichocono peichichipaexae baxua. Jopa muxu tsipaebiyo ichamon-aetha. Bichocono juntu coyene weiweina. Bapoxonae pia botha pona pecaenaetsinexa daxita xua xuan pocotsiwan xeina. Bapoxonae barapo paratixitha comota barapo pabi, po pabitha boca barapo peitupanaewa. Bewa barichi jiwi. Bewa jiwi bichocono beita cui jichatsi xua pexeinaewanexa tsane barapo peajuntuyapuswa, icha poxonae pebin ichi xua pitapeitupanaewatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara juta* pepaebi diwesiyo xua po warowa pewan perla

<sup>45</sup> Equeicha Jesús namchi, jeye: “Barichiru yabara paca tsipaebatsi po coyene xua Nacom exanaena pon

jiwi ewatsiya peitorobixaetsi po coyene bichocono wɯnae. Barapo coyene bara jɯta icha be ichi poxonaе jiton warowan matowa jeita. Barapo warowan xua bapon jeita, pewɯn perla. Bapon jeita pecomotsinexa tsane barapo warowan, po warowan ainya matoman. <sup>46</sup> Poxonaе bapon cae warowaxuto taebota, po warowaxuto perla matawɯn xua bichocono ainya matoma, bapoxonaе bapon pia botha pona mataɯta bapoxonaе caenaeta daxita xua xuan pocotsiwa xeina. Bapoxonaе comota po warowa bichocono ainya matoma, po warowa pewɯn perla. Bewa barichi jiwi. Bewa jiwi bichocono beita cui jichatsi xua pexeinaenexa peajuntɯyapusɯwa po peajuntɯyapusɯwa ataya tsiteca, icha poxonaе pebin ichi xua pitaperlatsi piraichi daxita caenaeta pocotsiwan xeina”, jei Jesús.

*Meje yabara poxonaе Jesús cuiduba jiwi pecayabara jɯta* pepaebi diwesiyo xua pecayamonaewa yabara

<sup>47</sup> Equeicha Jesús namchi, jeye: “Yabara paca tsipae-batsi po coyene xua Nacom exana pon jiwi ewatsiya peitorobixaetsi xua poxonaе yabara paebina jiwi penatsicuentisixae abe peexanaexae. Barapo coyene bara jɯta ichi, icha be pocotsiwa xua xota jiwi yacamona duwei ichi. Jiwi peyacamonaewa xoya pepa mar mentha xua daxita duweimonaein tunto pecapirenaenexa. <sup>48</sup> Poxonaе bichocono wɯncaxuba xua peyacamonaewa pomonaе peyaxunubiwi taetabo bejutaboreca. Bapoxonaе enoundeca, xua naitaɯbiya tsana pejehebapon-aenexa. Po duwei pepa duwei tsana naitaɯbiya jehebapona corotontha. Po duwei pocotsiwa camatsawan bebai tsoponaе. <sup>49</sup> Barapocotsi jɯta coyeneya ichi tsane poxonaе matacabi patopeicaena, po mataqueitha xua poxonaе nacia weraweracaena, mataɯtano Nacom daxita yabara paebina jiwi penatsicuentisixae abe peexanaexae bapontha. Bapo mataqueitha matatsunpiwi patsicaena

xua daxita jiwi petsabinexa tsainchi, pomonae abe peexanae cuiru coyenein peexanae jiwi tsana nobinchi xua pomonae xanepanaya peexanae jiwi pia xainya weya tatsi.  
<sup>50</sup> Pomonae abe peexanae cuiru coyene peexanae jiwi bebai tsainchi isototha ichaxota jopa ataya itacounayiyo. Baraxota wecoyei tsane matautano baxota nantanuweya nantu jayabina”, jei Jesús.

*Meje yabara poxonae Jesús cuiduba jiwi pecayabara juta*  
 pepaebi diwesiyo xua pena peitupanaewa yawa xua peru peitupanaewa yabara

<sup>51</sup> Nexata Jesús pijimonae yainyaba, jeye:

—¿Bara daxita baxuan payaputaneme xuaunxuae paca tsipaebatsi? jei.

Barapomonae Jesús jume notatsi:

—Aa, bara payaputan pocotsiwa xuaunxuae pana netsipaebame pon pata Tanecanamataxeinaemxaem, jei barapomonae.

<sup>52</sup> Bapoxonae Jesús pijimonaetha namchi, jeye:

—Pomonae pecuidubiwi Nacom pia peitorobi diwesi pomonae tamonaexae barapomonae yabara cuiduba ichamonaetha xua po coyene Nacom exana pon itorobiya peewatsin jiwi. Barapomonae xeina ainya diwesi coyenewabe, po diwesi xua xan yabara, peru diwesi poxonae cataunxuae aibin tsica po cae pin nacuathe tsique yabara. Matautano xeina pena diwesi poxonae xua anoxuae poponan yabara. Barapo ainya diwesi coyenewabe barapomonae paeba jiwitha. Barapomonae bara be juta ichi icha be poxonae pon bo pexeinaein ichi. Poxonae piamonae tatsi nantawenona paparuwa yawa pexaewa, bapon baxua bara cata pijimonaetha, poxoru bapon jeba xua peruwa yawa xua penawa piamonae nexa, jei Jesús.

*Meje yabara poxonae Jesús Nazaret tomaratha popona  
(Mr 6.1-6; Lc 4.16-30)*

<sup>53</sup> Poxonae Jesús najume weta xua cuiduba jiwi barapo pecayabara jüta pepaebi diwesixi bapoxonae Jesús tomara weya pontaba. <sup>54</sup> Bapoxonae Jesús patopa pia tomaratha, po tomara pewan Nazaret tomara. Baraxota Jesús cuiduba jiwi, judiomonae pia penacaetutsi botha tatsi. Pomonae jinompa Nazaret tomaratha yabara najuntü coyene cabenaeca xua pocotsiwa Jesús cuiduba. Barapomonae natsipaeba, najei:

—¿Exota metha bapon nacuiduba jane, xua daxota bapon daxita peyaputaenin? ¿Jintam metha pia peyapupuwatha tatsi jane, poxonae po petsita itutsi coyene bapon exana? <sup>55</sup> Apra saya bapon pexanto tatsi pon xua pecobe coxonaein xua naepan pematatobiwa. Apra bapon pena tatsi María. Apra bapon Santiago pentapin tatsi, irü José pentapin tatsi, irü Simón pentapin tatsi, irü Judas pentapin tatsitü irü. <sup>56</sup> Matautano irü pamcho jiwi tatsi apra jinompa barapo tomarathe. ¿Exota metha bapon nacuiduba jane, pocotsiwa xua beta naca cuiduba? jei barapomonae.

<sup>57</sup> Daxota barapomonae Jesús casebatsi pecui uwixaetsi. Barapomonae uwa tsipei Jesús bichocono peyaputaenin. Jesús namchi jiwitha, xua nayabara paeba, jeye:

—Daxita jiwi ba barü cui itura jina pontha pon Nacom peitorobi jume pepaebin. Nama pia nacuapiwi tatsi irü pia bomonae matabuxuyomonaepiwi tatsi barapomonae ba jopa bapon barü cui itura jinaetsi, jei Jesús, xua nayabara paeba.

<sup>58</sup> Nazaret tomaratha, barapo tomaratha Jesús saya be conotha exana pexeinya petsita itutsi coyenewan tsipei barapo tomarapiwi Jesús jopa jume cowantichi.

## 14

*Meje yabara poxonaē Juan bexotsi*

*(Mr 6.14-29; Lc 9.7-9)*

<sup>1</sup> Bapoxonaē caena Herodes pon Galilea nacuapiwi, pia peyanacua ewatsinchi, bapon jume tane daxita pocotsiwa juinya xua Jesús exana. <sup>2</sup> Herodes tsipaeba pomonaē petanacuichiwiwaetsi pia botha tatsi, xua Jesús yabara paebatsi. Herodes Jesús catsawiya yabara paebatsi, jeye: “Apara bapon Juan, pon jiw i Pebautisabin, pon bequein bayatha tupa, pon equeicha asu juina. Tsipei bapon peayapusu itorobi coyenewa xeina daxota petsita itutsi coyenewa exana”, jei Herodes.

<sup>3</sup> Baxua Herodes paeba tsipei caena bayatha Herodes cui itoroba xua Juan pewaetabinexatsi, matautano xua pemaxu cubinexatsi, matautano xua jiwi pecubi botha peetsinexatsi. Baxua Herodes exana tsipei piowa tatsi powa pewun Herodías, pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabuyo. <sup>4</sup> Juan bayatha paeba Herodestha, jeye: “Nacom pia peitorobi coyenewa jopa copatsiyo xua nexainaewa bapowa tsipei ichan piowa tatsi”, jei Juan.

<sup>5</sup> Daxota Herodes bichocono anaepana. Herodes ichichipa xua Juan pebexubiwatsi. Daichitha Herodes jopa baxua exanaeyo tsipei junuwa, jiwi cunuwatsi. Tsipei daxita jiwi nanta xeina xua Juan apara pon Nacom pia peitorobi jume pepaebin. <sup>6</sup> Ichitha poxonaē Herodes yantacabi jopa po matabitha poxonaē caena bayatha nowaeuncua, barapo matabitha pinmonaē nacaetuta xua pexaewa yabara nacaetuta pia xaetsi. Barapo penacaetutsiwi peitutha tatsi Herodías pexantiyo tatsi nawiraba. Herodes baxua bichocono ita cui xanepanatsi.

<sup>7</sup> Herodes barapowa beya paeba, jeye:

—Nacom peitutha cata tsiwūnae yabara paebatsi xua pocotsiwa tacacatsiwa tsainchi pocotsiwa xua tana newū-caewam tsane tsipei inta pexeinya penawirabi coyene exaname, jei Herodes.

<sup>8</sup> Bapoxonae pocotsiwa pena itorobatsi barapowa Herodes wūcatsi baxua. Bapowa namchi, jeye:

—Necare Juan pentasipa xua yūtabore paratontha, pon jiwi Pebautisabin matasipa, jei Herodías pexantiyo tatsi.

<sup>9</sup> Ichitha baxua Herodes jume taya wecoyei tsanareca poxoru jopa ichipaeyo xua Juan petūpaewa tsane. Tsipei mexeya poxoru bayatha Nacom peitutha peyabara tsiwūnae paebixae xua bepa pinae catsina xua pocotsiwa pewūcaewaxae tsainchi, matautano mexeya poxoru barapo pin bicheitotha peitutha pepaebixae baxua, daxota itoroba xua bapowa bara catinchi baxua. <sup>10</sup> Daxota Herodes pomonae petanacuichiwiwaetsi, barapomonae Herodes cui itoroba xua Juan pewisi ucuibinexatsi jiwi pecūbi botha iya. <sup>11</sup> Bapoxonae barapomonae paratontha matasipa yūtabota yawa carendena. Bapoxonae Herodías pexantiyo tatsi catatsi, equeicha barapowayo xuya pena cata, Herodías catatsi, xua peyaputaenexa xua bara cou Juan bayatha tūpa.

<sup>12</sup> Nexata pomonae Juan pia pepuna jinompaewichi, barapomonae pata jiwi pecūbi botha. Juan petūpaein pitatsi. Barapoxonae barapomonae Juan mūthūtha xotsi. Barapoxonae barapomonae pona Jesús beya xua baxua Jesús peyabara tsipaebinexatsi.

*Meje yabara poxonae Jesús apata pexaewa cinco mil pebiwi (Mr 6.30-44; Lc 9.10-17; Jn 6.1-14)*

<sup>13</sup> Poxonae Jesús yaputane xua Juan tūpa, bapoxonae compa jeratha pona icha muxunene beya ichaxota jiwi ajibi. Ichitha jiwi yaputane xua ichaxota Jesús pona. Daxota pinmonae xua carepaya tomaranpiwi pecae iya

pona, ichaxota Jesús ponaena jeratha. <sup>14</sup> Poxonae Jesús jera wenontounya, bapoxonae Jesús pin bicheito tane. Jesús yabara nanta xeina barapomonae xua peyawenaewa tsane. Bapoxonae Jesús axaibi exana peatenewi. <sup>15</sup> Tsipei yaitama bayatha tabopiya tsanaichaba, daxota Jesús imoxoyo caquita umenarucupatsi pijimonae. Barapomonae Jesús baraichichi, jeye:

—Apara bayatha tabopiya tsanaicha. Apara xote bomuxun ajibi. Barapo jiwi itorobare bu tsiqui tomaraxi beya ponaena xua pecomocaenexa pexaewa xua pexaenexa, jei.

<sup>16</sup> Jesús jume nota pijimonae, jeye:

—Apara jopa bewa ponae barapomonae, paxam jame maisa paapare pexaewa, jei.

<sup>17</sup> Jesús jume notatsi pijimonae, jeye:

—Xote jopa pexaewa paxeinaeinyo. Saya apara cinco po panyobe paxeinan matauta saya ainyobe paxeinan duweiyobe, jei.

<sup>18</sup> Jesús jume nota:

—Painta xawena baxua, jei. <sup>19</sup> Bapoxonae Jesús najume caitoroba xua bepa daxita barapo jiwi iratha taenaetsei. Bapoxonae Jesús pecobetha pita cinco po panyobe yawa xua barapo duweiyobe xua ainyobe. Jesús peitaboco benecoicha yawa Nacomtha tsipaeba, jeye: “Axa, juntu coyene weiweinan xua pexaewa pata tanecat-siwxaxem”, jei. Poxonae Jesús najume weta xua Paxatha tsipaeba, bapoxonae pan epa janaca, yawano duwei epa janaqueba. Bapoxonae Jesús pijimonae caitoroba pexaewa xua pijimonae tatsi xuya pecataponenexa barapo jiwi. <sup>20</sup> Daxita barapo jiwi nabane beya barapo jiwi jain cowuntarucupatsi. Bapoxonae Jesús pijimonae tatsi doce po cote matabuxuyobe wunba xua bayatha nacopaba



pocotsiwa xua bayatha barapo jiwi jopa xaeyo peton-sanaexae. <sup>21</sup> Pomonae xua pexaewa nabane barapomonae cinco mil pebiwi. Yabuxino iru nanabane. Matautano pexuino iru nabane. Daichitha jopa ununaetsi pexui matauta yabuxi jopa ununaetsi.

*Meje yabara poxonae Jesús mene matatsun jumatha pona (Mr 6.45-52; Jn 6.16-21)*

<sup>22</sup> Nexata bapoxonae Jesús jera beitorobiya pijimonae, xua pijimonae copiya petsiwana warapaenexa tsainchi icha muxunene beya xua pucua iya. Poxonae barapomonae ponarucupaba bapoxonae Jesús barapo jiwi pu itoroba xua penawibiyaenexa pia tomaran beya. <sup>23</sup> Bapoxonae Jesús demxuwa beicha pona xua baxota compa petsipaebinexa Nacomtha. Poxonae quirei tsuxubi Jesús demxuwatha compa eca. <sup>24</sup> Poxonae Jesús Paxa tsipaebauya, bapoxonae caena iruru Jesús pijimonae tatsi cataunxuae tuwutha yana pona. Jera maratsaca caewa carena tsaiibi tsipei joibo dawerena daunwei. <sup>25</sup> Mataquei wnaeyo Jesús mene matatsun jumatha pona, pijimonae itiya pona. <sup>26</sup> Poxonae Jesús pijimonae taerucupatsi, barapomonae nanthuthu cui coyene nabenaeca. Junuwiya wawaya jeye:

—¡Pai jaibo, jina! ¡Apara dowatsi! jei barapomonae.

<sup>27</sup> Jesús pijimonaetha caena nainya tsipaeba, jeye:

—¡Apara xan! ¡Jopa pajunuwinde! ¡Maisa pajuntu coyene weiweinare! jei Jesús.

<sup>28</sup> Bapoxonae nexata Pedro Jesús baraichichi, jeye:

—Tanecanamataxeinaem, icha bara metha xam yatsicaewa bapom, moya neitorobare xua mene matatsun juma ta-iyenexa nexainya beya, jei Pedro.

<sup>29</sup> Jesús jume nota, jeye:

—¡Moya anetha denande! jei Jesús.

Nexata Pedro mene matatsun juma nontabiya dunareca jera wereca. Bara Pedro mene matatsun juma iya pona pepatopaenexa Jesús pia xainya beya tatsi. <sup>30</sup> Daichitha poxonae Pedro yabara nanta xeinanareca pin joibo, bapoxonae bichocono junuwanareca. Daxota bapoxonae Pedro yamene jopareca. Bapoxonae Pedro jume daunweya wawaya jeye:

—¡Tanecanamataxeinaem, necapanepare, nepitaxuina! jei.

<sup>31</sup> Bapoxonae Jesús nainya cobe pitaxuina. Jesús namchi, jeye:

—¡Maisa be conotha neyabara jume cowuntame xua bara tana neitacupaewa xua tacayawenaewa tsainchi! ¿Eta xua metha ainya jüntu coyeneintha nanta xeiname? jei Jesús.

<sup>32</sup> Poxonae Jesús iru Pedro nontabiyabe jeratha, Jesús bapoxonae joibo yainjei tsanaya exana. <sup>33</sup> Daxita pomonae jeratha ena, barapomonae Jesús wunaenae jain-tatsi. Barapomonae Jesús baraichi, jeye:

—Bara yatsicaya apara xam Nacom Pexantom tatsim, jei barapomonae.

*Meje yabara poxonae Jesús axaibi exana pomonae peatenewi, pomonae Genesaret nacuapiwi*

*(Mr 6.53-56)*

<sup>34</sup> Bapoxonae Jesús iru pijimonae tatsi jeratha yana enapona beya poxonae Genesaret nacua beya pata.

<sup>35</sup> Pomonae baxota jinompa, barapomonae Jesús caena yaitainchi. Daxota barapomonae najume caitoroba ichamonaetha daxita barapo Genesaret nacuapiwitha beya, xua Jesús pepatopaexae. Bapoxonae daxita jiwi carendena peatenewi ichaxota Jesús pucua itapatha uncua.

<sup>36</sup> Barapomonae pomonae peatenewi Jesús jume daunweya wucatsi, xua Jesús bara pecui copatsinexa xua

bara petajayabinexatsi pia paparuwa tatsi xua peopirawa. Bapoxonae daxita barapomonae axaibi tsane. Pomonae Jesús pia paparuwa tajayabatsi daxita barapomonae equeicha axaibi exanatsi pocotsiwa bayatha atene.

## 15

*Meje yabara poxonae Jesús yabara paeba xua pebin abe pia peexanae cuiru coyene jantũ coyene webocatsi*

*(Mr 7.1-23)*

<sup>1</sup> Fariseomonae irũ pomonae jiwi pecuidubiwi Moisés pia peitorobi coyene tatsi, barapomonae jiwana Jerusalén tomara werendena. Barapomonae Jesús imoxoyo caquita umenarũcupiya yainyabatsi, jeye:

<sup>2</sup> —¿Eta xua metha jinyamonae jopa exanaeyo xua pocotsiwa wamo susato jiwi pia peitorobi cui coyenewatha itoroba? Barapomonae pomonae jinyamonae barapo cui jopa exanaeyo. Barapomonae jopa matha tsiwanaya nacobe quiateibiyo poxonae beya xaiba xua jopa penataxobinexa tsane pia jantũ coyenewantha, jei daxita fariseomonae, irũrũ pomonae jiwi pecuidubiwi Moisés pia peitorobi coyene tatsi.

<sup>3</sup> Nexata Jesús xuya yainyaba, jeye:

—Irũrũ paxamdu, ¿eta xua metha jopa paexanaem pocotsiwa Nacom Pejume Diwesitha itoroba? ¿Eta xua metha saya meisa paexaname pocotsiwa painya amo susato jiwi pia peitorobi cui coyenewantha tatsi itoroba?

<sup>4</sup> Jopa bewa paexanaem tsane painya amo susato jiwi pia peitorobi coyenewa tatsi po peitorobi coyenewa paca tsita ainya cui bichocono beyacaincha xua Nacom Pejume Diwesi. Tsipei Nacom Pejume Diwesitha jeye: ‘Axatha barũ cui itura jinare, irũrũ enatha barũ cui itura jinare’, jei Nacom. Yawa equeicha Nacom jeye: ‘Pon paxa abe yabara paeba matautano xua pena abe yabara paeba, bapon bewa

tupaena', jei Nacom Pejume Diwesitha. <sup>5-6</sup> Ichitha paxam ba papaebame xua pinae pebin ba itacupatsi xua pepaebiwa xua pejeiwa paxatha yawa penatha: 'Jopa neitacupaeyo xua tapaca cayawenaewatsi bara bequein paacopeibim, tsipei daxita pocotsiwa xeinan baxua yabara tsiwuna paeban xua Nacomtha bexa catsin', xua pejeiwa. Matautano ba pajam: 'Pon bapocotsiwa paeba, jopa nantawenonaeyo xua paxa yawenaena. Matauta jopa nantawenonaeyo xua pena yawenaena bara bequein acopeibi taetha', ba pajam. Poxonae baxua pacaunutsiya paebame paxam pacana exaname xua painya amo susato jiwi pia peitorobi cui coyenewa tatsi bichocono ainya cui coyene, beyacaincha xua Nacom Pejume Diwesi xua ainya cui coyene. <sup>7</sup> Itara mexeya pomonae xanepanaeya pepaebi jiwi pam, daichitha apara peajuntucoyenebe jiwi pam! Bara apara Isaías caena bayatha xaniwaicha paca yabara paeba pon Nacom peitorobi jume pepaebin. Bapon paca yabara jeye poxonae tina pejume diwesitha:

<sup>8</sup> 'Barapomonae itara be xanepanaeya neyabara paebina jiwitha xua pinae neyabara baru cui itura jina.

Daichitha barapomonae pia juntu coyenewatha jopa xaniwaicha neyabara baru cui itura jinae tsane.

<sup>9</sup> Bequein barapomonae newuna jainteibina poxonae nacaetuteibina, daichitha baxua jopa yawenae tsabi tsainchi tsipei barapomonae peajuntucoyenebewi.

Matautano tsipei po peitorobi coyenewa cuidubina jiwitha, apara jopa taitorobi coyenewiyo tsane, apara xua saya jiwi barompaya pia peitorobi coyenewa tatsi tsane', jei Isaías xua paca yabara paeba, jei Jesús.

<sup>10</sup> Nexata bapoxonae Jesús waba daxita jiwí xua imoxoyo peumendenaenexa. Yawa namchi barapo jiwítha, jeye:

—Pana nejume naitaeware, painya neyaputaenexa pocotsiwa paca tsipaebatsi. <sup>11</sup> Pocotsiwa ba pebin pecoiboto deca tsijain jojonecatsi pexaewan, bequein jopa tsiwunaeya matha nacobe quiatsiyo poxonae xaiba, barapo coyene apara ba jopa bapana pebin juntu coyene taxobichi xua poxonae pocotsiwa pexaexae. Jame pocotsiwa ba pebin pecoibotha caunuta, xua peabe jume barapo jume coyene apara pebin juntu coyene taxobatsi xua poxonae pecueicueijeixae baxua, jei Jesús.

<sup>12</sup> Nexata Jesús imoxoyo caquita umenarucupatsi pijimonae. Jesús pijimonae yainyabatsi, jeichichi:

—¿Bara yaputaneme xua fariseomonae cayabara muxu coniquiya anaepana, xua nepaebixae baxuan? jei.

<sup>13</sup> Jesús jume nota pijimonae, jeye:

—Taxa pon peitabocotha peecaexae xubina pon jopa pejume cowuntsinchi. Taxa barapocotsi juta coyeneya cana ichi tsane jiwítha icha pebin ichi xua poxonae pabitha pona, matauta poxonae naeyo tabu opina jonta daxita, pexubinexa. <sup>14</sup> Bara barabu neyabara muxuconacaena, fariseomonae. Jopa payabara jume naitae-watsinde pocotsiwa barapomonae paeba. Tsipei barapomonae jopa xanepanaya peyawenae jiwí ichamon-aetha. Barapomonae barapocotsi juta coyeneya exana, icha be pon peitata nacutsin ichi, xua poxonae matacapona ichun xua pon peitata nacutsin matacapoinchi. Bapoxonae barapo cae peitata nacutsinbe napuna joparecabe muthutha deca, jei Jesús.

<sup>15</sup> Nexata Pedro Jesús baraichi, jeye:

—Yabara pana yaputane exande po pecayabara juta pepaebi diwesiyo xua pexaewa yabara, jei Pedro.

<sup>16</sup> Jesús biataeya jume nota pijimonaē, jeye:

—¿Paxam bara paichimdu icha jiwi ichi? ¿Cataunxuae jopa painya yaputae jiwi pamdu? <sup>17</sup> Bayatha paxam payaputaneme pocotsiwa pebin tsijain jojonecatsi pexaewa pecoiboto deca baraxua jopa juntu coyene taxobichi, tsipei barapo pexaewa jopa ponaeyo pia juntu coyenewatha. Jame barapo pexaewa pecotsorotha pona, bapoxonaē nawexacaeca. <sup>18</sup> Ichitha pocotsiwa pecoiboto tsina caunuta peabe jume, baxua apara seicaya pejuntu coyene wetsina jume pichapa. Tsipei baxua penanta xeinaē coyenewa, daxota pebin abeya paeba. Daxota Nacom tsitatsi xua bapon peajuntucoyenebein Nacomtha. <sup>19</sup> Tsipei pejuntu coyene wetsina jume pichapa pocotsiwa abeya penanta xeinaē coyenewan, pocotsiwe meje: Ichun anaya pebexotsi coyenewa, iru ichun piseuri tatsi pepichi coyene, iru peita coxanaē coyenewatsi coyene xua poxonaē penayaputae jiwi naperu naco-yoba, iru ichun piawa tatsi pecaibi coyene, iru ichun yabara penaerabiwatsi coyene, iru ichun yabara peabiwatsi coyene. <sup>20</sup> Nacom tsitatsi xua daxita barapocotsi coyenein pebin ajuntucoyenebe exanatsi xua juntu coyene taxobatsi xua daxota jopa itacupaetsi xua beta exana. Ichitha pocotsiwa pebin nabane matautano xua poxonaē bequein tsiwanaya matha jopa nacobe quiatsiyo, barapocotsi coyenein pebin jopa juntu coyene taxobichi Nacom peitutha tatsi, jei Jesús.

*Meje yabara poxonaē yabuyo* powayo penanapaincha poponaewayo Jesús jume cowuntatsi

(Mr 7.24-30)

<sup>21</sup> Nexata bapoxonaē Jesús barapo ira weya warapa Genesaret nacua weya. Matautano pona icha nacua beya po nacuatha ichaxota Tiro tomara eca yawa Sidón tomara ecano. <sup>22</sup> Yabuyo, powayo barapo cananeamonaewayo

patopa Jesús pia xantha tatsi. Bapoxonae barapowa wawaya Jesustha jeye:

—¡Tanecanamataxeinaem, David pia pemomoxi susato jiwi jiwanam! Neyabara najuntũ cui coyene cananta xeinare, xua tana neyawenaenexam tsane. Taxantiyo inta cauri xeina; inta bichocono atene exanatsi, jei bapowa.

<sup>23</sup> Daichitha Jesús jopa jume notsiyo, saya moya uncu. Nexata bapoxonae Jesús imoxoyo caquita umenarũcũ-patsi pijimonae. Matautano jume daunweya baraichichi pijimonae, jeye:

—Barapowa itawere, tsipei barapowa waputha jume daunweya wawai, jei.

<sup>24</sup> Nexata Jesús jume nota pijimonae, jeye:

—Nacom meisa saya neitoroba Israel piamonae susato saineiwitha pomonae judiomonae xua tayawenaenexa barapomonae, tsipei barapomonae Nacom tsitatsi xua barapomonae nacabeta icha be ovejan ichi xua poxonae pipato napuxanompa, jei.

<sup>25</sup> Ichitha barapowa pentabocotha uncu yawa irabe taeuncuareca Jesús peitabaratha tatsi tsipei bapowa baru cui itura jina peuraxae, yaitama tsipei Jesús pon jiwi pepa Pecanamataxeinaein. Bapowa namchi, jeye:

—¡Pon Tanecanamataxeinaem, neyawende! jei.

<sup>26</sup> Jesús jume nota barapowa, jeye:

—Jopa xanepanaeyo icha matha cayawenatsi powayo nenanapaincha poponaewayom poxonae cataunxuae matha jopa yawenaeyo pepa tamonae judiomonae. Icha baxua exanaetsipan, bapoxonae be pitan pexui pia pexaewa taapatsinexa aurimonae, jei.

<sup>27</sup> Barapowa Jesús jume notatsi, jeye:

—Aa, bara barichi xuaunxuae netsipaebame ponx-aem Tanecanamataxeinaem. Jopa bewa auri catsibi

pexui pia pexaewa tatsi, yaitama auri iru xane pocotsiwa pexui sorobaba barapo pexuwxixi pocotsiwa pexaethopaewa pexuxupana tsica. Daxota bara ichiya neichinde: Neyawende, tsipei bara neayapusu itorobi coyenewa nawita xeiname jinya axaibi exanaenexa judiomonae. Po neayapusu itorobi coyenewa judiomonae jopa canantawenonaeyo barapo neayapusu itorobi coyenewatha inta axaibi exande taxantiyo, jei.

<sup>28</sup> Nexata Jesús jume nota, jeye:

—¡Yabuyo, maisa bichocono neyabara jume cowuntame xua bara tana neitacupaewa xua tacayawenaewatsi tsainchi! Bara cata exainchi pocotsiwa aunxuae newucame, jei Jesús.

Poxonae Jesús baxua paeba, bapoxonae nainya barapo yabuyo pexantiyo tatsi taaxaibi tsuxubichi.

*Meje yabara poxonae Jesús axaibi exana pin bicheitomonae peatenewi*

<sup>29</sup> Nexata bapoxonae Jesús bara weya pona. Galilea pucua itapa iya pona. Bapoxonae demxuwa icha juinya, baxota ecopa. <sup>30</sup> Ichaxota Jesús eca baxota pin bicheito jiwi ayei pata. Barapo bicheito jiwi carendena pejayujayujeiwi, iru peitata nacutsi jiwino, iru pemuxusipanaewino, matauta pomonae iru peacowaebi jiwi xua pomonae jopa xeinaeyo xua xota nacowaeba. Matautano iru icha bicheitomonaeno, pomonae peatenewi. Pomonae peatenewi Jesús pexainya tajebarecatsi. Daxita barapomonae Jesús axaibi exana. <sup>31</sup> Poxonae daxita jiwi baxua cui tane, pomonae jopa judiomonae naexanaeyo daxita barapo jiwi yabara cui coyene nanthuthu cabenaeca. Bapoxonae Jesús xanepanaya peexanaexae, barapomonae Nacom wuna jaintatsi, po Nacom Israel nacuapiwi pia Nacom tatsi. Daxota barapomonae baxua exana, tsipei Jesús



equeicha paeba cana exanaeya exana pomonae pemuxu-sipanaewi. Matauta tsipei Jesús taduba exana pomonae bayatha jopa xeinaeyo xua xota nacowaeba. Matautano tsipei pomonae pejayujayujei jivi equeicha beta pona. Matautano tsipei pomonae peitata nacutsi jivi equeicha beta tane.

*Meje yabara poxonae Jesús pexaewa apata cuatro mil pebiwi*

*(Mr 8.1-10)*

<sup>32</sup> Nexata Jesús waba pijimonae, jeye:

—Yabara cui cananta xeinan barapo pin bicheitomonae tayawenaenexa, tsipei barapomonae acoibi po matabiyobe jinompa taxantha, maisa ajibi xua barapomonae penabanaewa tsane. Jopa jainbotha bepú itorobinyo pia bon beya tatsi, tsipei icha barapomonae jainbotha pu itorobichipan, metha piyain namtotha xuirabathopaetsipa, jei Jesús.

<sup>33</sup> Jesús baraichi pijimonae, jeye:

—Xote ira xuepana susato tsurucuae nacua ichaxota jivi ajibi. ¿Eta beya tsijeitinchi pexaewa barapomonae pomonae pinmonaexae? jei.

<sup>34</sup> Jesús yainyaba pijimonae jeye:

—¿Eta po panyobe paxeiname? jei.

Barapomonae Jesús jume notatsi, jeye:

—Siete po panyobe paxeinan yawa be conothano duweixi, poxi tsiquirixi, jei.

<sup>35</sup> Nexata Jesús pijimonae najume caitoroba xua bepa pinae barapo pin bicheito jivi iratha taenaetsei. <sup>36</sup> Jesús pecobetha pita barapo siete panyobe yawa duweixino. Bapoxonae Jesús Paxatha tsipaeba: “Axa, juntu coyene weiweinan xua pexaewa pata tanecatsiwaxaem”, jei Jesús.

Bapoxonae Jesús pijimonae tsicobe epa nantarubiya jajañauya catsibapona xua xuya pijimonae tatsi pecatsibaponaenexa barapo jiwitha. <sup>37</sup> Daxita barapomonae nabane, beya barapomonae bichocono jain cowuntaracupatsi. Bapoxonae Jesús pijimonae tatsi siete po cotebe wunba pocotsiwa xua barapo jiwi jopa xaeyo petonsanaexae. <sup>38</sup> Pomonae xua nabane pexaewa barapomonae cuatro mil pebiwi. Matautano iru yabuxi nanabane matautano iru pexui nanabane, daichitha daxita jopa ununaeyo. <sup>39</sup> Bapoxonae Jesús pu itoroba xua barapo jiwi penawibiyaenexa pia tomaran beya. Bapoxonae Jesús jeratha nontabiya, peponaenexa Magadán nacua beya.

## 16

*Meje yabara poxonae fariseomonae iru saduceomonae* Jesús cui itorobatsi pia pexeinya petsita itutsi coyene xua peitabocotha

*(Mr 8.11-13; Lc 12.54-56)*

<sup>1</sup> Fariseomonae iru saduceomonae, barapomonae pona Jesús beya xua Jesús peñuntü coyene jujutsinexatsi. Barapomonae Jesús cui itorobatsi pia petsita itutsi coyenewa pocotsi coyenewa xua cana exana itaboco wetsica. Icha Jesús jopa itacupaetsi xua exana baxua, barapomonae pepaebinexa tsane xua deta cou Jesús jopa apara Nacom Pexanto tatsi. <sup>2</sup> Daichitha Jesús jume nota barapomon-aetha, jeye: “Poxonae tabopiya paxam ba pajam: ‘Baya tsane pexeinya matabi tsane tsipei anoxuae quiripitha itaboco tsobia’, ba pajam. <sup>3</sup> Ichacuitha tsipae poxonae baya, paxam ba pajam: ‘Anoxuae ema duneicaena tsipei itaboco tsaebia yawa ituruna’, ba pajam. ¡Itara mexeya pomonae xanepanaya pepaebiwi pam, daichitha abe painya neexanaewi pam! Paxam peitaboco payabara yaputaneme. Ema ba payabara wunaeyo yaputaneme.

Matautano pexeinya matabino ba payabara wunaē ya-putaneme, deta meisa paxam jopa pana neyabara ya-putaem matautano jopa payabara ya-putaem pocotsiwa exanan tapexeinya tsita itutsi coyenewan. <sup>4</sup> Barapo peajuntucoyenebe jiwi iru pomonae jopa tana nejume cowuntsi jiwi, barapomonae necui itoroba tapexeinya tsita itutsi coyenewa pocotsi coyene cana exanan itaboco wetsica daichitha jopa baxua beexanaeinyo pocotsiwa barapomonae necui itoroba. Saya meisa barapo petsita itutsi coyene exanaein, icha be pocotsi coyeneya Jonás cana ichichi pon Nacom peitorobi jume pepaebin xua poxonaē pin duweintha tsijuntutha eca acoibi po matabibē beya equeicha poxonaē yacabaxotsi xua asu popona”, jei Jesús xua nayabara paeba xua tupaena xua equeicha Nacom asu exanaena acoibi po merawithabe.

Bapoxonaē Jesús ponataba, yawa cuenta pona barapomonaē.

*Meje yabara poxonaē Jesús pijimonaē yabara yaputane exana, pocotsiwa pan cotowa exana*

*(Mr 8.14-21)*

<sup>5</sup> Poxonaē Jesús pijimonaē tatsi icha muxunene beya pona jeratha xua pucua iya, barapomonaē junteina xua pan capana. <sup>6</sup> Nexata Jesús pewunaeya muxuweta pijimonaē xua jopa pejume cowuntsinexa tsane fariseomonaē iru saduceomonaē pia pecuidubiwa coyenewa tatsi po pecuidubi coyenewa jopa Jesús pia pecuidubi coyenewa tatsi. Jesús jeye:

—Dota pam jopa pajume naitaewatsinde fariseomonaē pia pecuidubi coyenewa tatsi xua painya nejume cowuntsiyainwa. Matauta dota pam xua saduceomonaē pia pecuidubi coyenewa tatsi xua painya nejume cowuntsiyainwa. Barapo pecuidubi coyenewan jiwi ichawa beya ajuntucoyeneyapube cana exanapoinchi

icha be pocotsi coyene ichi xua levadura matawɛn xua pan cotowa exanapona beya poxonaē pin pan, jei Jesús.

<sup>7</sup> Poxonaē Jesús yabara paeba pocotsiwa xua pan cotowa exana, bapoxonaē Jesús pijimonaē tatsi catsawiya nanta xeinaeaya natsipaeba caemonaē, najei:

—Metha Jesús daxota baxua paeba metha poxoru yaitama jopa caponaetsi pan, najei barapomonaē.

<sup>8</sup> Jesús yaputane pocotsiwa barapomonaē natsipaeba, daxota Jesús barai, jeye:

—Pocotsiwa pana natsipaebame xua jopa painya necaponaexae pan, apara poxoru jopa pana nejume cowɛntsim. <sup>9</sup> ¡Cataunxuae jopa pana necui yabara yaputaem! Paxam pana necui yabara jɛntemainame poxonaē cinco mil pebiwi apatan pexaewa xua yabara jɛntemainame poxonaē saya cinco po panbe. Matautano pana necui yabara jɛntemainame poxonaē equeicha doce po cotebe pawɛwɛnbaponame pocotsiwa jiwi jopa xaeyo. <sup>10</sup> Matautano paxam pana necui yabara jɛntemainame xua poxonaē cuatro mil pebiwi apatan pexaewa xua poxonaē saya siete po panbe. Matautano pana necui yabara jɛntemainame poxonaē equeicha siete po cotebe pawɛwɛnbaponame pocotsiwa jiwi jopa xaeyo.

<sup>11</sup> Matautano jopa payaputaem xua poxonaē yabara paca tsipaebatsi fariseomonaē pia pecuidubi coyenewa tatsi, irɛ saduceomonaē pia pecuidubi coyenewa tatsi, apara jopa pan yabara paca tsipaebichi xua jopa painya necaponaexae, jei Jesús.

<sup>12</sup> Bapoxonaē matapainya Jesús jume yaputaerɛcupatsi pijimonaē, xua apara yabara paeba fariseomonaē pia pecuidubi coyenewan yainwa tatsi, irɛrɛ saduceomonaē pia pecuidubi coyenewan yainwa tatsi. Matautano matapainya yaputaerɛcupa xua apara Jesús jopa yabara paebiyo pocotsiwa pan cotowa exana.

*Meje yabara poxonae Pedro namchi Jesustha jeye: “Xam apara Mesías Nacom caitorobica”, jei*

*(Mr 8.27-30; Lc 9.18-21)*

<sup>13</sup>Bapoxonae pirapae Jesús pona. Poxonae Jesús patopa Cesarea de Filipo tomara pecuariya xua pepa tomaratha, bapoxonae Jesús yainyaba pijimonae, jeye:

—¿Eta po jiton, po jiton xua jiwi yabara paeba xua pinae bapon Nacom pia Peitapetsin tatsi? jei Jesús.

<sup>14</sup>Jesús jume notatsi pijimonae, jeye:

—Ichamonae cayabara jeye: ‘Apara bapon Juan pon jiwi Pebautisabin, pon equeicha petupaein asu juina’, jei. Iru ichamonae cayabara jeye: ‘Apara bapon Elías pon equeicha petupaein asu juina’, jei. Iru ru ichamonae cayabara jeye: ‘Apara bapon Jeremías pon equeicha petupaein asu juina’, jei. Iru ru ichamonae cayabara jeye: ‘Apara bapon jiwana pomonae Nacom peitorobi jume pepaebiwi’, jei, jei Jesús pijimonae tatsi.

<sup>15</sup>Nexata Jesús pijimonae barai, jeye:

—¿Incane iru paxamdu? ¿Eta pana neyabara jumichimdu xua xan eta pondun? jei Jesús.

<sup>16</sup>Simón Pedro Jesús jume notatsi, jeye:

—Xam apara Mesías. Nacom caitorobica, pon asu popona. Xam apara Nacom Pexanto tatsim, jei Simón Pedro.

<sup>17</sup>Jesús barai, Simón Pedro baraichi, jeye:

—Simón, Jonás pexantom, maisa Nacom cajuntu coyene weiweina exana, tsipei bapana jiton bapocotsiwa jopa cacuidubi pocotsiwa xua tana neyabara paebiwam. Saya apara meisa Nacom, Taxa, cacuiduba baxua pocotsiwa tana neyabara paebiwam, pon itabocotha eca.

<sup>18</sup>Pocotsiwa xua tana neyabara paebiwam baxua natsita jume itapeinya xeiname xua bichocono tana necui yabara jume cowantsiwam. Daxota cawun dutatsi po wun xua

jei: 'Pedro', jei, po wun caunuta xua jei: 'iboto', jei, tsipei ba iboto bichocono mata daunwei. Pocotsiwa xua xainyeya neyabara paebame baxua be iboto coyene jutiya paebame poxonae jam: 'Xam apara Mesías. Nacom caitoroba, pon asu popona. Xam apara Nacom Pexanto tatsim', jam. Daxita pomonaе xua neyabara jume cowunta barapo pexainyeya jume tana neyabara paebiwathaxaemxae, barapomonaе tajiwiwimonaе exanaein. Tajiwiwimonaе catsin taayapusu itorobi coyenewa xua barapo tajiwiwimonaе jopa peamanayabinexa tsainchi pia peaitafaetabi jiwichi pomonaе petupaе cuiru nacua beya ponaena. <sup>19</sup> Xam Pedrom, cacatinchi taayapusu itorobi coyenewa xua copiyam tsane caponaename tajume diwesi xua xan yabara ponxaein Mesías, ponxaein Nacom Pexanton. Barapo tajume diwesi caponaename judiomonaetha matautano caponaename pomonaetha pomonaе jopa judiomonaе naexanaeyo. Matautano xam pon taji-tonxaein, pocotsiwa xam jopa copatsim barapo cae pin nacuathe, xua pocotsiwa tamonaе exana, baxuan bara iru Nacom jopa copatsiyo pia peitorobi nacua beicha xua barapomonaе bara peexanaenexa baraxua. Pocotsiwa copatame xua tajiwiwimonaе peexanaenexa barapo cae pin nacuathe, bapocotsiwa iru Nacom copata pia peitorobi nacua beicha xua barapomonaе bara peexanaenexa baxua, jei Jesús.

<sup>20</sup> Nexata Jesús pijimonaе muxu barai xua pijimonaе jopa peyabara pepaebinxatsi ichamonaetha baxua xua po coyene bapon apara Mesías.

*Meje yabara poxonaе Jesús nayabara diwesi paeba po coyene xua petupaewa tsane  
(Mr 8.31-9.1; Lc 9.22-27)*

<sup>21</sup> Bapoxonae barapo matacabi weya Jesús tamropata pitaba xua pijimonaetha tsipaeba pocotsi coyene Jesús cana exanaeinchi ichamonae, jeye:

—Bewa ponaein Jerusalén tomara beya ichaxota pitiri jiwi, irurũ sacerdotemonae pia pentacaponae wi tatsi, irurũ pomonae jiwi pecuidubiwi Moisés pia peitorobi coyene tatsi, daxita barapomonae bichocono neperaxa jubina. Matautano barapomonae nebexubina. Daichitha poxonae acoibi po matacabi yobe tsuxubi tsane equeicha Nacom tatupaein asu neexanaena, jei Jesús.

<sup>22</sup> Ichitha bapoxonae Pedro, Jesús barũ natsixitabatsi aisowa beya. Pedro Jesús baraichichi, jeye:

—Xam pon Necanamataxeinaem. ¡Jamaisa daxua pae-bameno, bara! Nacom jopa copatsi tsane xua jiwi cata exanaena baxua, jei Pedro.

<sup>23</sup> Nexata Pedro peitabara beya tatsi Jesús napatome-icha cauncuatabiya namchi, jeye:

—¡Xam newepu natsixitabare, tsipei be Satanám! ¡Ne-juntũ coyene jubutame xua jopa xanepanaya taexanaewa tsane neaichaxaibixae xua tatsitupaewa tsane jiwi! Xam saya abe nanta xeiname icha pebiwi ichi. Saya jopa nanta xeinaem pocotsiwa Nacom necayabara nanta xeina xua tatsitupaewa tsane jiwi, jei Jesús.

<sup>24</sup> Nexata Jesús barai pijimonae, jeye:

—Icha pebin ichichipa xua tajiwimonae jiwanapin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanaponae pocotsiwa itoroban, bequein bara bapon bexotsi ichamonae, tajiwimonae jitonxae. <sup>25</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuyapuswa, po peajuntuyapuswa ataya tsiteca

xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae bapon xeinaena peajuntuyarusawa, po peajuntuyarusawa ataya tsiteca xua Nacom pia nacua beicha. <sup>26</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntucoyenesawa po peajuntucoyenesawa ataya tsiteca, bapoxonae bapon jopa itacupaetsi xua penajuntu coyene capanepaewa xua jopa peweraweracaewa. Tsipei pebin jopa itacupaetsi xua barapo copeitha matomatsina Nacomtha xua bapon pecatsinexa tsainchi peajuntucoyenesawa xua barapoxonae pepatopaewanexa tsane Nacom pia nacua beicha tatsi. <sup>27</sup> Tsipei xan ponxaein Nacom Tananeitapetsin bewa yawa muxuna patopeicaein Nacom pia peitupanaewa tatsi. Matauta matatsunpiwi baru patopeicaein. Daxita carepaya jiwitha catsibin pocotsiwa peyabara cui matomatsiwatsi. Pomonae jopa xapain exanaeyo ichamonaetha xuya barapocotsi coyeneya exanaein xua antomabeya catsin. Pomonae xua xanepanaya exana ichamonaetha pocotsiwa cui itoroban xuya barapocotsi coyeneya exanaein matoma xanepanaya catsibin. <sup>28</sup> Bara xaniwaicha paca tsipae-batsi xua pomonae xote umene barapomonae jiwana abu, copiya matha yabara yaputaena poxonae xan ponxaein Nacom Tananeitapetsin tamropata pitabin xua itorobiya taewatsiwa tsane pomonae tana nejume cowuntsiwi, jei Jesús.

## 17

*Meje yabara poxonae Jesús pijimonae peitutha pexeinya itupanae coicha tsanaya naexana  
(Mr 9.2-13; Lc 9.28-36)*



<sup>1</sup> Poxonae seis po matabibe jopa, po matabin weya poxonae Jesús paeba baxua, bapoxonae icha matabitha Jesús pona demxuwa beicha. Pedro Jesús baru pona, iruno Santiago Jesús baru pona, iruno Juan Jesús baru pona, pon Santiago peweicho tatsi. Barapo acoibi poyobe Jesús matabapona demxuwatha, po demxuwatha bichocono taucha ichaxota jiwaibi. <sup>2</sup> Baxoteicha daxita Pedrobaru peitutha tatsi Jesús pexeinya itapanae coicha tsanaya. Bichocono itabara daedaena icha be xometo ichi poxonae pentha. Matautano pocotsiwa penama xatatsiwa bichocono inyapana tsanaya icha pecoicha ichi. <sup>3</sup> Bapoxonae Pedrobaru taerucupa Moisés iru Elías xua baponbe Jesús baru cueicueijeichibe. <sup>4</sup> Bapoxonae Pedro namchi Jesustha, jeye:

—Pata Tanecanamataxeinaem, maisa wuna xua xote pata umenaewa. Icha ichichipame, bapoxonae pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>5</sup> Poxonae cataunxuae Pedro cueicueije, xua Jesús baru cueicueijeichi, bapoxonae daxita barapomonae bematawacaicha taruneicatsi tsaquinaebowa po tsaquinaebowa bichocono pentha. Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon bichocono nejuntu coyene weiweina exana. Bapon beta pajume taema pocotsiwa paca tsipaeba”, jei Nacom.

<sup>6</sup> Poxonae Jesús pijimonae tatsi jume taerucupa baxua, bapoxonae barapomonae pia coutha iratha nabebeya, irabe taebobendeca. Barapomonae bichocono pijunuwi. <sup>7</sup> Bapoxonae Jesús pijimonae imoxoyo caquita uncuataba yawa pijimonae waruba, jeye:

—Panonobaponde, painya xoba pajunuwame, jei Jesús.

<sup>8</sup> Poxonae barapomonae necobarꝥcꝥpa beya meisa Jesús compa uncua, ichamonae aichurubena.

<sup>9</sup> Poxonae Jesús pijimonae barꝥ duneica demxuwa wet-sica, pijimonae barai, jeye:

—Ichamonaetha jopa baxua patsipaebinde pocotsiwa aunxuae pataneme xuaunxuae paca tsita itꝥtatsi, beya abꝥ poxonae xan ponxaein Nacom Tananeitapetsin eque-icha asꝥn poponaein tatꝥpae coyene weya, jei Jesús.

<sup>10</sup> Nexata Jesús yainyabatsi pijimonae, jeye:

—Pomonae jiwi pecuidubiwi Moisés pia peitorobi coyene jeye: ‘Mesías matha tsiwanaya patopaeinchi Elías’, jei. ¿Eta pocotsiwa metha jane? jei Jesús pijimonae tatsi.

<sup>11</sup> Jesús jume nota, jeye:

—Bara xainyei, copiya matha netsiwanaya patopa pon icha be Elías ichi. Mataꝥtano bapon cana exana jiwitha xua jiwi cana jꝥntꝥ coyene weta exanaya exanatsi xua tana nejume cowꝥntsiwa tsane xua tapatopaewa tsane.

<sup>12</sup> Ichitha xan paca tsipaebatsi xua bayatha apara patopa pon copiya matha netsiwanaya patopa pocotsin xua icha Elías ichi. Poxonae bapon bayatha patopeica jiwi jopa yaitaeyo bapontha pon icha Elías ichi. Saya barapo jiwi bapon abe cana exanatsi be pocotsi coyeneya ichichipa beya poxonae bapon yatsicaya bexotsi. Icha bapon ichichi xua poxonae cana exanatsi, barapomonae bara neichi tsane ponxaein Nacom Tananeitapetsin. Barapomonae irꝥ nebexubina, jei Jesús.

<sup>13</sup> Jesús pijimonae tatsi matapainya yaputane xua poxonae Jesús pijimonae tsipaeba Elías yabara, apara xua Juan yabara paebatsi pon jiwi Pebautisabin.

*Meje yabara poxonae Jesús cauri taitaweta xua pewowin xeina*

*(Mr 9.14-29; Lc 9.37-43)*

<sup>14</sup> Poxonae demxuwa weya pona, bapoxonae Jesús pijimonae baru patopa ichaxota pin bicheito jiwi jinompa. Bapoxonae pebin Jesús imoxoyo caquita uncatabatsi. Bapon pentabocototha uncua Jesús peitabaratha tatsi. Bapon Jesús baraichi, jeye:

<sup>15</sup> —Tanecanamataxeinaem, inta taxanto yabara najuntu coyene xeinare xua jinya neyawenaenexa. Taxanto inta waetabatsi cauri. Inta papai exanatsi. Inta coibo thamthamei exanatsi. Matayaiba exanatsino. Matauta isototha inta bebai tsaibichino. Matautano mentha inta bebai tsaibichino. <sup>16</sup> Bequein barapo taxanto xote caponanje jinyamonaetha yawa janje: ‘Painta taxanto taitawere cauri’, jan, daichitha jopa itacupaetsi xua taxanto petaitawetsinexatsi cauri, jei bapon.

<sup>17</sup> Jesús namchi daxita barapomonaetha, jeye:

—¡Paxam barapomonaetha pam pomonaetha jopa xapain cataunxuae pana nejume cowuntsim! ¡Paxam barapomonaetha pam, peajuntucoyenebe jiwi pam! ¿Eta po weibe nantawenonan xua bewa tapaca baru ecaewatsi tsainchi xua beya poxonae tapana nejume cowuntsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Inta xawena pewowin, jei Jesús.

<sup>18</sup> Bapoxonae Jesús itaweta cauri, matautano pewowin wepu ponatsi exanatsi. Barapo pewowin nainya axaibi tsuxubi.

<sup>19</sup> Bapoxonae pirapaeyo Jesús compa tsipaebatsi pijimonae. Jesús jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei Jesús pijimonae tatsi.

<sup>20</sup> Jesús jume barai pijimonae jeye:

—Jopa paca itacupaeyo xua painya itawetsiwa cauri tsipei jopa beta payabara jume cowuntsim xua Nacom

painya nepaca cayawenaewa. Bara xaniyeya paca tsi-paebatsi. Icha paxeinaetsipame xua be peya pejume cowuntsi coyenewiyo xua bequein, icha mostaza xutiyo juta ichi xua tsica xutiyo, ichitha bara paca itacupa xua urutotha painya nejeiwa: ‘Uruto bara jincoutha natabu jonde, icha ira beya naxore’, xua painya nejeiwa. Bara jopa bayathiyo tsipae barapo uruto. Dapocotsiwa apara pacata aibi, pocotsiwa peayapubeya daunweiwa icha paxename tapana nejume cowuntsiwam xua peya jume cowuntsiwiyo. <sup>21</sup> Barapo cauri saya paca itacupa xua painya neitawetsiwa poxona matha payabara nainbotame matautano poxona matha Nacomtha matowa pawucame, jei Jesús.

*Meje yabara poxonae equeicha Jesús nayabara paeba xua poxonae tupaena*

*(Mr 9.30-32; Lc 9.43-45)*

<sup>22</sup> Poxonae cataunxuae Jesús pijimonaе baru popona Galilea nacuatha, pijimonaе tsipaeba, jeye:

—Xan ponxaein Nacom Tananeitapetsin, jiwi necaenaetsina ichamonaetha. <sup>23</sup> Bapoxonaе bequein nebexubina, ichitha poxonaе acoibi po matacabiyobe yapucaewina Nacom equeicha tatupaеin asu neexanaena, jei Jesús.

Bichocono Jesús pijimonaе tatsi anthuthutane, xua poxonaе Jesús pejume taexaetsi poxonaе baxua paeba.

*Meje yabara poxonae Jesús cata paratiyo xua Nacom pin pia bo nexa*

<sup>24</sup> Jesús baru patopa pijimonaе Capernaum tomaratha. Bapoxonaе pomonaе paratixi penotebiwi po paratixi judiomonaе bewa catsibeibina xua Nacom pin pia bo nexa, barapomonaе Pedro pexainya beya taponatsi. Barapomonaе Pedro yainyabatsi, jeichichi:

—¿Pon painya nepaca cuidubin, bapon bepa pana catsei paratixi xua Nacom pin pia bo nexa? jei.

<sup>25</sup> Pedro jume nota, jeye:

—Aa, bepa paca catsei, jei Pedro.

Poxonae Pedro botha joniya, Jesús copiya barai bapon, jeye:

—Simón, ¿eta be caita cui jicha? Barapo cae pin nacuathe, ¿eta po jiwi wꝛcatsi paratixi, po paratixi xua jiwi bewa catsibeibina pomonaetha pomonae jiwi itorobiya pia pepa peewatsiwichi poxonae pomonae jiwi itorobiya pia pepa peewatsiwichi wꝛca? ¿Metha bara piamonae matabꝛꝛꝛ wꝛca? Ichacuitha, ¿metha bara ichamonae wꝛcatsi pomonae penanapaincha jinompaewi xua icha nacua werena peponaewi? ¿Eta pomonae cuita wꝛcatsi? jei Jesús.

<sup>26</sup> Pedro Jesús jume notatsi, jeye:

—¡Apara jame wꝛcaetsipa ichamonaetha! jei Pedro.

Equeicha Jesús jume nota, jeye:

—Nexata barapomonae jopa wꝛcaeyo piamonae matabꝛꝛꝛyo. <sup>27</sup> Barichin jopa bewa Taxa catsin tsane paratixi, yaitama tsipei apara Taxa Pexanton tatsin. Ichitha xua barapomonae jopa wanaca casebinexa, matha mene beya ponde. Curupobo xoyama mentha bapoxonae po duwein copiya wana pichina curupobo, pire barapo duwein. Bapoxonae barapo duwein coiboto tsina paratiyo taename po paratiyo xua naca yajꝛpabe xua wamatomatsiwabe tsane Nacom pin pia bo nexa. Bapoxonae barapo paratiyo caponde pomonae paratixi penoteibiwi beya bara careno, jei Jesús.

## 18

*Meje yabara poxonaē Jesús yabara yainyabatsi pijimonaē xua pon peainya cui peexanaeinchi*  
(Mr 9.33-37; Lc 9.46-48)

<sup>1</sup> Nexata bapoxonaē Jesús imoxoyo caquita umenarucupatsi pijimonaē, yawa pijimonaē yainyabatsi, jeichichi:

—¿Jintam paxan jiwana pan pon bichocono ainya cui cana exanaeinchi po mataqueitha poxonaē Nacom wabina jiwi xua petanaexanaenexatsi pijimonaē pomonaē itorobiya pecanamataxeinaexae? jei Jesús pijimonaē tatsi.

<sup>2</sup> Nexata Jesús waba pexuyo, yawa pijimonaē tatsi peitabarayo deca tatsi tacuaranoreca. <sup>3</sup> Jesús namchi pijimonaetha, jeye:

—Bara xainyeya paca tsipaebatsi bewa paxeinaem icha juntu coyenewa xua jopa pananta xeinaem peainya cui coyenewa yabara. Barapocotsi juntu coyenewa pexui ba xeina xua jopa taayapubetsi poxonaē nejume cowunta. Bewa pananta xeinaem icha pexui ichi poxonaē nanta xeina, icha paichichipame xua Nacom painya nepaca wabiwa xua pijimonaē tatsi painya nepaca exanaewa pomonaē pamxaem Nacom itorobiya paca ewata. <sup>4</sup> Po jiton pon najuntu coyene acaura, xua daxota bichocono Nacom canantawenonatsi xua pejume cowuntsiwatsi, bapon jame ainya cui xua pecana exanaewatsi Nacom pijimonaē tatsi jiwana pin pomonaē pejume cowuntsiwichi pomonaē Nacom itorobiya peewatsixae. <sup>5</sup> Pon matenta weyataeya waba peyawenaenexa pontha pon tana nejume cowuntsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo apara bara iru matenta weyataeya wabatsi pon tana neitorobixae, xua pon bara Nacom, jei Jesús.

*Meje yabara poxonae Jesús paeba xua jiton jopa bewa cana exanae ichuntha xua iru abe peexanaewa tsane*

*(Mr 9.42-48; Lc 17.1-2)*

<sup>6</sup> “Nacom tsitatsi xua pebin bichocono abe exana poxonae ichun cana exanatsi xua abe peexanae cuiru coyene exana, po barapo ichun pon cataunxuae aena tana nejume cowuntsixae. Metha jame wuna tsipae xua barapo pebin pon abeya cana exanaeya taexana ichuntha, barapon pin iboto wisi cutsipatsi yawa xua tuwutha xua pin mar mentha barapo iboto cayawa cabutabachipatsino. Tsipei jopa wuna tsipae xua bapon cana exana xua ichamonae abe peexanae cuiru coyene exana pomonae cataunxuae aena nejume cowunta. <sup>7</sup> Maisa bichocono jopa xanepanaeyo barapo cae pin nacuathe nexa pomonae abe exaneiba. Barapo cae pin nacuathepiwi ataya xeineiba po jiwi pecana exanaexaetsi xua ichamonae cana exana xua barapo jiwi pecana exanaexaetsi xua ichamonae cana exana xua barapo jiwi abe peexanae cuiru coyene peexaneibinexa xua daxota jopa nejume cowunteibiyo. Ichitha pebin tsocuae xua bapon abe taexana xua ichun abe exanaeya taexanaetsi.

<sup>8</sup> “Daxota paca tsipaebatsi icha painya cobe paca exana xua abe painya neexanaewa tsane maisa pana nacobe ucubobare yawa taju beya pana nacobe bebande abe painya jopa neexanaenexa. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua ainya cobebe painya necayawa bebai tsane ichaxota po nacuathe isoto jopa itacounayiyo. Matautano icha painya taxu paca exana xua abe painya neexanaewa tsane maisa pana nataxu ucubobare yawa taju beya pana nataxu bebande xua abe painya neexanaeyainwa. Tsipei

baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebai tsane ichaxota po nacuatha isoto jopa itacounayiyo. <sup>9</sup> Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane painya netaexae painya itamaiqueitha, maisa pana naitamaiquei jucuare. Yawa tajũ beya pana naitamaiquei bebande abe painya neexanaeyainwa. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua poxonae ainya itamaiqueitobe painya necayawa bebai tsane ichaxota isoto jopa itacounayiyo”, jei Jesús.

*Meje yabara poxonae Jesús tsipaeba pijimonae pecayabara jũta pepaebi diwesiyo xua oveja yabara pon penapuxanaein*

*(Lc 15.3-7)*

<sup>10</sup> Equeicha Jesús jeye: “Barapocotsi pexuyo jopa catsa jumeya pacayabara jande: ‘Maisa barapo pexuyo jopa peainya cuiyiyo’, jopa pajande. Matauta pomonae aena pejume cowũntsiwi Nacom jopa pacayabara jande: ‘Maisa barapomonae jopa peainya cuimonaeyo’, jopa pajande. Paca tsipaebatsi pomonae Nacom pejume cowũntsiwi barapomonae nantauta pia matatsunpiwi po matatsunpiwi barapomonae yawenatsi. Barapo matatsunpiwi, Taxa Nacom peitabaratha tatsi tajinompeibatsi pia nacuatheicha, xua barapo pejume cowũntsiwi peyawenaenexa tsaibi tsainchi. <sup>11</sup> Tsipei xan, ponxaein Nacom Tananeitapetsin patopeican tayawenaenexa



pomonaē jopa pejume cowũntsiwi xua barapomonaē na-  
paēba tacana exanaēwa tsane.

<sup>12</sup>“Pana nejume naitaēware po pecayabara jũta pepaēbi  
diwesiyo xua paca tsipaēbinchi. Barapo diwesiyo jeye:  
Jiton ba xeina oveja cien poyobe. Caein tanapuxanatsi.  
Jiton demxuwatha cuenta pona noventa y nueve poyobe  
oveja, pewenaweneinexa oveja, pon catsawa jopa, beya  
matapainya taēba. <sup>13</sup>Xaniwaicha paca tsipaēbatsi pox-  
onaē jiton oveja taēba, bapon bichocono weiweina petae-  
bixae oveja pon catsawa jopa, beyacaincha xua poxonaē  
weiweina poxonaē saya noventa y nueve poyobe po ove-  
jamonaē jopa catsawa othopaeyo. <sup>14</sup>Barichi barapocotsi  
jũta coyeneya ichi, Nacom pon Taxa, pon peitabocotha  
eca, bapon jopa ichichipaeyo xua pebarapentsiwatsi piji-  
wimonaē xua pejume cowũntsiwatsi mataũtano xua bara  
caeinno irũ, pomonaē aēna pejume cowũntsiwixaeſi”, jei  
Jesũs.

*Meje yabara poxonaē Jesũs yabara paēba xua jiton etā bichi  
tsane poxonaē cayabara jũntemainaēna pontha pon abe  
petaēxanaēxaēſi*

*(Lc 17.3)*

<sup>15</sup>Equeicha Jesũs barai pijimonaē, jeye: “Icha ichũn  
pon irũ pejume cowũntsindũ, icha bapon pacata abe  
exana, bapon baxua yabara patsipaēbare xua bapon peya-  
putaēwa tsane xua deta cou abe exana. Icha barapon paca  
jume taēya jejei tsane pocotsiwa xua bapon abe exana  
bara bapoxonaē paca itacoxonaēna. <sup>16</sup>Ichacuiſtha icha  
ichũn pon pejume cowũntsindũ, icha bapon jopa paca  
jume cowũntsiya jejeyo, bara nexata equeicha pawabare  
pebinbe nacueyatabe xua yoroba painya netsipaēbinexa  
bapon xua abe peēxanaēxae. <sup>17</sup>Ichitha icha awiya  
bapon jopa cataunxuae paca jume cowũntsiya jejeyo,  
bara nexata barapon pacaponde pomonaētha pomonaē

Nacom pejume cowuntsiwichi, xua barapomonaē bapon peyabara paebinxatsi. Icha bapon awiya cataunxuae jopa came jume cowuntsiya jejeyo barapomonaetha barapoxonaē barapomonaē bewa yabara nanta xeinaē xua bapon bara be pocotsi jiton pon jopa bapana pejume cowuntsin Nacom. Ichacuitha bewa yabara nanta xeinaē xua bapon bara be pocotsi jiton jiwana, pomonaē peajuntucoyenebewi, pomonaē paratixi pentoma noteibiwi, po paratixi jiwi bewa catsibeibina pon romanomonaē itorobiya pia pepa peewatsinchi nexa.

<sup>18</sup> “Xainyeya paca tsipaebatsi. Pocotsiwa paxam jopa pacopatsim barapo cae pin nacuathe xua pocotsiwa exana pomonaē tana nejume cowuntsiwi, bapocotsiwa bara iru Nacom jopa copatsiyo pia peitorobi nacua beicha xua barapomonaē peexanaewa tsane baxua. Pocotsiwa pacopatame xua tajiwiwimonaē peexanaenexa barapo cae pin nacuathe bapocotsiwa iru Nacom copata pia peitorobi nacua beicha xua barapomonaē bara peexanaewa tsane baxua.

<sup>19</sup> “Matautano paca tsipaebatsi icha paxam jiwana nacueyatabe barapo cae pin nacuathe icha baponbe peburaya jupaya yabara nanta xeinabe xua Nacomtha pewucaewabe, baponbe bara baxua taexanaeinchibe pocotsiwa pewucaexaēbe xua Taxa Nacom bara taexanaena pon reitabocotha eca. <sup>20</sup> Tsipei ichaxota ba nayantabe xua nacueyatabe poyobe, xua poxonaē pewucaenexabe Nacom xua ichacuitha ichaxota acoibi poyobe, xua pomonaē taneantobe jiwixae, bara bequein saya caeyobe daichitha xan baxota ba uncueiban iru”, jei Jesús.

<sup>21</sup> Nexata Pedro Jesús yainyabatsi, jeye:

—Tanecanamataxeinaem, icha inta abe exana pon iruru jume cowanta, zeta po cuiyobe tsipaebocuaein xua bewa tacui yabara jantemainaewa tsane pocotsiwa inta abe

exana? ¿Metha saya beya poxonae siete po jume cuiyobe tsipae? jei Pedro.

<sup>22</sup> Jesús jume nota, jeye:

—Ichitha jopa catsipaebichi xua saya siete po cuiyobetham netsipaebiwa tsane xua jinya necui yabara jüntemainaewa tsane pocotsiwa cata abe exana. Seicaya apara jame catsipaebatsi, xua jopa cuinaya najume baraxubim tsane xua jinya necui yabara jüntemainaewa tsane pon cata abe exana xua beya bequein jame cuatrocientos noventa po cuiyobetham tsane xua netsipaebiwa tsane, jei Jesús.

*Meje yabara poxonae Jesús cuiduba pecayabara juta* pepaebi diwesiyo xua pon jopa yabara jüntemainaeyo ichuntha

<sup>23</sup> Equeicha Jesús pijimonae barai pecayabara juta pepaebi diwesiyo, jeye: “Anoxuae paca cuidubatsi xua Nacom yabara. Nacom pijimonae bichocono yabara jüntemaina po abe peexanae coyenein pijimonae tatsi exana. Nacom baxua exana icha pebin ichi pon jivi itorobiya pia pepa peewatsinchi. Bapon wuca xua caewa equeicha pematomatsinexatsi xua po matoman caena bayatha penacowaebixaetsi. <sup>24</sup> Pon jivi itorobiya pia pepa peewatsinchi tamropata pitaba xua waba pia petanacuichiwichi. Pon copiya, bapon pon jivi itorobiya pia pepa peewatsinchi jopa equeicha caewa tacanawitichi diez millones po paratiximonaebe. <sup>25</sup> Barapon pon copiya pon petanacuichinxae pon jivi itorobiya pia pepa peewatsinchi nexa jopa xeinaeyo paratiximonae xua pon jivi itorobiya pia pepa peewatsinchi caewa petacanawichinexa tsainchi. Daxota pon jivi itorobiya pia pepa peewatsinchi itoroba ichuntha xua barapo petanacuichinchi caenaetaxubinchi ichuntha xua ichun pecomotsinexa tsane xua pon pebusi cui taetaeinchi

pecanaexanaenexa tsainchi. Barapon pon jiwi itorobiya pia pepa peewatsinchi matauta cui itoroba xua yabũyo pecaenaetsinexa tsainchino, powa barapo petanacuichin piowa tatsi. Yawano cui itoroba xua pexuino pemuxuna caenaetsinexa tsainchi. Yawano cui itoroba xua pemuxuna caenaetsinexa pocotsiwan xeina pon petanacuichin, xua barapo matoma pecatsinexatsi pon jiwi itorobiya pia pepa peewatsinchi. Ichitha daxita barapo matoma awiya seica, bequein bapon daxita baxua cana exanaetsipatsi. <sup>26</sup> Nexata pon petanacuichin pentabocototha uncua pon jiwi itorobiya pia pepa peewatsinchi itabaratha tatsi matautano jume daunweya namchiya jeye: ‘Tanentacoponaem, abũ necayabara najũntũ coyene xeinare, xua jopa bepijawa neaitaconaenexa. Barapara bexa daxita pentoman cacatsibinchi’, jei pon petanacuichin. <sup>27</sup> Pon jiwi itorobiya pia pepa peewatsinchi bara yabara najũntũ coyene xeina peyawenaenexa, yawa yabara jũntemaina barapo paratiximoniae, matautano bara saya pu copata.

<sup>28</sup> “Daichitha bapon pon petanacuichinxae poxoniae pontaba pon jiwi itorobiya pia pepa peewatsinchi weya, jemeicha caxina pia jiton pon penabarũ nacuichinxaebe. Pon caxinatsi bapon matoma amanayaba saya cien po paratiximoniaebe. Pon jiwi itorobiya pia pepa peewatsinchi weya pona matoma amanayabatsi. Pon jiwi itorobiya pia pepa peewatsinchi weya pona bapon pia jiton coibotathũ waetaba, muxu penaichatabi. Pon pecoibotathũ waetabixae bapon jei: ‘Jequicha inta caewa canawire xua bayatha nentoma amanayabame!’ jei. <sup>29</sup> Bapoxoniae pon coibotathũ waetabatsi pentabocototha uncua pia jiton itabaratha tatsi, matautano jeye: ‘Abũ, neyabara najũntũ coyene xeinare, xua jopa bepijawa neaitaconaenexa. Barapara bexa pentoma cacatsinchi’, jei pon coibotathũ waetabatsi. <sup>30</sup> Ichitha

pon jiwi itorobiya pia pepa peewatsinchi weya pona bapon aichaxaibi xua abũ came pentoma ewatsiwa. Daxota bapon pia jiton capona jiwi pecubi bo beya, beya abũ poxonae matoma catsinchi pia jiton, xua pon jiwi itorobiya pia pepa peewatsinchi weya pona matoma catsinchi. <sup>31</sup>Poxonae ichamonae pomonae irũũ petanacuichiwi baxua cui tane, barapomonae unthũthũ wecoyei, tsipei ichũn pon irũ petanacuichin jiwi pecubi botha etatsi. Bapoxonae barapomonae pon jiwi itorobiya pia pepa peewatsinchi beya pona. Barapomonae tsipaeba pontha pon jiwi itorobiya pia pepa peewatsinchi daxita pocotsiwa pon petanacuichin cana exana ichũntha pon irũũ petanacuichin. <sup>32</sup>Bapoxonae pon jiwi itorobiya pia pepa peewatsinchi itoroba pijimonae xua petawabinexa tsainchi pon petanacuichinxatsi pontha xua pon peyabara jũntemainaexae pocotsiwa penacowatsixaetsi. Pon jiwi itorobiya pia pepa peewatsinchi bapontha jeye: ‘¡Maisa pon inta nacuitame maisa bichocono abem! Xan cayabara jũntemainsi daxita barapo ainya paratiximonae tsipei tanebarũ jumichimx-aem. <sup>33</sup>Xam bewa bayatha barichim. Bewa yabara najũntũ coyene xeinaem jinya jiton xua nejũntemainaenexa pocotsiwa bapon cantoma amanayaba, icha xan ichin xua bayatha cayabara najũntũ coyene xeinatsi tacayawenaenexa tsainchi’, jei. <sup>34</sup>Pon jiwi itorobiya pia pepa peewatsinchi bichocono anaepana. Daxota bapon cui itoroba ichamonae, xua barapon pon petanacuichinxatsi caponaeinchi jiwi pecubi bo beya. Baraxota peraxa exanaeinchi xua beya abũ poxonae barapon pon petanacuichinxatsi matoma catsinchi daxita po pentoma bayatha jopa caewa petacanawichixaetsi”, jei Jesús.

<sup>35</sup>Equeicha Jesús jeye:

—Bara jũta coyeneya ichi tsane icha be pon jiwi itoro-

biya pia pepa peewatsinchi ichi. Poxonae bapon peraxa exana barapo pia petanacuichinxatsi xua bapon pia jiton jopa pecui yabara jüntemainaexae, Nacom pon itaboco peecaein barichi tsane pijiwitha. Nacom exanaena baxua poxonae barapomonae jopa xapain yabara jüntemainaeyo pomonaetha pomonae abe petaexanaexatsi, jei Jesús.

## 19

*Meje yabara poxonae Jesús cuiduba xua jiwi piseurixi pepunapenteibiyainwa.*

*(Mr 10.1-12; Lc 16.18)*

<sup>1</sup> Poxonae Jesús najume weta xua tsipaeba pijimonae, bapoxonae Galilea nacua weya warapa. Bapoxonae Jordán mene deca bara bereca pona, equeicha dabeya barapo Jordán mene, mene epa ñncatabiya xua patopa Judea nacuatha, po nacua eca ichaxota pocotsiwa xometo bejopiya xua po nacua Jordán mene weya eca. <sup>2</sup> Pin bicheitomonae puna poinchi. Baxotiya Judea nacuatha Jesús axaibi exana peatenewi.

<sup>3</sup> Bapoxonae fariseomonae piraichi Jesús imoxoyo caquita umenarucupatsi xua Jesús pejuntá coyene jujútsinexatsi daxota jeye Jesustha:

—¿Moisés pia peitorobi coyenewa copata xua pebin piseuri pepunaxubiwa ichi saya poxonae ichipa? jei fariseomonae.

<sup>4</sup> Jesús fariseomonae jume notatsi, jeye:

—¿Jopa payorobim Nacom Pejume Diwesi? Barapo diwesitha jeye: ‘Poxonae aena Nacom forota, Nacom forota pebin yawa forota petsiriwa’, jei barapo Nacom Pejume Diwesitha. <sup>5</sup> Matauta jeyeno Nacom Pejume Diwesitha: ‘Daxota baxuaxae pebin paxa wepu natsata yawa pena

wepu natsata xua piowabe imoxoyo penaperu nacy-obinexabe. Baraponbe be cae jiwimonae naexanabe', jei Nacom Pejume Diwesitha. <sup>6</sup> Bapoxonae baponbe xua ainya jiwibe aibi, bara be caein naexanabe. Daxota pebin bapana jopa bewa punaxubi piowa, tsipei apara bayatha Nacom cana exana xua bara be bara caein naexanabe, jei Jesús.

<sup>7</sup> Nexata fariseomonae Jesús yainyabatsi, jeye:

—¿Eta xua metha Moisés pia peitorobi coyenewa copata xua jiton itacupatsi xua pecatsiwa papera piseuri po paperatha tina xua pexubiwa tsane piseuri? jei fariseomonae.

<sup>8</sup> Jesús jume nota, jeye:

—Moisés copata xua paxam painya seuriwi painya nepunapenteibiwa jopa painya nejume cowantsi jiwixae Nacom. Apara caena bayatha Nacom jopa baxua copatsiyo poxonae aena foforatapona jiwi. <sup>9</sup> Nama paca tsipaebatsi pon piowa punaxuba xua poxonae yabuyo bequein jopa nasi cui exanaeyo ichuntha, icha bapon ichowa pita, bapon abe exana Nacom peitutha tatsi tsipei Nacom tsitatsi xua powa copiya baru popona apara bara piowa tatsi, jei Jesús.

<sup>10</sup> Nexata Jesús tsipaebatsi pijimonae, jeye:

—Icha Nacom jopa copatsiyo xua pebin piowa punaxubina poxonae barapowa saya u exana pocotsiwa pebin aichaxaibi, baxua bichocono ajumeyapube. Metha nexata pebin jopa jitha ecaetsipae. Bara saya pebin metha misa ecaetsipa, jeichichi Jesús pijimonae.

<sup>11</sup> Jesús barai pijimonae, jeye:

—Daxita jiwi ba jopa itacupaetsi xua peyabara yaputaewa pocotsiwa aunxuae payabara caunutame xua jopa jitha peenaewa. Saya meisa pomonae Nacom yabara yaputane exana barapo coyene, barapomonae itacupatsi

xua pecana exanaewa barapo coyenetha xua jopa jitha peenaewa. <sup>12</sup>Barichi acoibi po cui coyenewabe xua pebiwi jopa penotsiwa pecotsiwaxi jiwi. Ichamonae aichaxaibi xua jitha peenaewa tsipei barapocotsi jiwimonaē bara yacuiya naexana xua jopa penotsiwa yabuxitha. Ichamonae jopa itacupaetsi xua pecotsiwaxi penotsiwa tsipei bayatha tobū jucuatsi, xua ichamonae tobū jucua. Daxota jopa itacupaetsi xua pexui pecanaexanaewa. Ichamonae aichaxaibi xua pecotsiwaxi nota, peichichipaexae xua saya ū peexanaewa pocotsiwa Nacom itoroba. Pon itacupaetsi xua peyabara yaputaewa xua pocotsi coyene jopa pepichiwa pecotsiwa, bara moya jopa exanae tsane xua pepichiwa tsane pecotsiwa, jei Jesús.

*Meje yabara poxonaē Jesús jeye pexuitha: “Barabū Nacom beta paca yawenaena”, jei*

*(Mr 10.13-16; Lc 18.15-17)*

<sup>13</sup> Nexata jiwi Jesús tacaponatsi pexui xua Jesús pejayabinexa pecobetha yawa xua Nacomtha pewucaenexa barapo pexui nexa xua pejeinexa: “Barabū Nacom beta paca yawenaena”, pejeinexa. Ichitha Jesús pijimonaē tatsi poxonaē baxua tane, tamropata notarucupa xua barapomonaē cui matawentatsi pomonaē pexui carendena tsaibi. <sup>14</sup> Ichitha Jesús jume barai pijimonaē, jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaē nexa pomonaē pejuntū coyene xanepanaewi icha pexui ichi. Pexui pia cui xua tayapu xanepanatsi xua pia juntū coyeneintha jume cowunta Nacom, jei Jesús pijimonaetha.

<sup>15</sup> Poxonaē Jesús nacobe weta xua pexui jayabatsi yawa xua Nacomtha tawuca barapo pexui, xua jeye: “Barabū Nacom beta paca yawenaena”, jei. Bapoxonaē Jesús wepu pona barapomonaē.



*Meje yabara poxonaē pewowin pon copei pexeinaein Jesús tsipaebatsi*

*(Mr 10.17-31; Lc 18.18-30)*

<sup>16</sup> Pewowin pona xua Jesús petaenexatsi. Barapo pewowin jeye Jesustha:

—Ja Tanecuidubim, maisa nejüntü coyene xanepanaem. ¿Eta xua copiya matha exanocuaein xua ajüntüyapusüya tapoponaewa tsane xua ataya tsane? jei.

<sup>17</sup> Jesús jume barai, jeye:

—¿Eta xua nebaram: ‘Nejüntü coyene xanepanaem’, jam? Apra ichün dapon aibi pon pejüntü coyene xanepanaein. Jame meisa apra bapon Nacom compa pejüntü coyene xanepanaein. Icha ichichipame xua ajüntüyapusüya nepoponaewa xua ataya tsane, moya matha exande pocotsiwa Moisés itoroba pia peitorobi jume coyenewantha, jei Jesús.

<sup>18</sup> Pewowin Jesús jume baraichi jeye:

—¿Eta po peitorobi jume coyenewara? jei.

Jesús jume notsiya namchi xua Moisés pia peitorobi coyenewa namchi, jeye:

—‘Jopa ichün bexubinde. Jopa ichowa pichinde ichün piowa tatsi. Jopa caibinde ichün piawan tatsi. Jopa naerabiya cayabara paebinde pocotsiwa ichamonae exana. <sup>19</sup> Axatha baru jume cui itura jinare. Antobeinde necatsicuarabü enaewi icha ichim xua jincoutha naantobem’, jei Moises, jei Jesús.

<sup>20</sup> Pewowin Jesús jume baraichi, jeye:

—Daxita caena bayatha barapo coyenein exaneiban. Poxonaē pexuyothan tamropata pitaban, beya anoxuae yacuiya pinyon. ¿Eta pocotsiwa meisa inta acoibi xua exanaein? jei barapo pewowin.

<sup>21</sup> Jesús jume barai, jei:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaya neexanaewa, matha daxita caenaere pocotsiwa xeiname yawa catsibare pomonaetha pomonae peacopeibi jiwí. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajuntana botsiwa pocotsiwa bichocono wanae, jei Jesús.

<sup>22</sup> Poxonae barapo pewowin baxua jume taeba bichocono unthuthu wecoyeya ponataba tsipei bichocono copei pexeinaein.

<sup>23</sup> Nexata Jesús barai pijimonaetha, jeye:

—Bara xaniyeya paca tsipaebatsi. Maisa bichocono ayapubecai xua pomonae bichocono copei pexeinaewi naexana Nacom pijimonaetha tatsi jiwana pomonae Nacom itorobiya peewatsixae. Tsipei barapomonae bichocono antasiwayatane barapo pia copei beyacaincha xua Nacom antobetsi. <sup>24</sup> Equeicha paca tsipaebatsi. Bichocono acuiruyapube xua duwein pon pewun camello xua pejoniyaewa acuicheto peetabu wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tatsi jiwana pomonae Nacom itorobiya peewatsixae beyacaincha xua poxonae acuiruyapube xua poxonae camello acuicheto peetabu wan iya pejoniyaewa, jei Jesús.

<sup>25</sup> Poxonae baxua Jesús jume taerucupatsi pijimonaetha, barapomonae yabara najuntu cui coyene cabenaeca, yawa Jesús jeichichi:

—Bapoxonae juintam metha nexata itacupatsi xua penacapanepaewa pia coutha? jei barapomonae.

<sup>26</sup> Jesús necotsiya jeye:

—Pebiwi ba jopa itacupaetsi xua baxua exana, saya jame meisa Nacom compa itacupatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>27</sup> Nexata Pedro jeye Jesustha:

—Pata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi. Tsipei baxua bayatha paexanan zeta pocotsiwa metha nexata pana necatsiname? jei.

<sup>28</sup> Jesús jume nota, jeye:

—Bara xaniyeya paca tsipaebatsi. Po mataqueitha tsane Nacom pena ira exanaena, barapo mataqueitha, xan ponxaein Nacom Tananeitapetsin ecaein tapexeinya itupanae ecaethopaewatha po tapexeinya itupanae cae-caethopaewa bichocono itupana. Paxam pomonae tapana nepuna jinompaewim doce po itupanae eneibithopeibi-watha paenaename painya yabara paebinexam tsane pomonae doce po matabuxuyobe israelmonae pia penatsicuentisiwa abe peexanaexae. <sup>29</sup> Daxita pomonae tanean-tobe jiwixae xua pecueicueijei tsurubenanaebiyaenexa Nacom Pejume Diwesi, Nacom beta cana exanaena barapomonae. Nacom beta cana exanaena pomonae pia bon pecuenta ponaexae, matauta ichacuitha ichamonae peweicho jiwi pecuenta ponaexae, matautano ichacuitha pamcho jiwi pecuenta ponaexae, matautano ichacuitha paxeiwi pecuenta ponaexae, matautano ichacuitha pena jiwi pecuenta ponaexae, matauta ichacuitha pia pexui pecuenta ponaexae, matautano ichacuitha pia iran pecuenta ponaexae. Barapomonae barapo coyenein exana tana neantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuatheicha peajun-

tucoyenyapusuwa, po peajuntucoyenyapusuwa ataya tsiteca. <sup>30</sup> Pomonae xua anoxuae pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

## 20

*Meje yabara poxonae Jesús paeba pecayabara* juta pepaebi diwesiyio pomonae uva pabitha petanacuichiwi

<sup>1</sup> Equeicha Jesús tsipaeba pijimonae pecayabara juta pepaebi diwesiyiotha, jeye: “Nacom pijimonae matomatsina pia nacuatheicha xua be pematomatsiwa petaexanaexaetsi pia petanacuichiwa tatsi icha pon pabi pexeinaein ichi xua poxonae matoma catsiba pomonaetha pomonae petanacuichixaetsi. Pon pabi pexeinaein caemumbotha pona xua jeita pomonae pia petanacuichinexa tsainchi pia uva bacabo. <sup>2</sup> Bapon muxu tsipaeba pia petanacuichiwichi, jeye: ‘Paxam painta nacuire ta uva bacabo, nexata paca matoma catsibebinchi pocotsi paratiyo xua caentaqueitha nexa’, jei. Bapoxonae bapon pia petanacuichiwichi itoroba pia uva bacabo beya. <sup>3</sup> Bapoxonae equeicha bapon pona poxonae xometo taju beequeina xua pejeichinexa ichamonae pomonae petanacuichiwichinexa tsainchi pia uva bacabo. Bapoxonae bapon tane ichamonae, pomonae panatha saya jinompa xua jopa nacuitompaeyo. <sup>4</sup> Bapon barai barapomonae jeye: ‘Paxam iruru painta nacuire ta uva pabi. Nexata beta paca matoma catsibinchi, xua pocotsi paratiyo po horatha panacuitame nexa’, jei. Bapoxonae barapomonae pona pabi beya penacuichinexa. <sup>5</sup> Bapon

mateinyaxae equeicha pona xua pejeichinexa ichamonae pomonae pia petanacuichiwichi tsainchi. Barichi equeicha poxonae tabopiya pona xua pejeichinexa ichamonae pomonae pia petanacuichiwichi tsainchi. <sup>6</sup> Bapon equeicha pona pana beya poxonae xometo iriya ducuaicha xua pejeichinexa ichamonae pomonae pia petanacuichiwichi tsainchi. Bapon equeicha tane ichamonae pomonae xua jopa iru nacuitompaeyo. Bapon barai barapomonaetha, jeye: ‘¿Eta xua metha came saya anoxuae paumename po panathe, xua jopa panacuitompaem?’ jei pabi pexeinaein. <sup>7</sup> Barapomonae jume nota, jeye: ‘Canta dapon aibi pon pata tana neitorobiwa tsane’, jei. Nexata bapon barai barapomonae, jeye: ‘Paxam paponare, iruru painta nacuire ta uva pabi, nexata beta paca matoma catsibinchi xua pocotsi paratiyo po horatha painya nenacuichixae tsane’, jei pon pabi pexeinaein.

<sup>8</sup> “Poxonae quirei tsanaicha pon pabi pexeinaein, bapon itoroba pon pia petayapucaeaeinchi uva pabi, jeye: ‘Inta wabare pomonae inta nacuita yawa matoma catsibare. Tamroropata wabaponde yawa matoma catsibaponde. Copiya matha wabare pomonae opi dubena pomonae inta cotacaya nacuita poxonae xometo iriya ducuaicha, beya poxonae papataponaena pomonae copiya inta nacuita caemumbotha’, jei. <sup>9</sup> Nexata copiya pata pomonae cotacaya nacuita poxonae xometo iriya ducuaicha. Daxita barapoyobe pomonae cotacaya nacuita bara beta matoma catsibatsi xua pocotsi paratiyo caentaqueitha nexa, bequein bara jopa pin mataqueitha nacuichiyo. <sup>10</sup> Nexata bara iru bapoxonae pata pomonae tamropata notarucupa xua nacuita poxonae tabopiya, bara barapomonae iru beta matoma catsibatsi pocotsi paratiyo caentaqueitha nexa. Bapoxonae iru pata

pomonae tamropata notarꝛꝛꝛꝛꝛꝛ xua nacuita poxonae mateinyaxae, bara barapomonae irꝛ beta matoma catsibatsi, pocotsi paratiyo caentaqueitha nexa. Bapoxonae irꝛ pata pomonae tamropata notarꝛꝛꝛꝛꝛꝛ xua nacuita poxonae xometo tajꝛ beequaina, bara barapomonae irꝛ beta matoma catsibatsi, pocotsi paratiyo caentaqueitha nexa. Bapoxonae irꝛ nama pata pomonae tamropata notarꝛꝛꝛꝛꝛꝛ xua nacuita caemꝛꝛꝛꝛꝛꝛ. Barapomonae najei: ‘Metha equeicha mataropeichiya naca catsibina paratixi tsipei nacuitatsi caemꝛꝛꝛꝛꝛꝛ’, najei barapomonae. Daꝛmetha barapomonae saya matoma catsibatsi, pocotsi paratiyo caentaqueitha nexa. <sup>11</sup> Ichitha poxonae barapomonae matoma nota, itaconacarꝛꝛꝛꝛꝛꝛ pontha pon peitorobixae barapomonaetha. <sup>12</sup> Barapomonae anaya jei bapontha: ‘Pomonae nacuita cotacaya, saya cae horatha nacuita, barapomonae matoma catsibame pocotsi matoma pana catsibame. Nama apara paxan daunweya panacuitan, yawa atsatha daunweya panacuitan’, jei barapomonae. <sup>13</sup> Ichitha pon pabi pexeinaein jume nota caeintha barapomonae jiwana pintha, jeye: ‘Tajiton, apara jopa bara abe pacata exanaetsi. Canaunxuae paca muxu tsipaebatsiba paca jeichi: Paca matoma catsibinchi xua pocotsi paratiyo caentaqueitha nexa, paca jeichi. <sup>14</sup> Bara jinya matoma pire. Bara nawiyama. Xan ichichipan tacoya matoma catsiban pomonae quiripitha nacuita barapocotsi matoma, pocotsi matoma jꝛꝛ paca catsibatsi. <sup>15</sup> Apara xan tawaxae itacoxonan xua tantoma exanaewa. Apara pauwame ichamonae xua jopa taasiwaxae xua tantoma exanaewa ichamonaetha’, jei pon pabi pexeinaein.

<sup>16</sup> “Nacom barapocotsi jꝛꝛ coyeneya cana ichi tsane jiwitha icha pon pabi pexeinaein ichi poxonae cana exana pomonaetha pomonae pia petanacuichiwichi. Pomonae

xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane. Pomonae xua anoxuae pomonae xua jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane”, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena*

*(Mr 10.32-34; Lc 18.31-34)*

<sup>17</sup> Bapoxonae pirapae Jesús pona Jerusalén tomara beya. Poxonae cataunxuae Jesús pijimonae baru ecapona namtotha pomonae doce poyobe tatsi, barapo doce poyobe Jesús meisa waba aisowa beya petsipaebinexa.

<sup>18</sup> Jesús jeye:

—Anoxuae ponaeinchi Jerusalén tomara beya. Barapo tomaratha xan ponxaein Nacom Tananeitapetsin necaenaetsina sacerdotemonae pia pentacaponae witha tatsi yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae necaenaetsina ichamonaetha xua ichamonae tana nebexubiwa tsane. <sup>19</sup> Bapoxonae daxita barapomonae necaenaetsina pomonaetha pomonae penanapaincha jinompaewi xua icha nacua werena peponaewi xua barapomonae tana necui caponaenexa. Matautano barapo penanapaincha jinompaewi nebena yawano tupaerucua neexanaena naetotha. Daichitha poxonae acoibi po matabibibe yapu jopaena equeicha Nacom asu neexanaena petupaerucui coyene weya, jei Jesús.

*Meje yabara poxonae Jesús wucatsi powa, Santiago pena tatsi xua iru Juan pena tatsi*

*(Mr 10.35-45)*

<sup>20</sup> Nexata petsiriwa Jesús imoxoyo caquita uncuata-batsi. Barapowa, Juan pena tatsi yawa Santiago pena tatsi. Juan iru Santiago, baponbe Zebedeo pexantobe tatsi. Barapo petsiriwa pexantobe baru patopa Jesusustha. Barapo petsiriwa pentabocototha uncuca Jesús peitabaratha tatsi, xua Jesús pewucaenexa tsainchi.

<sup>21</sup> Jesús barai bapowatha, jeye:

—¿Eta pocotsiwa jinya newucaetsi? jei.

Bapowa Jesús jume notatsi, jeye:

—Poxonae matakabi patopaena po mataqueitha itorobiya ewatsiname jiwi barapo mataqueitha cawucatsi xua bara itorobiname barapo taxantobe, xua nantiyabe peecaewa tsanebe xamtha, xua ichun necoxa weya peecaewa tsane, xua ichun netsocona weya peecaewa tsane, jei.

<sup>22</sup> Ichitha Jesús baraibe baraponbe, jeye:

—Paxambe jopa payaputaembe xua pocotsiwa pana newucaenamebe. Poxonae ichamonae abe inta exanaena bara saya copatsin xua barapomonae bara neperaxa jubina. Barichi poxoru paxambe pana neantobem, ¿bara iru paca itacupabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tupa neexanaena. Barichi, ¿bara iru paca itacupabe xua bara pacopatsinamebe xua bara ichamonae tupa paca exanaenabe? jei Jesús.

Santiago peweichobe jume notabe, jeibe:

—Aa, bara pana itacupabe, jeibe.

<sup>23</sup> Jesús jume nota, jeye:

—Bara bara xainyei barapocotsi coyene ichamonae paca cana exanaenabe. Ichamonae paca peraxa exanaenabe. Matautano tupa paca exanaenabeno icha xan necana ichi tsane. Nama xua xantha nantiya paecamebe xua



ichun pocotsiwa tacoxa weya eca, yawa xua ichun tatsocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiwunaeta xua peenaewa tsane, jei Jesús.

<sup>24</sup> Jesús pijimonaе pomonae umena, pomonae diez poyobe jume tane xua Santiago iru Juan Jesús wucatsibe. Bapoxonae barapo diez poyobe, Santiago iru Juan yabara anaepanarucupatsibe. <sup>25</sup> Ichitha Jesús pia xainya berena pijimonaе waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonaе naexanaeyo. Barapomonaе ba nantauta pomonae pia nacula tatsi pia petaewatsiwichi tatsi. Daichitha barapo nacula peewatsiwi aebiya itoroba piamonaе, xua daxota bichocono jiwі taayapubetsi. <sup>26</sup> Ichitha nama paxam barapocotsi coyeneya jopa barapaichim tsane. Seicaya nama icha juntu coyeneyatha paca itorobatsi. Icha pon paxam jiwana icha bapon ichichipa naexana be pocotsin canamataxeina ichamonaе, bapon matha bewa copiya daxita paxam beta amanaya pacata nacuichina. <sup>27</sup> Matautano icha pon paxam jiwana icha bapon ichichipa naexana be pocotsin bichocono ainya cui penaexanaein xua beyacaincha ichamonaе, bapon bewa copiya matha daxita paxam amanaya pacata nacuichina pia coya peichichipaexae. <sup>28</sup> Icha be pocotsi coyeneya icha ichin, bara paichinde. Xan ponxaein Nacom Tananeitapetsin patopeican xua tanacuichinexa tsane ichamonaе nexa. Apra jopa baxua tsipatopaeinyo xua ichamonaе inta penacuichiwanexa tsane. Saya patopeican tsipei ichichipan xua daxita carepaya jiwі tayawenaewa tsane. Matautano patopeican xua tatsitupaenexa tsane be pentoma xua daxita jiwі pepanenebiyaenexa abe pia peexanae cuiru coyenein

weya tatsi, jei Jesús pijimonaetha.

*Meje yabara poxonae Jesús axaibi exana ponbe peitata nacutsinbe*

*(Mr 10.46-52; Lc 18.35-43)*

<sup>29</sup> Poxonae Jesús pijimonae baru pontaba Jericó tomara weya, bapoxonae Jesús puna poinchi pin bicheito.

<sup>30</sup> Barapo Jerusalén namto iya ecabe pon peitata nacutsinbe. Poxonae baponbe, ponbe peitata nacutsinbe jume yaputanebe xua juinya Jesús xentapona, bapoxonae jume daunweya wawaibe, jeibe:

—¡Pon jiwi Necanamataxeinaem, ponxaem David pia pemomoxi susato jiwanapim, pana neyabara najüntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>31</sup> Barapo peitata nacutsinbe jume matawentatsibe barapo pin bicheito xua moya peecaenexabe. Ichitha baponbe equeicha jume daunweya wawaibe, beyacaincha xua poxonae copiya, jeyebe:

—¡Pon jiwi Necanamataxeinaem, ponxaem David pia pemomoxi susato jiwanapim, pana neyabara najüntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>32</sup> Nexata Jesús naruntaba yawa wabatsibe ponbe peitata nacutsinbe. Bapoxonae baponbe Jesús yainyaba, jeye:

—¿Eta xua jinya pata cata exanaetsibe? jei Jesús.

<sup>33</sup> Baraponbe Jesús jume notatsibe, jeibe:

—Pon jiwi Necanamataxeinaem, bepanecotsinbe cuinaya, jeibe baponbe. <sup>34</sup> Nexata baponbe Jesús yabara najüntu coyene xeinabe xua pia peyawenaewa tsane. Bapoxonae baponbe Jesús itamaiquei jayababe. Bapoxonae baponbe nainya necotaxubabe. Jestustha napuna ponabe.

## 21

*Meje yabara poxonae Jesús Jerusalén tomaratha patopa  
(Mr 11.1-11; Lc 19.28-40; Jn 12.12-19)*

<sup>1</sup> Poxonae bara itiya pona Jerusalén tomara, Jesús bara muxu pebaru patopae pijimonae Betfagé tomaratha. Barapo Betfagé tomara demxuwa itapatororotha eca po demxuwa pewun Olivowa, tsipei baxota umena olivo naein. Bapoxonae Jesús itoroba pebinbe nacueyatabe xua doce poyobe jiwana. <sup>2</sup> Jesús baraibe baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha pacaxinaenamebe burra pesowato xua pon quetanotatsi yawano xua penun quetanotatsi pon pebto. Barapo burra paisanaxorebe yawa payama carenandebe coxiwa yawa penunno. <sup>3</sup> Icha ichun paca barai tsane: ‘¿Eta xua payama isanaxubamebe burra?’ jei tsane, nexata pajandebe: ‘Pon jiwi Pecanamataxeinaein bepa pata yama caiyaeinjei, tsipei pinae nantawenona’, pajandebe. Nexata bapoxonae nainya bapon paca cobe itorobinabe xua painya neyama carenaenexambe tsane, jei Jesús.

<sup>4</sup> Poxonae Jesús daxita baxua paeba bara bapoxonae nayabara jume weta pocotsiwa bayatha Isaías yabara paeba pijume diwesitha xua Mesías pepatopaewa tsane Jerusalén tomaratha, jeye:

<sup>5</sup> “Patsipaebare Sión tomarapiwi.

Pajande: ‘Pataename pon itorobiya painya pepa paca Ewatsin.

Pacata juntea patopaena, xua burriyotha equeicaena, penuntha xua burra pesowato coxi tatsi’ pajande”, jei pon Nacom pia peitorobi jume pepaebin, bapon Isaías, xua Mesías yabara paebatsi.

<sup>6</sup> Nexata Jesús pijimonae jitonbe tatsi ponabe. Matautano baponbe exanabe pocotsiwa bayatha Jesús itoroba. <sup>7</sup> Baponbe yama carenabe burra pesowato yawa yama carenabe penun. Baponbe pia paparuwan tsijuma jebicabe po paparuwan matha weruyabe coxiwathano yawa penunthano. Bapoxonae Jesús equeica penuntha. <sup>8</sup> Jiwi, barapo jiwi pin bicheito bichocono. Bapoxonae barapo pin bicheito namtotha paparuwan yerababa jebabapoinya. Ichamonae peaxu ucuboba po axu icha coichaxu axu ichi. Bapoxonae barapo axu, namtotha axu jebabapoinya. Daxita barapomonae barapo coyene exana xua Jesús pebaru cui itura jinaenexa tsainchi. <sup>9</sup> Pomonae, xua Jesús tsiwana enapoinchi iruru pomonae Jesús peputha taenapoinchi daxita barapomonae bichocono jume daunweya wawaya jeye:

—¡Pai jayana, barabu jiwi baru cui itura jinaena bapon pon David pia pemomoxi susatopin tatsi! Bapon jiwi yabara jei: ‘¡Bapon David pexanto tatsi!’ jei. ¡Maisa Jesús pon jiwi itorobiya pia pepa peewatsinchi, maisa wuna! ¡Bapon patopa Nacom peitorobixae! ¡Maisa Nacom bichocono wuna jaintatsi pon athabeicha eca! jei barapomonae.

<sup>10</sup> Poxonae Jesús patopa Jerusalén tomaratha, daxita barapo tomarapiwi najume cayayatsiya paeba. Cae bicheitomonae nayainyaba, jeye:

—¿Jintam metha bapon jane? najei.

<sup>11</sup> Ichamonae jume nota, jeye:

—Apara bapon Jesús pon Nacom pia peitorobi jume pepaebin, pon Nazaret tomarapin po tomara eca Galilea nacuatha, jei ichamonae xua iru ichamonae jume notatsi.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

*(Mr 11.15-19; Lc 19.45-48; Jn 2.13-22)*

<sup>12</sup> Bapoxonae Jesús joniya Nacom pin pia botha, yawa aisowa benapuna torobabiya pomonae caenaeta baxota. Jesús tabũ tayebiya bebai iratha pocotsiwa pexaethopaewan, po pexaethopaewantha nantiya nacatsiba paratixi yawa xua tabũ tayebiya bebai iratha peenaewan po peenaewan ichaxota ena pomonae caenaeta topibo.

<sup>13</sup> Jesús barai barapomonae:

—Nacom Pejume Diwesitha namchi, jeye: ‘Tabo apara po botha jiwa tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia mũthũ tutu pacana exaname ichaxota pijunuwi nantsiyabeibathopa tsipei baxota panacaetutame saya Ʃ xua painya necaibinexam tsane paratixi pomonaetha pomonae xua pateiba xua Nacom petsipaebinexatsi, jei Jesús.

<sup>14</sup> Barapo Nacom pin pia botha tatsi, Jesús imoxoyo caquita umenarũcupatsi pomonae peitata nacũtsiwi. Irũrũ Jesús imoxoyo caquita umenarũcupatsi pomonae pejayujajujeiwi. Jesús axaibi exana daxita barapomonae. <sup>15</sup> Sacerdotemonae pia pentacaponae tatsi irũrũ pomonae jiwa pecuidubiwi Moisés pia peitorobi coyenewa tatsi, daxita barapomonae tane pocotsiwa Jesús exana pia pexeinya petsita itatsi coyenewatha. Daxita barapomonae jume tane xua pexui wawai Nacom pin pia botha tatsi xua pexui Jesús yabara jeichichi: “¡Pai jayana, barabũ jiwa barũ cui itura jinaena bapon pon David pia pemomoxi susato jiwana pin tatsi! Pon jiwa yabara jei: ‘Bapon David pexanto tatsi’, jei”, jei pexui. Bapoxonae daxita pomonae sacerdotemonae pia pentacaponae tatsi irũrũ pomonae jiwa pecuidubiwi Moisés

pia peitorobi coyenewa tatsi anaepana poxonae Jesús cui tainchi yawa xua jume tainchino. <sup>16</sup> Daxita barapomonaе jopa ichipaeyo xua pexui paeba, daxota anaya Jesús je-ichichi:

—¿Bayatha jume taneme xua baxua pexui cayabara wawaya namchi? jei barapomonaе.

Jesús jume nota barapomonaе, jeye:

—Aa, bara bayatha jume tan xua pexui newunaе jainta. Paxam bayatha payorobame Nacom Pejume Diwesi xua pexui bara cui copatatsi xua bara wunaе pejainteibiwa tsane. David pexui yabara jeichichi Nacom Pejume Diwesitha, jeye:

‘Xam Nacom, cana exaname pexui poxi isainatsi, iru poxi jinompena, xua barapoxi pexeinya weixi cayabara caununaya naxna poxonaе sawunaе jainchina’,  
jei David Nacom Pejume Diwesitha,  
jei Jesús daxita barapomonaetha.

<sup>17</sup> Nexata Jesús daxita barapomonaе wepu pona Jerusalén tomara weya. Bapoxonaе Betania tomara bewarapiya. Baxota merawi maiteca.

*Meje yabara poxonaе Jesús biatane higuera naе xua jopa penacoichixae*

*(Mr 11.12-14, 20-26)*

<sup>18</sup> Poxonaе Jesús caemumbotha equeicha caibe iya Jerusalén tomara beya, bichocono jainpa pona.

<sup>19</sup> Bapoxonaе Jesús imoxoyo namtotha taenota higuera naе. Imoxoyo caquita pona piyain, pia taetsi pethei. Daichitha barapo naetha Jesús jopa taeyo pethei, saya u noxu tane. Nexata Jesús biataenota higuera naе, jeye:

—Bapana equeicha jopa nacoichim tsane pethei, jei Jesús higuera naetha.

Bapoxonae caena nainya higuera nae yǎnuncia.  
<sup>20</sup> Poxonae Jesús cui tainchi pijimonae baxua barapomonae yabara najǎntǎ coyene cui cabenaeca bichocono. Yawa Jesús yainyabatsi pijimonae, jeye:

—¿Eta xua metha higuera nae nainya yǎnuncia? je-ichichi Jesús pijimonae.

<sup>21</sup> Jesús jume nota pijimonae, jeye:

—Bara xaniyeya paca tsipaebatsi. Icha xanepanaya payabara jume cowǎntame xua Nacom painya nepaca cayawenaewa xuano xua jopa ainya ǎnthǎton paxeinaem bara paca itacǎpaena xua painya nepaebiwa icha ichin xua cana exanan higuera nae. Mataǎtano bara paca itacǎpaena xua painya nejeiwa uruto beya xua pajam: ‘Uruto natsixitabare, mar mene beya jopare’, xua painya nejeiwa. Bapoxonae bara baxua jopa bayathiyo tsane.  
<sup>22</sup> Daxita xua xuan pocotsiwan Nacom beya pawǎcame, icha bara xanepanaya pajume cowǎntsiya wǎcame, bara Nacom paca catsibina baxuan, jei Jesús.

*Meje yabara xua Jesús pia peitorobi coyenewa xeina*  
*(Mr 11.27-33; Lc 20.1-8)*

<sup>23</sup> Nexata bapoxonae Jesús joniya Nacom pin pia botha tatsi. Poxonae cataunxuae Jesús baxota cuidubuncua jiwi, bapoxonae Jesús imoxoyo caquita umenarǎcǎpatsi sacerdotemonae pia pentacaponae wi tatsi irǎ judiomonae pia pitiri jiwi tatsi. Daxita barapomonae Jesús yainyabatsi, jeye:

—¿Eta po peayapusǎ itorobi coyenewatha cuidubame baxuan? ¿Jintam cacata barapo peayapusǎ itorobi coyenewa?

<sup>24</sup> Jesús jume nota barapomonae, jeye:

—Xan irǎrǎ tha barichichi paca yainyabinchi. Icha beta pana nejume notsiname, bapoxonae xuya yabara

paca tsipaebinchi xua po peayapusu itorobi coyeneyatha taexanaewa baxuan. <sup>25</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús, xua Juan yabara paebatsi pon caena bayatha tupa.

Nexata daxita barapomona caemonae najume matsonsonoba, najei: “¿Eta xua metha jei tsainchi? Icha jei tsipaetsi: ‘Juan cui itorobatsi Nacom xua pebautisabiwa jiwi’, metha naca jei tsipae: ‘¿Eta xua metha nexata jopa pajume cowantsim Juan?’ metha naca jei tsipae Jesús. <sup>26</sup> Jiwi cui cunuwatsi icha jeichi: ‘Juan cui itorobatsi jiwi xua bautisaba’, icha jeichi. Metha bapoxonae jiwi naca casebichipa anaya. Tsipei daxita jiwi Juan yabara jume cowantatsi xua bapon apara pon Nacom pia peitorobi jume tatsi pepaebi jiton”, najei barapomona. <sup>27</sup> Nexata barapomona Jesús baraichi, jeye:

—Canta jopa payaputaeyino, jei barapomona.

Nexata Jesús barai barapomona, jeye:

—Nexata barichin tsane, jopa yabara paca tsipaebi tsainchi po peayapusu itorobi coyeneyatha xua daxita taexanaewan, jei Jesús.

*Meje yabara poxonae Jesús cuiduba pecayabara jata pepaebi diwesiyo xua pebin ainya pexantobe tatsi*

<sup>28</sup> Equeicha Jesús namchi Nacom pin pia botha daxita barapomonaetha, xua sacerdotemona pia pentacapon-aewitha tatsi, iru judiomona pia pitiri jiwitha tatsino. Jesús jeye:

—Moya pana nejume naitaeware pocotsiwa paca tsipaebinchi. Pebin nacueyatabe poyobe tatsi pexantobe tatsibe. Bapon caeintha nacoxi barai, jeye: ‘Owae, inta anoxuae uva bacabo pabi nacuire’, jei. <sup>29</sup> Bapon jume notatsi pexanto jeye: ‘Bara, aichaxaibin’, jeichichi bapon



pexanto. Daichitha equeicha bapon pexanto tatsi nanta xeinataba, bapoxonae pona xua penacuichinexa uva pabi, paxa tatsi pia pabi tatsi. <sup>30</sup> Pirapae equeicha ichantha, nacoxi barai barapo jumetha, jeye: ‘Owae, inta anoxuae uva pabi nacuire’, jei bapon pexantotha. Bapon paxa jume nota, jeye: ‘Je, moya daichane, methaunxuae ponaein’, jei paxatha. Daichitha bapon jopa ponaeyo. <sup>31</sup> Incane yabara paca yainyabinchi xua bapon barapo pexantobe tatsi, ¿eta po pewowinda pon exana pocotsiwa paxa itorobatsi? jei Jesús.

Barapomonae Jesús jume notatsi, jeye:

—Pon copiya paxa itorobatsi, jeichichi Jesús barapomonae.

Nexata Jesús jume barai barapomonae, jeye:

—Bara xaniyan yabara paca tsipaebatsi, pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa, iruru yabuxi powaxi pesi cui weiweinaewaxi. Bara bequein barapomonae peantucoyenebewi, daichitha barapomonae naexanaena Nacom piamonae tatsi jiwana tatsi, beya poxonae paxam iru panaexaname Nacom piamonae tatsi jiwana tatsi. <sup>32</sup> Juan pon jiwi Pebautisabin patopa xua pia nepaca cuidubinexa xua pocotsiwa bewa paexanaename painya nexainaenexa tsane po juntu coyene pexanepanae juntu coyene. Daichitha paxam jopa pajume cowantsim pocotsiwa Juan paeba. Ichitha Juan yabara jume cowantatsi pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchichi nexa. Iruru yabuxi powaxi pesi cui weiweinaewaxi Juan yabara jume cowantatsi po coyene Nacom Juan peitorobiwatsi. Nama paxam bequein bara Juan pacui taneme pocotsiwa exana, daichitha jopa painya neauraxae poxonae abe

paexaname. Daxota icha jũntũ coyene jopa paxeinaem xua painya nejume cowũntsinexa Nacom, jei Jesús.

*Meje yabara poxonae Jesús paeba pecayabara jũta pepaebi diwesiyo pomonae xua abe exana, pomonae petayapucaenaewi uva pabi*

*(Mr 12.1-12; Lc 20.9-19)*

<sup>33</sup> Nexata Jesús equeicha namchi jiwitha, jeye: “Incane pana nejume naitaeware xua paca tsipaebinchi pecayabara jũta pepaebi diwesiyo. Matha irũrũ pebin pia pabi xeina. Bapon ũba po ũnbo pewũn uva cuei ũnbo. Yawano yapu curarata barapo uva pabi ibowantha xua jopa pejojondenaenexa ichamonae barapo pabitha. Yawano baxota ibo fetõ exana, xua barapo ibo fetõtha pecubinexa uva cuei. Mataũtano baxota exananõta bo po bo taũcha xua baxõta pebin bara wenecotequeica uva pabi. Bapoxonae bapon itorõba pomonae pia uva pabi pia petayapucaenaewichi tsainchi, xua bapoxonae barapomonae pejiwanaxaenexa pocõtsiwa penawetsiwa. Bapoxonae bapon icha nacua beya pona. <sup>34</sup> Barapo matacabi tsuxubi po matacabitha uva cuei naweta. Bapoxonae barapo mataqueitha pomonae pabi petayapucaenaewi jiwana itapefanõta xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itorõba, xua petawũcaenexa tsainchi uva cuei pomonae beya, pomonae pabi petayapucaenaewichi. <sup>35</sup> Ichitha barapomonae, pomonae pabi petayapucaenaewichi teica, teiquebatsi pomonae itorõbatsi, pomonae pabi pexeinaein itorõba uva pabi petayapucaenaewichi tatsi beya. Barapomonae pomonae petayapucaenaewi pabi, cuainta caeintha pomonae penajume carutsi jiwichi jiwanapintha. Ichũn bexõtsi. Ichũn ibõtontha cuinbatsi. <sup>36</sup> Pon pabi pexeinaein barichi equeicha itorõba ichamonae pomonae pia petanacuichiwichi. Equeicha

barichi pomonae pabi petayapucaenaewi bara jũtiya cana exana barapomonaetha.

<sup>37</sup> “Bara nama matapainya pexanto itoroba. Bapon najei: ‘Barapomonae metha taxanto inta yabara barũ cui itura jinaeinchi, daxota itoroban bapon’, najei bapon.

<sup>38</sup> Dapo jumetha pomonae pabi petayapucaenaewi poxonae bapon tainchi barapomonae najei: ‘Apara bapon paxa copiniwa pichina. Daxota bapon bũ bexotsi xainya xeinatsi barapo uva pabi’, najei barapomonae. <sup>39</sup> Barapo pexanto tatsi uva pabi juma bemaxũ cayiyatsi. Baxotiya bexotsi”, jei Jesús.

<sup>40</sup> Nexata Jesús barai barapo jiwi Nacom pin pia botha, jeye: “Poxonae pabi pexeinaein patopaena, ¿eta be cana ichi tsane pomonaetha pomonae barapo uva pabi pia petayapucaenaewichi?” jei Jesús.

<sup>41</sup> Barapomonae Jesús jume notatsi, jeye:

—Bapon bewa jutebina barapomonae, jopa weyatae tsane barapomonaetha xua peantũcoyenyapube jiwixae. Bapoxonae itorobina ichamonae xua petayapucaenaenexa tsainchi barapo uva pabi. Barapo pabi petayapucaenaewi matha notsina uva cuei xua naweta. Bapoxonae tsabina pabi pexeinaein nexa yawa irũrũ barapomonae nexarũ, jei barapo jiwitha pomonae peenaexae Nacom pin pia botha.

<sup>42</sup> Nexata Jesús barai barapomonae xua nayabara paeba, jeye:

—jPaxam bara bayatha payorobameba Nacom Pejume Diwesitha! Barapo diwesitha neyabara caunuta poxonae iboto yabara paeba, xua jeye:

‘Pebiwi pomonae ibo bon peacabiwi,  
barapo pebiwi xuba po iboto tabũ caboca  
po iboto peainya cui iboto.  
Ichitha Nacom itapeta barapo iboto xua

petabũ cabocaenexa barapo peainya cui ibotoxae.

Waxainchi nanta xeinatsi jeichichi:

Maisa pocotsiwa Nacom exana naca tsita xanepana',  
jeichichi, jei Nacom Pejume Diwesitha  
xua neyabara caunuta.

<sup>43</sup> Daxota paca tsipaebatsi, Nacom paca itawetsina xua jopa painya nenaexanaenexa tsane Nacom piamonae jiwana tatsi pam. Barapo coyenewa xua Nacom piamonae jiwana tatsi penaexanae coyenewa Nacom pichina painya xainya weya xua ichamonaetha pecatsinexa pomonaetha pomonae petsita jũntũ coyene xanepanaewichi. <sup>44</sup> Incane iboto yabara paca tsipaebinchi. Barapo ibototha poxonae ichauyo jopeica pepũrũwixi tsanaya. Mataũtano poxonae barapo iboto ichauyo matatsun jopeicatsi pebeno tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi jũta coyeneya barichin pomonaetha pomonae jopa tana nejume cowũntsiwi. Pia jopa tana neyaputaexae barapomonae daxota peraxa exanaein, jei Jesús.

<sup>45</sup> Sacerdotemonae pia pentacaponaeawi tatsi irũ fariseomonae, poxonae jume tane barapo pecayabara jũta pepaebi diwesi, xua Jesús paeba, barapomonae yaputane xua apara bara Jesús yabara paeba barapomonae.

<sup>46</sup> Bequein barapomonae Jesús muxu pewaetabichi, ichitha barapomonae junuwa. Jiwi cunuwatsi, tsipei daxita jiwi Jesús xanepanaya yabara paebatsi xua pinae Jesús Nacom pia peitorobi jume pepaebiwi jiwana tatsi.

## 22

*Meje yabara poxonae Jesús cuiduba pecayabara jũta pepaebi diwesiyo xua pin penabanaewa peexanaewa tsane*

*(Lc 14.15-24)*

<sup>1</sup> Equeicha Jesús tsipaeba jiwitha pecayabara juta pepaebi diwesiyo, jeye:

<sup>2</sup> “Nacom cana exana piamonaetha pomonae jũntũ coyene itorobiya ewata, icha pocotsin ichi pon jiwi itorobiya pia pepa peewatsinchi poxonae waba, xua poxonae ichamonae wabatsi xua petsinacaetutsinexa pexaewa xua penabanaenexa. Baxua exana poxonae pexanto tatsi pecotsiwa pepichixae. <sup>3</sup> Barapon pon jiwi itorobiya pia pepa peewatsinchi itoroba pomonae pia petanacuichiwichi xua petawabinexa tsainchi pomonae xua bayatha petsipaebixae xua petapatsiwa tsainchi pia botha xua bepa pinae petanabanaewa tsainchi pia botha. Daichitha barapomonae aichaxaibi xua pepatsiwa tsane. <sup>4</sup> Bapoxonae barapon pon jiwi itorobiya pia pepa peewatsinchi equeicha itoroba ichamonae pomonae pia petanacuichiwichi, jeye barapomonaetha: ‘Pomonae bayatha tsiwaban pexaewa xua penabanaenexa painta tsi-paebare pajande: Bepa pinae nainya papatsim, tsipei pinae bayatha pexaewa canacui wũnaeta. Tsipei caena bayatha pinae cobe itoroba xua petajutebiwa tsainchi vacan, yawano po duwein bichocono nasita. Daxota bewa pinae nainya paponaem bara beya xua painya nenabanaenexa pexaewa, yaitama tsipei pinae pexanto tatsi pichina pecotsiwa, pajande’, jei barapon pon jiwi itorobiya pia pepa peewatsinchi. <sup>5</sup> Daichitha barapomonae pomonae tsiwabatsi pexaewa, barapomonae jume naitemata, saya meisa u naitomatsiya exana piawan. Barapomonae jiwana pin pia pabitha pona. Irũ ichũn pi-awa caenaetauya. <sup>6</sup> Ichamonaerũ teica, pomonae pon jiwi itorobiya pia pepa peewatsinchi itoroba, barapomonae teicatsi. Yawano bichocono abe exainchi beya poxonae nama werapa. <sup>7</sup> Nexata bapon pon jiwi itorobiya pia pepa peewatsinchi bichocono caseba pomonae petajute-

bixaetsi pomonae bapon itoroba. Nexata bapon itoroba pia soldadomonae xua barapomonae xuya pejutebinexa tsainchi matauta xua tomara petatautsinexa tsainchi. <sup>8</sup> Bapon pirapae equeicha barai ichamonaetha pomonae pia petanacuichiwichi jiwitha, jeye: ‘Bayatha bequein daxita wetan xua penabanaewa tsane, daichitha pomonae waban jopa xanepanaya nejume jejeyo daxota jopa bewa patsi tsane xua penabanaenexa. <sup>9</sup> Daxota paponde tomara namtontha, po namtontha pin namtontha, baxotiya pomonae poxonae pacaxibeibame, barapomonae painta wabare’, jei bapon. <sup>10</sup> Pomonae petanacuichiwi, barapomonae pona namton beya. Bapoxonae barapomonae, daxita pomonae caxiba namtontha, matacayiya pon jiwi itorobiya pia pepa peewatsinchi pia bo tatsi beya. Pomonae abe peexanaewino carendenatsi, pomonae xanepanaya peexanaewino carendenatsi, beya poxonae bo tutu nayɯcaxuba.

<sup>11</sup> “Nexata pon jiwi itorobiya pia pepa peewatsinchi bo tutu joniya petaenexa tsane pomonae pata. Bapon itabara tane pebin xua irurɯ pon baxota eca. Ichitha barapo pebin pexeinya paparuwa jopa nama xatatsiyo icha be jopa ichiyo ichamonaetha, tsipei ichamonaetha pexeinya paparuwa nama xataba xua po paparuwa jiwi ba nama xataba poxonae pona penacaetutswatha xua penabanaenexa pexaewa poxonae pebin pecotsiwa pita. <sup>12</sup> Pon jiwi itorobiya pia pepa peewatsinchi barai bapon, jeye: ‘Tajiton, ¿eta xua metha xote naecame xua matauta jopa pexeinya paparuwa nama xatatsim?’ jei bapon. Ichitha bapon saya moyo eca. <sup>13</sup> Bapoxonae pon jiwi itorobiya pia pepa peewatsinchi barai pomonaetha pomonae pexaewa carena tsaibi pexaethopaewatha, jeye: ‘Bapon pacobe caecunta cure yawa pataxu caecunta cure, yawa aisowa beya paxore ichaxota quirei. Baxota bapon we-

coyei tsane yawa baxota nantanuweya nanta jayabina, bichocono peatenexae tsane', jei pom jiwi itorobiya pia pepa peewatsinchi. <sup>14</sup> Barapon pon jiwi itorobiya pia pepa peewatsinchi bequein pinmonae waba ichitha saya tsiquimonaeyo pata penabanaewatha. Icha barapon ichi Nacom bara jata coyene ichiya cana ichi tsane jiwi. Nacom bequein waba pin bicheitomonae, daichitha saya tsicamonaeayo itapetatsi, pomonae Nacom pijimonae tatsi penaexanaenexa tsane", jei Jesús.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi*

*(Mr 12.13-17; Lc 20.20-26)*

<sup>15</sup> Nexata fariseomonae pona Jesús weya, caemonae natsipaeba najei: "¿Eta po peyainyabiwa Jesús taexanaeinchi xua catsawa wanaca jume notsinexa? Bapoxonae waxainchi xain yopitatsi ichamonaetha xua bapon abeya wanaca jume notsiwaxae", najei fariseomonae. <sup>16</sup> Bapoxonae barapomonae itoroba pia pepuna pon-aewichi, matautano barapomonae itorobano pomonae Herodes pia pepuna jinompaewichi. Daxita barapo matabuxuoyobe pata Jesthath pomonae fariseomonae itoroba. Barapomonae Jesús beya jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pex-einaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi bara catsita najupa. <sup>17</sup> Incane yabara pana netsipaebare xua nanta xeiname xuaje: ¿Metha bara Nacom pia peitorobi coyene naca itoroba xua

waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacua werena peponaein? Icha jopa tsipae ¿metha daxua abe tsipae? jeichichi Jesús barapomonae pomonae fariseomonae itoroba.

<sup>18</sup> Daichitha Jesús yaputane xua bichocono barapomonae abeya nanta xeina xua Jesús abe pecanaex-anaenexa tsainchi. Jesús barai barapomonae, jeye:

—Paxam pomonae itara mexeya xanepanaya pepae-biwi pam, daichitha abeya pepaebiwi pam. ¿Eta xua metha pana nejuntũ coyene jũjutame poxonae baxua yabara pana neyainyabame? <sup>19</sup> Incane moya painta xawena tha taetsi barapo paratiyo, jei Jesús.

Bapoxonae barapomonae barapo paratiyo Jesús tacapoinchi. <sup>20</sup> Poxonae Jesús tane barapo paratiyo, bapoxonae yainyaba barapomonae, jeye:

—¿Jintam pejumopere? ¿Yawano jintam wũn ducuarẽ? jei Jesús.

<sup>21</sup> Nexata Jesús jume notatsi barapomonae, jeye:

—Apara romanomonae itorobiya pia pepa peewatsinchi, jei barapomonae.

Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua irũ piawaxae tatsi, jei Jesús.

<sup>22</sup> Poxonae barapomonae jume tane xua Jesús beta xanepanaya jume nota, bapoxonae barapomonae yabara najuntũ cui coyene cabenaeca. Bapoxonae ponarũcũra Jesús weya.



*Meje yabara poxonae Jesús yabara yainyabatsi po coyene xua equeicha asu pomonaewerapeibiwi*

*(Mr 12.18-27; Lc 20.27-40)*

<sup>23</sup> Bapoxonae caena barapo mataqueitha saduceomonaewerapeibiwi jiwana pata Jesús pia xantha tatsi xua Jesús piraichi petsipaebinexatsi. Saduceomonaewerapeibiwi barompaya pia pecuidubi coyenewa xeina xua pinaewerapeibiwi pomonaewerapeibiwi equeicha jopa asu tsaibiyo. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinaewerapeibiwi jiwi equeicha asu jinompaena poxonaewerapeibiwi werapa. Daxota barapo saduceomonaewerapeibiwi Jesús tsipaebatsi jeye:

<sup>24</sup> —Pon jiwi Necuidubim, Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonaewerapeibiwi pentapin pecoutha pexeinaenexa tsane pexui’, jei Moisés. <sup>25</sup> Barichi, matha iruru cae peweicho caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. Pon cotacaya naexana xuya pentapin coseuri pita xua bapoxonaewerapeibiwi pentapin pecoutha pexui pexeinaenexa. <sup>26</sup> Bapon iru cuenta tupa, iru jopa xeinaeyo pexui. Bapoxonaewerapeibiwi ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona bapowa poxonaewerapeibiwi bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. <sup>27</sup> Bapoxonaewerapeibiwi matapainya iru bapowa tupa. <sup>28</sup> Xam Jesús, ba paebame, ba jam: Matabi jopaena po matabitha Nacom asu exanaena, xua jiwi asu exanaeinchi muthun wetsina, ba jam. Poxonaewerapeibiwi barapo matabi jopaena xua daxita jiwi asu jujuinaena, barapo matabitha jintam metha

hapowa xuya pichinchi, xua ich̄n pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonaē.

<sup>29</sup> Nexata saduceomonaē Jesús jume nota, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapus̄ itorobi coyenewa tatsi. <sup>30</sup> Poxonaē pet̄paewi equeicha as̄ jujuinaena, jopa jitha eenaponaē tsane. Yawa barapomonaē jopa pexantixi jitha cuarebaponaē tsane. Tsipei barapomonaē barichi tsane icha be matatsunpiwimonaē ichi, po matatsunpiwimonaē Nacom pia nacuatheicha jinompa, xua po matatsunpiwi jopa jitha enaeyo. <sup>31</sup> Paxam bequein bara bayatha payabara yorobame pocotsiwa Nacom namchi Pejume Diwesitha, po coyene xua pomonaē pewerapaewi equeicha as̄ jujuina. Barapo diwesitha Nacom jeye: <sup>32</sup> ‘Xan Abraham pia Nacom̄n tatsin, ir̄ Isaac pia Nacom̄n tatsin, ir̄ Jacob pia Nacom̄n tatsin’, jei Nacom. Baxua Nacom paeba tsipei Abraham ir̄ Isaac ir̄ Jacob pomonaē bayatha pewerapaewi anoxuae equeicha caewa as̄ jinompa Nacom pia nacuatheicha tatsi. Pomonaē pewerapaewi pomonaē jopa caewa equeicha as̄ pejinompaewi, barapomonaē jopa pia Nacom tatsi, pon itabocotha eca. Saya jame meisa pomonaē bayatha pewerapaewi xua caewa equeicha as̄ pejinompaewi, pomonaē pejume cow̄ntsiwixaetsi Nacom barapomonaē jame pia Nacom tatsi, pon itabocotha eca, jei Jesús.

<sup>33</sup> Poxonaē jiwi jume tane pocotsiwa Jesús cuiduba, barapomonaē yabara naj̄nt̄ cui coyene cabenaeca.

*Meje yabara poxonaē Jesús yabara cuiduba po peitorobi cui*

*coyene pepa peainya cui coyenewa*  
(Mr 12.28-34)

<sup>34</sup> Poxonae fariseomonae yaputane xua saduceomonae moya umena xua Jesús beta pejume notsixae, bapoxonae fariseomonae nacaetuta xua equeicha peyainyabiwanexa tsainchi Jesús. <sup>35</sup> Barapo fariseomonae caein jiwana, pon peyabara yaputaein Moisés pia peitorobi coyene tatsi, bapon ichichipa xua Jesús pejuntu coyene jujutsiwatsi xua icha bara metha Jesús abeya jume notsina. Bapon jeye Jesustha:

<sup>36</sup> —Ja pon jiwi Necuidubim, ¿eta po peitorobi coyene pepa ainya cui coyenewara po peitorobi coyene beyacaincha xua icha peitorobi coyene? jei.

<sup>37</sup> Jesús jume nota bapon, jeye:

—Po peitorobi cui coyenewa pepa ainya cui coyenewa jeye: ‘Antobeinde pon jiwi Pecanamataxeinaein, bapon Nacom xua daxita nejuntu coyene wetsina, matautano xua daxita jinya nepoponae coyenewatha, matautano xua daxita nenanta xeinaewatha nentasipatha’, jei. <sup>38</sup> Jame barapo peitorobi coyene bichocono ainya cui coyenewa beyacaincha icha peitorobi coyene. Barapo peitorobi coyene, po peitorobi coyene ainya cui coyenewa, Nacom copiya itoroba. <sup>39</sup> Po peitorobi coyene cotacaya itoroba ichaxota ba ‘dos’ jei, barapo peitorobi coyene be jume jupa po peitorobi coyene copiya ducua. Iruru barapo peitorobi coyenewatha jeye: ‘Antobeinde jinya necatsicuarabu ecaein icha ichim xua jinya coutha naantobem’, jei barapo peitorobi coyenewatha. <sup>40</sup> Barapo peitorobi coyene jumebe caunuta, xua Moisés pia peitorobi coyenewatha baxua yabara paeba, iru pomonae Nacom peitorobi jume pepaebiwi pia pecuidubi coyenewatha baxua yabara paebaru, jei Jesús.

*Meje yabara poxonae Jesús nayabara jei: “Mesías, ¿jintam pia pemomoxi susato jiwanapin tatsira?” jei (Mr 12.35-37; Lc 20.41-44)*

<sup>41</sup> Poxonae fariseomonaе cataunxuae nacaetutompa bapoxonae Jesús yainyaba barapo fariseomonaе, jeye:

<sup>42</sup> —¿Eta xua pacayabara nanta xeiname Mesías pon Nacom pia Peitapetsin? ¿Jintam pia pemomoxi susato jiwanapin tatsira? jei Jesús.

Barapomonaе Jesús jume notatsi, jeye:

—Apara David, pon Israel nacuapiwi itorobiya pia pepa peewatsinchi, bapon pia pemomoxi susato jiwanapin tatsi, jei fariseomonaе.

<sup>43</sup> Bapoxonae Jesús barai barapomonaе, jeye:

—David yabara paeba xua Mesías apara pia Pecanamataxeinaeinchi tatsi poxonae David cueicueijeі exanatsi Nacom pia Pejumope t̄unax̄u tatsi.

<sup>44</sup> David salmos penax̄unaе wei diwesitha bayatha jeye: ‘Nacom pon Pecanamataxeinaein jiwi, Tanecanamataxeinaein baraichi pon Mesías, jeichichi: Tacoxa werena ecare, beya ab̄u tsane poxonae necaaitafaetabi jiwi pia pecanamataxeinaeinchi tatsi caexanaeinchi, jei Nacom’, jei David salmos penax̄unaе wei diwesitha.

<sup>45</sup> Icha David Mesías yabara jei: ‘Bapon Mesías Tanecanamataxeinaein’, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

<sup>46</sup> Daxita barapomonaе jopa itac̄upaetsi xua Jesús pe-jume notsiwatsi tsainchi, poxonaе pinae David paeba xua pinae jei: ‘Bapon Mesías Tanecanamataxeinaein’, jei. Bara nama barapo matabitha weya, equeicha nama Jesús jopa bepeyainyabiwatsi barapomonaе.

## 23

*Meje yabara poxonaē Jesús muxuweta jiwi xua pomonaē fariseomonaē irū pomonaē jiwi pecuidubiwi Moisés pia peitorobi coyene tatsi barapomonaē pecuiyainwa tatsi*

*(Mr 12.38-40; Lc 11.37-54; 20.45-47)*

<sup>1</sup> Nexata Jesús barai pin bicheito jiwi irū pijimonaē, jeye: <sup>2</sup> “Pomonaē jiwi pecuidubiwi Moisés pia peitorobi coyene tatsi irū fariseomonaē daxita barapomonaē pia pecuidubi coyene xeina xua po coyene jiwi yaputane exanatsi po coyene Moisés pia peitorobi coyenewatha paeba. <sup>3</sup> Pacui yabara jume cowunde pocotsiwa barapomonaē pia pecuidubi coyenewan tatsi. Matautano paexande pocotsiwa barapomonaē paca itoroba. Daichitha jopa paexanaeinde pocotsiwa barapomonaē exana tsipei barapomonaē itara beta pepaebiwi daichitha yabara jume toxeinchiya catsawiya exana, barapo peitorobi coyenewan. <sup>4</sup> Barapomonaē be pocotsimonaē poxonaē ichamonaē itorobatsi xua pecaponaewa pocotsiwa arewe, pocotsiwa jiwi bapana jopa itacupaetsi xua pecaponaewa. Daichitha barapomonaē jopa yawenaeyo pocotsiwa ichamonaē itorobatsi. Matautano barapomonaē jopa tayoichaeyo cae cobesitiyotha. Icha barapomonaē ichi poxonaē ichamonaē itorobatsi xua pecaponaewa pocotsiwa bichocono arewe, barapocotsi jūta coyeneya ichi pomonaē jiwi pecuidubiwi Moisés pia peitorobi coyene tatsi, irū fariseomonaē, daxita barapomonaē itoroba pia pecuidubi coyenewatha pocotsiwa paxam painya neexanaenexa. Ichitha barapomonaē jopa exanaeyo baxua. Pocotsiwa barapomonaē paca cui itoroba pocotsiwa painya neexanaenexa, paxam bapana jopa paca itacupaeyo xua painya neexanaewa baxuan. <sup>5</sup> Barapomonaē ichichipa nawita xua jiwi pecui taewa

tsane pocotsiwa poxonaē barapomonaē exana xua bapoxonaē jiwi penanta xeinaenexa xua barapomonaē bara pejuntū coyene xanepanaewi. Daxota barapomonaē tsica cajaxi peitapatha querabaduba xua pebocoton. Barapo bocotontha tututha iya jeya xua xoxitha tinaduba Nacom Pejume Diwesi. Yawa icha cajaxi pemaxūtha querabaduba. Yawa barapo bocotontha tututha iya jeya xua xoxitha tinaduba Nacom Pejume Diwesi. Mataūta barapomonaē nama xataba po paparuwan bichocono apiپیya deca, beyacaincha xua poxonaē ichamonaē nama xataba po paparuwan apiپیya. <sup>6</sup>Mataūta barapomonaē nanta caxunaeneiba ichaxota nanta caxunaeneiba pomonaē peainya cui jiwi penaexanaewi. Mataūtano barapomonaē judiomonaē pia penacæutsti bontha ichichipa nawita xua nanta caeneiba ichaxota enathopeiba pomonaē peainya cui jiwi penaexanaewi. <sup>7</sup>Mataūta barapomonaē ichichipa xua jiwi pejacobeibiwa tsane namtontha barapomonaetha, xua jiwi pebaru cui itura jineibinexa barapomonaē. Mataūtano barapomonaē ichichipa nawita xua jiwi ainya cui pecana exanaewa barapomonaē poxonaē jiwi pejei tsaibinexa ‘Pomonaē jiwi pecuidubiwi’ poxonaē pejei tsaibinexa jiwi.

<sup>8</sup>“Ichitha nama paxam jopa bewa pacopatsim xua bara jiwi jacobiya paca necajei tsaibinexa: ‘Pata pecuidubi jiwi pam’, paca necajei tsaibinexa xua ainya cui jiwi painya nepaca exanaē jiwixae. Painya xoba jiwi baxua bara pajume copatame, tsipei apara paxam be caemonaē jiwi pam, saya jame panantaūtame bara caein pon ainya cui penaexanaein painya itūtha. <sup>9</sup>Pomonaē po irathe jinompe jopa bewa wabi pajam ‘Axa’, jopa bewa pajam xua painya baru cui itura jinaexae pomonaē jopa bequein barompaya painya axeiwī. Painya xoba jiwi baxua bara pajume copatame, tsipei paxam panantaūtame bara caein

painya Axa, pon pabarũ cui itura jiname pon peitabocotha eca. <sup>10</sup> Matautano jopa bewa pacopatsim xua bara jiwi jacobiya paca necajei tsaibiwa: ‘Pata necanamataxeinaewi pam’, paca necajei tsaibiwa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam panantaũtame bara caein pon painya Necanamataxeinaein, jame apara bapon meisa Cristo. <sup>11</sup> Icha pon paxam jiwana, icha bapon ichichipa naexana be pocotsin canamataxeina ichamonae bapon matha bewa copiya daxita paxam beta amanaya pacata nacuichina. <sup>12</sup> Pon xua pia coutha peainya cui jiton naexana pejũntũ coyenetha, Nacom exanaena xua bapon pecui pawĩ jiton naexanaena. Ichitha pon xua pecui pawĩ jiton naexana, pejũntũ coyenetha, Nacom exanaena xua bapon peainya cui jiton naexanaena.

<sup>13</sup> “¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam irũ pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam acuicoyeneya-pubeya paexaname xua poxonae jiwi bequein ichichipa naexana Nacom piamonae tatsi jiwana. Paxam jopa pajume cowũntsim Nacom yawa jopa pacopatsim xua ichamonae irũ pejume cowũntsiwa Nacom.

<sup>14</sup> “¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam irũ pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Powaxi pecuenta wera-paewaxichi piseurixi, barapowaxi pacueranta ename pia bon. Naemata Nacom pawũqueibame. Jopa cuinaya pana najume copababeibim poxonae pawũqueibame Nacom tsipei paichichipame nawita xua jiwi xanepanaya paca

necayabara paebiwa xua bara cou paxam pejuntũ coyene xanepanae jiwi pam. Daxota poxonae po mataqueitha Nacom yabara paebina daxita jiwi penatsicuentsiwa barapo mataqueitha Nacom bichocono paca peraxa jubina, beyacaincha poxonae peraxa jubinchi pomonae pacuidubame.

<sup>15</sup> “¡Paxam pomonae Moisés pia peitorobi coyene tatsi painya necuidubiwi jiwi pam tsobenaem! ¡Paxam irũ pomonae fariseomonaе pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam tajũ beya paponame daxita carepayan beya, xua painya cana exanaenexa ichũnthaxua bapon pejume cowũntsiwa tsane painya necuidubi coyenewan xua bapoxonaе bapon be judiomonaepin penaexanaewa tsane. Bapon pacana exaname, xua bapon bichocono equeicha mataropeicha abe peexanaein. Daxota bapon bewa xubinchi ichaxota po nacuatha isoto jopa itacounayiyo, icha paca cana ichi tsane poxonae paca bebai tsane barapo nacuatha.

<sup>16</sup> “¡Paxam abe peexanae jiwi tsobenaе pam! Paxam barapocotsi coyeneya jũta panacana exaname, icha be pon peitata nacũtsin ichi xua poxonae ichũn matacapoinchi pon irũrũ peitata nacũtsin. Paxam ichamonae ba pacuidubeibame ba pajam tsaibim: ‘Icha ichũn nayabara cui wũnae tsimuxu duta xua jeye: Xaniwaicha exanaein pocotsiwa xua catsipaebatsi Nacom pia pin bo wũnthaxae tatsi, poxonae jei, baxua ba jopa ainya cuiyiyo poxonae ichũn nayabara cui wũnae tsimuxu duta bapocotsi wũnthax’, ba pajam tsaibim xua ichamonae poxonae pacuidubeibame. Mataũtano ba pajam tsaibim: ‘Icha ichũn nayabara cui wũnae tsimuxu duta xua jeye: Xaniwaicha bara exanaein pocotsiwa xua catsipaebatsi oro nainto wũnthax pocotsiwa daedaena po oro nain coroton Nacom pin pia botha tatsi eca, poxonae jei,



baxua ba xua bapon exana bapocotsi wuntha, baxua jame ainya cui poxonaе barapon barapo wuntha nayabara cui wunae tsimuxu dubeibina', ba pajam tsaibim poxonaе pacuidubeibame. <sup>17</sup> ¡Paxam barapocotsi coyeneya jata panacana exaname, icha be pomonaе matasipa daunwei ichi poxonaе jopa beta jume cowuntsiyo Nacom! Nacom pin pia bo bichocono ainya cui beyacaincha oro nain, po oro nain coroton Nacom pin pia botha tatsi ena. Tsipei barapo oro nain poxonaе aisowa beequiya Nacom pin pia bo weya jopa ainya cuiyiyo. Jame saya meisa poxonaе bo tututha eca bapoxonaе ainya cui barapo oro nain, tsipei barapo bo ainya cui cana exanatsi. <sup>18</sup> Matauta ba pajam tsaibim: 'Icha ichun nayabara cui wunae tsimuxu duta, xua jeye: Xaniwaicha bara exanaein pocotsiwa xua catsipaebatsi xua be pexaethopaewa wuntha xua ichaxota duwei tauteiba xua tuxusi exaneiba Nacom nexa, poxonaе jei, baxua ba bapon jopa bewa exanaе poxoru baraxua xua be pexaethopaewa jopa ainya cuiyiyo poxonaе ichun nayabara cui wunae tsimuxu duta bapocotsi wuntha', ba pajam tsaibim poxonaе ichamonaе pacuidubeibame. Matautano ba pajam tsaibim: 'Icha ichun nayabara cui wunae tsimuxu duta xua jeye: Xaniwaicha bara exanaein pocotsiwa xua catsipaebatsi duwei wuntha po duwei xua bocopiya ichaxota xua be pexaethopaewa wuntha, poxonaе jei, baxua ba bapon jame bewa exanaе poxoru po duwei xua bocopiya ichaxota xua be pexaethopaewa, baxua jame ainya cui poxonaе bapon barapo wuntha nayabara cui wunae tsimuxu dubeibina', ba pajam tsaibim poxonaе pacuidubeibame. <sup>19</sup> ¡Paxam barapocotsi coyeneya jata pana cana exaname, icha be pomonaе matasipa daunwei ichi poxonaе jopa beta jume cowuntsiyo Nacom! Pocotsiwa xua be pexaethopaewa ichaxota duwei tauteiba xua

tuxusi exana Nacom nexa, poxonaē tauta baraxua xua be pexaethopaewa bichocono ainya cui, beyacaincha ainya cui poxonaē duwein aisowatha bexuba xua saya pexaenexa. Tsipei duwei saya ainya cui poxonaē pocotsiwa xua be pexaethopaewatha bocopiya poxonaē petuxusi exanaewa tsane Nacom nexa. Bapoxonaē barapo duwein ainya cui, tsipei baraxua xua be pexaethopaewa ainya cui cana exanatsi. <sup>20</sup> Daxota pon nayabara cui wūnaē tsimuxu duta xua be pexaethopaewa wūntha, xua ichaxota duwei tauteiba xua tuxusi exaneiba Nacom nexa, saya meisa jopa barapo wūnathiyo, matautano jame nayabara cui wūnaē tsimuxu dutsina duwei wūntha, po duwein baxota bocopiya. <sup>21</sup> Matautano pon nayabara cui wūnaē tsimuxu duta Nacom pin pia bo wūntha tatsi, saya jopa meisa barapo wūnathiyo, matautano jame nayabara cui wūnaē tsimuxu dutsina Nacom pewūntha tatsi. Tsipei bara Nacom pin pia bothaxae eca. <sup>22</sup> Daxota pon nayabara cui wūnaē tsimuxu duta itaboco wūntha, saya meisa jopa barapo wūnathiyo, matautano jame nayabara cui wūnaē tsimuxu dutsina Nacom pia pexeinya peecaethopeibiwa tatsi wūntha beicha matauta Nacom pewūntha tatsi pon baxoteicha eca.

<sup>23</sup> “¡Paxam pomonaē Moisés pia peitorobi coyene painya necuidubi jiwi pam tsobenaem! ¡Paxam pomonaē fariseomonaē pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaē jiwi pam. Paxam ba caewaxi pajiwana wetsabeibame xua painya catsibeibinexa Nacom poxonaē diez xoyobe paxeineibame xua pocotsiwa painya neūbiwan. Barichi pacana exaname tsiqui xutixitha po xutoxi pewūn menta, matautano po pexuno pewūn anís barichi matautano po pexuno pewūn comino. Bara bequein barapo coyene paexaneibame, daichitha jopa paexanaem

pocotsiwa bichocono ainya cui coyenewa pocotsiwa Nacom pia peitorobi coyenewatha itoroba. Matautano jopa paexanaem po cui coyenewatha bewa bara xaniwaicha pata exanaename jiwi. Matautano jopa paexanaem po cui coyenewatha bewa jiwi payabara najuntũ coyene xeinaename painya neyawenaenexa jiwi. Matautano jopa paexanaem po cui coyenewatha xua pana cana exaname xua beta painya nejume cowuntsinexa Nacom. Daxita barapo coyenein jame maisa paexanare, muxuna pa-eexanaponde po coyene copiya pa-eexanaponaem, po coyene poxonae pajiwana nonotaponeibame poxonae pocotsiwan diez xoyobe paxeineibame, xua pocotsiwa painya neubiwan. <sup>24</sup> ¡Paxam barapocotsi coyeneya jata pana cana exaname, icha be pon peitata nacutsin ichi xua poxonae ichun matabapoinchi pon iruru peitata nacutsin! Paxam jopa juniya pacayabara jume exaneibim xua Moisés pia peitorobi coyenewatha itoroba. Daichitha jopa paexanaem po peitorobi coyene peainya cui coyenewa Nacomtha. Barapocotsi jata coyeneya paexaname icha jiton ichi poxonae mera mene caewata paparuwatha xua pichixi pemuxuna apaeyainwa, daichitha apara yawa apareca xua xuan poxi peconoxi.

<sup>25</sup> “¡Paxam pomonaem Moisés pia peitorobi coyene tatsi painya necuidubi jiwi pam tsobenaem! ¡Paxam pomonaem iru fariseomonaem pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanaem jiwi pam. Paxam jopa ba juniya paexaneibim poxonaem meisa panaperu iquicame. Daichitha burana iya painya juntu coyenetha pecaibi coyene paxeiname, peuwi coyeneno paxeiname. Be barapocotsi jiwi pam pocotsimonaem coroton saya matawacaicha iquica yawa paratonno, ichitha atutuxuira bichocono. <sup>26</sup> Paxam fariseomonaem pam, pocotsi jiwimonaem pam pomonaem be

peitata nacutsi jiwi pam. Copiya matha pana najuntũ cui coyene barapende barapo painya neajuntũcoyenebewan, bapoxonae jame xanepanaya painompaename.

<sup>27</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam irũ pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Jiwi ba inyapana exana xua pocotsiwa jiton petũpaein peyamũthũ acatabiwatsi. Bequein bara baxua inyapana daichitha xua matha bocareca bichocono ayei xua jiton petũpaein.

<sup>28</sup> Barapocotsi jũta coyeneya paexaname, icha be pocotsi coyene peayeiwa ichi xua jiton petũpaein. Bequein panaperũ wũnaetame, daichitha painya jũntũ coyene abe bichocono. Bequein jiwi paca yabara nanta xeina poxonae paca cui tane xua paxam deta cou pejũntũ coyene xanepanae jiwi pam Nacomtha, daichitha painya jũntũ coyene bichocono paajũntũcoyenebem. Mataũtano bara bequein paxam itara mexeya xanepanaya pepaebi jiwi pam, daichitha apara abeya pepaebi jiwi pam.

<sup>29</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam pomonae irũ fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam petũpaewi pomonae Nacom pia peitorobi jume pepaebiwi payamũthũ acabame boutixi. Mataũtano pomonae pejũntũ coyene xeicae jiwi payamũthũ itũpana exaname. <sup>30</sup> Mataũta naerabiya pana najam: ‘Icha caena bayatha jinompaetsipatsi poxonae wamo susato jiwi jinompa metha jopa cueicha yawenaetsipatsi poxonae barapo Nacom peitorobi jume pepaebiwi jutebatsi’, pana najam. <sup>31</sup> Barapo jumetha poxonae baxua pacaunutame, barapara barapo cui coyene paexaname,

icha painya amo susato jiwi ichi poxonae barapo jũntũ coyeneya exana poxonae jutebatsi Nacom pia peitorobi jume pepaebiwi. <sup>32</sup> ¡Painya amo susato jiwi abe peexanaexae, caena bayatha bara paichinde! Poxonae pana nebexubiname moya pana necui yabara jume cui were icha matha painya amo susato jiwi ichi poxonae tamropata notarũcũpa xua barapo Nacom pia peitorobi jume pepaebiwi jutebatsi.

<sup>33</sup> “¡Maisa paxam pomonae pemuxuitorobi jiwi pam! ¡Daxota be jomomonae pacui jũpame poxoru jomo ba cuitaya dũcũpa nawa! Bara paichim anoxuae bequein paichichipame xua Nacom pacuitaya dũcũpame xua abe paca exanaeyainwa. Ichitha Nacom paca itorobina ichaxota isoto jopa itacounaiyo. Jopa papanenebiyaem tsane barapo isoto weya. <sup>34</sup> Itorobicaein painya xantha pomonae taitorobi jume pepaebiwi. Mataũta itorobicaein pomonae peyaputaewi. Mataũtano itorobicaein pomonae jiwi pecuidubiwi Moisés pia peitorobi coyene tatsi. Ichitha barapomonae pajiwana jutebiname. Ichamonae naetotha pacobe matabobiname painya jutebinexa tsane. Ichamonae judiomonae pia penacaetutsi bontha tatsi pabename. Daxita carepaya tomarantha abe pacana eexanaponaename pomonaetha pomonae taitorobi jiwi. <sup>35</sup> Daxota Nacom paca cana exanaena xua paca peraxa exanaena xua daxita pomonae pejũntũ coyene xeicae jiwi pejujutebaponaexaetsi painya nacuatha. Painya amo susato jiwi jujutebapona pomonae pejũntũ coyene xeicae jiwi. Copiya matha Abel bexotsi pon pejũntũ coyene xeicaein pon bequein jopa abe exanaeyo, beya poxonae irũrũ Zacarías bexotsirũ pon Berequías pexanto tatsi. Barapon Zacarías pabexubame Nacom pin pia botha ichaxota xua barapo bo tututha uncua pocotsiwa be pexaethopaewa xua ichaxota tuxusi exana Nacom nexa

xua iru baxota uncua pepa Nacom pia boyo tatsi xua naitama taeuncuabe. <sup>36</sup> Bara xaniwaicha paca tsipaebatsi pomonae xua anoxuae pajinompame bichocono paca peraxa jubebina tsipei daxita paxam barapara Nacom tsitatsi xua paxam patsita xeiname penatsicuentsiwa xua painya amo susato jiwi pejutebaponaexae pomonae pejuntu coyene xanepanae jiwi xua iruru paxam painya nejutebaponaexaeru”, jei Jesús.

*Meje yabara poxonae Jesús Jerusalén tomarapiwi siwa wecoyeichi*

*(Lc 13.34-35)*

<sup>37</sup> Bapoxonae Jesús yabara unthuthu wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam pajutebeibame pomonae Nacom pia peitorobi jume pepaebiwi! ¡Matauta paxam pajutebeibame ibotontha pomonae Nacom pacata itoroba! ¡Maisa be paca caetucaetuteibinchi, tapaca cayawenawatsi tsainchi, icha wacara ichi poxonae nacoxi caetucaetuteta pecuarafetha! ¡Maisa be barichocuaein tsane, daichitha jopa paichichipaem! <sup>38</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. <sup>39</sup> Paca tsipaebatsi xua equeicha jopa pana netaem tsane beya abu poxonae pana neyabara jam tsane: ‘¡Maisa bapon jiwi juntu coyene weiweina cana exanatsi pon patopa, Nacom peitorobixae, pon jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 24

*Meje yabara poxonae Jesús yabara paeba xua ichamonae abe exanaena Nacom pin pia bo tatsi*

*(Mr 13.1-2; Lc 21.5-6)*

<sup>1</sup> Jesús Nacom pin pia bo tatsi wejoniya. Poxonae nama bara weya pona, bapoxonae Jesús imoxoyo caquita umenarucupatsi pijimonae. Yawa pijimonae jeichichi:

—Maisa Nacom pin pia bo tatsi bepa wuna, jei barapomonae.

<sup>2</sup> Daichitha Jesús jume barai barapomonae, jeye:

—¡Moya caepatiyo pataema! Bara xaniyan paca tsi-paebatsi. Matacabi jopaena barapo mataqueitha ichamonae pomonae penanapaincha jinompaewi xua icha nacua werena peponaewi abe cana exanaena Nacom pin pia bo tatsi po bo anoxuae pataneme. Apra jopa cae ibotiyo nacopatuncuae tsane icha iboto peumatha. Daxita abe tsane, jei Jesús.

*Meje yabara poxonae Jesús yabara paeba xua copiya matha pewunaeya exanaena petsita itutsi coyenewa poxonae daxita weraweracaenaba*

*(Mr 13.3-23; Lc 21.7-24; 17.22-24)*

<sup>3</sup> Bapoxonae Jesús pijimonae baru pona demxuwathe-icha po demxuwa pewun demxu Olivowa tsipei baxota umena olivo naein. Poxonae Jesús demxuwatheicha ecopiya, bapoxonae Jesús pijimonae nameicha tsipae-batsi, jeye:

—Paichichipan xua xam tapata netsipaebiwam tsane, ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocot-siwa tsane metha xua pewunaeya tsita itapeinya xeinaena xua poxonae patopeicaename, matautano xua poxonae imoxoyo daxita weraweracaenaba? jei Jesús pijimonae tatsi.

<sup>4</sup> Nexata Jesús barai, jeye:

—Dota pam bu ichamonae naerabiya paca muxu tsi-paeba xua daxota abe paexanaetsipame. <sup>5</sup> Tsipei tsana patsina ayei bicheito jiji pomonae natsicotaena icha be

xan ichin. Barapomonae jei tsane: ‘Apara xan Mesías’, jei tsane. Poxonae barapomonae muxuitorobiya pae-bina bapoxonae pinmonae jume cowuntsina. <sup>6</sup> Pajume taename xua jiwi juinya nabenoutsina xote yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewunaeya matha copiya tsane. Daichitha cataunxuae dapō matacabi aichica tsane xua poxonae daxita weraweracaenaba yatsicaewa. <sup>7</sup> Cae nacuapiwi iru icha nacuapiwino, barapo ainya nacuapi-wibe nabenoutsina. Matautano iru pon nacua peewatsin iru ichundu pon icha nacua peewatsin, baraponbe iruru nantiya nabenabe. Matautano ainya nacuantha pinjainbo nacua tsane tsipei pin mayayo tsane. Matautano do-mae tsurucuae tsane ainya nacuantha. Matautano ainya nacuantha ira jijiyatsina. <sup>8</sup> Baraxua copiya matha tsane xua jiwi atene tsoponae tsane bichocono, xua beya jopa nama juniya tsane.

<sup>9</sup> “Bapoxonae jiwi paca teiquebina, paca atene ex-anaena matautano paca jutebina. Daxita nacuanpiwi paca casebina painya tana nejume cowuntsixaemxae. <sup>10</sup> Barapo matacabintha jiwi pentsina xua Nacom pe-jume cowuntsiwatsi. Matautano daxita jiwi nacasebina, matauta barapomonae piamonae caenaetsina ichamon-aetha. <sup>11</sup> Pinmonae tsana pateibina, pomonae jiwi pe-muxuitorobiwi. Tsana jei tsane: ‘Xan Nacom peitorobi jume tapaebin, Nacom yabara paca cuidubinchi’, jei tsane. Barapo pemuxuitorobi diwesi jume pinmonae jume cowuntsina barapo diwesi. <sup>12</sup> Pinmonae jopa ju-niya abe exanaponae tsane daxota jiwi, jopa caemonae nantiya naantobe tsaibi tsane. <sup>13</sup> Ichitha pon awiya xua antuyapusuya nejume cowuntsiya poponaena xua beya yacuiya tupaeya jopaena poxonae bequein abe taexanatsi ichamonae, bapon jame Nacom napaeba cana exanaena.



<sup>14</sup> Tamonaē capanaēna tapexeinya jume diwesi po diwesi xua Nacom waba jiwi petanaexanaenexatsi pijimonaē pomonaē itorobiya peewatsixae. Barapo diwesi tajiwi-monaē pomonaē tanejume cowuntsi jiwi paebinoutsina daxita jiwitha. Poxonaē barapo diwesi daxita nacuanpiwi jume taēna, bapoxonaē daxita barapo jiwi yaputaēna xua bara matacabi imoxoyo jopaēna po mataqueitha poxonaē daxita weraweracaēnaba.

<sup>15</sup> “Daniel, pon Nacom peitorobi jume pepaēbin bapon caēna bayatha yabara tsiwunaēya muxu dutsiya tina pocotsiwa xua bichocono abe, pocotsiwa xua weraweraca cana exana. Pataēname pocotsiwa xua ichun Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paēba. Bapoxonaē payaputaēname xua bara imoxoyo matacabi jopaēnaba poxonaē daxita weraweracaēnaba”, jei Jesús. (Xan Mateon, paca baraichi: “Pon yorobina po jume diwesi tinan, moya jume naitaewatsina pia peyaputaēnexa tsane”, paca jeichi.)

<sup>16</sup> Cataunxuae Jesús cueicueijei, jeye: “Poxonaē bara pocotsiwa pataēname bapoxonaē pomonaē Judea nacuatha jinompa, barapomonaē bewa demxuan berucūpiyaēna.

<sup>17</sup> Barapo matacabitha pon bo matatupatha uncuā bapon jopa bewa botha joniya tsane xua penotsiwa tsane pocotsiwa tabobeinchi bomuxu tututha. Saya jame bewa nainya benaetsiricuaēna.

<sup>18</sup> Iruru pon pabitha popona bapon jopa bewa caibeya ponaē tsane botha xua penotsiwa tsane pia paparuwan. Saya jame bewa nainya benaetsiricuaēna.

<sup>19</sup> ¡Pai yabuxi tsobenaē powaxi pexui bupana taēnatsi barapo matacabitha! ¡Pai powaxi iru pexui isaina, barapowaxi tsobenaerū! Tsipei acabe tsobenaē tsane pexui.

<sup>20</sup> Poxonaē pewunaēya tsane baxua Nacom

paꝛꝛꝛcare xua jopa painya nerꝛꝛꝛpaewa tsane poxonae awꝛbo peaꝛꝛexae bichocono, mataꝛꝛꝛano xua jopa painya nerꝛꝛꝛpaewa tsane poxonae pentaꝛꝛꝛquei seicae matacabitha. <sup>21</sup> Tsipei barapo matacabintha jiwi bichocono pin peraxa exanaeinchi. Atene tsane beyacaincha poxonae jiwi atene tsaibi poxonae Nacom aena nacua exana, xua eꝛꝛꝛꝛeicha nama bichocono pin peraxa tsane. Eꝛꝛꝛꝛeicha bexa bapoxonae bapana jopa baxua exanae tsane poxonae bichocono jiwi pin peraxa. <sup>22</sup> Icha Nacom jopa be caentacabiyobe exanaetsipae, metha dapomonae ajibi tsipae pomonae panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonae, pomonae pia peitapetsiwixae tatsi.

<sup>23</sup> “Bapoxonae icha ichꝛꝛꝛn paca jei: ‘Pataema bapon apara Mesías uncue pon Nacom itorobica’, paca jei, irꝛꝛꝛ icha ichꝛꝛꝛn paca jei: ‘Pataema bapon Mesías xota uncuiye’, paca jei, baxuan jopa pajume cowꝛꝛꝛntsinde barapo jumein. <sup>24</sup> Tsipei pomonae pemuxuitorobi jiwi tsana patsina. Barapomonae natsicotaena icha be xan ichi ponxaein Mesías. Mataꝛꝛꝛꝛano barapomonae natsicotaena icha be pomonae Nacom peitorobi jume pepae-biwi ichi tsane. Barapomonae pexeinya petsita itꝛꝛꝛtsi coyenewan exanaena peitabocotha, po irathe tsaneno xua jiwi pemuxuitorobinexa tsainchi, xua jiwi pejume cowꝛꝛꝛntsinexa pocotsiwa barapomonae paeba. Barichirꝛꝛ pomonaetha pomonae Nacom pia peitapetsiwi tatsi pemuxuitorobinexa tsainchi, xua irꝛꝛꝛꝛ icha metha barapomonae pejume cowꝛꝛꝛntsinexa tsanerꝛꝛ pocotsiwa barapomonae paeba. Ichitha jopa itacꝛꝛꝛpaetsi tsainchi xua barapomonae pemuxuitorobiwa tsainchi. <sup>25</sup> Baxua tsiwanaya yabara paca tsiwꝛꝛꝛnae muxu dutatsi. <sup>26</sup> Daxota icha jiwi paca jei tsane: ‘Pataema bapon Mesías uncuiye

ira xuepana susato tsurucuae nacua beya', icha paca jei, jopa bara beya paponaeinde. Matauta icha paca jei: 'Pataema bapon Mesías xote uncue bomuxu tututha', icha paca jei, jopa baxua pajume cowantsinde. <sup>27</sup> Icha yamuxu ichi poxonae jemeicha yacoicha uncueica xua coicha nayotaxuba itabocotha, barichi tsane po matacabitha patopeicaein jemeicha. Xan ponxaein Nacom Tananeitapetsin tsita naitutsin daxita jiwi. <sup>28</sup> Quequeremonae ba nacaetuta ichaxota baurin boca. Bara juta paichim tsane. Paxam pomonae tana nejume cowantsi jiwi pam, pana newnae ewatsiname po mataqueitha patopeicaein. Bara po mataqueitha pana nacaetutsiname", jei Jesús.

*Meje yabara poxonae Jesús nayabara paeba xua poxonae equeicha patopaetsica ponxae Nacom pia Peitapetsin*

*(Mr 13.24-37; Lc 21.25-33; 17.26-30, 34-36)*

<sup>29</sup> Equeicha Jesús namchi: "Po matacabin poxonae nacui wetsina xua jiwi pin peraxa tsane, bapoxonae xometo nainya naquitabina. Jomocoichato jopa pentha tsane. Opiteiton peitaboco weothopeicaena. Matauta Nacom napuna torobabiyaena xua xuan itabocotha dubena. Bapoxonae jopa xapain dubenae tsane. <sup>30</sup> Bapoxonae daxita jiwi taena peitabocotha xua couequeicha apara tapatopaewa tsane ponxaein Nacom Tananeitapetsin. Poxonae daxita nacuanpiwi netaena xua patopaein, barapomonae pijunuwi wecoyei tsane. Jiwi netaena ponxaein Nacom Tananeitapetsin xua patopeicaein tsaquinaebowantha. Nacom pia peayapusu itorobi coyenewatha, matautano bichocono pexeinya itupanae coichatha patopeicaein. <sup>31</sup> Matautano itorobin tamatatsunpiwi xua bichocono daunweya peobinexa tsane, po peobiwa pewun trompeta. Poxonae baxua jume taena tamatatsunpiwi inta caetutsina pomonae taitapetsiwi. Nacaetutsina daxita nacuanpiwi jiwana, iru

ichamonae pomonae ichaxota xometo weecoinapiwi jiwana, iru ichamonae pomonae ichaxota xometo bejopiyapiwi jiwana, iru ichamonae pomonae pocotsiwa werenepiwi jiwana, iru ichamonae pomonae pocotsiwa berequepiwi jiwana”, jei Jesús.

<sup>32</sup> Equeicha Jesús jeye: “Pajume taema barapo pecayabara juta pepaebi diwesiyo xua higuera nae xua painya nenacuidubiwa tsane. Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsoponae, xua pentono perubenaenexa. <sup>33</sup> Barapocotsi juta coyeneya ichi tsane poxonae pataename daxita baxuan pocotsiwa aunxuae paca tsipaebatsi, pocotsiwa bexa exanaena, bapoxonae payaputaename, xua bara imoxoyo tsane xua tapatopae wuna tsane. <sup>34</sup> Bara xainyeya paca tsipaebatsi daxita judiomonae naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae weraweracaena. <sup>35</sup> Peitaboco aichurucuae tsane, matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban”, jei Jesús.

<sup>36</sup> Equeicha Jesús jeye: “Po matabitha baxua exanaena, matauta po horatha baxua exanaena jiji jopa baxuan yabara yaputaeyo. Iru matatsunpiwi pomonae peitaboco beicha jinompa baxuan iruru jopa yabara yaputaeyo. Iru xan, ponxaein Nacom Pexanton baxuan jopa yabara yaputaeyo. Meisa saya Nacom pon Waxa yaputane poxonae po matabitha baxua exanaena, matautano yaputane poxonae po horatha daxita exanaena baxua xuaunxuae paca tsipaebatsi”, jei Jesús.

<sup>37</sup> Equeicha Jesús jeye: “Icha matha ichi poxonae Noé

caena bayatha popona jiwi jopa tsaqueinaeyo xua Nacom pin awũbo exanaena methaunxuae. Saya barompaya icha jũntũ cuitha jinompa daxota jiwi werapa. Barichi jũta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomonae jopa pejume cowũntsiyoxaetsi. <sup>38</sup> Barapo matacabintha poxonae Noé popona poxonae cataunxuae pin ema jopa duneicaeyo, jiwi jopa tsaqueinaeyo xua bexa pin awũbo tsane. Barapo jiwi jũntema nabaneiba yawa apeiba. Yawa jiwitha jijinapona, yawa pexantixi jitha dodoubapona beya yacuiya othopa poxonae po matacabitha Noé pin jera naetha joniya. Bapoxonae pin ema mũ jopa. Daxita Noé wepu bunothopatsi pomonae jinompa poxonae Noé popona. <sup>39</sup> Barapo jiwi jopa awũbo yabara tsaca jinompaeyo. Barapoxonae jemeicha pin ema uncueica. Mataũta monapentatsi barapo jiwi. Icha jiwi ichi poxonae Noé popona poxonae barapo jiwi jopa nanta xeinaeyo xua nacabetsina, barichi tsane poxonae xan patopeicaein ponxaein Nacom Tananeitapetsin, jiwi jopa baxua yabara tsaqueinae tsane xua poxonae equeicha patopeicaein. <sup>40</sup> Barapo mataqueitha ainya pebinbe nacuara nacuitauyaenabe pabitha. Ichũn matatsunpin pichina, pejume cowũntsixaetsi Nacom. Ichũn saya cuenta ponaeinchi jopa pejume cowũntsixaetsi Nacom. <sup>41</sup> Irurũ ainya yabũyobe nacuara yacatoyorobauyaenabe. Ichowa matatsunpin pichina, pejume cowũntsixaetsi Nacom. Ichowa saya cuenta ponaeinchi, jopa pejume cowũntsixaetsi Nacom.

<sup>42</sup> “Tsaca pajinompeibare xua tapatopae wũnae tsane, tsipei jopa payaputaem po mataqueitha patopaein ponxaein jiwi Tacanamataxeinaein. <sup>43</sup> Meje pocotsiwe payaputaema. Icha pon bo pexeinaein yaputaetsipa xua pox-

onaе patopaena pon жиwi pecaibin, bapoxonae bapon jopa maitecaetsipae. Matauta bapon jopa copatsipae xua pon pecaibin petajondenaewatsi pia botha. <sup>44</sup> Daxota bara paichinde. Tawanaetha pana nacui wunaere, tsipei xan, ponxaein Nacom Tananeitapetsin patopeicaein poxonae jopa tsaca payabara jinompaem tsane tsipei jopa payabara nanta xeinaem tsane xua tapatopaewa tsane”, jei Jesús.

*Meje yabara poxonae Jesús yabara diwesi paeba ponbe xua bo peyapucaeaeinbe pon xua beta peexanaein iru xua pon jopa beta peexanaein*

*(Lc 12.41-48)*

<sup>45</sup> Equeicha Jesús namchi pijimonaetha pecayabara juta pepaebi diwesiyo xua pepatopaewa tsane, jeye: “Yabara paca tsipaebatsi pon matacapopona pomonae bo pexeinaein tanacuitatsi. Barapon xanepanaya yaputaeya matacapopona. Poxonae bo pexeinaein wepu warapa barapomonae, pon bo pexeinaein itoroba pontha pon bo petayapucaeaeinchi, jeye: ‘Inta beta matacapoponde, yawa inta beta pexaewa apare daxita matacabi pomonae xua inta nacuita’, jei bo pexeinaein. <sup>46</sup> Pon bo petayapucaeaein bara juntu coyene weiweinaena poxonae patopaena pon bo pexeinaein petaexaetsi xua bara beta tayapucaeaca bo, xuano bara beta peexanaexae pocot-siwa xua bo pexeinaein itoroba. <sup>47</sup> Xaniwaicha paca tsipaebatsi. Bo pexeinaein itorobina xua pon petayapucaeaeinchi bo xua bapon cana exanaeinchi xua equeicha daxita piawan beta petayapuaenaewatsi xua xuan xeina pon bo pexeinaein. <sup>48</sup> Ichitha ichacuita pon bo petayapucaeaein bapon peantacuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae pon bo petayapucaeaein. <sup>49</sup> Bapoxonae bapon cueinta pomonae pon bo pexeinaein tanacuitatsi. Matautano

bapon nanabanaetsipa nawita ichamonae yawa cūpatsi nanaexanaetsipano. <sup>50</sup> Bapoxonae pon bo pexeinaein jemeicha patopaena poxonae pon bo petayapucaeaein jopa wūnae tsaqueinaeyo. Poxonae bara po hora tsuxubi jopa yaputaeyo yawa poxonae barapo matacabi tsuxubi jopa yaputaeyo. <sup>51</sup> Pon bo pexeinaein itoroba ichamonaetha xua pebenexatsi yawa peperaxa jūbinexatsi tsainchi pon bo petayapucaeaeinchi. Matautano itoroba xua barapomonae bapon pexubinexatsi ichaxota jinompa pomonae itara mexeya wūnaeya pepaebiwi ichitha abe peexanaewi. Barapo nacua bereca jiwi bichocono wecoyei pomonae abe peexanaewixae, matautano nantanuweya nantū jayabina bichocono peatenexae”, jei Jesús.

## 25

*Meje yabara poxonae Jesús cuiduba pecayabara jūta* pepaebi diwesiyo xua diez powayobe xua penowaxi

<sup>1</sup> Nexata Jesús equeicha icha pecayabara jūta pepaebi diwesiyo cuiduba pijimonae, jeye: “Nacom cana exanaena jiwi xua pomonae pejuntū coyene itorobiya ewatsixae, icha pebin ichi poxonae diez powayobetha xua penowaxi cana exana powaxi bapana jopa perū nacoabiyo pebiwi. Barapo diez powayobe nota pia lámparan xua peewatsinexa pon pia pecotsiwa nacojobina. Barapowaxi barompaya capona pia lámparan xua aceite epaca. <sup>2</sup> Icha cinco powayobe barapo diez powaxi jiwana, barapowaxi ita coxanatsi xua penacui wūnaetsiwa. Icha cinco powayobe ita coxone xua penacui wūnaetsiwa. <sup>3</sup> Barapowaxi powaxi ita coxanatsi xua penacui wūnaetsiwa barapowaxi poxonae lámparan cajjinca jopa muxuna cajjincaeyo icha aceite xua equeicha pemene epacaenexa poxonae ameneibi tsurubena. <sup>4</sup> Saya meisa

powaxi yaputane xua penacui w̄naetsiwa jame barapowaxi pia lámpanan muxuna cajjinca aceite xua equeicha pemene epacaenexa poxonae ameneibi tsurubena. <sup>5</sup> Tsipei pon imoxoyo pecotsiwa nacoyobina bapon jopa cuinaya patopaeyo, daxota daxita barapo diez powayobe itamaipanaꝛꝛꝛꝛ. Matapainya maitaꝛꝛꝛꝛ. <sup>6</sup> Poxonae papae tsuxubi poxonae barapowaxi cataunxuae maita, bapoxonae jume tane pon wawai xua barapowaxi jechichi: ‘Bara juinya dawerena pebin pon pecotsiwa nacoyobina. Bapon panta enare painya necobe jacobinexa’, jei pon wawai. <sup>7</sup> Daxita barapo diez powayobe nacosabarꝛꝛꝛꝛ. Matauta equeicha icha aceite epacaꝛꝛꝛꝛꝛ xua bapoxonae pecoicha exanaenexa. <sup>8</sup> Bapoxonae icha cinco powayobe, powaxi jopa nacui w̄naetsiyo jeye ichawaxitha xua cinco powayobetha: ‘Panecatsibare icha aceite meraxi pata tha equeicha mene epacaetsi, yaitama pata lámpanan acueicheibi’, jei barapowaxi. <sup>9</sup> Ichitha powaxi penacui w̄naetsiwaxi jume barai, jeye: ‘Aibi apara, canta peyaxi barompaya pacajjinca patauxi, jopa pacajjincaeyo xua paxam nexarꝛ. Maisa ichaxota pecaenaetsithopaewa aceite bara bepaiyande matha pacomocare aceite xua painya nemene epacaenexa’, jei barapowaxi poxonae xua jume barai ichawaxitha. <sup>10</sup> Poxonae cataunxuae ichawaxi enapona xua pecomocaenexa aceite ichamonaetha, bapoxonaerꝛ pebin pecoutha patopa, pon pecotsiwa imoxoyo nacoyobina. Powaxi bayatha nacui w̄naeta napuna jojoniya bapontha xua penabanaenexa pexaewa xua poxonae barapo pexaewa jiwi tsinacaetuta xua penabanaenexa poxonae barapo pebin pecotsiwa nacoyobina. Bapoxonae bomꝛꝛꝛꝛꝛ bichocono boupa cateitabanota. <sup>11</sup> Bapoxonae piraepaeyo ichawaxi pata powaxi aceite siwayiya, jeye: ‘Pata Tanecanamataxeinaem, painta boupa saranaxorena’, jei



bapowaxi. <sup>12</sup> Ichitha bapon barapowaxi jume baraichichi, jeye: ‘Canta jopa paca yaitaetsi’, jei bapon”, jei Jesús, xua pijimonae tsipaeba.

<sup>13</sup> Bapoxonae Jesús barai pijimonaetha, jeye: “Tawanaetha pana najuntũ coyene wũnaere, tsipei jopa payaputaem po matakabitha patopaein, matautano jopa payaputaem po horatha patopaein ponxaein Nacom Tananeitapetsin”, jei Jesús.

*Meje yabara poxonae Jesús paeba pecayabara jũta pepaebi diwesiyo xua paratixi yabara*

*(Lc 19.11-27)*

<sup>14</sup> Equeicha Jesús pijimonae cuiduba pecayabara jũta pepaebi diwesiyo xua paratixi, jeye: “Anoxuae ichichipan xua tapaca tsipaebiwatsi po coyene xua xan beta matomacan pomonae inta beta penacuichiwi pomonae Nacom jũntũ coyene itorobiya ewata. Barapo coyene jũpa icha be poxonae pebin ichi poxonae bara juntucuru warapaenaba icha nacua beya. Pewũnaeya poxonae warapaenaba matha waba pomonae pia petanacuichi jiwichi tsainchi. Barapomonaetha itoroba xua pia paratixi tatsi beta petacacomocaewa tsainchi poxonae cataunxuae wũnae ewatatsi xua pepatopaewa tsane.

<sup>15</sup> Ichũnthã pomonae barapomonae jiwana cata cinco mil po paratiximonaebe. Iru ichũnthã cata dos mil po paratiximonaebe. Iru ichũnthã cata saya be cae mil po paratiximonaebe. Bapon daxita barapomonaetha barompaya catsiba be pocotsi coyeneya barapomonae yapu jũpatsi xua poxonae pecacomocaewa tsane barapo paratiximonaetha. Bapoxonae bapon warapa. <sup>16</sup> Pon catatsi cinco mil po paratiximonaebe, barapo cinco mil po paratiximonaebetha equeicha icha cinco mil po paratiximonaebe matoma exana. <sup>17</sup> Barichi pon catatsi dos mil po paratiximonaebe, barapo dos mil

po paratiximonaebetha equeicha matoma exana icha dos mil po paratiximonaebe. <sup>18</sup> Ichitha pon catatsi cae mil po paratiximonaebe, bapon mũthũ cua iratha. Bapoxonae barapo mũthũtha bota barapo cae mil po paratiximonaebe”, jei Jesús.

<sup>19</sup> Equeicha Jesús jeye: “Poxonae ainya matakabin yapucaewa, bapoxonae patopa pon paratixi catsiba barapomonaetha pon barapomonaē pia pecanamataxeinaeinchi tatsi. Bapon pia petanacuichiwichi pia paratixi matoma yabara yainyaba. <sup>20</sup> Copiya patopa pon cinco mil po paratiximonaebe catatsi. Bapon icha cinco mil po paratiximonaebe cata pia pecanamataxeinaeinchitha, yawa jeye: ‘Tanecanamataxeinaem, caena bayatha cinco mil po paratiximonaebe necatame, equeicha icha cinco mil po paratiximonaebe cata matoma exainchi’, jei bapon. <sup>21</sup> Pon pecanamataxeinaein jume nota, jeye: ‘Maisa jũntũ coyene wũnaem mataũtano xam ponxaem cayabara jume cowũntatsi xua xanepanaya neexaneibiwam pocotsiwa caitorobatsi. Tsipei inta xanepanaya beta exaname bequein poxonae be conotha caitorobatsi, daxota equeicha ichawa caitorobatsi xua bichocono nawita. Moya taboŧha nebarũ jonyama yawa nebarũ jũntũ coyene weiweinare’, jei pon pecanamataxeinaein. <sup>22</sup> Bapoxonae pirapae ichũn patopa pon dos mil po paratiximonaebe catatsi yawa jeye pia pecanamataxeinaeinchitha: ‘Tanecanamataxeinaem, caena bayatha dos mil po paratiximonaebe necatame, equeicha icha dos mil po paratiximonaebe cata matoma exainchi’, jei bapon. <sup>23</sup> Pon pecanamataxeinaein jume nota, jeye: ‘Maisa jũntũ coyene wũnaem mataũtano xam ponxaem cayabara jume cowũntatsi xua xanepanaya neexaneibiwam pocotsiwa caitorobatsi. Tsipei inta xanepanaya beta exaname bequein poxonae be conotha caitorobatsi, daxota equeicha ichawa caitorobatsi xua

bichocono nawita. Moya taboṭha nebarṭ jonyama yawa nebarṭ jṭntṭ coyene weiweinare', jei pon pecanamataxeinaein", jei Jesús.

<sup>24</sup> Equeicha Jesús jeye: "Bapoxonae matapainya patopa pon cae mil po paratiximonaebe catatsi. Bapon atsaquiya jei pia pecanamataxeinaeinchitha: 'Tanecanamataxeinaem, xan yaputan xua xam be barapocotsim pon jopa jiwi juniya itorobeibim. Matautano jiwi cobe itorobeibame xua penoteibiwa pocotsiwa jopa jinyawiyo. Matautano pexaewa xua naweta noteibame ichaxota jopa ṭbim. <sup>25</sup> Daxota cacunuwatsi baxua neexanaeinxae tsipei metha inta pichipame barapo paratiximonaebe poxonae equeicha icha paratiximonaebe cata matoma exainchi daxota jinya paratiximonaebe mṭhṭha xubotan. Xote barapo paratiximonaebe caewa cata canawitatsi', jei bapon. <sup>26</sup> Nexata pon pecanamataxeinaein namchi jeye: '¡Bepa maisa dapon abem, pon fifiname poxonae inta nacuitame! Xam apara neyabara nanta xeiname xua xan pexaewa tanoteibiwa pocotsiwa naweta ichaxota jopa tacoya ṭbeibinyo. Matautano xua ichamonae cobe itorobeiban xua noteiba pocotsiwa jopa tawiyo. <sup>27</sup> Tsipei catsawiya neyabara nanta xeiname, xua bichocono daunwei itoroban daxota bayatha inta bewa barapo paratiximonaebe banco botha botsipame. Nexata poxonae equeicha patopan, icha paratiximonaeequeicha matoma xeinaetsipan xua equeicha inta pe-mataropeicha botsixaetsipae poxonae ichamonae nacow-aeta barapo taparatiximonaebe', jei pon pecanamataxeinaein. <sup>28</sup> Bapoxonae pon pecanamataxeinaein barai pomonae baxota umena jeye: 'Bapon pacobe wepire barapo cae mil po paratiximonaebe. Bapoxonae barapo paratiximonaebe pacare pon icha diez mil po paratiximonaebe xeina. <sup>29</sup> Pon ba be conoṭha Nacom yabara

yaputainchi Nacom bapontha cana exanaena xua ichawa peyabara yaputaewa tsane xua beya poxonae bapon equeicha bichocono Nacom pejume cowuntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowuntsiwa tsainchi. <sup>30</sup> Matauta bapon pon inta beta jopa nacuichiyo bapon paxore peitaquirei nacuatha, xua barapo nacuatha pewecoyeinexa, xua nantanuweya penantu jayabinexa tsane', jei pon pecanamataxeinaein", jei Jesús.

*Meje yabara poxonae Jesús nayabara paeba xua bepa pinae Nacom Pexanto tatsi tsabina daxita jiwi*

<sup>31</sup> Equeicha Jesús pijimonae tsipaeba, jeye: "Xan, ponxaein Nacom Tananeitapetsin patopeicaein, iru matatsunpiwi nebaru patsicaena. Poxonae patopeicaein, bapoxonae ecaein pexeinya peitupanae ecaewatha xua tawa tayabara paebinexa daxita jiwi xua penatsicuentsiwa abe peexanaexae Nacomtha. <sup>32</sup> Jiwi nacaetutsina taitabaratha pomonae daxita nacuan werena pona. Barichin tsane icha pon oveja peewatsin ichi. Bapon ba tsaba ovejamonae, matautano tsaba icha duweimonaeno, po duweimonae pewan cabra. <sup>33</sup> Pon ovejamonae peewatsin, bapon ovejamonae cuaranoba pecoxa weya. Cabra duweimonae petsocona weya cuaranoba. Bara cana jutiya ichin tsane jiwitha, icha pon ovejamonae peewatsin ichi. Pomonae xanepanaya peexanaewi tsana nobin. Pomonae abe peexanaewi tsana nobin. <sup>34</sup> Bapoxonae xan ponxaein jiwi itorobiya pepa Taewatsin baran tsane pomonae tacoxa weya inta umena, jan tsane: 'Anetha paxam pomonae Nacom, Taxa, paca juntu coyene weiweina exana. Pajoniyama Nacom pia peitorobi nacuatheicha. Bara xoteicha caena bayatha Nacom paca tsiwunaeta pocotsiwa xua paxam nexa, beya poxonae barapo nacue

forota. <sup>35</sup> Paca itacupa xua papatame baxoteicha, tsipei poxonae jainpan bayatha, bapoxonae pana neapatame pexaewa. Matauta tsipei poxonae meratsipan, bapoxonae mera pana neapatame. Matauta tsipei bayatha poxonae patopan painya botha poxonae be wawatsiyo coyeneya patopan daichitha pana nententa weyataeya wabame. <sup>36</sup> Matautano tsipei poxonae bayatha jumasa patopan, bapoxonae paparuwa pana necatame. Matautano tsipei poxonae bayatha neromaeba yawa poxonae atenein bara pana nesiwa poname painya tana neyawaenaexam. Matautano tsipei poxonae jiwi pecubi botha neeta, paxam papatame painya tana nenecotsinexam', jan tsane xua ponxaein jiwi itorobiya pepa Taewatsin. <sup>37</sup> Nexata barapomonaе, pomonaе tacoxa weya inta peumenaexae pomonaе xanepanaya peexanaewi, nejei tsane: 'Pata Tanecanamataxeinaem, ¿eta poxonaе paca tainchi xua jainpame matauta xua poxonaе paca apatatsi pexaewa? ¿Eta poxonaе paca cui tainchi xua meratsipame xua bapoxonaе mera paca apatatsi? <sup>38</sup> ¿Eta poxonaе paca tainchi xua poxonaе be wawatsiyo coyeneya patopame xua bapoxonaе paca matenta weyataeya wabatsi? ¿Eta poxonaе paca tainchi xua poxonaе jumasa patopame xua bapoxonaе paca catatsi paparuwa? <sup>39</sup> ¿Eta poxonaе paca tainchi poxonaе caromaeba xua poxonaе atenemno xua bapoxonaе paca siwa poinchi pata paca cayawenaenexatsi? ¿Eta poxonaе paca tainchi poxonaе jiwi pecubi botha caeta xua bapoxonaе papatan pata cataenexatsi?' nejei tsane barapomonaе. <sup>40</sup> Bapoxonaе xan ponxaein jiwi itorobiya pepa Taewatsin, jume notsin barapomonaetha jan tsane: 'Xaniyan paca tsipaebatsi. Daxita po coyenewan paxam bayatha paexaname tamonaе jiwitha poxonaе bequein barapomonaе jopa peainya cui jiwiyo, apra bara painta exaname', jan tsane ponxaein jiwi

itorobiya pepa Taewatsin.

<sup>41</sup> “Nexata xan ponxaein jiwi itorobiya pepa Taewatsin baran tsane pomonae tatsocona weya peumenaewi, pomonae jopa beta peexanaewi, jan tsane: ‘Panatsixibarucupare taxainya weya, tsipei paxam pomonae abe painya neexanae jiwi pam. Maisa po nacuatha isoto jopa cuinaya itacounayiyo baxota paponare. Barapo iso nacia caena bayatha Nacom yabara wunaeta caurimonae pia pentacaponaein tatsi nexa iruru pia matatsunpiwimonae tatsi nexa pomonae caurimonae. <sup>42</sup> Tsipei poxonae jainpan bayatha, jopa pexaewa pana necatsim. Matauta tsipei poxonae bayatha meratsipan, jopa mera pana neapatsim. <sup>43</sup> Matautano tsipei caena bayatha poxonae be wawatsiyo coyeneya patopan, paxam jopa pana nententa weyataeya wabim. Matauta tsipei poxonae bayatha jumasa patopan, paxam paparuwa jopa pana necatsim. Matautano tsipei caena bayatha poxonae neromaeba yawa poxonae jiwi pecubi botha ecan, paxam jopa pana nesiwa ponaem’, jan tsane. <sup>44</sup> Nexata pomonae abe peexanaewi nejume notsina, jei tsane: ‘Pata Tanecanamataxeinaem, ¿eta poxonae xua pata paca cui taewathatsi xua jopa paca yawenaetsi? ¿Eta poxonae xua pata paca cataebenaewathatsi poxonae jainpame? Matautano ¿eta poxonae xua pata paca cataebenaewathatsi poxonae meratsipame? Matautano, ¿eta poxonae xua poxonae pata paca cataebenaewathatsi poxonae be wawatsiyo coyeneya patopame? Matautano, ¿eta poxonae xua poxonae pata paca cataebenaewathatsi poxonae caromaeba? Matautano, ¿eta poxonae xua poxonae pata paca cataebenaewathatsi poxonae jiwi pecubi botha caeta? Daxita baxuan, ¿eta poxonae xua poxonae jopa paca yawenaetsi?’ nejei tsane barapomonae. <sup>45</sup> Xan ponxaein jiwi itorobiya pepa Taewatsin jume notsin bara-

pomonae jan tsane: ‘Xaniyan paca tsipaebatsi. Daxita po coyenewa bayatha jopa paexanaem tamonae jiwitha xua barapomonae jopa peainya cui jiwiyoxae, apara bara jopa painta exanaem’, jan tsane ponxaein jiwi itorobiya pepa Taewatsin. <sup>46</sup> Bexa bapoxonae tsane barapo abe peexanae jiwi ponaena po nacuatha bapana jopa nacui copatsi xua atene. Pomonae pentu cui xanepanae jiwi ponaena po nacuatha jiwi xeineiba peantucoyeneyapusuwa, po peantucoyeneyapusuwa ataya tsiteca”, jei Jesús.

## 26

*Meje yabara poxonae fariseomonae iru* sacerdotemonae pia pentacaponaei tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi

(*Mr 14.1-2; Lc 22.1-2; Jn 11.45-53*)

<sup>1</sup> Poxonae Jesús baxua daxita najume weta, bapoxonae pijimonae barai, jeye:

<sup>2</sup> —Paxam payaputaneme xua poxonae po baya tsane, jiwi nacaetutsina penabanaenexa pexaewa peyabara nanta xeinaenexa barapo matacabi xua poxonae caena bayatha matha judiomonae Egipto nacua weya panenebiya, po matacabi pewun Pascua matacabi wun. Barapo mataqueitha ichamonae necaenaetsina xua tupaerucua tanaexanaenexa tsane naetotha, ponxaein Nacom Tananeitapetsin, jei Jesús.

<sup>3</sup> Poxonae Jesús pijimonae baxua tsipaebuncua, bara caena barapo mataqueitha sacerdotemonae pia pentacaponaei tatsi nacaetuta. Iruru baxota nacaetuta judiomonae pia pitiri jiwi tatsi. Barapomonae daxita nacaetuta po tututha pon pewun Caifás pon sacerdotemonae pia pepa pentacaponaein tatsi pia pexeinya tutu botha tatsi. <sup>4</sup> Daxita barapomonae nabaruru muxu jei

xua bepa pinae eta bichi tsane poxonae Jesús nameicha waetabinchi xua pebexubiwa tsainchi. <sup>5</sup> Barapomonae najei:

—Abu jopa waetabi tsainchi poxonae jiwi Pascua matabi wuntha nacaetuta penanabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae.

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*

*(Mr 14.3-9; Jn 12.1-8)*

<sup>6</sup> Pirapae Jesús popona Betania tomaratha. Barapo tomaratha Jesús popona Simón pia botha tatsi, pon copiya bayatha peperu sawinchi. <sup>7</sup> Barapo botha petsiriwa powa pesi cui weiweinaewa Jesús imoxoyo caquita uncuatabatsi. Barapo petsiriwa capatopa alabastro ibo wun bosibu atsato, xua bichocono wunca penasiwa xua petuxueiwa, po petuxueiwa bichocono ainya matoma. Poxonae Jesús eca pexaethopaewatha, bapoxonae barapo petsiriwa Jesús mata epatabatsi barapo petuxuei tuxusi nasiwatha. <sup>8</sup> Poxonae Jesús pijimonae tatsi tane baxua, barapomonae bichocono anaepana, yawa caemonae najei:

—¿Eta pocotsiwa metha saya baxua xuba jane? <sup>9</sup> Barapo petuxueiwa becaenaetsipatsi bapoxonae bexeinaetsipatsi paratixi nawita xua bapoxonae barapo paratixitha beyawenaetsipatsi peacopeibi jiwi, najei barapomonae.

<sup>10</sup> Jesús yaputane xua pijimonae tatsi baxua pepaebiwa, daxota Jesús jeye:

—¿Eta pocotsiwa metha barapowa pabiataneme? Pocotsiwa barapowa inta exana apara seicayarü xua pexeinya coyene inta exana. <sup>11</sup> Barapo irathe peacopeibi jiwi paca baru jinompeibina painya neyawenaenexa



tsaibi tsane barapo jiwi. Ichitha nama paxam jopa ataya paca baru poponae tsainchi xua pata tana neyawenaenexam barapo irathe. <sup>12</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui wunaeta xua muthu tana neboyaenexa poxonae tupaein. <sup>13</sup> Bara xaniyan paca tsipaebatsi, daxita nacuantha poxonae jiwi cueicueijei tsane Nacom pia pecapanenebiyae diwesi, barapo jiwi yawa yabara paebina xua pocotsiwa poxonae bapowa inta exana xua jiwi barapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi*

*(Mr 14.10-11; Lc 22.3-6)*

<sup>14</sup> Nexata Jesús pijimonaе tatsi pomonaе doce poyobe tatsi, barapo doce poyobe jiwana bara caein, bapon pewun Judas Iscariote. Bapon Judas pona sacerdotemonaе pia pentacaponae wi tatsi beya xua petsipaebinexa barapomonaetha. <sup>15</sup> Judas jeye barapomonaetha:

—¿Eta po paratixi pana necatsiname icha Jesús caenaetaxubin, painya xantha? jei.

Nexata barapomonaе Judas pentoma catatsi treinta po paratiximonaеbe, xua po paratixi bichocono matoma nawita. <sup>16</sup> Barapoxonaе Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha, poxonae peyapu xanepanaewatha.

*Meje yabara poxonae Jesús pijimonaе baru nabane Pascua*

*wun matacabitha*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Nexata copiya matacabi jopa po matacabi tsiwana penantacarucuae matacabi, xua po matacabintha poxonae jiwi tsinacaetutsina xua penabanaewa tsane pan, po pan jopa muxunapentsiyo levadura matawan, pocotsiwa

xua cotowa exana pan. Jesús imoxoyo caquita ume-narɯcɯpatsi pijimonae yawa Jesús jeichichino:

—¿Exota ichichipame xua ichaxota pexaewa paca tsi-nacui wɯnaetsinchi wanabanaenexa tsane xua Pascua wɯn matakabi nexa? jei barapomonae.

<sup>18</sup> Jesús barai pijimonae, jeye:

—Tomara beya paponde, Jerusalén tomara beya. Paponde po botha pon bichocono pin tutu xeina. Bapontha painta jande: ‘Pon jiwi Pecuidubin namchi: Bara nama tatɯpae wɯnae tsane. Jinya tututha tajiwimonae tha barɯ nabanaetsi pexaewa Pascua wɯn matakabi nexa’, cajei pon jiwi Pecuidubin, pajande, jei Jesús pijimonaetha.

<sup>19</sup> Jesús pijimonae tatsi bara exana pocotsiwa bayatha Jesús pijimonae peitorobixae. Matautano barapomonae pexaewa nacui wɯnaetajeba Pascua wɯn matakabi nexa xua penabanaenexa.

<sup>20</sup> Poxonae quirei tsanaicha bapoxonae Jesús pijimonae barɯ eca pexaethopaewatha pomonae doce poyobe tatsi.

<sup>21</sup> Poxonae Jesús pijimonae barɯ xunaeca bapoxonae barai pijimonae, jeye:

—Bara xaniyan paca tsipaebatsi caein pon paxam jiwana pam, bapon necaenaetaxubina ichamonaetha xua tana nebexubiwa tsane ichamonaetha, jei.

<sup>22</sup> Nexata bapoxonae Jesús pijimonae tatsi unthuthu wecoyeyi tsurɯcɯpae, nexata daxita tsana jei tsoponae Jesustha:

—Tanecanamataxeinaem, apara ¿xan cacaenaetaxubinchi? jei daxita barapomonae xua Jesús tsana yainyabapoinchi.

<sup>23</sup> Jesús jume nota barapomonae, jeye:

—Pon cae paratotha pana nabarɯ jajaucuncuaponanbe pan, bapon apara pon necaenaetaxubina ichamonaetha.

<sup>24</sup> Xan ponxaein Nacom Tananeitapetsin bewa tɯpaein,

tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame wūnae tsipae icha bapon bayatha jopa naexaenae tsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>25</sup> Nexata Judas pon Jesús caenaetaxubinchi bapon itacaretaba, jeye Jesustha:

—Pon jiwi Necuidubim, ¿xan apara cacaenaetaxubinchi? jei Judas.

Jesús jume nota, jeye:

—A, xuaunxuae bara paebame, jei.

<sup>26</sup> Poxonae Jesús pijimonae barū xunaeca, bapoxonae Jesús pecobetha pita pan yawa Paxatha tsipaeba, jeye: “Axa, maisa jūntū coyene weiweinan xua pan pata tana necatsiwam”, jei. Bapoxonae Jesús pecobetha pan epa janaca yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan apara yabara caunuta tapepon xua poxonae tapaca tsitūpae-watsi tsainchi, jei Jesús.

<sup>27</sup> Bapoxonae Jesús equeicha pecobetha pita corotiyoyawa Nacomtha tsipaeba, jeye: “Axa, maisa jūntū coyene weiweinan xua corotiyotha ecareca pepa uva mera xua pata tana necatsiwam”, jei. Bapoxonae Jesús pijimonae cata corotiyoyawa pejiwana aapaponaenexa. Bapoxonae jeye pijimonaetha:

—Daxita pa-aapaponde xua barapo cae corotiyotha.

<sup>28</sup> Pena peyabara tsiwūnae muxu dutsi coyenewa paca tsi-paebatsi. Barapo uva mera xua tsijuntutu eca corotiyotha barapo mera yabara caunuta tajana xua jana othoparenaein poxonae tūpaein. Barapo jana tsita itapeinya xeinaena xua jiwi pinmonae, yabara jūntemainaein abe

pia peexanae cuiru coyenein tatsi. <sup>29</sup> Daxota paca tsi-paebatsi barapo uva mera jopa equeicha paca baru apae tsainchi anoxuae. Meisa abu bexa tsane equeicha pena coyenewatha paca baru apaeinchi, barapo uva mera poxonae Nacom neexanaena xua itorobiya ewatsin jiwi, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús*

*(Mr 14.26-31; Lc 22.31-34; Jn 13.36-38)*

<sup>30</sup> Poxonae Jesús pijimonae baru najume weta xua naxuna Nacom nexa, bapoxonae Jesús pijimonae baru pona demxuwa beya. Barapo demxuwa pewun demxu Olivowa, olivo naein peumenaexae baxota. <sup>31</sup> Nexata Jesús barai pijimonae, jeye:

—Anoxuae barapo merawithe daxita pam pana necuentarucupaename, tapaca urapentsixaetsi tsainchi. Baxua paexanaename tsipei Nacom Pejume Diwesitha paca yabara cui tsiwunaeya jeye: ‘Poxonae ovejamonae peewatsin bexubinchi, bapoxonae ovejamonae tsanarucupaena’, jei Nacom. Penamchixae poxonae ichamonae newaetabina tana nebexubinexa pana necuentarucupaename. <sup>32</sup> Ichitha taeyarapaeyo poxonae equeicha asu neexanaena, bapoxonae paca tsiwana patopiyaeinchi Galilea nacua beya poxonae bara beya paponaeiname, jei Jesús.

<sup>33</sup> Nexata Pedro Jesús jume notatsi, jeye:

—Bequein ichamonae cacuentarucupaena jinya neuraxubixae nama xan bapana jopa cacuenta naetsiricuae tsainchi tana neuraxubixaemxae, jei Pedro.

<sup>34</sup> Nexata Jesús Pedro jume baraichi, jeye:

—Bara xainyeya catsipaebatsi po merawithe, pewunaeya poxonae beya ainya jume cuiyobetha wacara pebto

fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>35</sup> Pedro Jesús baraichi:

—Bara bequein capuna t̄paeinchi ichitha baxua jopa cayabara paebi tsainchi, jei Pedro.

Īr̄r̄u daxita Jesús pijimonae tatsi bara jumichi, nanta j̄r̄piya paeba.

*Meje poxonae Jesús Paxa tsipaeba ichaxota tsica iriyo, po iriyo pew̄n Getsemaní*

*(Mr 14.32-42; Lc 22.39-46)*

<sup>36</sup> Nexata Jesús pijimonae bar̄u patopa ichaxota tsica iriyo, po iriyo pew̄n Getsemaní. Baxota Jesús barai pijimonae, jeye:

—Xote ab̄u paenare tha matha Taxatha tsipaebichi painya cuariyatha xotiye, jei Jesús.

<sup>37</sup> Jesús bar̄u pona Pedro. Īr̄u Zebedeo pexantobe tatsi Jesús bar̄u pona. Bapoxonae Jesús bichocono unth̄uth̄u wecoyei, yawa bichocono unth̄uth̄u deideije. <sup>38</sup> Nexata barapo acoibi poyobetha Jesús barai, jeye:

—Bichocono j̄nt̄u coyene natsepiya wecoyan, tsipei muxu tat̄pae. Xote paenare, yawa payoyocare xua painya tana nebar̄u naitaewatsinexam, jei Jesús.

<sup>39</sup> Nexata Jesús equeicha tsiwiyo dabe natsixitabiya, irabe tauncuareca tsipei jopa juniya aj̄nt̄utaneyo. Bapoxonae Jesús Paxa tsipaeba, jeye:

—Axa, icha ichichipame xua tana neyawenaewam tsane, newepire pocotsiwa anth̄uth̄utane neexana. Ichitha jopa necana exanaeinde xua pocotsiwa ichichipan, saya jame necana exande xua pocotsiwa ichichipame, jei.

<sup>40</sup> Nexata Jesús equeicha caibe iya pijimonae tatsi beya poyobe xua acoibi poyobe, ichitha barapomonae maita. Jesús Pedro baraichi, jeye:

—Maisa jopa paca itacupaeyo xua pata tana nebaru yoyocaewam xua poxonae bequein bara cae horatha.

<sup>41</sup> Maisa payoyocare. Nacom patsipaebare xua jopa abe painya neexanaewa tsane poxonae caurimonae pia pentacaponaein tatsi piraichi paca juntu coyene jujuta. Painya juntu coyene wetsina bichocono paichichipame xua Nacom painya netsipaebiwa ichitha painya pepon bichocono paacoyenetaetabim xua painya netsipaebiwa Nacom, jei Jesús.

<sup>42</sup> Equeicha Jesús bara nama caeto pona xua Paxa petsipaebinexa. Poxonae Paxa tsipaeba, jeye:

—Axa, icha jopa ichichipaem xua tana newepichiwam, pocotsiwa neajuntutane exana, bara jopa necana exanaeinde xua pocotsiwa ichichipan saya jame necana exande xua pocotsiwa ichichipame, jei Jesús.

<sup>43</sup> Bapoxonae equeicha Jesús pijimonae beya pona xua acoibi poyobe daichitha barapo acoibi poyobe came maitumena, tsipei bichocono itata tsacatsaquei xua ita-maipana. <sup>44</sup> Bara nexata Jesús equeicha saya cuentapona. Equeicha Jesús pona xua Paxa petsipaebinexa xua equeicha acoibi po cuiyobetha, barapo jumetha equeicha Jesús Paxa tsipaeba. <sup>45</sup> Nexata equeicha Jesús pona pijimonae tatsi beya. Bapoxonae barai pijimonae, jeye:

—¡Moya bara painya nepu maitumenaeinde aunxuae jopa Nacom patsipaebim xua painya nepaca cayawenaenexa! Bayatha tsuxubiba, po horatha poxonae xua xan ponxaein Nacom Tananeitapetsin ichun necaenetaxubina ichamonaetha, pomonaetha pomonae peantu-coyenebe jiwi. <sup>46</sup> Panacosapende, panonobapondeno.

Antha bu poinchi. Dota dawerena pon necaenaetaxubina ichamonaetha, jei Jesús pijimonaetha.

*Meje yabara poxonae Jesús waetabatsi*

*(Mr 14.43-50; Lc 22.47-53; Jn 18.2-11)*

<sup>47</sup> Poxonae Jesús cataunxuae tsipaebuncua pijimonae bapoxonae Judas patopa. Bapon Judas doce poyobe jiwana caein, xua Jesús pepa pijimonae tatsi. Judas pinmonae baru patopa. Ichamonae cusin cajjinca. Ichamonae iwabi cajjinca. Daxota daxita barapomonaepata, tsipei sacerdotemonae pia pentacaponae tatsi iru pitiri jiwiru daxita barapo pentacaponae itoroba barapomonaepata. <sup>48</sup> Judas, pon Jesús caenaetaxubinchi, pewunaeya tsane xua poxonaepatopa bapon cou tsiwanaya paeba barapo pin bicheittha, cou jeye: “Pon tsutsubin, bapon apara barapo pebin, nexata moya pawaetabare bapon”, cou jei. <sup>49</sup> Daxota poxonaepatopa, bapoxonae Judas Jesús imoxoyo caquita poinchi, matauta nainya Jesús jeichichi:

—Pon jiwu Pecuidubim, xamda, jei Judas.

Bapoxonae nainya Judas Jesús tsutsubatsi. <sup>50</sup> Nexata Jesús jume nota, jeye:

—Ponxaem tajitom, moya bara exande xua jinya necana exanaetsi, jei.

Nexata barapomonaepomonae Judas pebaru patopaexae barapomonae Jesús imoxoyo caquita umenarucupatsi, bapoxonae Jesús waetabatsi.

<sup>51</sup> Caein pon Jesús pijimonae tatsi jiwana, pon Pedro, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponae tatsi tanacuitatsi, bapon muxuyoro catsonibatsi. <sup>52</sup> Nexata Jesús barai pijimonae jiwana jitontha, pon Pedro, jeye:

—Maisa cusi jeinca pentacuerutha. Tsipei pon ba cusitha namawainta, bapon ba xuya bexubinchi cusitha. <sup>53</sup> ¡Maisa xam jopa yaputaem! Icha ichichipan bara neitacupa xua Taxatha tawucaewa, xua nainya inta peitorobinexa pia matatsunpiwi xua bichocono ayei pin bicheitomonae xua tana neyawenaewa tsane. <sup>54</sup> Icha Taxa wucaetsipan xua bapon tana neyawenaewa tsane bapoxonae jopa neyabara jume cui wetsipae po coyene bayatha Nacom Pejume Diwesitha neyabara paeba, po coyene xua tana newaetabiwa tsane xua tana nebexubiwa tsane, jei Jesús.

<sup>55</sup> Nexata Jesús barai pomonaetha pomonae Judas baru patopa, jeye:

—Pacapatame cusin yawa iwabi be poxonae pacana ichim pontha pon jiwi pecaibin. Daxita maticabin Nacom pin pia botha tatsi paca baru poponeibatsi, paca cuidubeibatsino, daichitha bapoxonae jame jopa pana newaetabim. <sup>56</sup> Ichitha daxita baxuan neyabara canacui jume weta exana, bayatha penecui yabara wuna tsiwanaya paebixae pomonae Nacom peitorobi jume pepae-biwi, Nacom Pejume Diwesitha, jei Jesús.

Bapoxonae Jesús cuentarucupatsi pijimonae, meisa Jesús baru umeinchi pomonae Judas bayatha baru patopa.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi (Mr 14.53-65; Lc 22.54-55, 63-71; Jn 18.12-14, 19-24)*

<sup>57</sup> Pomonae Jesús teicatsi barapomonae Jesús capoinchi pon pewun Caifás itabaratha tatsi. Bapon Caifás, pon sacerdotemonae pia pepa pentacaponaein tatsi pon peainya cuin yatsicaya. Baxota iru nanacaetuta pomonae judiomonae pecuidubiwichi Moisés pia peitorobi coyene tatsi, iruru pitiri jiwi pomonae judiomonaexae. <sup>58</sup> Iru Pedro Jesús tsiwiyo tajü pu taetae tsiniyatsi beya poxonae



patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae imoxoyo naeca policiamonaetha pecui taenexa xua po coyeneya Jesús cana exanaeinchi pomonae nacaetuta.

<sup>59</sup> Sacerdotemonae pia pentacaponaeawi tatsi iru ichamonaeno, pomonae pecanamata caitorobi jiwi bicheito, daxita barapomonae jeita ichamonae pomonae xua Jesús naerabiya peyabara paebinxatsi pocotsiwa xua Jesús paeba xuano xua exana, pia barapo jumetha paebichi xua bara Jesús tupa peexanaewa tsainchi. <sup>60</sup> Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi bicheito, came jopa xeinaeyo po jume naemata jume tsita itapeinya xeina pocotsiwa xua Jesús paeba xua barapo jumetha Jesús pebexubinexatsi. Matapainya bapoxonae pebinbe nacueyatabe patopabe. Baponbe Jesús abeya yabara paebatsibe. <sup>61</sup> Baraponbe jeibe Jesús yabara:

—Bapon namchi: ‘Neitacupa xua Nacom pin pia bo abe taexanaewa. Bapoxonae equeicha acoibi po matabibibe barapo Nacom pin pia bo tatsi xanebin’, jei, jeibe baponbe.

<sup>62</sup> Nexata bapoxonae sacerdotemonae pia pepa pentacaponaein tatsi asiya uncuataba yawa bapoxonae Jesús baraichi, jeye:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei sacerdotemonae pia pepa pentacaponaein tatsi.

<sup>63</sup> Daichitha saya Jesús moya uncua. Daxota bapoxonae sacerdotemonae pia pepa pentacaponaein tatsi Jesús baraichi, jeye:

—Caitorobatsi Nacom peitabaratha tatsi, pon asu pona. Yatsicaewa paebiname pocotsiwa bara xainyei

nepaebiwa. Incane pana netsipaebare. ¿Bara yat-sicaya xam Mesías, pon Nacom Pexantom, pon Nacom necaitorobin? jei.

<sup>64</sup> Jesús jume nota, jeye:

—Aa, xuaunxuae bara paebame. Paca tsipaebatsi xua pana netaename xan ponxaein Nacom Tananeitapetsin Nacom pia pexoxa weya tatsi ecaein pon peayapusu itorobi coyenewa pexeinaein. Matautano pana netaename poxoxae equeicha patopeicaein tsaquinaebowantha xua peitaboco wetsica, jei Jesús.

<sup>65</sup> Nexata bapon pon sacerdotemonae pia pepa pentacaponaein tatsi pin anaetha anaya paparuwa nata tsitsinaxuba. Bapoxonae jeye:

—Po jumetha xua bapon paeba barapo jume Nacom tsita abetsi. Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebiwatsi. Bapon natsiaenae exana abe pepaebixae barapo jume poxoxae Nacom Pexanto najainta. Paxam bara pajume taneme pocotsiwa bapon paeba, pocotsiwa Nacom jopa ichipaeyo. <sup>66</sup> ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo bicheito po bicheito baxota ena, jeye:

—Bara xainyeya paebame. Jesús abe pia pepaebixae Nacom tsitatsi xua bapon tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

<sup>67</sup> Poxonae barapomonae Jesús itacuere cutatsi, bapoxonae peonetha Jesús itabara subabatsi, yawano butsinno. Ichamonae Jesús itabara tsaquibacotatsi. <sup>68</sup> Bapoxonae barapomonae Jesús baraichi:

—Xam jam: ‘Xan Mesías’, jam, incane pana netsipaebare: ¿Jintam caitabara tsaquibobara xua bequein paca itacuere cutatsi? jei barapomonae.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús (Mr 14.66-72; Lc 22.56-62; Jn 18.15-18, 25-27)*

<sup>69</sup> Poxonae cataunxuae Jesús cana exanompatsi bapoxonae iruru Pedro panatha eca xua pesato beya. Bapoxonae iruru yabuyo, powa sacerdotemonae pia pepa pentacaponaein tatsi tanacuitatsi, bapowa Pedro imoxoyo caquita poinchi. Bapowa Pedro jeichichi:

—Apara xam bayatha iruru napuna poneibame Jesús, pon Galilea nacupin, jei yabuyo.

<sup>70</sup> Ichitha Pedro jume matawenta bapowa, daxita jiwi peitutha tatsi. Pedro jeye:

—Jopa yaputaeinyo pocotsiwa xua yabara paebame, jei Pedro.

<sup>71</sup> Poxonae cataunxuae Pedro ecapona xua pia ponaetsi bomuxu coiboto beya, bapoxonae iru ichawayo Pedro tainchi. Barapowa tsipaeba ichamonae pomonae baxota iru umena, Pedro yabara paebatsi, jeye:

—Apara bapon, pon napuna poponeiba Jesús pon Nazaret tomarapin, jei barapowayo.

<sup>72</sup> Equeicha Pedro jume matawenta, jeye:

—Bara xainyan jan. Jopa dapon yaitaeinyo pon aunxuae payabara paebame, jei Pedro.

<sup>73</sup> Equeicha bapoxonae pirapaeyo Pedro imoxoyo caquita poinchi pomonae baxota umena. Barapomonae Pedro jeichichi:

—Apara bara xam iruru bapon pijimonae tatsi jiwanam, daxota barapo jume coyeneya paebame, icha barapomonae ichi, jei.

<sup>74</sup> Nexata Pedro daunweya jeye:

—Bara Nacom peitabaratha xainyeya paca tsipaebatsi pocotsiwa bara xaniwaicha tapaebiwa. Icha jopa xainyeya paca tsipaebichipaetsi metha barabũ Nacom abe necana exanaetsipa. Equeicha paca tsipaebatsi, jopa dapon yaitaeinyo xuaunxuae pon payabara paebame, jei Pedro.

Bapoxonae irũrũ caena nainya wacara pebto fibarũ. <sup>75</sup> Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe, pewũnaeya poxonae wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo, neyabara jam tsane. Bapoxonae irũ nainya wacara pebto fibina’, jeichichi Pedro, xua Jesús paeba. Nexata Pedro pesato bejoniya bichocono wecoyei, peajuntutanexae xua Jesús yabara paebatsi.

## 27

### *Meje yabara poxonae Jesús capoinchi Pilato beya (Mr 15.1; Lc 23.1-2; Jn 18.28-32)*

<sup>1</sup> Poxonae pentha tsina sacerdotemonae pia pentacaponae wi tatsi irũrũ judiomonae pia pitiri jiji tatsi, daxita barapomonae yabara nacaetuta xua nanta jũpaeya peburũya penanta xeinaenexa po coyeneya xua Jesús pebexubiwa tsainchi. <sup>2</sup> Daxita barapomonae equeicha Jesús maxũ cõtatsi. Bapoxonae Jesús yamaxũ cõtasiya capoinchi Pilato beya, pon Judea nacuapiwi peyanacua ewatsinchi xua romanomonae peitorobixae.

### *Meje yabara poxonae Judas pia coutha nabexuba*

<sup>3</sup> Judas Jesús caenaetaxubatsi ichamonaetha. Poxonae bapon jume tane xua ichamonae Jesús yabara paebatsi xua bewa tũpaena abe peexanaexae, poxonae bequein jopa abe exanaeyo, bapoxonae Judas bichocono aura xua Jesús pecaenaetaxubixaetsi. Daxota Judas equeicha

caewa capona barapo treinta po paratiximonaebe. Sacerdotemonaē pia pentacaponaewi catatsi irũũ pitiri jiwi catatsi. <sup>4</sup> Judas barai barapomonaē, jeye:

—Poxonaē pebin caenaetaxuban, xua jopa pon abe exanaeyo, xua poxonaē ichamonaē pebexubinexa xua pejana pichapabarena, xan apara bara abe exanan, jei.

Ichitha barapomonaē Judas jume notatsi, jeye:

—Apara baxua jopa painta ainya cuiyiyo. Jame apara xam jinya coyam poxonaē baxua cana exaname, jei.

<sup>5</sup> Nexata Judas barapo treinta po paratiximonaebe anaya xoya Nacom pin pia botha. Poxonaē Nacom pin pia bo weya pona, bapoxonaē Judas nabexuba pia coutha, nacoibo tathũ catũtaba athawetsica.

<sup>6</sup> Bapoxonaē sacerdotemonaē pia pentacaponaewi tatsi nota po paratixi Judas bebaya. Bapoxonaē barapomonaē najei:

—Jopa naca copatsiyo xua barapo paratixi bara waje-binexa Nacom pin pia botha tatsi nexa. Tsipei apara barapo paratixi taxoba poxonaē barapo paratixitha comotatsi pebin xua ichamonaē pebexubinexa, xua pejana pichapabarenaenexa, jei barapomonaē.

<sup>7</sup> Bapoxonaē daxita barapomonaē pebũũya nanta xeinarũcũpa, najei: “Waxainchi barapo paratixitha comotinchĩ tsica iriyo, po iriyotha jiton tsorobon noteiba xua juruwaton peexaneibinexa. Barapo iriyotha tsane xua pemũthũthũqueibinexa tsainchi poxonaē werapeibina pomonaē penanapaincha jinompaewi xua icha nacua werena peponaewi”, najei. <sup>8</sup> Daxota barapo iriyo barapomonaē wũn duta po wũn jeye: “Pejana ira”, jei. Po iriyo barapo wũnthã cataunxuae jiwi wũn ununutapona beya anoxuae. <sup>9-10</sup> Baraxua barapomonaē exana xua bayatha pecui yabara tsiwũnaeya wũnae tsimuxu dutsiya jeixae pon Nacom peitorobi jume pepaebin, pon pewũn

Jeremías pon caena bayatha tupa. Bapon Jeremías jeye: “Israelmonae pia pentacaponae tatsi catsina treinta po paratiximonaebe ichuntha xua poxonae pecaenaet-sixae tsainchi pon pejuntũ coyene xeicaein. Barapo matomatha cana matomatsinchi pon pejuntũ coyene xeicaein. Barapomonaebaxua cana exanaena bapontha tsipei barapomonaebẽbrũya nanta xeinarũcupa pecana matomatsinexa. Bapoxonaebẽqueicha barapomonaebẽcaewa pichina barapo treinta po paratiximonaebe. Barapo paratixitha barapomonaebẽiriyocomotsina, po iriyotha jiton tsorobon noteibina xua exaneibina juruwaton. Baxua bara barapomonaebẽexana be pocotsi coyeneya Nacom pon jiwĩ Pecanamataxeinaein nejume cui itoroba”, jei Jeremías.

*Meje yabara poxonaebẽJesús uncua Pilato peitabaratha tatsi (Mr 15.2-5; Lc 23.3-5; Jn 18.33-38)*

<sup>11</sup> Jesús cataunxuae uncua Pilato peitabaratha, pon Judea nacuapiwi peyanacua ewatsinchi. Bapon Pilato Jesús yainyabatsi, jeye:

—¿Bara yatsicaya xam judiomonaebẽitorobiya pia pepa Neewatsin? jei.

Jesús jume nota, jeye:

—A, xuaunxuae paebame bara baxua apara, jei Jesús Pilato beya.

<sup>12</sup> Sacerdotemonaebẽpia pentacaponae tatsi irũ judiomonaebẽpia pitiri jiwĩ tatsi, daxita barapomonaebẽJesús abeyabara paebatsi xua pinaebẽabexana. Daichitha Jesús jopajume barabotsiyo barapomonaebẽ. <sup>13</sup> Nexata daxota Pilato Jesús baraichi, jeye:

—¿Jopajume taem pocotsiwa barapomonaebẽbichocono abeyabara paeba? jei.

<sup>14</sup> Ichitha Jesús jopajume notsiyo Pilato xua pocotsiwa ichamonaebẽJesús abeyabara paebiwatsi xua mataũta

cae jume coyenewatha jopa jume notsiyo. Daxota Pilato bichocono yabara nantũ coyene cui cabenaeca baxua.

*Meje yabara poxonae Pilato jume barũ* jejei xua Jesús bara pebexubiwa tsainchi ichamonae

(*Mr 15.6-20; Lc 23.13-25; Jn 18.38-19.16*)

<sup>15</sup> Bara nama, Pilato ba pia cui xeina poxonae ba jiwi tsinacaetuta pexaewa penanabanaenexa. Barapo matacabitha Pilato ba caein jiwana pu sotaba pomonae jiwi pecubi botha peenaewi. Pilato ba pu sotaba pon ba jiwi itapeta cowai xua Pilato peisanaxubinexa. <sup>16</sup> Barapo jiwi pecubi botha irũrũ eca pon bichocono abe peexanaein, pon peyaputaecinchi daxita jiwi poxonae abe exaneiba. Bapon pewũn Barrabás. <sup>17</sup> Poxonae jiwi nacaetuta, Pilato barai barapo jiwi, jeye:

—¿Eta pon pu sotabocuaein? ¿Metha Barrabás jampa? ¿Metha Jesús jampa, pon Mesías baraichi? jejei Pilato.

<sup>18</sup> Baxua Pilato paeba tsipei bapon yaputane xua pomonae pecanamata caitorobi bicheito, Jesús peuwix-aetsi, caenaetaxubatsi Pilatotha.

<sup>19</sup> Poxonae Pilato cataunxuae pia peecaethopeibiwatha eca xua Jesús peyabara paebinexatsi penatsicuentsiwa bapoxonae Pilato piowa tatsi najume caitoroba ichũntha xua jeye: “Jopa copatsinde xua bapon pebexubinexatsi ichamonae, tsipei apara bapon pejũntũ coyene xeicaein. Yaitama tsipei merawi bapon camaitan daxota bichocono anthũthũrewein, tsipei bapon dacotsiwa bexotsi”, jejei bapon xua Pilato piowa tatsi najume caitoroba.

<sup>20</sup> Ichitha sacerdotemonae pia pentacaponae tatsi, irũrũ judiomonae pia pitiri jiwi tatsi, daxita barapomonae jiwi cui tsacarabatsi, xua barapo jiwi Pilato pecui itorobinexatsi xua Barrabás pepu sotabinexatsi, mataũtano xua Jesús pebexubinexatsino. <sup>21</sup> Bapon Pilato equeicha barai jiwi, jeye:

—¿Eta pon pu sotabocuaein caein xua baponbe jiwana? jei. Barapomonaе Pilatotha jeye:

—Maisa Barrabás pu sotabare bara, jei barapomonaе.

<sup>22</sup> Equeicha Pilato yainyaba barapomonaе, jeye:

—¿Eta xua cana exanocuaein Jesús pon Mesías baraichi? jei.

Nexata pinmonaе Pilato jume daunweya jume notatsi, jeye:

—¡Bewa maisa naetotha t̄parucua exanaem! jei barapomonaе.

<sup>23</sup> Nexata Pilato jume barai, jeye:

—¿Eta pocotsiwa xua metha jane xua abe exana? jei.

Equeicha daumetha barapomonaе jume daunweya jeye:

—¡Bewa maisa naetotha t̄parucua exanaem! jei.

<sup>24</sup> Poxonaе Pilato yaputane xua nama taabichiba pocotsiwa bapon pepaebinxaxa picoya, xua peajumet-sacaxaе barapomonaе, daxota Pilato itoroba ichun xua petaxawenaenexa tsainchi mera. Bapoxonaе barapo meratha nacobe quiataxuba barapo jiwi peit̄tha tatsi. Bapoxonaе bapon namchi, jeye:

—Xan apara jopa tacoutha bexuba exanaeinyo bapon xua daxota pejana pichapabarena pon jopa bequein abe exanaeyo. Poxonaе nacobe quiataxuban meratha, baxua tsita itapeinya xeinan xua apara jopa tacouthinyo. Apara jame painya coutha pam poxonaе bexuba paexaname pon abe jopa exanaeyo, jei Pilato.

<sup>25</sup> Daxita barapomonaе equeicha namchi, jeye:

—¡Paxan iru pata tamomoxi susato jiwi pata coutha pan apara xua bapon bexotsi paexanan! jei daxita barapo jiwi.



<sup>26</sup> Nexata Pilato nama pu sotaba Barrabás. Bapoxonae itoroba xua soldadomonae bara Jesús moya bi-chocono pecuainchinexatsi pocotsiwatha eewa xua bi-chocono amüpiya xua xota ba jiwi cuainteibatsi poxonae abe exaneiba. Matautano itorobano xua moya bara Jesús tûparucua exanaeinchi naetotha.

<sup>27</sup> Bapoxonae soldadomonae Jesús capoinchi Pilato pia bo tatsi beya po soldadomonae yapu eena Pilato pia bo tatsi. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi. <sup>28</sup> Bapoxonae Jesús pia paparuwa juma xuenatsi yawa juma xatatatsi icha paparuwa, po paparuwa tsobia xua Jesús be pecana exanaenexatsi pon jiwi itorobiya pepa Peewatsinchi. <sup>29</sup> Bapoxonae cuane tepa xua pee tepa, yawa bapoxonae Jesús canamitonsiya mata xatatatsi baxua xua cana exanatsi icha be ichi pon jiwi itorobiya pepa peewatsin poxonae mata xatatatsi tepa. Matautano Jesús cobenatsi naewa icha be ichi pon jiwi itorobiya pepa peewatsinchi poxonae naewa cobenatsi poxonae itoroba jiwi. Bapoxonae Jesús peitabaratha tatsi pentabocototha taenatsi xua Jesús naerabiya pebaru cui itura jinaenexa tsainchi. Bapoxonae Jesús cui caponatsi, jeye:

—¡Jaco judiomonae itorobiya pepa Neewatsim! jei barapomonae xua Jesús canamitontatsi.

<sup>30</sup> Matautano Jesús yabara naone subabatsi. Matautano Jesús cobe wepitatsi naewa. Bapoxonae barapo naewatha Jesús mata cuaintatsi. <sup>31</sup> Poxonae Jesús canacui wetatsi xua cui caponatsi, equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua tûparucua peexanaenexatsi naetotha.

*Meje yabara poxonae Jesús tɔparucua exanatsi naetotha (Mr 15.21-32; Lc 23.26-43; Jn 19.17-27)*

<sup>32</sup> Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin. Bapon pewɛn Simón. Bapoxonae barapo soldadomonae Simón itorobatsi xua pecaponaenexa Jesús pia naeto tatsi, po naetotha tɔparucua peexanaenexatsi Jesús.

<sup>33</sup> Bapoxonae Jesús barɔ patatsi ichaxota po uruto be jiton matasipa piwa. Daxota barapo uruto jiwi wɛn unuta “Gólgota”, jei. <sup>34</sup> Baraxotiya Jesús apatatsi vino mera, po vino mera equeicha muxuna epareca hiel mera matawɛn po mera bichocono atsu wɛwa. Poxonae Jesús mene pana, bapoxonae Jesús aichaxaibi apa barapo mera.

<sup>35</sup> Poxonae Jesús canacobe wetatsi xua naetotha tɔparucua exanatsi, bapoxonae soldadomonae nata tsaba Jesús pia paparuwan tatsi. Barapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi. <sup>36</sup> Nexata barapo soldadomonae Jesús yapu caenatsi poxoru jopa ichipaeyo xua Jesús pepanepaewa tsane. <sup>37</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa Peewatsinchi”, jei barapo petinadutsiwa xua napaewatha tinaduta.

<sup>38</sup> Irurɔ ponbe jiwi pecaibinbe tɔparucua exanatsibe naetotha ichaxota imoxoyo Jesús ducua. Ichɛn Jesús petsocona wetauncuiyatsi, ichɛn pecoxa wetauncuare-natsi. <sup>39</sup> Pomonae Jesús xentapoinchi barapomonae Jesús cui capoinchi, yawa Jesús yabara itata naichaquebatsi. <sup>40</sup> Barapomonae Jesús jeichichi:

—Xam bayatha jam: ‘Nacom pin pia bo abe exanaein, bapoxonae equeicha acoibi po matabibe xaneibin’, jam.

Moya bara jinya coutha nacapanepare naeto wetsica icha bara metha Nacom Pexantom tatsim, jei barapomonaе.

<sup>41</sup> Iruru barichi sacerdotemonaе pia pentacaponawewi tatsi iruru pomonaе jiwi pecuidubiwi Moisés pia peitorobi coyene tatsi iruru judiomonaе pia pitiri jiwi tatsi, daxita barapomonaе Jesús cui capanatsi. Daxita barapomonaе najei:

<sup>42</sup> —Bapon cain capanepibabei ichamonaе, came jopa nacapanepaeyo. Icha bara bapon israelmonaе itorobiya pia pepa Peewatsinchi, bu bapon pia coutha naeto wetsica ecoinca, xainya bapoxonaе jume cowuntatsi. <sup>43</sup> Bapon jume cowanta Nacom, xua bepa pinae capanepaeinchi, xua Nacom capanepaena. Icha Nacom ichichipa, bu bara moya capanepaena, tsipei caena bayatha naca jei: ‘Apara xan Nacom Pexanton’, naca jei, jei barapomonaе.

<sup>44</sup> Barichiru baxua paeba ponbe jiwi pecaibinbe, ponbe xua iruru cobe matatabarutatsibe naetotha. Baponbe iruru Jesús cui caponatsi.

*Meje yabara poxonaе Jesús tupa*

*(Mr 15.33-41; Lc 23.44-49; Jn 19.28-30)*

<sup>45</sup> Poxonaе Jesús cataunxuae ducua naetotha, bapoxonaе daxita nacuantha bichocono aitaquiri xua poxonaе mataeinyaxae weya, beya yatabopiya. Tres po horabe quirei tsuncuae. <sup>46</sup> Bapoxonaе Jesús jume daunweya wawai, jeye: “Elí, Elí, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>47</sup> Ichamonaе pomonaе Jesús baxota jume taeumeinchi, barapomonaе jeye:

—Pajume taema. Bapon waba, Elías wabatsi, pon Elías Nacom peitorobi jume pepaebin, pon caena bayatha tupa, jei.

<sup>48</sup> Bapoxonae caein nainya cuinaepoinya pon barapomonae jiwana yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, bapoxonae naewatha duta xua Jesús petayoichaenexatsi xua peapaenexa. <sup>49</sup> Ichitha ichamonae namchi, jeye.

—Abꞏ, abꞏ jopa apatsinde. Waxainchi abꞏ matha taeinchi icha Elías patopeicaena xua bapon pecapanepaenexatsi, jei barapomonae.

<sup>50</sup> Equeicha Jesús jume daunweya wawai, bapoxonae nama tꞏpanaicha Jesús. <sup>51</sup> Bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica ainya epatobe naexanabe. Matautano ira jijiyataxuba, matauta ibo wacapouna. <sup>52</sup> Po mꞏthꞏntha pomonae pewerapeibiwi bobena, barapo mꞏthꞏn coibo tupa wacapouna pocotsiwa coibo xatababanoba xua pin ibo panawan. Barapo mꞏthꞏntha cataunxuae abꞏ saya bobena pomonae caena bayatha werapa. Pirapaeyo acoibi po matacabiyoibe poxonae Jesús asꞏ juina exanatsi, xua Nacom exana, bapoxonae irꞏꞏꞏ pomonae bayatha pejume cowuntsiwichi Nacom pomonae xua bayatha pewerapaexae barapomonae irꞏ asꞏ jujuina exanatsi xua Nacom exana. <sup>53</sup> Bapoxonae daxita barapomonae mꞏthꞏ we-iyiya. Daxita barapomonae, Jerusalén tomara beya pona po tomaratha xeina Nacom pin pia bo tatsi. Barapomonae naituta pinmonaetha Jerusalén tomarapiwitha.

<sup>54</sup> Bapoxonae soldadomonae pomonae Jesús yapu enatsi irꞏꞏꞏ barapo soldadomonae pia pentacaponaein tatsi, pon romanomonaepin poxonae daxita barapomonae tane xua ira jijiyata yawa xua tane ichawanno, bapoxonae barapomonae bichocono junuwa. Bapoxonae barapomonae jeye:

—¡Apara bara yatsicaya bapon Nacom pepa Pexanto tatsi! jei barapo soldadomona.

<sup>55</sup> Barichi iru ainyawaxi yabuxi, barapowaxi Jesús tsi-wiyo tajü wetaeumeinyatsi. Barapowaxi Jesús bayatha matha puna jinompatsi xua poxona Galilea nacua weya pona xua Jesús peyawenaenexatsi. <sup>56</sup> Barapowaxi jiwana, ichowayo pewun María Magdalena, powa Magdala tomarapiwayo. Ichowayo pewun María, Santiago iru José baponbe penabe tatsi. Ichowayo pewun Salomé bapowa Zebedeo piowa tatsi, xua iru bapowa Santiago iru Juan baponbe pena tatsibe.

*Meje yabara poxona Jesús petupaein ibo muthutha yauxatatabotatsi*

*(Mr 15.42-47; Lc 23.50-56; Jn 19.38-42)*

<sup>57</sup> Poxona quirei tsanaicha, pebin patopa ichaxota Jesús naetho thaparucua. Bapon copei pexeinaein. Bapon pewun José. Bapon Arimatea tomarapin. Matauta bapon iru Jesús pia pepuna jinompaewichi jiwana tatsi pomona Jesús pia pejume cowuntsiwichixaetsi. <sup>58</sup> Bapon pona Pilato beya pewucaenexa xua Jesús petupaein. Nexta Pilato najume caruta xua bara José pecatsinexatsi Jesús petupaein. <sup>59</sup> José nexata pita Jesús petupaein. Bapoxona pena paparuwatha mata quiyontabareca xua pexeinya paparuwa. <sup>60</sup> Bapoxona José muthu iya Jesús botatsi pena ibo muthutha, po muthu bequein José pia muthu tatsi xua poxona petupaewa tsane. Poxona José nacobe weta xua yauxatatabota pin ibo panawatha, bapoxona ponataba. <sup>61</sup> Baxotiya ibo muthu itapatha eca María Magdalena, powa Magdala tomarapiwayo. Iru ichowayoru María baxota naeca.

*Meje yabara poxona Pilato itoroba soldadomona xua Jesús peyamuthu eenaenexa tsainchi*

## SAN MATEO 27:62206SAN MATEO 27:66

<sup>62</sup> Icha matabitha po matabitha pentaquei seica matabi bapoxonae sacerdotemonae pia pentacapon-  
aewi tatsi iruru fariseomonae daxita barapomonae pona  
Pilato beya. <sup>63</sup> Barapomonae Pilato jeichichi:

—Pon pata Tanecanamataxeinaem, pananta xeinan xua  
barapo pemuxitorobin poxonae cataunxuae popona,  
pana tsipaeba, jeye: ‘Poxonae acoibi po matabibe tsux-  
ubi tsane equeicha asun tsane petupae coyene cuiru  
weya’, pana jei bapon. <sup>64</sup> Daxota xam itorobare solda-  
domonae xua xaniwaicha peyapu eenaenexa muthu  
xua beya poxonae acoibi po matabibe tsuxubi tsane.  
Baxua exande xua jopa pepatsinexa tsane muthu beya  
Jesús pia pepuna jinompaewichi, tsipei bu merawi bara-  
pomonae pichapa Jesús pia pepon. Tsipei pirapae naer-  
abichipa jiwitha jei tsipae: ‘Bayatha equeicha asu exanatsi  
petupae cuiru coyene weya’, jei tsipae xua Jesús yabara  
naerabatsi. Barapomonae baxua naerabichipa jiwitha,  
baxua bichocono abe tsipae, beyacaincha poxonae Jesús  
bayatha pocotsiwa paeba xua pemuxitorobiwa, jei bara-  
pomonae.

<sup>65</sup> Pilato barai barapomonae, jeye:

—Bara moya pataema. Moya panore soldadomonae.  
Moya muthu beya pabarú ponde. Paexande pocotsiwa  
panantawenoname xua bu moya barapo soldadomonae  
xaniwaicha yapu eenaena, jei Pilato.

<sup>66</sup> Nexata barapomonae iru soldadomonae bara be-  
iyiya. Bapoxonae muthu coibo daunwei exananota. Bi-  
chocono barapomonae cateitabanota xua pin ibo panawa  
xua muthu boupa ata. Matautano bichocono bara-  
pomonae pemacatha epatautarena boupa cutabarena  
barapo peboupa patsiwa, xua peyaputaenexa icha ichun  
namicha patopa xua pecaibinexa Jesús petupaein. Bapox-  
onae barapomonae cuentadendena soldadomonae xua

barapo soldadomonaē peyapu eenaenexa m̄th̄n̄.

## 28

*Meje yabara poxonaē Jesús equeicha as̄u juina exanatsi pet̄upae cuiru coyene weya*

*(Mr 16.1-8; Lc 24.1-12; Jn 20.1-10)*

<sup>1</sup> Poxonaē po pentaquei seicaē matacabi yapu caewaba, bapoxonaē matacabi jopa po matacabi xua nanta carucua xua cae semanatha xua penacuichi matacabi. Barapo mataqueitha María Magdalena, powa Magdala tomara-piwayo ir̄u ichawayo María, barapowayobe caem̄m̄-botha siwa ponabe m̄th̄n̄ ichaxota Jesús yam̄th̄n̄ uncua. <sup>2</sup> Bapoxonaē nainya ira jijiyataxuba tsipei Nacom itoroba matatsunpin xua peitaboco wetsica pona. Barapo matatsunpin yaupataxubanota barapo pin ibo panawa. Bapoxonaē barapo ibo panawatha ecopiya. <sup>3</sup> Barapo matatsunpin bichocono daedaena icha be yam̄x̄x̄ coicha ichi. Paparuwa bichocono inyapana. <sup>4</sup> Poxonaē soldadomonaē baxua taer̄uc̄pa bichocono cuitaya jijiyei tsur̄uc̄paē, mexeya poxi werapa iratha bobena, tsipei bichocono junuwa. <sup>5</sup> Barapo matatsunpin namchi barapowayobetha, jeye:

—Jopa pajunuwindebe. Bara yaputan xua pawenawenambe Jesús xua painya taetsibe, pon t̄upa exanadutatsi naetotha jiwi. <sup>6</sup> Xote apara bapon aibi. Apara bayatha equeicha as̄u juina exanatsi pet̄upae cuiru coyene weya, xua caena bayatha painya nepaca catsipaebixae. Incane anetha xote, pacou taemabe ichaxota bapon pet̄upaein botatsi bayatha. <sup>7</sup> Nainya papondebe weye, patsipaebarebe Jesús pijimonaē tatsi. Pajandebe: ‘Bara bequein bapon bayatha t̄upa ichitha equeicha as̄u juina exanatsi pet̄upae cuiru coyene weya. Bapon copiya paca tsiwana ponaena Galilea nacua beya. Baxotiya bapon pataename,

pana nejei matatsunpin', pajandebe Jesús pijimonaetha. Poxonae bapon pataename, bapoxonae payaputaename xuaunxuae paca tsipaebatsi bara apara xaniyei, jei matatsunpin.

<sup>8</sup> Bapoxonae barapo yabꞑyobe mꞑthꞑ weya nainya pontababe. Junuwiya jꞑntꞑ coyene weiweinabe. Barapowayobe cuinaepoinyabe Jesús pijimonaetha tatsi beya xua diwesi caponabe pocotsiwa matatsunpin paeba. <sup>9</sup> Poxonae barapowayobe epathotha cataunxuae cuinaecaponabe bapoxonae Jesús jemeicha uncuataba barapowayobe pia xantha tatsi. Jesús jeye barapowayobetha: "Jaco", jei Jesús. Barapowayobe imoxoyo caquita ponabe Jesththa bapoxonae pentabocototha uncuabe yawa taxu waetababe xua Jesús wꞑnae pejainchinexatsi. <sup>10</sup> Jesús barai barapowayobe, jeye:

—Jopa pana necunuwindebe. Paponarebe tajiwiwimonae beya. Patsipaebarebe pajandebe: Jesús paca itoroba bepa pinae paponae Galilea nacia beya. Bepa pinae baxotiya pataem, pajandebe, jei Jesús.

*Meje yabara poxonae soldadomonaetha naerabiya paeba, jeye: "Jesús pijimonaetha petꞑpaein pitatsi", jei*

<sup>11</sup> Poxonae barapo yabꞑyobe cataunxuae namtotha ecaponabe, bapoxonae icha soldadomonaetha jiwana, po soldadomonaetha Jesús yamꞑthꞑ eenatsi, barapo soldadomonaetha tomara beya pona. Matautha sacerdotemonaetha pia pentacaponae tatsi tsipaebatsi daxita pocotsiwa xua xuan tane. <sup>12</sup> Barapo sacerdotemonaetha pia pentacaponae tatsi pona pitiri jiwi beya xua caemonaetha peyabara natsipaebinxua xua Jesús petꞑpaein yabara. Bapoxonae daxita barapomonaetha soldadomonaetha paratixi nawita catsibatsi xua jiwi naerabiya petsipaebinxatsi. <sup>13</sup> Bapoxonae barapomonaetha soldadomonaetha baraichi, jeye:



—Patsipaebare jiwi xua merawi poxonae pamaitume-name Jesús pijimonaе tatsi pata, yawa xua bapoxonaе petɔpaein pitatsi. <sup>14</sup> Icha Pilato pon peyanacua ewatsin jiwi jume taebina xua Jesús petɔpaein aichurucuae, yawa icha bapon baxua yabara paca yainyabina, bapoxonaе nexata paca yabara jume yawenaеinchi xua bapon jopa paca jutebi tsane, jei barapomonaе.

<sup>15</sup> Nexata barapo soldadomonaе nota paratixi yawa jiwi tsipaeba tsiniyatsi xua sacerdotemonaе pia pentacapon-aewi tatsi peitorobixae. Barapo penaerabi diwesi jume, judiomonaе jume cocowɔntapona. Anoxuae barichi po judiomonaе anoxuae jinompa, jume cocowɔntapona barapo diwesi.

*Meje yabara poxonaе Jesús cui itoroba pijimonaе xua pia diwesi tatsi daxita nacuantha petapaebiwa tsainchi*

*(Mr 16.14-18; Lc 24.36-49; Jn 20.19-23)*

<sup>16</sup> Nexata once poyobe pomonaе xua Jesús pijimonaе tatsi barapomonaе nawibiya Galilea nacua beya. Bapoxonaе barapomonaе demxuwa beya pona, po demxuwa pinaе Jesús caunuta xua pinaе baxota patopaena.

<sup>17</sup> Poxonaе barapo once poyobe baxota Jesús taerɔcupatsi, ichamonaе Jesús wɔnaе jaintatsi, bequein ichamonaе ainya jɔntɔ coyenein xeina xua Jesús xapain beta jopa yabara jume cowɔntichi. <sup>18</sup> Nexata Jesús pijimonaе imoxoyo caquita pona. Bapoxonaе jeye:

—Nacom necata daxita peayapusɔ itorobi coyene xua peitabocotha nexa, matautano po cae pin nacuathe tsiquenexano. <sup>19</sup> Paponare daxita carepaya jiwitha xua daxita nacuantha. Jiwi pacana exande xua tana ne-jume cowɔntsiwa tsane. Daxita pomonaе tana ne-jume cowɔntsiwi pabautisabare. Poxonaе pabautisabame Taxa pewɔn pawɔn taibare, matautano pana newɔn taibare, ponxaein Nacom Pexanton, matautano Nacom

pia Pejumope t̄nax̄ tatsi paw̄n taibare xua barapo acoibi w̄nthabe painya paca nepaca yawenaenexa pia peayapus̄ itorobi coyenewatha. <sup>20</sup> Daxita barapomonae pacuidubare daxita xua xuan pocotsiwa bayatha paca itorobatsi. Matautano painya xoba paj̄ntemainame xua daxita matabin bara ataya paca bar̄ poponeibinchi beya poxonae tsane xua equeicha patopeicaein, jei Jesús pijimonaetha.

Baja Mateo.

Nacom Pejume Diwesi po diwesi pena jume diwesi xua  
Jesucristo yabara tinatsi  
New Testament in Cuiba

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

### Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Cuiba

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

